

## წინასიტყვაობა.

ამ ნაშრომის პირველი ნაწილი შეიცავს საბერძნეთის ისტორიის უძველეს პერიოდს; სახელდობრ, იგი იწყება ბერძენთა წინაპრების ბალკანეთის ნახევარკუნძულზე მოსვლიდან მესამე ათასეული წლების დასასრულს და მთავრდება ქრ. წ. IX საუკუნით. ამგვარად, იგი ეხება ძველი ბერძნების მდგომარეობას კრეტასა და მიკენის პერიოდში, „ზღვის ხალხთა“ მოძრაობას, ღორიელთა გადასახლებას და მასთან დაკავშირებულ ფაქტებს და ეგრეთწოდებულ ბერძნულ „საშუალო საუკუნეებს“. ვფიქრობ, დიდი დასაბუთება არ დამპირდება ძველი ბერძნების ისტორიიდან ასეთი ნაწილის გამოყოფის მიზანშეწონილობისათვის. დღეს სრულიად სამართლიანად აპყრობს მკვლევართა განსაკუთრებულ ყურადღებას ძველი საბერძნეთის ისტორიის უძველესი პერიოდი ღორიელთა გადასახლებამდე, რადგან იგი ძლიერ მცირედ არის შესწავლილი და ნაკლებად ცნობილი; ამას გარდა, იგი თავისთავად საინტერესოა იმ მხრივაც, რომ წარმოადგენს საეგზეთი დასრულებულ თავისებურ ეპოქას, რომლის გათვალისწინებას შეუძლია მრავალი რამ ახალი შეიტანოს ბერძნების შორეული წარსულის შესწავლაში.

მართალია, დღემდე არ მოგვეპოვება საკმაო საბუთები ამ პერიოდის სათანადოდ წარმოდგენისა და გაშუქებისათვის, მაგრამ არსებული მასალის წყალობით ზოგადი სურათის გათვალისწინება კი მაინც შესაძლებელია. ამასთან, საბერძნეთის ისტორიის ძველი წესით, ე. ი. ღორიელთა გადასახლებიდან დაწყება დღეს უკვე სრულებით მოუხერხებელი და შეუწყნარებელია. მეორეს მხრივ, მიკენის პერიოდის დაცემის შედეგია ბერძნული „საშუალო საუკუნეები“, რომელთა განხილვა ბოლოში საკვიროდ დავინახე თვით ამ პერიოდის უფრო ნათელი გაშუქებისათვის. ამ ნაშრომის მეორე ნაწილში კი გათვალისწინებული იქნება ძველი საბერძნეთის „კლასიკური“ და ელენისტური პერიოდები. საბერძნეთის ისტორიის უძველესმა პერიოდმა ავტორის ყურადღება სპეციალურად ჯერ კიდევ სტუდენტობის დროს მიიზიდა და მას აქეთ იგი, მისთვის მისაწვდომ პირობებში, დრო გამოშვებით მაინც აწარმოებდა ამ დარგში მუშაობას. ასეთი მუშაობის ერთ-ერთი შედეგი იყო 1923 წელს მის მიერ გამოქვეყნებული „ვეროპის პირველი ცივილიზაცია. კრეტა-მიკენის ანუ ეგეოსის კულტურა“<sup>1</sup>, რომელსაც უმთავრეს მიზნად დასახული ჰქონდა არა ძველი ბერძნების შორეული თავგადასავლის განხილვა, არამედ უმთავრესად კრეტა-მიკენის კულტურის მთა-

<sup>1</sup>) ავტორისაგან დამოუკიდებელი პირობების გამო მასში მრავლად გაიპარა სამწუხარო კორექტურული შეცდომები.

ვარი ძეგლების დახასიათება და საერთოდ არქეოლოგიური აღმოჩენების გათვალისწინება, და ამიტომაც მისი გეგმა არსებითად განსხვავდება წინამდებარე ნაშრომისაგან, თუმცა იგი საფუძვლად დაედვა მას. ხოლო აქვე გარკვევით უნდა ითქვას, რომ მასთან შედარებით ახალი ბევრი არა მოუცია რა 1924 წელს რუსულ ენაზე გამოცემულ ზახაროვის<sup>1</sup> და ბოგაევსკის<sup>2</sup> ნაშრომთ, რომლებიც აგრეთვე უმთავრესად ამ კულტურის ძეგლებს ახასიათებენ. სამაგიეროდ, უფრო საყურადღებო ახალ ცნობებსა და მოსაზრებებს გვაწვდის უდროოდ ტრაგიკულად დაღუპული მეკლევიარის დიდრიხ ფიშენის ცნობილი შრომის მეორე გამოცემა<sup>3</sup>. როგორც ამ ძვირუაღმა წიგნმა და ზოგიერთ პერიოდულ გამოცემაში მოთავსებულმა ნარკვევებმა<sup>4</sup>, ისე განთქმული მეკლევიარების ედ. მაჟერისა<sup>5</sup>, ულ. ვილკენისა<sup>6</sup>, კ. შუხჰარდტის<sup>7</sup> და სხვ. ამ დარგში ფრიად საგულისხმეო დასკვნებმა და დებულებებმა დიდი დახმარება აღმოიჩინეს ძველი საბერძნეთის ისტორიის პირველ ნაწილზე მუშაობის დროს<sup>8</sup>.

არღვრულად აღვნიშნე, ამ ნაწილში მოცემულია ძველი საბერძნეთის ისტორიის უძველესი პერიოდი ქრ. წ. მესამე ათასეული წლებიდან IX საუკუნემდე; მაშასადამე, მას დაკისრებული აქვს ფრიად რთული და პასუხსაგები ამოცანა, რადგან სწორედ ეს პერიოდი არის ყველაზე ნაკლებად შესწავლილი და სათანადო წყაროებითაც უაღრესად ღარიბი. ამიტომ ვერ ვიტყვი, რომ დასახული მიზანი საკვებით იყოს შესრულებული, რომ ამ პერიოდის სრული და ნათელი სურათი იყოს წარმოდგენილი და ყველგან გარკვეული პასუხი მოცემული ამათუ იმ საყურადღებო საკითხზე.

მაგრამ ბევრ შემთხვევაში ყოველივე ეს მასალის სიმცირისა და მისი თავისებური „სიძუნწის“ ბრალია. ყოველ შემთხვევაში ავტორი ცდილობდა დასახული მიზნის კეთილსინდისიერად შესრულებას და ამ მხრით კარგად ახსოვდა ცნობილი მეკლევიარის ფიუსტელ-დე-კულანჟის მწარე და საგულისხმეო სიტყვები: „ნეტარ არიან ისინი, ვინც ფიქრობენ, რომ ყველაფერი იციან; მათთვის უცნობია მძიებლის ტანჯვა; ნახევარ-კემშარიტებით კმაყოფილებიან ისინი; ზოგადი ფრაზები საკმარისია მათთვის. ისინი თავის თავში დარწმუნებული არიან. დადიან ისინი მალა აწეული თავით: ისინი მასწავლებლები არიან და ამავე დროს მსაჯულებიც...“ ასეთ „ბედნიერთა და რჩეულთა წრეს“ ჩემ თავს ვერ მივაკუთნებ და არცა მაქვს ამის პრეტენზია... ჩემი ძვირფასი მასწავლებლის — აკადემიკოსის ელადისლავე ბუხესკულის თქმით:

1) А. Захаров, Рейский мур, Петрог. 1924.

2) В. Богданскы в, Крпт. и Мпкеш, Ленинград. 1924.

3) Die d r i e c h F i m m e n, Die kretisch-mykenische Kultur<sup>2</sup>, Leipzig und Berlin 1924.

4) ეს გამოცემები დასახლებულია თავ-თავის ადგილას.

5) E. d. Meyer, Geschichte des Altertums<sup>2</sup> II 1, Stuttgart und Berlin. 1928.

6) Ulrich Wilcken, Griechische Geschichte<sup>2</sup>, München und Berlin, 1926.

7) Karl Schuchhardt, Alt-Europa, München, 1926.

8) ზოგიერთ შემთხვევაში ციტირებულია ი. კარსტის საყურადღებო, მაგრამ ბევრ შემთხვევაში ზეოლე და პრობლემატიური ხასიათის ახალი ნაშრომი. — Joseph Karst, Grundsteine zu einer Mittelländisch-Asianischen Urgeschichte, Leipzig, 1928.

„ქეშმარიტების ძიებისას შეცნობება გაიქცა არა მკუბუქ გზას, ზოგჯერ ეს გზა საესეა წინააღმდეგობითა და იმედის გაცრუებით, და საბოლოო მიზანი არც აგრე ახლოა, როგორც გეეჩენება. ჩვენ წინ შორეული გზაა, ვვესახება პორიზონტის ხაზი, მოჩანს დასახული პუნქტი. ჩვენ მივდივართ და ჩვენ წინ იშლება ახალი შორეული გზა, ახალი პორიზონტი. მისელისას ვხედავთ ხშირად საგნის მხოლოდ ერთ მხარეს, მეორე კი ჩვენთვის დაფარული რჩება. რომ დავინახოთ იგი, მას მეორე გვერდიდან უნდა მივუდგეთ, სხვა გამოსავალი პუნქტი უნდა ავირჩიოთ...“<sup>1)</sup> საბერძნეთის ისტორიის უძველესი პერიოდი ამჟამად ასეთ „შორეულ გზას“ მოგვავაგონებს, რადგან თუ მისი ერთი ხასიათის ძეგლები თვალწინ გვიშლის მხოლოდ ერთ მხარეს, სურათის სისრულისათვის აუცილებლად საჭიროა მას სხვა გვერდითაც შემოვუაროთ და ავამეტყველოთ მისი სხვა ძეგლებიც). ამ მხრით ჯერ კიდევ მრავალი რამ არის გასაკეთებელი.

დასასრულ, დიდ მადლობას მოვახსენებ ლექტორ ვარლამ თოფურიას ამ ნაშრომის სტილის მხრით გადათვალთვლებისათვის.

ალ. წერეთელი.

ტფილისი.  
XI. 1928

---

<sup>1)</sup> Акад. В. И. Бузескул, Речь в ответ на приветствия. Ученно Записки Научно-Исследоват. Кафедры истории европ. культуры. - Харьков, 1929, стр. 8.



# ს ა რ ჩ ე ვ ი

წინასიტყვაობა . . . . .	V
შესავალი . . . . .	1

## თ ა ვ ი I.

### ბერძნები მეორე ათასეული წლების პირველ ნახევარში.

1. საკითხი ინდოევროპიელების განსახლებისა და პირვანდელი სამშობლოს შესახებ. ედ. მაჯერისა და კარსტის მოსაზრებანი . . . . .	5
2. საბერძნეთის პირვანდელი მოსახლეობა: „მცირე აზიელები“. კრეტას კულტურის შუამინოსური პერიოდი . . . . .	10
3. ბერძენი ტომები და მათი პირვანდელი კულტურა ახალ სამშობლოში . . . . .	16
4. კრეტას ახალი (ე. წ. გვიანმინოსური) კულტურა . . . . .	20
5. კრეტას მეურნეობა ამ პერიოდში თქმულება მინოსზე და კრეტას სოციალურ-პოლიტიკური ორგანიზაცია . . . . .	26
6. კრეტელების ძველი სარწმუნოება და კულტი . . . . .	32
7. კრეტას ძველი მოსახლეობის საკითხი; კაფტი და კრეტელები. ფესტის დისკო და ფილისტიმელები . . . . .	39
8. კრეტას დაპყრობა აქაელების მიერ . . . . .	43

## თ ა ვ ი II.

### ბერძნები მიკენის პერიოდში.

1. არგოსი. მიკენი და ტირინთი. არგოსის სამეფო . . . . .	47
2. პელოპონესის სხვა კუთხეები. შუა-საბერძნეთი — ბეოტია, ორქომენი. ევბეა. ატიკა. ეგეოსის კუნძულები. ჩრდილოეთი საბერძნეთი . . . . .	60
3. ვაქრობა მიკენის პერიოდში. სოციალურ-პოლიტიკური მდგომარეობა. უძველესი თქმულებები. სარწმუნოება . . . . .	65

## თ ა ვ ი III.

### მიკენის პერიოდის დასასრული.

1. აქიაგას სამეფო მცირე აზიაში და ბერძნები. „ლუკის ხალხები“. ლიკიელთა გადასახლება და მათი ვინაობა . . . . .	75
2. „ზღვის ხალხთა“ გადასახლებანი. მათი ეთნოგრაფიული ვინაობის საკითხი. . . . .	78
3. ხალხთა დიდი მოძრაობა: ილირიელები და ფრიგიელები; მისიელები; იტალიის ტომები. დორიელთა გადასახლება. მცირე აზიის სანაპიროების კოლონიზაცია. მიკენის კულტურის დასასრული . . . . .	84

## თ ა ვ ი IV.

### ბერძნული ხაზულაო საუკუნეები.

1. ჰომეროსის საკითხი და მისი პოემების ისტორიული მნიშვნელობა . . . . .	91
2. სამეურნეო და სოციალური მდგომარეობა ბერძენი ტომებისა ამ პერიოდში . . . . .	96
3. სახელმწიფოებრივ-პოლიტიკური ორგანიზაცია . . . . .	103
4. ანბანის შემოღება. კულტურა და სარწმუნოება . . . . .	108

შემჩნეული კორექტურული შეცდომების გასწორება . . . . .	115
--	-----



## შ ე ს ა ვ ა ლ ი

არც აგრე დიდი ხანია მას შემდეგ, რაც ძველი საბერძნეთის ისტორიას ჩვეულებრივ დორიელების შემოსევიდან იწყებდნენ, ხოლო თუ ამ ხანას რაიმე განსაზღვრული პერიოდი უსწრებდა წინ, ამის შესახებ გარკვეული წარმოდგენა არავის ჰქონდა. ამავე დროს კი ძველი საბერძნეთის უფრო შორეულ წარსულზე მოგვიტხრობდა ბერძენთა პოეტური თქმულებები, თავისებური ლეგენდები და საგები, ე. ი., ის მოთხრობითი ფორმები. რომლებშიაც ერი თვის დაუწერელ ისტორიას ათავსებს. ამ საგებისაგან, მათი პოეტური გადამუშავების შემდეგ, თანდათან შეიქნა გმირული სიმღერა, სიმღერა ბუმბერაზთა შესახებ, რომელიც საგმირო ეპოსის ჩანასახად უნდა ჩაითვალოს\* (პროფ. გრ. წერეთელი, ბერძნული ლიტერატურის ისტორია, I გვ. 20). ჰომეროსის პოემების მეცნიერულმა ანალიზმა ცხადჰყო, რომ ჰომეროსის ეპოსს წინუსწრებდა პატარა სიმღერები, რომლებშიაც თავისებურ გამოკრთომას ჰპოულობდა კაცობრიობისათვის ჯერ კიდევ საესეებით უცნობი სამყარო. იმავეითვე საფიქრებელი იყო, რომ ამ შემთხვევაში საქმე გვქონდა არა რალაც მითიურ ამბებთან, არამედ შორეული სინამდვილის ერთგვარ გამოძახილთან. ამ მხრით სამართლიანად აღნიშნავს ვილკენი, რომ ჰომეროსის აედებს ჯერ კიდევ ჰქონდათ ცნობები, სხვათა შორის, იმ ფარის გარეგნობისა და მოხმარების შესახებ, რომელიც ჰომეროსის ეპოსის დროს უკვე აღარ არსებობდა. ამას გარდა ცხადია, რომ ის ეპითეტები, რომლებითაც შემკულია ჰომეროსის პოემაში ეს ფარი (მაგ. *ἄμφιπυρρός* — ფეხებამდე დაშვებული, *ἀμφιπύρρον* — კაცის გარემომცველი და სხვ.) გადმოღებულია უძველესი სიმღერებისაგან, რომელთა წარმოთქმელთ ჯერ კიდევ ნათელი წარმოდგენა უნდა ჰქონოდათ მასზე. აღსანიშნავია ის ფაქტიც რომ ჰომეროსის იარაღი უმეტეს ნაწილად ბრინჯაოსაგან არის შემზადებული, მაშინ როდესაც თვით ეპოსი რკინის ეპოქას ეკუთვნის (Ul. Wilcken, Griechische Geschichte, S. 35). ჰომეროსის ეპოსში ტრადიციის ასეთი შემონახვის საყურადღებო მაგალითია კიდევ ნესტორის სიტყვა ილიადაში (IV, 303-309), რომელიც ცხადად გვიჩვენებს, რომ ჰომეროსმა იცოდა ძველი ჩვეულება სამხედრო ეტლების შემქიდროვებული რაზმებით თავდასხმისა, მაშინ როდესაც მის დროს ეტლებზე უწესრიგოდ იბრძოდნენ (A. Lang, Homer and Anthropology, ჟურნალი Anthropology and classics. Oxford 1908, გვ. 56). ეს და სხვა მსგავსი მოსაზრებები, თითქოს, იმას გვიკარნახებდა, რომ უძველესი სიმღერების სახით ჰომეროსის ეპოსში შეიქრა უცნობი სამყაროს მკრთალი გამოძახილი. მაგრამ ყოველივე ამას ყურადღება ნაკლებად ექცეოდა, და მეცნიერების უმრავლესობა ძველ თქმულებებს საერთოდ

უარესად სკეპტიკური თვალსაზრისით უდგებოდა და მათ ყოველგვარ რეალურ საფუძველს მოკლებულად აღიარებდა. იმ დროს გაბატონებული შეხედულებით ეს თქმულებები ისეთ ხანაში იყო შექმნილი, „როდესაც მოისურვეს გაეგოთ, თუ რატომ წააგაგედა ისტორიულ ეპოქაში საბერძნეთი ასე სუსტად იმას, რაც ჰომეროსს აქვს დასურათებული“. ცნობილი მკვლევარი ბელოხი თვისი „საბერძნეთის ისტორიის“ პირველ გამოცემაში სწერდა: „ყველა მსგავსი მოთხრობების უფერულობაჲ კი საქმაოდ გვიმტკიცებს, რომ საქმე გვაქვს უბრალო გონებრივ დასკვნებთან; მოგვითხრობენ აღმოსავლეთიდან საბერძნეთში გადმოსახლებებაზე, მაგრამ ამ თქმულებებს საფუძვლად უდევს შხის მითები, რომლებიც სრულიად განსხვავებულ ხალხთა ცხოვრებაში იწვევდა მსგავსი სახის თქმულებების წარმოშობასო.“

ყურადღების ღირსია ის გარემოება, რომ გროტმა თვის „საბერძნეთის ისტორიაში“, თვალსაჩინო ადგილი დაუთმო ბერძნების ძველ თქმულებებს და საერთოდ 776 წლის წინა ეპოქა ცალკე გამოპყო, რადგან იგი, მისი აზრით ეპიური პოეზიისა და ლეგენდის ატმოსფერით განსხვავდებოდა; მაგრამ იგი შეგნებულად უარს ამბობს მითების ყოველგვარ განმარტებაზე და ამასთან ერთად ბოდიშს იხდის მკითხველების წინაშე, რომ უძველეს ხანას ასწერს ისე, როგორც ეს ბერძნებს ჰქონდათ წარმოდგენილი და არ ცდილობს გამოზომოს, თუ რამდენია მასში ისტორიული ელემენტი. „თუ მკითხველი ამისათვის მე გამკიცხავს, ამბობს იგი, თუ ის მკითხავს, რატომ არ ვსწევ ფარდას და არ ვაჩვენებ სურათს, მე ეუპასუხებ მხატვრის ზევესისის სიტყვებით, როდესაც მას მიმართეს ასეთივე კითხვით მისი მხატვრული ნაწარმოების გამოფენის დროს: სწორედ ფარდაა თვით სურათი!.. ის, რაც ჩვენ ახლა მოგონილ ამბად და ლეგენდად გვეჩვენება, ოდესღაც საერთოდ აღიარებული ისტორია იყო, წარსულის ერთად ერთი ნამდვილი ისტორია, როჰლის გაგება და სიამოვნებით მოსმენა შეძლოთ ძველ ბერძნებს: ფარდა აკაფერს არ ჰფარავს და აკავითარ გონება— მახვილობას არ ძალუძს მისი გადაწყვეაო“. რასაკვირველია, გროტი შეცდა, ფარდა მართლაც ჰფარავდა გარკვეულ რამეს და ის, რაც მიუწვდომელი მოჩანდა ყოველგვარი გონებამახვილობისათვის, შეაძლებელი გახდა არქეოლოგიისათვის. არქეოლოგის ნიჩაბი შეიქნა „პერმესის ის გრძნეული კევრთხი“, როჰლის მეოხებითაც მისი სინათლე იხილეს მრავალ საუკუნის განმავლობაში მიწაწაყრილმა და „ღრმა ძილში წასულმა“ უძველესმა ქალაქებმა თავისი კულტურის ნივთიერი ძეგლებით.

შლიმანია, დოერპფელდისა, ევანსისა და სხვა მკვლევართა უდიდესი აღმოჩენების წყალობით სურათს: ფარდა მაინც აეხადა და გაკვირვებული კაცობრიობის წინაშე წარმოსდგა სრულიად ახალი ქვეყანა, ახალი ბრწყინვალე კულტურა, რომელიც საბერძნეთსა და კუნძულებზე არსებობდა და ვითარდებოდა გაცილებით უფრო ადრე, ვიდრე ბერძნები ისტორიის ასპარეზზე გამოვიდოდნენ. მიკენის სახელწოდების მიხედვით, სადაც შლიმანმა აღმოაჩინა ამ კულტურის ძეგლები, მას მიკენის კულტურა უწოდეს, მაგრამ შემდეგში გამოიჩინა, რომ მიკენის კულტურა მხოლოდ ნაწილია იმ დიდი კულტურისა, რომელიც ხანგრძლივად ყოფილა გამეფებული უფრო ვრცელ რაიონში. დღეს ამ კულტურის



ცენტრად მიჩნეულია არა მიკენი, არამედ კრეტა, რომლის კულტურას ევანსმა მინოსის კულტურა უწოდა. საერთოდ ამ კულტურას კრეტა-მიკენის ანუ ეგეოსის კულტურის სახელით ეცნობთ. ეგეოსის კულტურას მას იმიტომ ვუწოდებთ, რომ იგი უმეტესად ამ ზღვის მიდამოებში იყო გავრცელებული. ერთი ინგლისელი მწერლის სიტყვით, იგი სხვა ცივილიზაციებთან შედარებით ყველაზე მეტად არტიტული და ესთეტიური იყო. ეს კულტურა საფუძვლად დაედო ბერძნების ცივილიზაციას, მაგრამ იგი თავისი ხასიათით და ბუნებით არა ბერძნული წარმოშობისა უნდა იყოს; ხოლო მისი უკანასკნელი პერიოდი, სახელდობრ, მიკენის კულტურა გარკვეულად აქაელთა, ე. ი. ბერძენთა კულტურად უნდა ჩავთვალოთ. დღეს მისი გამოკვლევის და შესწავლის საქმე ისეთ დონეზეა დაყენებული, რომ ძველი საბერძნეთის ისტორიის მკვლევარი უკვე გვერდს ველარ აუხევეს ამ უძველეს პერიოდს და იძულებულია თავისი ყურადღება აუცილებლად შეაჩეროს მის გაშუქებაზე. მეორის მხრით ძველი აღმოსავლეთის ისტორიის დარგში წარმოებულმა მეცნიერულმა მუშაობამ ცხადყო, რომ საბერძნეთის წარსულის შესწავლა მისგან სავსებით დამოუკიდებლად უკვე შეუძლებელია. ზოგიერთ საყურადღებო ცნობას, რომელიც ძველი აღმოსავლეთის ქვეყნების ნიადაგზე იქნა მოპოვებული, საყურადღებო წვლილი შეაქვს ძველი საბერძნეთის ისტორიის სარგობაშიც. ამ მოვლენებთან დაკავშირებით საბერძნეთის შორეული წარსულის გათვალისწინებას ვიწყებთ უკვე ქრ. წ. მესამე ათასეული წლების დასასრულიდან, როდესაც ბერძენთა წინაპრები ბალკანეთის ნახევარკუნძულზე უნდა მოსულიყვნენ.

ამასთან დაკავშირებით კრეტას კულტურის მოკლე დახასიათებას ვიწყებთ მისი ეგრეთწოდებული შუამინოსური პერიოდიდან (ქრ. წ. დაახ. 2000—1600 წ.) რადგან მხოლოდ მისი გავლენა განიცადეს არსებითად ახალ სამშობლოში გადმოსახლებულმა ბერძნებმა. ჩვენ უმთავრეს მიზანს წარმოადგენს საბერძნეთის ისტორიის გათვალისწინება იმ დროიდან, როდესაც მის მიწაწყალზე გაჩნდნენ ბერძნების წინაპრები, ამიტომ განხილვის გარეშე დაეტოვებთ, როგორც კრეტას კულტურის ეგრეთ-წოდებულ აღრემინოსურ პერიოდს, ისე მის წინა დროს— ნეოლითისა და ენეოლითის ეპოქას საბერძნეთსა და კრეტაში<sup>1</sup>.

<sup>1</sup>) მის შესახებ იხ. Fimmen, Kultur, გვ. 125—130. Богаяевский, Крит в Мн-кобы, гл. 15—55.



## ბერძნები მეორე ათასეული წლების პირველ ნახევარში,

1. ხაკითხი ინდოევროპელების განსახლებისა და პირვანდელი სამშობლოს შესახებ: ედ. მაჯერისა და იოს. კარსტის მოხაზრებანი.

როგორც ცნობილია, ბერძნები, რომელთა წინაპრებიც მესამე ათასეული წლების დასასრულს შეიქრენ ბალკანეთის ნახევარკუნძულზე, ეკუთვნიან ინდოევროპულ (ინდოგერმანულ, ინდოკელტურ, არიულ) მრდგმას და, მაშასადამე ენათესავეებიან ერთის მხრით იტალიკებს, კელტებს, გერმანელებს, სლავებს, მეორის მხრით კი ინდოელებსა და ირანელებს. მეცნიერებაში მიღებულია ის აზრი, რომ ინდოევროპულ ენებზე მოლაპარაკე ხალხთა უმეტესი ნაწილი ოდესღაც ერთ ხალხს — ინდოგერმანელ პრეხალხს, პრეარიელებს შეადგენდა. ხოლო მათი წარმოშობისა და პირვანდელი სამშობლოს შესახებ მეცნიერებაში დღემდე არ მოგვეპოვება საბოლოოდ ჩამოყალიბებული და მიღებული აზრი. ერთი შეხედულების თანახმად, ყველა ინდოევროპელთა პირვანდელი სამშობლო იმყოფებოდა ცენტრალ აზიაში, ხოლო მათი განსახლების საერთო სურათი ასეა წარმოდგენილი: ნაწილი ინდოგერმანელებისა დარჩა აზიაში და გაიყო ირანელებად, რომელთაც ირანის მთავრები დაიკავეს, და ინდოელებად, რომლებიც ინდოსტანის ნახევარკუნძულზე ჩამოვიდნენ, პირველად პენჯაბში და შემდეგ კი განგის ველსაც დაეუფლენ. ხოლო მეორე ნაწილი ინდოევროპელებისა კავკასიით თუ ბოსფორითა და ჰელესპონტით გადავიდა ევროპაში.

მეორე შეხედულებით კი ინდოევროპელების სამშობლო აზიაში კი არ უნდა ექნოთ, არამედ ევროპაში, სახელდობრ, ცენტრალ და ჩრდილოეთ ევროპაში, ან რუსეთის სამხრეთ ნაწილში, და სხე.

ჩვენ აქ არ შეუდგებით ამ საკითხის გარეშეშეშე წარმოშობილ ყველა მოსაზრების ჩამოთვლასა და განხილვას და დავკმაყოფილდებით იმ ფაქტის აღნიშვნით, რომ მეცნიერებაში კამათი სწარმოებს უმთავრესად ორი მთავარი დებულების გარეშეშეშე: ინდოგერმანელები აზიური თუ ევროპული წარმოშობისა არიან, ე. ი. მათი პირვანდელი სამშობლო აზიაა, თუ ევროპა.

აღნიშვნის ღირსია ის აზრი, რომელიც ამ ორიოდე წლის წინათ გამოსთქვა ენათმეცნიერმა გუნთერ იპსენმა ერთ თვის საყურადღებო წერილში<sup>1</sup>: იგი ფიქრობს, თითქოს ინდოგერმანელები ვიწრო ზოლებად მიემართებოდნენ

<sup>1</sup>) Gunther Ipsen, Der Alte Orient und die Indogermanen - კრებულში Stand und Aufgabe der Sprachwissenschaft Heidelberg 1924, გვ. 200—237.

შუაევროპიდან აღმოსავლეთ ირანისაკენ; ამასთან ერთად იგი მათი საერთო განსახლების ერთგვარ სურათსაც გვიხატავს, თუმცა ეს უკანასკნელი მას თავდაპირველ მოვლენად არ მიაჩნია და თვით საკითხსაც გადაწყვეტილად არა სთვლის. უფრო გარკვეულ შეხედულებას ამ საკითხზე გვაძლევს ცნობილი მკვლევარი ედ. მააერი<sup>1)</sup>. იგი მას ძველი აღმოსავლეთის ისტორიას უკავშირებს და Rhode's მსგავსად ინდოევროპელების პირვანდელ სამშობლოს ბაქტრიაში აწესებს. როგორც ვიცით, ინდოევროპელების პირველ შტოდ, რომელიც ისტორიის ასპარეზზე გამოდის, ედ. მააერს ის ინდოევროპელები მიაჩნია, რომლებიც დამპყრობლებად გვევლინებიან ხეთელების ქვეყანაში.

ამ ინდოევროპელი „ხეთელების“ ენა თვის გრამატიკულ საფუძველში ინდოევროპულ ენად მოჩანს, მაგრამ ამასთან ერთად იგი შეიცავს მრავალ უცხო ელემენტს. ენის ასეთი შერევა გვიმტკიცებს, რომ აქ ინდოევროპული მოდგმის ხალხი დაპყრობის საშუალებით შემოიქრა და თვის ენაში, როგორც ლექსიურად, ისე გრამატიკულად ადგილობრივი ძველი მოსახლეობის ღრმა გავლენა განიცადა. მცირე აზიაში მათი გადმოსვლისა და თავგადასავალის შესახებ ჩვენ ცნობები არ მოგვეპოვება, მაგრამ მათი ენის თავისებური ხასიათი ნებას გვაძლევს, ვიფიქროთ, რომ მათი გადმოსვლა მოხდა არა უგვიანეს მესამე ათასეული წლების ნახევრისა და რომ დამპყრობელთა ფენი ძლიერ თხელი იყო. ადგილობრივ მცხოვრებლებთან შერევის შედეგებით მათ მიიღეს ამ მოსახლეობის ფიზიკური ტიპი და, როგორც ენობრივად, ისე კულტურულად მისი დიდი გავლენა განიცადეს<sup>2)</sup>. მიტანის სამეფოშიც ვამჩნევთ არიული წარმოშობის დინასტიას. როგორც სირიაში, ისე აქაც სამხედრო არისტოკრატია ინდურ სახელწოდებას — marjanni - ს ატარებდა. დინასტიების მრავალი არიული სახელი გვხვდება სირიასა და პალესტინაში ხარულ და სემიტურ სახელწოდებათა გვერდით.

სხვათა შორის ეგვიპტის 18-19 დინასტიების (დაახ. 1580-1200) დროის ძეგლები ნათლად გვიშლის თვალწინ ხალხთა ასეთი შერევის სურათს: სირიელ ტყვეებს შორის მკვეთრად დახასიათებულ სემიტებისა და მათგან განსხვავებულ ხეთელების გვერდით ჩვენ ვხედავთ სრულებით სხვაგვარ გამოხატულებათ — წვერიანსა და უწვერო სახეებს, ნაწილობრივ ჰალარაშერთულებს, პირსახის წმინდად ჩამოსხმული ნაკეთებით, გრძელი, ზევით გაბრტყელებული და შუაში ოდნავ ჩაზნექილი თავის ქალათი. ამგვარად, მრგვალთავიანი სემიტებისა და მოკლეთავიანი ხეთელებისაგან განსხვავებით წარმოდგენილი არიან ნამდვილი დოლიხოკრეფალები (გრძელთავიანები). წინა აზიის ხალხთა წრეში ისინი მოჩანან, როგორც სრულიად უცხო ელემენტი, და განასახიერებენ უფრო იმ ტიპს, რომელსაც ჩვენ ევროპელებსა და სპარსელებს შორის ვხვდებით; ამით თითქოს მტკიცდება marjanni-ის წარმოშობის შესახებ ენობრივი მოწმობის სინამდვილე. ბოლანჯოის ბიბლიოთეკაში აღმოჩნდა ერთი დიდი ტექსტი ცხენების მოშენების შესახებ, რომლის ავტორია ვინმე კიკული მიტანიდან; დაწერილია იგი „ხეთურ“ ენაზე, ხოლო წერის ტექნიკა ინდურია. ამიტომ უნდა ვიფიქროთ, რომ

1) იხ. მისი, Geschichte des Altertums II 1, გვ. 33 — 41.

2) იხ. ალ. წერეთელი, ძველი აღმოსავლეთი, I, გვ. 65, 69.

სარული მიტანის<sup>1)</sup> მიღამოებში დაბინავებული იყო ინდური მოსახლეობა, რომლისათვისაც კარგად ცნობილი ყოფილა ცხენების მოშენება და ეტლების შეჯიბრება ჰიპოდრომზე; ხარელებსა და ხეთელებს ყოველივე ეს მათგან შეუსწავლიათ და უკვე მოშინაურებული ცხენისა და ურმის მოხმარება ამას შემდეგ დაუწყიათ. მრავალჯერ ყოფილა გამოთქმული მოსაზრება, რომ ინდოელები, როგორც აენგარდი არიელთა დიდი გადასახლებისა, რომელმაც ისინი ირანზე გაველით ინდის „შვიდი მდინარის მხარეში“ და უფრო შორს—განგთან მიიყვანა, კავკასიით უნდა შემოკრილიყვენ, ან რომ მათ შემდეგ თან მოჰყვენ ირანელები. მაგრამ ასეთ მსჯელობას ეწინააღმდეგება ფრიალ საყურადღებო მოსაზრებები. საქმე იმაშია, რომ სწორედ ის მხარეები, სადაც ეს ტომები პირველად უნდა დასახლებულიყვენ და ისტორიული განვითარებისათვის მიეწლიათ, შემდეგში ისე უნდა ყოფილიყო განწყობილი მათგან, რომ მათი რაიმე კვალი არსად არ დარჩენილიყო. ამ მხრივ აღსანიშნავია ის, რომ პირთა და ადგილების მრავალრიცხოვან სახელებში, რომლებიც ჩვენ არმენიიდან ასირიის დროის დასასრულამდე გვაქვს გადმოცემული, სრულებით ვერ ვპოულობთ რასმე ინდოგერმანულს; ამას გარდა თვით მიდიის მთიანი მხარე დასახლებული ყოფილა არაარიული ტომებით. აქედან ჩანს, რომ არიელი მიდიელები აღმოსავლეთიდან გადმოვიდნენ აქ და თანდათანობით მიადწიეს გაბატონებულ მდგომარეობას. ამასთან ერთად შეუძლებელია ვედების ეპოქა და მასთან დაკავშირებული თავისებური განვითარება ინდოეთისა ქრ. წ. 1500 წელს იქით გადავიწით; ხოლო ინდოელების დამკვიდრება „შვიდი მდინარის მხარეში“ ამაზე საუკუნეებით ადრე უნდა მომხდარიყო. არაბეთიდან გამოსულ გადატრიალებათა გამოკლებით, ხალხთა ყველა დიდი მოძრაობა, რომელთაც მსოფლიო ისტორიის მსვლელობაში არაერთგზის შესცვალეს ევროპა-აზიის განვითარება, მოემართებოდა არა დასავლეთიდან აღმოსავლეთისაკენ, არამედ ცენტრალ აზიიდან დასავლეთისაკენ. ამ მოძრაობათაგან პირველი იყო ისელონიდან გამომდინარე სკითური მოძრაობა, რომელიც ისტორიული ცნობების მიხედვით ოდნავ ხელშესახებია. შემდეგ მოდიან ინდოსკითური ტომები ტოხარელები და მათი თანამოძმენი, ჰუნები, ჰეფტალიტები, ქრ. შ. VI საუკუნეში დაწყებული და საუკუნეთა განმავლობაში გაგრძელებული თურქების გადასახლება და, დასასრულ, მონგოლები. სპეციალურად ირანული ტომების მიმართაც ველებში კასპიისა და შავი ზღვის ჩრდილოეთით ვხედავთ მსგავსავე მოძრაობას, რომელსაც ძველ დროს სიგინები, უფრო გვიან იაციგები უნგრეთის ბარამდე, ხოლო ალანები თითქმის ესპანიამდე მიჰყავს. რაც შეეხება ირანს, მისი მხარეებისა და მცირე აზიის ავსება თურქული ტომებით, სელჯუკებით, თურქმენებით, ოსმალებით, კაჯარებით და სხვ. სრულებით ანალოგიურია.

საერთოდ ე. დ. მ ა ე რ ი თავის მსჯელობას ასეთ დასკვნას უკეთებს: უფრო სამართლიანია გავიზიაროთ ის ძველი მოსაზრება, რომ არიელი ტომები, როგორც ირანში, ისე ინდოეთში ჩრდილოეთ-აღმოსავლეთიდან—ბაქტრიიდან და მის მეზობლად მდებარე ქვეყნებიდან იყვენ გამოსული. ცალკეული წინამძღო-

1) ამ ტერმინის შესახებ იხ. ალ. წერეთელი, ძველადნ. I, გვ. 68.

ლები თავისი ლაშქრით, რომლებიც ნაწილობრივ ინდურ, ნაწილობრივ ირანულ დიალექტზე ლაბარაკობდნენ, გადადიოდნენ უფრო დასავლეთით და ზოგიერთ დასახლებულ პუნქტებში ბატონობას აღწევდნენ, მაგრამ თანდათანობით ითქვიფებოდნენ, თავისი სიმციროს გამო, თავის ქვეშევრდომთა შორის. მეორის მხრივ ყოველივე ის, რაც ჩვენ შეგვიძლია დღემდე გავიგოთ და აღმოვაჩინოთ ინდო-გერმანელების ევროპა-წინა-აზიის მიდამოებში გავრცელების შესახებ, იმას გვიმტკიცებს, რომ ეს განსახლება შესამე ათასეული წლების ნახევარში უნდა დაწყებულიყო. სხვათა შორის ის შეხედულება, თითქოს ინდოგერმანელების სამშობლო გერმანიის მიწა-წყალზე არსებობდა, ენობრივი მასალის მიხედვით დიდ სიძინელეთ იწვევს, რადგანაც თითქმის ყველა სხვა ინდოგერმანულ ენებთან შედარებით გერმანული ენები თავისი მისაწვდომი უძველესი სახით, მეტად დაშორებული არის პირვანდელ ენას. ამგვარად, ცნობილი მეცნიერის შეხედულებით, ყველა ინდოევროპელი ტომების და მამასადამე ბერძნების წინაპრების პირვანდელი სამშობლო ცენტრალ-აზიაში უნდა ვეძიოთ.

უფრო ბუნდოვანია ი. კარსტის შეხედულება ამ საკითხზე, რომელიც ედ. მაფერის მოსაზრებას ცხადად ეწინააღმდეგება. მისი მუკიცებით, ინდოარიელებსა და ალაროდიელებ-პელასგებს ერთ დროს პროტობასკების მეზობლად უნდა ეცხოვრათ. აგრეთვე საფიქრებელია, რომ ევსკალდუნაკსა (პროტო-ბასკებსა) და არიელებს საერთო აღმოსავლეთ-ეგეოსური—წინაზიური პრესამშობლო უნდა ჰქონოდათ. პროტოარიელების სამშობლო უნდა გადაეიტანოთ არკადულ-ლიკონიურ ხმელეთზე (ლიტონია ან ლიქტონია). ამ აღმოსავლეთი შუა-ხმელეთის კერძო-ფრიგიული ლიქტონიიდან განსახლდნენ: 1. ევსკალდუნაკი ჩრდილოეთ-აღმოსავლეთით ლელეგურ-პონტურ მხარეებში და დასავლეთით ჰესპერო<sup>1)</sup> - ესპანიაში; 2. პროტოარიელები ერთის მხრით არამეასა, ჩრდილოეთ წინა-აზიასა და ინდოეთში, მეორის მხრით კი ლიბიურ ჰესპერიაში. მხოლოდ აღმოსავლეთის აზიის არიელებმა შესძლეს თავისი თავის ენის მხრით და ეთნიურად დაცვა ჩვენ დრომდე, მაშინ როდესაც პრეისტორიული ჰესპერიის არიული მოსახლეობა ადრევე იქნა წალეკილი ქამიტო-ლიბიელებისა და კელტოიდურ დასავლეთ-ინდოგერმანელთა ტალღის მიერ (Urgeschichte, გვ. 60). ამგვარად, პროტო-არიელების სამშობლო კარსტის მიხედვით ეგრეთწოდებული ლიტონია (ლიქტონია) იყო და აქედან განსახლდნენ ისინი სხვადასხვა მხრით. ამვე დროს იგი გარკვევით აღნიშნავს, რომ აღმოსავლეთი არიელები თავისი პირვანდელი საცხოვრებელი ადგილებით პროტო-იბერების<sup>2)</sup> მეზობლები უნდა ყოფილიყვნენ წინა აზიაში. (ibid, გვ. 170).

საერთოდ კარსტისა და ედ. მაფერის მოსაზრებათა ურთიერთ შორის შედარება გვარწმუნებს, რომ უქნასკენლის შეხედულება გაცილებით უფრო ნათელი, გარკვეული და დასაბუთებულია, ვიდრე პირველის. ამიტომ უფრო მისაღებად ედ. მაფერის მოსაზრება უნდა ჩაითვალოს, რომ ინდოევროპელების პრესამშობლო ცენტრალ აზიაში მდებარეობდა. რასაკვირველია, ეს არ არის საკიდ-

1) Hesperia (ἠσπερία) — დასავლეთი, დასავლეთის ქვეყნები.  
 2) კარსტის აზხით პროტო-იბერიები = ლიქტონი-პროტო-პირელოზურა ხალხები

ხის საბოლოო გადაწყვეტა, მაგრამ არსებულ თეორიათა შორის იგი, ჩემი აზრით, დღეს ყველაზე უფრო მისაღებია.

შედარებით უფრო საგულისმძიეროა კარსტის მოსაზრებები პროტო-ქალდეების კულტურული როლის შესახებ წინა-ინდოეთში (Urgeschichte, გვ. 172-174). მისი აზრით, პროტო-ქალდეებისა თუ სუმერელებ-ელამიტების სახით წარმოდგენილი იბერული ხალხთა სამყარო ოდესღაც წინა-ინდოეთშიც იყო გავრცელებული და აქ პრეისტორიულ ხანაში კოლონიზატორულ-კულტურული ზედა ფენი შეუქმნია, რაზე ემყარება ამ შემთხვევაში კარსტი?

1. ჰეროდოტეს ტრადიციას ეგვიპტელების პრეისტორიულ გადასახლების შესახებ კოლხიდაში (II, 104). ამ უკანასკნელში მას სურს შეიცნოს არა პონტის, არამედ პუნტი<sup>1</sup> კოლხიდა, ე. ი. მხარეები კავკასია—ინდიკუს და ინდურ ოკეანეს შორის და უწინარეს ყოვლისა წინა-ინდოეთი რომლის მიმართაც ძველ გეოგრაფიაში მრავალ ადგილას არის შემონახული სახელწოდება—კოლხიდა. კოლხიდური ინდოეთი ეფარდება ამ რაიონის იბერულ, ე. ი. პრეისტორიულ პერიოდს.

2. ბეროსეს ცნობებს ქალდეების მეტროპოლის--ლანკარასა და პანტიბიბლონის შესახებ (Euseb. Chron. I. Chald. თ. I შმდ.), რომლებიც სუმერო-იბერების მომავალ სამხრეთ-აღმოსავლეთით გავრცელებაზე მიგვითითებს, რადგან ლანკარა უდრის ცეილონისა და სამხრეთ-ინდოეთის ძველ სახელწოდებას--ლანკას, ხოლო პანტიბიბლონი თუ პანტიბიბლონი უნდა იყოს პუნტი, ე. ი. ინდოეთი.

3. ინდოეთის ენობრივ და ტომონიმიკურ მასალას. სხვათაშორის, იგი სპილოს ძელისა და თვით სპილოს ინდურ სახელებს დასავლეთ-წინააზიურ წარმოშობას მიაკუთვნებს.

4. ანთროპოლოგიურ—ფიზიოლოგიურ მოსაზრებებს: ზოგიერთი ინდური კასტა, როგორც, მაგ., ბანიანები, ააშკარავებს კუშიტო-ქამიტოიდურ ხასიათს; სუმერული თუ აგრეთვე ეგვიპტოიდური ტიპი ჰინდუსტანსა და დეკანში მძლავრად გვიდგება თვალწინ. ის, ვისაც ჩვენ ჩვეულებრივად, საერთო მიღებული ტერმინოლოგიის თანახმად, ინდო-არიელებს ვუწოდებთ, არის შერეული ხალხი, რომელშიაც სქარბობს პრეარიული იბერული ელემენტი, გრძელთავიანი, შავგვრემანი, ტანადი ადამიანების ტიპი. არიელობის მთავარ წარმომადგენლებად კი კარსტს კმატრიები (სამხედრო კასტა) და პენჯაბსა და ჩრდილოეთ-დასავლეთ ინდოეთში დამკვიდრებული ცალკეული სოფლური ტომები მიაჩნია; ხოლო ბრაჰმანების კასტა, მისი აზრით, პროტო-იბერული წარმოშობისა უნდა იყოს.

<sup>1</sup>) ცნობილია, რომ პუნტი დასახლებულია აგრეთვე ეგვიპტურ წყაროებშიც, მაგ. ხატ-შეპსურის ცნობილი ექსპედიცია (16 ს—ის დასასრულში) პუნტში და სხვ. მაგრამ ამ შემთხვევაში გარკვეულად ითვლება, რომ ეს პუნტი არა სამხრეთ არაბეთში, როგორც წინააღმდეგედენ, არამედ აფრიკის ნაპირების მახლობლად უნდა ყოფილიყო (W. M. Müller, Asien und Europa, გვ. 106, შმმდ.). რამდენად სამართლიანია კარსტის განპარტება პუნტის მდებარეობისა ან რას ნიშნავს პუნტი — სანაპირო მხარეები? (Punt--Küstenländer)? ჩემი აზრით, ეს საკითხი გამოსარკვევია.

მისი სიტყვით, ეს მტკიცდება, გარდა ამ კასტის თეოკრატიულ-კულტური საფუძელისა, რაც იბერულ დასავლეთ-აზიურ წარმოშობას ააშკარავებს, სხვათაშორის, მისი ნაწილობრივი გაიგივებით პანდავას ტომებთან ინდურ საგმირო სიმღერებში (მაჰაბჰარატა). კასტის განმარტებით, პანდუ (პანდავა) ანუ პანდიონები ეწოდება წინა-არიულ ინდოეთში იბერული კულტურულ ფენის მთავარ წარმომადგენლებს. პანდიონები ანუ პანდავას სამეფო და ხალხები ცეილონში, სამხრეთ დეკანში და ვანგის მხარეში აღნიშნავენ იბერების განსახლებას, რომელთა მთავარი ბინადრობა პინდუსტანსა და სამხრეთ ინდოეთში უნდა ყოფილიყო. წინაბერძნული ეგეოსის ქვეყნებში მათ შეესაბამებოდნენ ლიკიურ-მცირე-აზიელი და ატიკელი პანდიონების ტომები. ამგვარად, უნდა ვიგულისხმოთ პროტო-იბერული ხალხთა გაერთიანებული წყება, რომელიც უძველესი დროიდან განსახლებული იყო თავისი მესოპოტამიურ-სუმერული ცენტრიდან ახალშენების სახით ერთი მხრით ინდოეთსა და ცეილონში, მეორის მხრით კისირია-სამხრეთ-დასავლეთ მცირე აზიაში ატიკამდე, ხოლო აქედან ისინი, ალბათ, გავრცელდნენ შუა-ხმელეთის კუნძულებსა და სანაპიროებზე სამხრეთ-აღმოსავლეთ ესპანისა და მცირე აფრიკამდე. ჰესპერიული იბერები. ორგანიულ გაგრძელებას წარმოადგენენ აზიელი იბერებისა.

როგორც ვხედავთ, გარკვეული სურათია მოცემული აზიისა, მცირე აზიისა და შუა-ხმელეთის უძველესი მოსახლეობის შესახებ, მაგრამ ძნელია იმის თქმა, რომ კასტის ამ დებულებას თან ახლდეს სავსებით დამარწმუნებელი მოსაზრებანი და საბუთები, ან მისი მსჯელობა ამ დარგში სრულებით ორიგინალური იყოს<sup>1)</sup>. ყოველ შემთხვევაში ეს თეორია მაინც ყურადღებისა და შესწავლის ღირსია.

2. საბერძნეთის პირვანდელი მოსახლეობა; მცირეაზიელები. კუნძული კრეტა და მისი კულტურის შუაშინოსური პერიოდი.

ბერძენ ტომთა დანაწილებისა და განსახლების შესახებ ჩვენ შეგვიძლია მხოლოდ მკრთალი სურათი წარმოვიდგინოთ: საყურადღებოა ის გარემოება, რომ თვით ბერძნებს არ ჰქონდათ დაცული მოგონება თავისი წინაპრების შორეული ადგილებიდან გადმოსახლებაზე და ამიტომაც თავს აეტოქთონებად თვლიდნენ. ამავე დროს კი ისინი მოგვიტხრობენ სხვადასხვა ამბებს მათ ქვეყანაში მომხდარ გადატრიალებათა და გადასახლებების შესახებ. ამ მხრით განსაკუთრებულ გავლენას ახდენდა გენეალოგიურ პოემებში დაცული და ძველი ისტორიკოსების მიერ თავისებურად განვითარებული კონსტრუქციები პირვანდელ ხალხზე, ეგრეთწოდებულ პელასგებზე. მაგრამ სამართლიანად აღნიშნავს ვილკენი

<sup>1)</sup> ძველი ბაბილონისა და პირენეების ნახევარკუნძულის (აჯროთვე მცირე აზიისა, კრეტასა და ეტრუიის) უძველესი ურთიერთობის შესახებ იხ. Ernst Assmann-ის ნაშრომი „Babylonische Kolonisationsarbeit in dem vorgeschichtlichen Spanien“ (Festschrift zu Lehmann-Haupts 60. Geburtstag, Wien—Leipzig, 1921) და სხვ.



(Griech. Geschichte გვ. 16), რომ საბერძნეთის პირვანდელი მოსახლეობა პელასგები არ ყოფილან და ასეთებად ისინი მხოლოდ ლეგოგრაფოსების ისტორიული საეკულაციის წყალობით იქნენ აღიარებული, და რომ ნამდვილი პელასგები მხოლოდ სამხრეთ თესალიაში ესახლენ. მაშ ვინ წარმოადგენდა საბერძნეთის პირვანდელ მოსახლეობას? იგი შესდგებოდა უფრო მცირე აზიის ტომისაგან — კარიელეებისაგან, რომლებიც ბინადრობდენ კუნძულებზე, და ლელეგებისაგან<sup>1)</sup> რომელთა არსებობას შუა და სამხრეთ საბერძნეთში თქმულებებიც ადასტურებენ. რომ ბერძნებზე წინ საბერძნეთში მცირე აზიის მოსახლეობის მონათესავე სხვა ტომი ბინადრობდა, ეს კარგად ჩანს საბერძნეთში დაცული მრავალრიცხოვანი არა ბერძნული გეოგრაფიული სახელწოდებიდან<sup>2)</sup>. დაბოლოებანი — nth, nthos (Korinthos) და assos, essos (Parnassos, Brielessos) თვის ანალოგიას მცირე აზიის ენებში ჰპოულობს. ამიტომ საფიქრებელია, რომ საბერძნეთის პირვანდელი მოსახლეობა „მცირეაზიელების“ მოდგმის ხალხს ეკუთვნოდა. მაგრამ საჭიროა გამოვარკვიოთ რაობა და შინარსი თვით ტერმინისა „მცირეაზიელები“ (იხ. ედ. მაჟერი G. d. A. II 1, გვ. 11. ვილკენი 14-15, ალ. წერეთელი ძვ. აღმ. I, გვ. 62).

„მცირეაზიელები,“ როგორც დამოუკიდებელი ენობრივი ოჯახი, დადგენილ იქნა ცნობილი ენათმეცნიერის პაულ კრეჩმერის მიერ, ხოლო ანთროპოლოგიურად მისი მთლიანობა ფელიქს ლუშანმა დაამყარა. ძველი აღმოსავლეთის ისტორიაში მცირე აზიას განსაკუთრებული ადგილი ეკავა იმიტომ, რომ აქ არცერთი სემიტური მოდგმის ხალხი არ ყოფილა დამკვიდრებული. ენათმეცნიერები გვარწმუნებენ, რომ, თუ მხედველობაში არ მივიღებთ შემდეგში გაღმოსახლებულ ინდოევროპელ ხალხებს, ყველა დანარჩენი ადგილობრივი მკვიდრნი, ზოგიერთ სპეციფიურ განსხვავებათა მიუხედავად, ქმნიან ენათა საკუთარ ოჯახს, რომელსაც კავშირი არ აქვს არც ინდოევროპულ და არც სემიტურ ენებთან, და პირიქით სრულიად დამოუკიდებელი სახით გვევლინება მათ გვერდით. ეთნოლოგიურად ისინი ქმნიან მთლიან მასას, რომელიც არაჩვეულებრივი მოკლე თავით (ჰიპერბარახიცფალეები) და მრუდე ცხვირით ხასიათდება. „მცირეაზიელები“ ორ ნაწილად უნდა გავყოთ: დასავლეთ მცირეაზიელებად — ლიდიელები, ლიკიელები, და აღმოსავლეთ მცირეაზიელებად — პისიდიელები, ლიკონიელები, კარიელები. ისავრიელები, კილიკიელები, კაბადოკიელები, ხეთელები. ტერმინი „მცირეაზიელები“ საესებით დამაკმაყოფილებელი არ არის, რადგანაც ზოგიერთი მისი შემადგენელი წევრი მცირე აზიიდან საკმაოდ მოშორებით ცხოვრობდა, ამიტომ ამ ტერმინის მიღება შეიძლება მხოლოდ პირობით. შესაძლე-

<sup>1)</sup> კარსტის აზრით, პროტო-კარიელეები = ლელეგები (რომლებიც განსხვავდებიან ისტორიულ ან დევტერო-კარიელებისაგან), ლიგური-ბასკოიდური კარის ხალხი იყვნენ (Urgeschichte, გვ. VIII) პროტობერების საბერძნეთშიც განაალებს შესახებ კარსტის მოსახრება იხ. ზემოთ, გვ. 12.

<sup>2)</sup> იხ. P. Kretschmer, Sprache, გვ. 6, 69; იგივე — Einleitung in die Geschichte d. griech. Sprache, 293 შედ. 401 შედ. Fick, Vorgriech. Ortsnamen, als Quelle f. Vorgesichte Griechenlands, და სხვ.

ბელია ვიფიქროთ, რომ სირიის, შუაღმინარიისა და, ალბათ, კიპრის პირვანდელი მოსახლეობა მცირეაზიელებმა შექმნეს და მათვე ადრე იწყეს განსახლება დასავლეთით -- ეგეოსის ზღვის კუნძულებზე (ვილკენი, Gr. Gesch. 14).

მაშინ, როდესაც აღმოსავლეთ მცირეაზიის კულტურული მდგომარეობის შესახებ მესამე ათასეულ წლებში ჩვენ ძლიერ მცირე ცნობები მოგვევაობება, მისი დასავლეთი ნაწილი სამაგიეროთ ჩვენთვის უფრო ცნობილია იმ შესანიშნავი გათხრების წყალობით, რომლებიც ჰენრიხ შლიმანის სახელთან არის დაკავშირებული<sup>1</sup>. ამ მხრით ჩვენთვის განსაკუთრებით საყურადღებოა მისი მუშაობა: ძველი ტროიას ადგილზე, ჰისარლიკზე, რომელიც მცირეაზიის ჩრდილოეთ დასავლეთ კუთხეში, ჰელესპონტის მახლობლად მდებარეობდა.

შლიმანისა და შემდეგ დოერპფელდის (Dörpfeld) მიერ ჰისარლიკზე აღმოჩენილ იქნა ერთიმეორეზე დაფენილი რამდენიმე სხვადასხვა მოსახლეობა -- „ქალაქი“ პირველი „ქალაქი“ მასში აღმოჩენილი პრიმიტიული საგნების მიხედვით. მეოთხე ათასეულ წლებს უნდა მივაკუთნოთ, ხოლო მეორე „ქალაქი“ -- მესამე ათასეულ წლებს. ამ უკანასკნელში იარაღი და საოჯახო ჭურჭლეულობა უკვე ბრინჯაოსაგან არის გაკეთებული, ხოლო ოქრო და ვერცხლი კი საუცხოო სამკაულებისა და სასმისების შემზადებაზეა მოხმარებული. ეს „ქალაქი“ შლიმანმა ჰომეროსის ტროიად მიიჩნია. აქ მოპოვებულ ჭურჭელთა შორის შლიმანმა განსაკუთრებული ყურადღება ისეთებს მიაქცია, რომლებიც თავის თუ პირისახის გამოხატულებას წარმოადგენდა. იგი დაწვწუნებული იყო, რომ ყოველივე ეს ბუს გამოსახულებას შეიცავდა და იგონებდა ამასთან დაკავშირებით ღმერთქალის ათინას ცნობილ ეპითეტს ჰომეროსის პოემაში: „ბუსთვალებიანი“ (ῥυθασπᾶνη) მაგრამ ეს შეხედულება სხვა მკვლევართ (მაგ. ვირხოფმა) არ გაიზიარეს და ის მოსაზრება გამოსთქვეს, რომ თიხის ასეთი ფორმის ჭურჭლეულობა ადამიანის პირისახის გამოხატვის პრიმიტიულ ცდას წარმოადგენსო.

შლიმანს მხედველობიდან არ გამოჰპარვია აგრეთვე ორმაგი, „ბინოკლიონ“ მსგავსი ჭურჭლები, რომლებიც მისი აზრით ჰომეროსის ἄναξ ἑρμῆος (ორმაგ სასმისებს) შეესაბამება.

მაგრამ თუ ჰისარლიკის რომელიმე „ქალაქის“ გაიგივება შეიძლება. ჰომეროსის ტროიასთან, ეს ყველაზე მეტად მეექვსეზე ითქმის, როგორც ეს თავის დროზე აღნიშნა დოერპფელდმა. იგი არსებითად უკვე მიკენის ეპოქას ეკუთვნის.

უდაოდ უნდა იქნას მიჩნეული, რომ მეორე ქალაქის მცხოვრებთ ურთიერთობა ჰქონათ ზღვის იქითა მხარეებთან, და აგრეთვე ისიც, რომ ეგეოსის ზღვის კუნძულების კულტურა მათი კულტურის მონათესავე ყოფილა. ცალკეული აღმოჩენები მიგვიჩვენებს ეგვიპტესთან ურთიერთობაზე, ხოლო ზოგიერთი მათგანი კი, მაგ. შიშველი ღმერთქალის ტყვიის კერპი, უკანასკნელ ინსტანციაში სენაარზე, მაგრამ როგორ და რა გზით მოხვდა იგი აქ, ამის თქმა ძნელია (ვილკენი, Gr. Gesch. გვ. 15)

მცირეაზიელებითვე უნდა ყოფილიყო დასახლებული ეგეოსის ზღვის კუნძულები. თუ კი დიდე გარკვეულად გადმოგვიცემს, რომ კარიელები ერთ დროს

<sup>1</sup>) იხ. ალ. წერეთელი, ვერძის პირველი ცივილიზაცია, გვ. 78 შპდ.

კუნძულებზე ბინადრობდნენ (I, 8, 1, ). სტრაბონის სიტყვითაც კარიელები წინათ კუნძულებზე ცხოვრობდნენ, ხოლო შემდეგ განსახლდნენ ხმელეთზე. არტურ ევანსისა და იტალიელ მეკლევართა არქეოლოგიურმა აღმოჩენებმა გაოცებულ კაცობრიობას თვალწინ გადაუშალა სრულიად ახალი ქვეყნიერება. ეს აღმოჩენები უმთავრესად კუნძულ კრეტასთან არის დაკავშირებული.

კუნძული კრეტა „არის ლენის ფერ ზღვის შუაგულში, მშვენიერი, პოხიერი, ყოველი მხრით წყლით მოცული, ადამიანთაგან უხვია“, უამბობს პენელოპას ოდისე (Od. XIX 172 შმდ). კრეტას განსაკუთრებული ადგილი უკავია საბერძნეთის მითოლოგიასა და გადმოცემაში. მას დიდ ყურადღებას აქცევდნენ აგრეთვე ძველი მწერლებიც. ცნობილი არისტოტელე თვის „პოლიტიკა“-ში ხაზგასმით აღნიშნავს იმ ძვირფას გეოგრაფიულ მდებარეობას, რომელიც კრეტას უკავია და „რომლის მიხედვით მას, თითქოს, ბუნებისაგან აქვს განკუთვნილი საბერძნეთზე ბატონობა“: იგი სამხრეთით ჰკრავს არქიპელაგს, მდებარეობს ხმელთაშუა ზღვის აღმოსავლეთ ნახევრის შუაგულში, პელოპონესისა, ეგვიპტისა და მცირე აზიის დაახლოვებით და ძველად ერთი უმთავრესი შემაერთებული ხიდი იყო აღმოსავლეთსა და ევროპას შორის. კრეტას მთავარი ქალაქი ძველად კნოსი უნდა ყოფილიყო; მის შესახებ ოდისეაში ნათქვამია; „არის იქ კნოსი, დიდი ქალაქი, მეფობს იქ მინოსი, დიდი ძვესის შვილი“ (XIX 175 შმდ). იგი მდებარეობდა კუნძულის ჩრდილოეთ ნაწილში, რომელიც ეგეოსის ზღვისაკენ არის მიმართული. გადმოცემის მიხედვით, იგი იყო მინოსის სატახტო ქალაქი. მინოსის მამამ ძევსმა მოიტაცა ფინიკიელი კადმოსის მშვენიერი ასული ევროპა და მიიყვანა იგი კრეტაში. მინოსის ბრძანებით კრეტაში აგებულ იქნა უცნაური შენობა ლაბირინთი. ყველა ვინც ამ შენობაში შევიდოდა, გამოსავალს ვეღარ პოულობდა და ხელში უფარდებოდა მასში მობინადრე უცნაურ არსებას-მინოტავრს. ამ უკანასკნელთან დაკავშირებულია მითი თეზეოსსა და არიადნეს შესახებ: მინოსმა ათენელებს მეტად სისტიკი ხატი დაადვა, ყოველ ცხრა წლის განმავლობაში მათ უნდა გაეგზავნათ კრეტაში შვიდ-შვიდი ქალ-ვაჟი, რომელთაც მინოტავრს გადასცემდნენ შესაქმელად. ასეთს ბედს გადაურჩა ათენის მეფის ეგეოსის შვილი თეზეოსი არიადნეს ძაფის დახმარებით. მაგრამ უკან დაბრუნებისას მან შეცთომით არ ჩამოხსნა თავის გემს შავი დროშა, რაც დადებული პირობის თანახმად იმის მომასწავებელი უნდა ყოფილიყო, რომ თეზეოსი დაიღუპა კრეტაში. ეგეოსმა დაინახა ეს შავი დროშა, იფიქრა რომ მისი შვილი ცოცხალი აღარ არის, და ზღვაში გადაეარდა. ამიტომაც დაერქვა ამ ზღვას ეგეოსის ზღვაო.

თქმულებაში დასახელებული მინოსი ერთ დროს მართლაც ძლიერი მბრძანებელი უნდა ყოფილიყო. პოეტ ჰეზიოდეს სიტყვით, მინოსი მოკვდავ მეფეთაგან ყველაზე უფრო მეფური იყო და მის სკიპტრას მრავალი ხალხი ემორჩილებოდა. მინოსის ძლიერებაზე მოგვითხრობენ: აგრეთვე ძველი ისტორიკოსები — ჰეროდოტე და თუკიდიდე, მაგრამ ყოველივე ამას სხვა ადგილას შეეხებით. ჩვენთვის განსაკუთრებით ის არის საყურადღებო, რომ კრეტაში მოღვაწეობდა გადმოცემის მიხედვით არა მარტო ცნობილი ლაბირინთის ამშვენებელი და რომის ეპოქამდე ღურგალთა ამქრის მფარველი დედალოსი, არამედ მისი ნათესავი „სმილისი“, რომლის სახელი ხეზე ამომკრელის „დანას“ (Δανάη) ნიშნავდა;

კრეტადან გამოვიდენ აგრეთვე პელოპონესის უძველესნი მოქანდაკენი დიპოანი და სკილიდი, რომლებიც დედალოსის მოწაფეები იყვენ. ლეგენდის ეს ნაწილი ალბათ, იმ ნამდვილი ფაქტის ანარგვლი უნდა იყოს, რომ კრეტა უგზავნიდა პირველ ხანებში თვის ოსტატებსა და ხელოსნებს სამხრეთ საბერძნეთს, მიკენის სამეფოს, რომლებიც აქ კრეტას ხელოვნების ნიმუშების მიხედვით ქმნიდენ სხვადასხვა ძვირფას ნაწარმოებს. კრეტაში აღმოჩენილი კულტურას ევანსმა იმ დიდი მნიშვნელობის გამო, რომელიც კრეტას მითებსა და ნახევრად ლეგენდარულ ისტორიაში მინოსს აქვს მიკუთვნილი, მინოსის კულტურა უწოდა. ეს არის სპილენძისა და ბრინჯაოს ეპოქის<sup>1</sup> კულტურა. არქეოლოგიურ მასალის დათარიღების ცდაზე დამყარებით ევანსმა იგი სამ პერიოდად დაყო: ძველმინოსური, შუამინოსური და გვიანმინოსური; თითოეული მათგანი თავის მხრით კი სამ ნაწილად: I ძველმინოსური, II ძველმინოსური, III ძველმინოსური და სხვ. მართალია, ასეთმა დანაწილებამ მეცნიერთა შორის სრული თანხმობა ვერ იპოვა (იხ. მაგ. ედ. მანჯერი G. d. A. II 1, გვ. 165, შენ.), მაგრამ მის ნაცულად სხვა უფრო გარკვეული კლასიფიკაცია არ არის წარმოდგენილი, და ამიტომ ისევ ევანსის წინადადება რჩება.

კრეტას დასავლეთი ნაწილი სუსტად არის შესწავლილი. სამაგიეროთ მეტი ძეგლები მოგვეპოვება მის აღმოსავლეთ ნაწილიდან. როგორც ჩანს, ეს ნაწილი დაფარული ყოფილა მრავალრიცხოვანი მქიდროდ დასახლებული ქალაქებით. მთავარ ქალაქებში — ენოსში და ფესტში კრეტელებს აღუმართავე უზარმაზარი სასახლეები, რომელთა საძირკვლები შემდეგი ეპოქების ზედნაშენთა შორის უმეტეს ნაწილად დაკულია. მათ გვერდით უნდა დავასახელოთ კრეტას საკურთხეველები მთის მწვერვალებზე, გამოქვაბულებებში და თვით სასახლეებში და მათი კულტის საგნები. მათში აღმოჩენილი ქვისა, ლითონისა და თიხის ქურქლეულობა, იარაღი, ძვირფასი ნივთები, სამკაულები, ბეჭდები და გემები (ძვირფასი ქვები ზედამოჭრილი ფიგურებით და წარწერებით) კრეტას მდიდარი კულტურის პროდუქტს წარმოადგენს.

იმ დროს, როდესაც ბერძნებმა იწყეს ბალკანეთში განსახლება, კრეტაში დასაბამი მიენიქა მისი კულტურის ეგრეთწოდებულ შუამინოსურ პერიოდს (ქრ. წ. დაახ. 2100—1580 წ.წ.). ვინაითგან ახალ სამშობლოში ბერძნებზე გავლენას ახდენდენ არა მარტო ძველი ადგილობრივი მცხოვრებლები — „კარიელები“, არამედ კრეტას კულტურაც დასახლებულ პერიოდში თანდათან იკაფაედა გზას მათ წრეში, ამიტომ საჭიროდ მიგვაჩნია გავეცნოთ კრეტას კულტურულ მდგომარეობას შუამინოსურ პერიოდში.

ამ პერიოდის მეორე ნაწილში კრეტას კულტურა უდიდეს ამბღლებას და გაფურჩქნას განიცდის. განსაკუთრებით საყურადღებოა იმ მრავალფეროვანი ბრწყინვალე ვაზების განვითარება, რომელიც კამარესის სტილის ქურქლეულობის სახელით არის ცნობილი, რადგან მისი საუკეთესო ნიმუშები, სოფ. კამარესის მახლობლად იქნა აღმოჩენილი. ამ სტილის მიხედვით ზოგიერთი მკვლე-

1) ადამიანთა მოსახლეობის უძველესი კვალი კრეტაში ნეოლითის ეპოქას უნდა მიკუთვნოთ, ხოლო სპილენძის საუკუნე კრეტაში შესაძებ ათასეული წლების დასაწყისში უნდა დამყარებულიყო.


ვარი მთელ ამ პერიოდს კრეტას კულტურაში კამარესის კულტურის სახელით აღნიშნავს. კამარესის სტილის ვაზების არაჩვეულებრივი სინაზე და სიმშვენეიერე, ერთი მწერლის სიტყვით, ჩინურ ფაიფურს მოგვაგონებს. ამ ვაზების ზოგიერთი ნიმუში შესრულებულია ლითონის ქურკლეულობის მიზაძვით. ვაზები სხვადასხვა ფერისაა და თითოეულს გადაჰკრავს საკუთარი თავისებური ელფერი: მათზე სურათი პირველად ხაზოვანია, ხოლო შემდეგში იგი უფრო მრავალგვარი ხდება, ჩნდება ბუნებრივად გადმოცემული სიუჟეტები მცენარეთა ცხოვრებიდან და სხვ. საერთოდ კამარესის სტილის ვაზების მხატვრობაში გადმოცემულია: წრე, ხე-ღნა, სპირალი, სოსანი და სხვა მცენარეები, რვაფეხა და სხვ.

ამ დროის სასამისებს შორის საყურადღებოა სამი სასამისი პალეკასტროდან; ერთის შიგნით ვხედავთ ხარის ფიგურას, მეორეში—გაფრენილ მტრედს, მესამეში კი—მთელ ჯოჯს მწყემსით.

საერთოდ კამარესის კულტურა განვითარებული და ბრწყინვალე კულტურაა, რომელიც თანამედროვე მკვლევარ-



სურათი № 1 — კამარესის ვაზა.



სურათი № 2 — ენოსის ორი ქურკელი

რთა წრეში დიდ ინტერესს იწვევს. ამ დროს კრეტას დამოკიდებულება უნდა ჰქონოდა ეგვიპტესთან. საზოგადოდ, ეგვიპტესა და კრეტას შორის უძველეს დროიდან უნდა: ყოფილიყო დამყარებული სავაჭრო და კულტურული ურთიერთობა. ამას ნათლად ამტკიცებს ის ფაქტი, რომ მრავლად იქნა აღმოჩენილი ეგვიპტეში კრეტული და კრეტაში ეგვიპტური წარმოშობის საგნები. ახლო კავშირი უნდა ჰქონოდა კრეტას აგრეთვე ეგეოსის კუნძულებთან: აწვდიდა მათ თავის ნაწარმოებთ და სამაგიეროდ მათგანაც ლეზულობდა საჭირო საგნებს, მაგ. ობსიდიანს მოეზიდებოდა კუნძულ მელოსიდან, სადაც არსებობდა ცნობილი სავაჭრო ქალაქი ფილაკოპი, რომელსაც კუნძულებსა, საბერძნეთსა და ტროიაში გაჰქონდა ცხოვრებისა და ომისათვის საჭირო ნივთები.

ახლო ეთნოგრაფიული კავშირი უნდა ყოფილიყო კრეტას ძველ მოსახლეობასა და მცირე აზიას შორის. ამას ადასტურებს უმთავრესად ენობრივი მასალა და კულტის მოვლენები.

საყურადღებოა ის გარემოება, რომ კრეტას ქალაქები სრულიად გაუმარბელებელი მოჩანს, მაშინ როდესაც საბერძნეთში და აღმოსავლეთის ქვეყნებში ქალაქებს ჩვეულებრივად სქელი და მაგარი კედლები ჰქონდა შემოვლებული. შეიძლება, ეს ფაქტი იმაზე მიგვიჩინებდეს, რომ კრეტაში მშვიდობიანი ურთიერთობა სუფევდა და არც გარედან იყო მოსალოდნელი მტრის უეცარი თავდასხმა. ეგებ, მართლაც ძლიერი ფლოტი იცავდა ზღვიდან კრეტას, რომლის დამაარსებლად და მეთაურად გადმოცემა მინოსს გვისახელებს.

კრეტას განხილული ბრწყინვალე კულტურა დიდი კატასტროფით დამთავრდა და ენოსისა და ფესტის სასახლეები საფუძვლიანად იქნა განადგურებული. ხოლო იმის შესახებ, თუ რამ გამოიწვია ეს საშინელი კატასტროფა, ან როგორ მოვლენასთან იყო იგი დაკავშირებული, ქვემოთ გვექნება საუბარი და შევეცდებით იგი იმ მოვლენებს დაუუახლოვოთ, რომლებიც ჰიქსოსების ეგვიპტეზე შემოსევას გვისახიერებს. ესლა კი ბერძენ ტომების ახალ სამშობლოში განსახლებასა და მათ პირუანდელ ყოფაცხოვრების განხილვაზე შევჩერდებით.

### 3. ბერძენი ტომები და მათი პირუანდელი კულტურა ახალ სამშობლოში.

როგორც აღვნიშნეთ, ბერძენ ტომების ბალკანეთის ნახევარ-კუნძულზე განსახლების შესახებ ისეთი მასალა არ მოგვეპოვება, რომ შეგვეძლოს მათი მოძრაობის დაწვრილებითი გათვალისწინება ჭ ამიტომ იძულებული ვართ მხოლოდ დაახლოებითი წარმოდგენით დავემსოფილდეთ. უფრო სარწმუნოდ უნდა მივიჩნიოთ ის, რომ მეორე ათასეული წლების პირველ ნახევარში ბერძენი ტომები განსახლებული იყვნენ გაცილებით უფრო ჩრდილოეთით, ვიდრე შემდეგში. ხალხთა გადასახლებამ 1200 წლებში მდგომარეობა არსებითად შესცვალა და გამოიწვია ბერძენ ტომების გადაჯგუფება. ჩრდილოეთ-დასავლეთი ბერძენი (დორიელი) ტომები, რომლებიც ამ დროს თესალიასა და შუა-საბერძნეთში შეიქრენ, წინათ ილირიასა და მაკედონიაში უნდა ყოფილიყვნენ განსახლებული. ეპირში გვხვდება ადგილების მრავალი ბერძნული სახელი.

დოდონეს უძველესი კულტის ადგილი ნაყოფიერი ტალესის წყლებში მობინადრე ძვეს ნაიოსის მისნით მუდამ ბერძნული იყო (ე. დ. მა ა ე რ ი, *ibid*, გვ. 269). ბალკანეთში გადმოსახლების დროს ბერძენ ტომებს თან მოსდევნ სხვა ინდო-გერმანელი ჯგუფებიც, უწინარეს ყოვლისა თ რ ა კ ი ე ლ ე ბ ი, რომელთაც ბერძენები უფრო სამხრეთით გადადევნეს; შედარებით გვიან, დაახ. XIII საუკუნეში ამ უკანასკნელთ თან მოჰყვნენ ი ლ ი რ ი ე ლ ე ბ ი, რომელთაც თავის მხრით თ რ ა კ ი ე ლ ე ბ ი გადაარეკეს ბალკანეთის დასავლეთი მიდამოებიდან იონიის ზღვისაკენ.

კულტურის პრიმიტიულ საფეხურზე მდგომ ბერძნებისათვის დიდი მნიშვნელობა ჰქონდა იმ გარემოებას, რომ ახალ სამშობლოში მათ დახვდა განვითარების შედარებით ნაღალ მდგომარეობაში მყოფი ხალხი. ამ მხრით უწინარეს ყოვლისა ის არის საყურადღებო, თუ როგორ მოეპყრნ ბერძენები ადგილობრივ ხალხს. გვაქვს ერთგვარი უფლება ვიფიქროთ, რომ შემოსეულმა ბერძნებმა

ხანგრძლივი ბრძოლის შემდეგ დაიპყრეს ადგილობრივი მოსახლეობა, მაგრამ ისე, როგორც ამას სხვა ადგილებში და შემოხვევებშიც ჰქონდა ადგილი იგი სრულებით კი არ გაანადგურეს, ან გააძევეს თავის ადგილებიდან, არამედ ნაწილი მაინც დატოვეს თავის მიწაწყალზე. თვით ის ფაქტი, რომ ბერძნებმა ამ მოსახლეობისაგან გადმოიღეს ზოგიერთი გეოგრაფიული სახელწოდება, შესაძლებლად ხდის ვირწმუნოთ, რომ მათ შორის ერთგვარ მშვიდობიან ურთიერთობასაც კი ჰქონდა, ადგილი და რომ ბერძნებმა ამ ხალხისაგან ბევრი რამ შეითვისეს. ამ ნიადაგზე აქა-იქ დამპყრობელთა და დაპყრობილთა ურთიერთშორის თანდათანობითი შერეეაც კი უნდა მომხდარიყო. ეს ხალხი „კარიელები“ ასი წლების განმავლობაში ბინადრობდნენ აქ და ქმნიდნენ კულტურულ ცხოვრებას. მათ დაარსეს თავისებური ქალაქები, ციხე-სიმაგრენი, რომელთა სახელწოდებებთან ერთად ბერძნებმა მრავალი მთისა და მდინარის მცირეაზიური სახელები შეითვისეს. საერთოდ, სპეციალისტების აზრით, ბერძნულ ენაში მცირე აზიიდან ნასესხები მრავალი სიტყვა მოიპოვება, რაც გასაგებად ხდის მოსაზრებას ხსენებული მშვიდობიანი ურთიერთობისა და შერევის შესახებ. აქვე გარკვევით უნდა აღინიშნოს, რომ, მეცნიერების დასკვნით, მცირე აზიიდან ნასესხებ სიტყვებიდან ბევრი რამ არა პირდაპირ იყო ამ „კარიელები“-საგან ბერძნების მიერ შეთვისებული, არამედ მეორე ათასეულ წლებში ისინი გავრცელდა კრეტადან ჰელადაში, როდესაც ეს უკანასკნელი კრეტას მაღალი კულტურის გავლენას განიცდიდა, მაგ. სიტყვა — *ἄστυς* (ვანა); სხვები კი, ალბათ, შემდარებით გვიან გადმოიღეს ბერძნთა ახალშენებმა მცირე აზიაში (ვილკენი, 17). ბერძნებს ახალსაშობლოში ერთი და იმავე ღირსებისა და სახის კულტურა არ დახვედრიათ; კულტურული ნიადაგი სხვაგვარი იყო ჩრდილოეთით, ვიდრე სამხრეთით. გათხრებმა თესალიასა და ბეოტიაში (ორქომენი) დაადასტურა, რომ ამ დროს ჩრდილოეთ და შუა-საბერძნეთში ჯერ კიდევ ქვის ეპოქის კულტურა იყო გამეფებული, სამხრეთით კი, მიუხედავად იმისა რომ ზოგიერთ პუნქტში აქაც იქნა აღმოჩენილი ქვის ეპოქის ნაშთები, სპილენძისა თუ ბრინჯაოს პერიოდი, კუნძულებთან ურთიერთობის გამო, გაცილებით უფრო ადრე უნდა დამყარებულიყო. არქეოლოგიურმა გათხრებმა თვისი შედეგებით ბევრი რამ დაგვანახა და ცხადჰყო. სხვათაშორის მათ გამოაშკარავეს უძველესი ფორმა სახლებისა, მრავალი თუ ოვალური ქოხები შუაში კერათი, რომელიც ჩვეულებრივ თიხის თაღით იყო დახურული, ხოლო მათ გვერდით კი — სწორკუთხოვანი ქოხები. ჩანს, ბერძნებმა თავის ჩრდილოეთ პრესაშობლოდან თანმოიტანეს ტიპი კერიანი სწორკუთხოვანი სახლებისა ვიწრო ფასადით. სპეციალისტების აზრით ამ სახის სადგომებზე ჩრდილოეთ ევროპაში ყოფილა გავრცელებული. ეს ტიპი ბერძნებმა შემდეგში მოხერხებულად გარდაქმნეს მეგარონათ. მართალია, მეორე ათასეულ წლებში ბერძნებმა კრეტას დიდი კულტურული გავლენა განიცადეს, მაგრამ მათ შინაინც შეინარჩუნეს თავისი კერიანი სადგომების ტიპი, რომელიც უფრო კარგად აკმაყოფილებდა საბერძნეთის ცივი ჰავის მოთხოვნილებას. როგორც ვთქვიან საბერძნეთის ჩრდილოეთ და სამხრეთ ნაწილებს შორის კულტურული შტამარეობის მიხედვით დიდი განსხვავება არსებობდა. ამ მხრით განსხვავებას ეამჩნევთ აგრეთვე საბერძნეთის დასავლეთსა და აღმოსავლეთ ნაწილებს

შორისაც. ამ მოვლენის ერთ-ერთი ბელის შემწყობი პირობა ის იყო, რომ აღმოსავლეთი ნაწილის ნაპირები ღრმად და დასერილი, რაც ნაეოსნობის განვითარებისათვის ხელსაყრელ პირობებს წარმოადგენდა; ეს გარემოება მიუთითებდა ადგილობრივ მცხოვრებლებს — მიწის მუშებსა და მწყემსებს — მეზღვაურობის განვითარებასა და ეგეოსის ზღვის კუნძულებთან ურთიერთობაზე. ასეთი რამ აკლდა დასავლეთ ნაწილს, გარდა ამისა იგი საკმაოდ დაშორებული იყო გეოგრაფიულად კულტურული მხარეებისაგან. ყოველივე ამის შედეგი კი ის იყო, რომ ადგილობრივი მცხოვრებლები — აკარნანელები და ეტოლელები ისე, როგორც ჩრდილოეთში მობინადრე მაკედონელები, კულტურულ ჩამორჩენილობას აამყარავენდენ.

ახალ სამშობლოში მიიღეს გადმოსახლებულმა ინდოგერმანელებმა ბერძნების სახელწოდება და ამასთან დაკავშირებით მათ ქვეყანასაც საბერძნეთი უწოდეს; აქვე წარმოიშვა და გაიფურჩქნა ძველთან დაკავშირებით ბერძნების სახელგანთქმული კულტურა.

ბერძენ ტომთა შორის ცნობილი არიან იონელები (Ἰωνες), ეოლელები Αἰολεῖς) და დორიელები (Δωριεῖς). იონელებისა და დორიელების სახელწოდება შედარებით უფრო გვიან წარმოიშვა და ამიტომ უძველეს პერიოდში მხოლოდ მათ წინაპრებზეა ლაპარაკი. დორიელები დიდხანს დარჩენ ჩრდილოეთში და, როგორც ვიცით, მხოლოდ მეორე ათასეული წლების დასასრულში დაიძრენ აქედან. ეოლელების მიმართ უნდა ითქვას, რომ ჰომეროსის მიხედვით, დღეს მათ უმეტეს ნაწილად ეოლელების მაგიერ აქაელების სახელწოდებით იხსენიებენ. მცირე აზიისა და ეგვიპტის ძველი ცნობების მიხედვით აქაელების სახელი ფართოდ ყოფილა გავრცელებული.

ბერძენ ტომთა მოძრაობა ახალ ქვეყანაში ისტორიული ხანის ბერძნული დიალექტების დაყოფის მიხედვით დაახლოვებით. ასე უნდა წარმოვიდგინოთ: პირველად საზნრეთისაკენ მიიწევდენ უმთავრესად იონელთა წინაპრები, ხოლო მათ უკან მოსდევდენ აქაელები, რომელთაც თავის მსვლელობაში არა ერთხელ იძულებულ უყვიათ იონელები, დაეტოვებიათ საცხოვრებელი ადგილები და ახალ პუნქტებზე დამკვიდრებულიყვნენ. ისტორიულ ხანაშიაც კი მთელ ნახევარკუნძულზე მრავლად გვხვდება აქაელების მოსახლეობა, განსაკუთრებით თესალიასა და პელოპონესში. იონელებმა კი მხოლოდ ატიკასა და ებეიაში შეინახეს თავის თავი შედარებით უფრო წმინდად. ბერძენ ტომთა ასეთი მოძრაობა და აგრეთვე მათი ბრძოლა პირვანდელ მოსახლეობასთან რამდენიმე საუკუნე უნდა გავრცელებულიყო.

ბერძენ ტომთა შორიული წარსულის ყოფაცხოვრებაზე ნათელი წარმოდგენის შექმნა ადვილი საქმე არ არის, რადგან სათანადო ცნობები თითქმის სრულებით არ მოგვეპოვება. ამ შემთხვევაში ლაპარაკი შეიძლება მხოლოდ არქეოლოგიური აღმოჩენების, უკუქცევითი დასკვნებისა და ისტორიული პარალელების მიხედვით. აქედან ცხადია, რომ ასეთ პირობებში ჩვენ მსჯელობას უმეტესად ჰიპოთეზური ხასიათი ექნება. შედარებით უფრო მისაწვდომია და გასაგები მათი თავგადასავალი მეორე ათასეული წლების მეორე ნახევარში. მიუხედავად ამისა, ჩვენ შესაძლებლად მიგვაჩნია ზოგადად მაინც გავეცნოთ ამ მხრით ვილკენის



მიერ წარმოდგენილ სურათს (გვ. 18-20). გადმოსახლებული ტომები დაყოფილი იყვნენ ფილებად (*φύλαξι*), რომლებიც თავდაპირველად უფრო დიდი ყოფილან, ვიდრე შემდეგში. ცნობილია, რომ საბერძნეთი ღრმად არის დასერილი მთებით, რომლებიც მას ყოველი მიმართულებით სკრის ერთი მეორისაგან განცალკევებულ ნაწილებად. ამ ნიადაგზე უნდა წარმოშობილიყო საფუძველი იმ პოლიტიკური დაქუცმაცებისა და საერთოდ საბედისწერო პარტიკულარიზმისა, რომელიც თანსდევდა ძველი ბერძნების ისტორიას, როგორც დაუძლეველი სენი მათი ცხოვრების საერთო განვითარებისათვის, მაგრამ მეორის მხრით თვით ამ ფაქტზე დადებითი გავლენა იქონია ბერძნული კულტურის სიმდიდრესა და მრავალფეროვნებაზე. ჰქონდათ თუ არა ბერძენ ტომებს ამ უძველეს პერიოდში სახელმწიფოებრივი წყობილება? უნდა ვიფიქროთ, რომ ამ ხანაში თითოეულ მათგანს აერთებდა მხოლოდ გვართა კავშირის პრიმიტიული ორგანიზაცია, და ამ დროისთვის რაიმე „სახელმწიფოზე“ ლაპარაკი შეუძლებელია. გვარი, რომელიც საერთო კულტით იყო შეკავშირებული, შედგებოდა თავისუფალ მამაკაცთაგან რომლებიც იარაღის ტარებისა და მოხმარებისათვის უკვე მომწიფებულად ითვლებოდნენ. უფლებრივად ისინი თანასწორი იყვნენ და მონაწილეობას იღებდნენ საერთო კრებებზე სხვადასხვა საკითხების განხილვისა და გადაწყვეტაში. ომის დროს ირჩევდნენ მეთაურს — „ჩეფეს“ (*βασίλευς, ἀρχηγός*), რომელსაც ომის წარმატებით დამთავრების შემდეგ დაპყრობილ მხარეში ეძლეოდა მიწის საპატო ნაქერი (*ἀρχαία*). ხოლო გვარის დანარჩენ წევრებს შორის თანასწორად ნაწილდებოდა სამხედრო ნადავლი; გამონაკლისს შეადგენდა არაჩვეულებრივად მამაცი წევრის განსაკუთრებით დასაჩუქრება. მეფე არსებითად *primus inter pares* იყო და მშვიდობიანობის დროს გვარის უზუცესებთან ერთად არჩეულ იხეთ საზოგადო საქმეებს, რომელთა განხილვაც საერთო კრებას არ ეჭვემდებარებოდა. ხოლო ზოგიერთ შემთხვევაში იგი, როგორც შუამავალი, აწესრიგებდა გვარის წევრთა შორის წარმოშობილ უთანხმოებასა და დავას, თუ კი ამის შესახებ მას მიმართავდნენ. ამ ხანაში დანაშაულობრივი მოქმედებათა მოკვლევა არ სწარმოებდა, და გვარის წევრებს ევალდებოდათ საქიროების დროს ურთიერთის დაცვა. ამ მხრით უნდა დავასახელოთ: ფრატრიები (*φρατρία*), რომლებიც უძველეს კავშირს წარმოადგენდნენ, და პატრიები (*πατρία*), რომელთაგანაც ცალკეული ფილები წარმოიშვენ; ეს ორი თავისებური გაერთიანება მიზნად ისახავდა თვისი წევრების დაცვას ყოველგვარი ძალადობისაგან. თითოეულ წევრს პირველ რიგში იცავდა მისი უახლოესი ნათესავი სისხლის ალებით. ეს ჩვეულება, რომელიც დღემდე დაცული ზოგიერთ ჩამორჩენილ ხალხთა ცხოვრებაში, იმ დროს ბაბილონსა და ეგვიპტეში უკვე უკუგდებული იყო, რადგან თვით სახელმწიფო ხელისუფლება ასამართლებდა და სჯიდა დამნაშავეთ. იგი დამყარებული იყო იმ რწმენაზე, რომ მოკლულის სული მოსვენებას ვერ მოიპოვებს, თუ თვით მისი მკვლეელიც არ იქნა მოკლული. ხოლო, ვინაიდან ამ უკანასკნელის მოკვლაც სისხლის ალებას მოითხოვდა, ამიტომ იქმნებოდა მთელი ჯაჭვი მკვლელობათა და მყარდებოდა გვარების დაუსრულებელი მტრობა და შუღლი. ასეთ მოვლენას მხოლოდ მაშინ მოვლო ბოლო, როდესაც სისხლის ალების ადგილი სისხლის საურავმა დაიკირა.

ამ პერიოდში ბერძნების სარწმუნოების შესახებ ჩვენთვის აგრეთვე ძლიერ ცოტა რამ არის ცნობილი და გარკვეული. ყოველ შემთხვევაში ოლიმპის ღმერთები ამ უძველესი დროიდან უნდა იყოს წარმომდგარი. შეიძლება ვიფიქროთ, რომ ბერძნებმა პრეინდოგერმანულ ეპოქიდან შეინარჩუნეს თავისი სარწმუნოების მთავარი საფუძვლები, როგორც, მაგ. ცის ღმერთისა და დედამიწის ღიდი დედას თაყუანისცემა, აგრეთვე იმ ღმერთ-ქალის კულტი, რომელიც მათი შეხედულებით კერას იცავდა. მაგრამ ბერძნული სარწმუნოება არსებითად მისაწვდომი გამოკვლევისათვის მხოლოდ საბერძნეთის ნიადაგზე ხდება. რამდენადაც არქეოლოგიურ აღმოჩენებზე დამყარებით შეგვიძლიან ვიმსჯელოთ, ბერძნები ამ ხანად ფეტიშისტები უნდა ყოფილიყვნენ: თაყუანსა სცემდნენ ქვებს, ხეებს, და ცხოველებს, როგორც „ფეტიშებს“. ამ მოვლენის კვალი შეიძლება ისტორიულ ხანაშიც კი აღმოვაჩინოთ. საფიქრებელია, რომ ამ შორეულ წარსულში ბერძნებს უკვე ჰქონდათ დაწესებული მიცვალებულთა კულტი, რომელიც იმ რწმენით, რომ მიცვალებულთა სული კვლავ განაგრძობდა სიცოცხლეს, უმთავრესად მათ საფლავებზე საქმელ-სასმელისა და სხვადასხვა წესების შესრულებაში გამოიხატებოდა<sup>1</sup>.

როგორც ეხედავთ, ჯერჯერობით, სათანადო მასალის არაჩვეულებრივი სიმციროს გამო, ახალ სამშობლოში გადმოსახლებული ბერძნების პირვანდელი სოციალურ-კულტურული მდგომარეობის შესახებ ძლიერ მცირე რამის თქმა შეგვიძლია და მხოლოდ უაღრესად ზოგადი სურათის წარმოდგენით უნდა დავკმაყოფილდეთ.

#### 4. კრეტას ახალი კულტურა (ე. წ. გვიანმინოსური პერიოდი).

უკვე იყო ნათქვამი, რომ კრეტას ძველმა კულტურამ ღიდი კატასტროფა განიცადა, რომლის დროსაც განადგურებულ იქნა ძველი სასახლები კნოსში, ფესტში და მალიაში. რა იყო ამ კატასტროფის მიზეზი? წინათ ფიქრობდნენ, რომ ამ ხანებში კრეტას პელოპონესიდან შემოვისიენ აქაელები, რომლებმაც დაიპყრეს იგი, და, თითქოს, ამ მოვლენის შედეგი იყო სასახლეების განადგურებაც და სტილის შეცვლაც ხელოვნებაში. ეს აზრი დღეს მეცნიერების მიერ უკვე საბოლოოდ უარყოფილია. უკანასკნელ წლებში ამ საკითხის გარშემო გამოთქმულ მოსაზრებათა შორის ჩვენ განსაკუთრებული ყურადღების ღირსად მიგვაჩნია ვილკენისა და ედ. მაჰერის შეხედულებანი.

პირველი ფიქრობს, რომ ამ დროს კრეტამ განიცადა არა აქაელების მიერ დაპყრობა და მათი გაბატონება, არამედ ადგილი ჰქონდა მათი მთავრების შემოსევას გაცარცვის მიზნით. ასეთი შემოსევის შეზღუდვით იქნა განადგურებული ხსენებული სასახლეები და ამავე მოსაზრებით სურს ვილკენს განმარტოს ის ფაქტი, რომ მიკენის 16 საუკუნის მალაროვან სამარხებში მრავლად აღმოჩნდა კრეტას ოქროს ნივთები, ე. ი. ეს ნივთები გაცარცვის შემდეგ იქნა მიკენში გატაცებული. ვილკენს შესაძლებლად მიაჩნია აგრეთვე იფიქროს, რომ ახალი

<sup>1</sup>) ბერძნების უძველესი დროის სარწმუნოების შესახებ კარგ ცნობებს: გეაწვლის Otto Kern-ი თავის ნაშრომში—Über die Anfänge der hellenischen Religion, Berlin 1902.

ადგილობრივი დინასტია წარმატებით ბრძოლას აწარმოებდა შემოსეულთა წინააღმდეგ. ყოველ შემთხვევაში ამ კატასტროფას კრეტელებში ახალი ენერჯიული აღორძინება გამოუწვევია: კნოსში და ფესტში ძველი სასახლეების ნანგრევებზე მათ ახალი და უფრო ბრწყინვალე სასახლეები აუგიათ (Griech. Gesch. გვ. 27). ვილკენის მოსაზრებას მაინც და მაინც დიდი საფუძვლიანობა არ ემჩნევა და მისი გაზიარება ჩვენ არ შეგვიძლია.

საწინააღმდეგო პოზიციაზე დვას ედ. მაჟერი (G. d. A. II 1, გვ. 165). იგი ამ კატასტროფას ეგვიპტეზე ჰიკსოსების შემოსევას უკავშირებს. ამაზე მიგვითითებს ერთი ალაბასტრის სარკველი ჰიკსოსების ძლიერი მეფის ხიანის სახელათ, რომელიც აღმოჩენილ იქნა კნოსში ახალი სასახლის უძველეს ფენში. ამას გარდა ეგვიპტური ცნობებიდან ჩანს, რომ კრეტა ჰიკსოსების წინააღმდეგ ბრძოლაში თებას მეფეებთან მკიდრო კავშირში იყო. ეგვიპტის მეფის იახმოსის ერთ ჰიმნში ეგვიპტის მოსახლეობის სამი კლასი აშობს: „ჩვენი ბატონია ის: ხაუნებტი: ჩვენ მის მხლებლებში ვართ; ქვეყნები: ჩვენ მას ვეკუთვით“. ამ ძეგლში, მაშასადამე, ცხადად არის განსხვავებული სამი ჯგუფი: ძირითადი ქვეშევრდომები ეგვიპტეში, მოკავშირე კრეტელები, რომლებიც მას სამხედრო დახმარებას უწევენ, და დანარჩენი ქვეყნები, ე. ი. სირია და ნეგრების შხარე, რომლებზედაც ვრცელდებოდა ეგვიპტის ფარაონის ძალაუფლება (G. d. A. II 1, გვ. 55), ერთი სიტყვით, ედ. მაჟერს მისაღებად მიაჩნია ის აზრი, რომ ეგვიპტელებმა და კრეტელებმა შეთანხმებულად შესძლეს ჰიკსოსების ბატონობის მოსპობა, და გათავისუფლებულმა კრეტამ იწყო კულტურული აღორძინება.

როგორც ვხედავთ, ედ. მაჟერის მსჯელობას ერთგვარად დამარწმუნებელი ხასიათი აქვს, მით უმეტეს რომ კრეტამ ამ ხანებში მეტად ღრმა და ძლიერი კატასტროფა განიცადა, რაც თავისთავად მიგვითითებს უცხოელების შემოსევაზე. ამიტომ ჩვენ მიუღებლად მიგვაჩნია ედ. მაჟერის მოსაზრებათა ისე გაკვირვით უყუგდება, როგორც ამას სჩადის პროფ. ზახაროვი<sup>1</sup>. მაგრამ ის ძირითადი გადატრიალება, რომელიც ამ დროიდან კრეტას კულტურასა და ხელოვნებას დაეტყო, გვაიძულებს ვიფიქროთ, რომ თვით მოსახლეობაში მოხდა ღრმა სოციალური და სამეურნეო ცვლილებები. ხოლო რა ხასიათისა და შინაარსის იყო ყოველივე ეს, ამის შესახებ ქვემოთ გვექნება მოკლედ ლაპარაკი. ახალი მიმდინარეობა კრეტის კულტურაში განსაკუთრებული სიძლიერით ხელოვნებაში გვეცხადება. კამარესის სტილის დეკორატიული ორნამენტის ადგილას, რომელიც ბუნების ნიმუშებში ეძებდა თავისთვის საჭირო მასალას და მისი ასახვის სიმშვენიერეს ფერების ჰარმონიულ შეზავებაზე ამყარებდა, იწყება სრულებით ახალი მიმართულება. მისი მთავარი ამოცანაა ბუნების სიციცხლის დაუსრუტელი სიმდიდრისა და მის მოვლენათა დაუსრულებელი ცვალებადობის გადმოცემა, მაგრამ არა მათ სტატიკაში, არამედ დინამიკაში, ცოცხალ მოძრაობაში; ერთი სიტყვით, თითოეული მომენტის გრძნობებზე გავლენის დაქერა

<sup>1</sup>) R. Hennig-საც შესაძლებლად მიაჩნია, რომ კრეტა დაპყრობილ იქნა ხიანის მიერ; იხ. მისი—Die Anfänge des kulturellen und Handelsverkehrs in der Mittelmeerwelt (Historische Zeitschrift 1928 B. 139, H. 1 S. 6.)

<sup>2</sup>) იხ. მისი *Взгляды на историю новеллиших исследований стр.* 112.

და მისი მხატვრულ ფერადებში გაუქცევება. ცხადია, ასეთი ცვლილება ხელოვნებაში დაკავშირებული უნდა ყოფილიყო საერთოდ მსოფლმხედველობაში გარდატეხასთან. ხომ არ გულისხმობს ეს ფაქტი იმას, რომ მოხდა ცვლილება თვით კრეტას მოსახლეობაში, რომ ახალი ხალხი დაემკვიდრა კრეტას მიწა-წყალს და თან მოიტანა ახალი კულტურა და ხელოვნება? ასეთი მოსაზრებისათვის საფუძველი არ არსებობს. საგულისხმებელია ის გარემოება, რომ ეგეოსის სამყაროში არ შეგვიძლია დავსახელოთ ისეთი მხარე, რომელშიაც აღმოჩენილიყოს დასახლებული კულტურის რაიმე კვალი; აზიის სანაპიროებზე კი სრულებით სხვაგვარი სტილი იყო გავრცელებული. ამას გარდა ახალმა გამოკვლევებმა ცხადყო, რომ კრეტას ახალ კულტურაში დაცულია ზოგიერთი ძველი ფორმა სწორედ ისე, როგორც ახალი სასახლეები უშუალოდ ძველი სასახლეების საძირკვლებს ემყარება. ამიტომ უფრო სარწმუნოდ უნდა ჩაითვალოს, რომ კრეტას ახალი კულტურა ადგილობრივი წარმოშობისაა, რომ იგი ანარეკლია. იმ პროცესისა, რომელიც ორგანიული შედეგი იყო თვით კრეტას მოსახლეობის სოციალურ-სამეურნეო განვითარებისა. კრეტას კულტურა მესამე ათასეული წლების დასასრულიდან სწრაფად მიიწვიდა წინ, ცხოვრება უფრო მდიდარი გახდა, ნივთიერი საშუალებანი უფრო დიდი, ძველი ფორმები კი აღარ შეესაბამებოდა მათ და ერთგვარ დაბრკოლებათაც კი წარმოადგენდა შემდეგი განვითარებისათვის. უცხოელების ბატონობას შეეძლო ეს პროცესი შეეჩერებია, მაგრამ მისი მოსპობა კი მან ვერ მოახერხა. გათავისუფლების შემდეგ დაპყარებული ახალი პირობები თვით ჰქმნის ახალ სტილს და ახალ მიმართულებას, როგორც კერძოდ ხელოვნებაში, ისე საერთოდ კულტურაში.


ახალი მიმართულების მხატვარი სინამდვილის წუთიერი ასახვით კი არ კმაყოფილდება, არამედ მთავარ გულისყურს საგნებისა და მოვლენათაგან მიღებულ შთაბეჭდილებათ და მათ იმპრესიონისტულად გადმოცემას აპყრობს. ამ მხრით კრეტას წარმტაცი გაზაფხულის ყვავილები და აგრეთვე ზღვის მცენარეები და ცხოველები ძვირფას მასალას იძლეოდა შემოქმედებისათვის. ახალმა მხატვრებმა დიდი გულმოდგინებით იწყეს ამ ცხოველების ასახვა მოძრაობის მომენტში. მათ მომხიბვლელ ფერადებში გადაგვიშალეს ველი და ბალი დამატყვევებელი ყვავილებით, ზღვა და მის მცენარეთა შორის მცურავი თევზები და პოლიპები, ნელი ქარისაგან შერხეული ფოთლები და ბუჩქები, ზეთის ხილის ხე კორძიანი ტანით და სხვ. ამ ლანდშაფტებს შორის გამოსახული ადამიანი და ცხოველი ისე, როგორც ეგვიპტეში, აქაც ყველგან პროთილით არიან წარმოდგენილი და ამასთან ენერგიულ მოძრაობაში: ლომი, ხარი, ირემი, და გარეული კატა ჩვეულებრივ გარბიან, ოთხივე ფეხი დედამიწიდან მოსხლეტილი აქვსთ და გრძლად გაკიშული. ასეთი ხერხით ცდილობდნენ სიერცეში გადატყორცნილი სხეულის შთაბეჭდილება სურათში გადმოეცათ.

კნოსის სასახლეში დაცულია ერთი მშვენიერი სურათი: მუქ-ლურჯ საღებავით გამოსახული ყმაწვილი ჰკრეფს ბალის კლდოვან ნიადაგზე გაფურჩქნულ ყვავილებს და აგროვებს კალათაში. ჰავია ტრიადას სასახლის ერთი სურათი ცოცხლად გეისურათებს: გარეულ კატას, რომელიც მრავალფეროვან ყვავილთა შორის მიმალულ ხოხობს ეპარება, აქვე მეორე სურათი გვისახიერებს ბალში

მოსეირნე კრელკაბიან მანდილოსანს. გეხედება კრეტას სურათებში აგრეთვე უცხო და ფანტასტიური ცხოველები, მაგ. ენოსის სასახლის სატახტო დარბაზის კედლის მხატვრობაში ბუჩქებს შორის ვხედავთ საოცარ ცხოველს, მეორე ადგილას კი ბუჩქნარებში განაბულა პაეიანი, და სხვ.

ჩვენთვის განსაკუთრებით საყურადღებოა ის სურათები, რომლებშიაც გადმოცემულია ამ ბრწყინვალე სასახლეებში მობინადრე მთავერების ყოფა-ცხოვრება: მამაკაცები ხარკის სახით მოეზიდებიან მათ წინაშე ქურკლეულობას, სრულდება კულტის სცენები, სწარმოებს ხარების ბრძოლა, რომელიც კრეტაში უძველეს დროს უნდა ყოფილიყო შემოღებული; ბრძოლას თვალყურს ადევნებს აიენიდან და ეზოდან მრავალი ქალი და კაცი, და სხვ.

აქვე აღსანიშნავია ფერადი რელიეფები. მათ შორის განსაკუთრებით ძვირფასია გარეული თხის ფაიფურის რელიეფი; არაჩვეულებრივი ხელოვნებითა და სინამდვილით არის გადმოცემული ეს თხა თვისი თიქნებით<sup>1</sup>. საყურადღე-



სურათი № 3. გარეული თხა თიქნებით.

ბოა აგრეთვე ახალგაზრდა მთავერის დიდი ფიგურა (ეგრეთწოდებული „პრინცი ფრთებიანი გვირგვინით“). ამზადებდნენ ამ დროს კრეტელები ძვირფას ქურკლეულობას სტეატიტისა და კეთილშობილი ლითონისაგან. მაგრამ კრეტას ხელოვნების განვითარებაში დაახ. 15 საუკუნიდან დაწყებული თანდათან ძლიერდება და მტკიცდება სტილიზაცია და სქემატიზაცია. საერთოდ ამ დროს ეგრეთწოდებული „სასახლის სტილის“ დამახასიათებელია პირობითი სურათი ნათელ ფონზე; ბუნებრივი სურათები ხაზოვანი ნახატებით იცვლება; ჩნდება ახალი დეკორატიული ელემენტი — არქიტექტონური მოტივები. ეს მოვლენა უფრო მკაფიოდ და ძლიერად 14 საუკუნეში გვეცხადება.

<sup>1</sup>) იხ. 5 ე მ ი, ვეროპ. პირ. ცივ. გვ. 30

კრეტას ხელოვნებაში დიდი სტილის ქანდაკება არ განვითარებულა და არც საამისო ცდების კვალი ჩანს; პატარა ქანდაკები კი მხატვრობისა და რელიეფების ნიმუშებს ემყარებოდა და ამიტომაც დამოუკიდებელ დარგს არ წარმოადგენდა. სამაგიეროდ კრეტამ გლიპტიკის დიდძალი საყურადღებო ძეგლები დაგვიტოვა. როგორც წინა აზიის მხარეებში და ეგვიპტეში, ისე კრეტაში თითოეულ შეძლებულ მოქალაქეს ჰქონდა სპილოს ძვლის ან ქვის, ლარიბებს კი — თიხის ბეჭდები; ამ ბეჭდებით ისინი თვის საკუთრებას ნიშნავდნენ და სხვადასხვა საბუთებს ამოწმებდნენ. პირველად ეს ბეჭდები ცილინდრებისა და პრიზმების ფორმისა იყო, შემდეგში მათ რგოლებში ათავსებდნენ. ბეჭდების დასურათებაში მოჩანს იგივე მიმართულება — მომენტის ცოცხალ მოძრაობაში გადმოცემისა; მაგრამ ის, რაც კედლის მხატვრობაში შედარებით ადვილი შესასრულებელი იყო, ამ დარგში გაცილებით მეტ დაკვირვებასა და გულმოდგინებას მოითხოვდა. ზოგიერთ შემთხვევაში ამ ბეჭდებს ოქროსაგან აკეთებდნენ და ატარებდნენ, როგორც სამკაულს. ბეჭდების დასურათებაში ვხვდებით: ფოთლებს, ტოტებს, ცხოველებს, ჭურჭლეულობას, ხაზების მრავალფეროვან კომბინაციებს, ხოლო უფრო ხშირათ — საზღაპრო არსებობს და მათ გვერდით ადამიანისა და ცხოველების სხეულების ფანტასტიურ შეერთებათ (ედ. მაჟერი, *ibid.* გვ. 169—172). კრეტელების კულტურული სიმაღლის დამადასტურებელია ის ფაქტი, რომ მათ მეორე ათასეული წლების დასაწყისში შემოიღეს საკუთარი ხატოვანი დამწერლობა. ამ უკანასკნელის ნიშნების საკმაოდ თვალსაჩინო რიცხვი უახლოვდება ეგვიპტის ჰიეროგლიფებს, ხოლო აქედან განსაზღვრული დასკვნის გამოტანა და ამ ორი სისტემის ერთი მეორესთან გადაკრით დაკავშირება ჯერჯერობით შეუძლებელია. იმის აღნიშვნა კი ამთავითვე თამამად შეიძლება, რომ ეგვიპტისა და წინა აზიის დამწერლობათ მის წარმოშობაზე ერთგვარი გავლენა უნდა მოეხდინა. ამ უძველესი დამწერლობიდან შემდეგში ხაზოვანი კურსივი შრიტფი განვითარდა და მთელ კონძულზე გავრცელდა. ენოსში მას კალიგრაფიულად გაუმჯობესება განუცდია და, დასაშვებია, რომ ენოსს საკუთარი კალიგრაფიაც კი ჰქონდა. ენოსის სასახლეში აღმოჩნდა მთელი არქივი, რომელშიაც თიხის ფირფიტებზე დაწერილი 1500 საყურადღებო საბუთი იპოვეს. ძირითადი ნიშნების რიცხვის მიხედვით (დაახ. 80-დე) ეს დამწერლობა უბრალო სახის სილაბურ შრიტფად უნდა მივიჩნიოთ; მის მსგავსებას წარმოადგენს კუნძული კიპრის ძველი დამწერლობა. ეს კიპრული დამწერლობა კრეტას შრიტფიდან უნდა იყოს წარმომდგარი, რადგან ამ შემთხვევაში ადვილი აქვს ორივე სისტემის ნიშნების სრულ მსგავსებას. მარცვლოვან დამწერლობასთან ერთად გვხვდება საკმაოდ მრავალრიცხოვანი იდეოგრაფა. ენოსის სასახლეში აღმოჩენილ საბუთებზე ბევრითი შრიტფით გადმოცემული სიტყვები — ჭურჭლები, სამფხებები, იარაღი, ეტლები და სხვ., უფრო იშვიათად ცხენისა და ხარის თავის ფორმის სასწორები — სასახლის ინვენტარის აღრიცხვას უნდა შეიცავდეს. სამწუხაროდ კრეტას დამწერლობას დღემდე არ გამოჩენია თავისი შამპოლიონი და იგი ამოკითხული არ არის. ამიტომ არა ვიცით რა თვით იმ ენაზე, რომელზედაც იგი დაწერილია, ეტეოკრეტული ენის მცირე ნაშთების გამოკლებით, რომლებიც ბერძნულ ასოებით დაწერილ წარწერებში გვხვდება.

ამ დამწერლობის ამოკითხვა (ამოშიფვრა) რომ მოხერხდებოდეს რაიმე ბედნიერი კომბინაციის წყალობით, ეს იქნებოდა უდიდესი ღირებულების ფაქტი, რომელიც ამ შორეული ეპოქის მრავალ ბნელ საკითხს მოჰყენდა მეცნიერულ ნათელს

გადავიდეთ კრეტას სასახლეებზე. მათი ნაგებობა სხვაგვარია, ვიდრე საბერძნეთის სასახლეებისა. სასახლის შუაში დატოვებული იყო დიდი მოკირწყლული ეზო, რომლის გარშემო მოთავსებული ყოფილა რამდენიმე სართულად სხვადასხვა შენობები. სასახლის განსაკუთრებულ ნაწილს წარმოადგენდა სატახტო დარბაზი, სადაც ტახტი დღესაც კი აღმართული მოჩანს; აქვეა საცხოვრებელი ოთახები, ეანის ოთახი, საპირფარეშო კანალიზაციით და სხვ. სასახლეს დასავლეთით ეკვროდა მოკირწყლული ეზო, რომლის ჩრდილოეთ ნაწილში ეეანსმა გაარჩია ორი წყება ფრიად ფართო საფეხურებისა, რომლებიც ქმნიდა სწორ კუთხეს. მისი აზრით ეს საფეხურები მაყურებელთა დასაჯდომი იყო, ხოლო ქვევით ეზო — სადღესასწაულო წარმოდგენების ადგილი. ამგვარად, შეიძლება დაისვას საკითხი კრეტაში თეატრის წინამორბედი მოვლენის არსებობის შესახებ.

ენოსშივე გვხვდება: კიბეებიანი სახლები, რომლებსაც ველისაკენ გადაშლილი ჰქონდა მშენიერი ვერანდები, მრავალრიცხოვანი წაგრძელებული მალაზიები, რომლებიც გრძელ ტალანს ეკვროდა და რომელთა უზარმაზარი პათოსები ნაწილობრივ დღესაც თავის ადგილას დგას, პროლუტების საწყობები, ზეთის სახდელი ოთახი, მთავრების ოსტატთა სახელოსნოები და სხვ. ენოსის სასახლის განსაკუთრებულ სამკაულს წარმოადგენს თავისებური სვეტები, რომელთა ნიმუშები კრეტას გარეშე არსად არ მოიპოვება და, საფიქრებელია, რომ ისინი კრეტაში იყვნენ მოფიქრებული და შექმნილი. საერთოდ კრეტას სასახლეებს აკლდა ის, რაც ბერძნული სახლებისათვის მთავარი რამ იყო, სახელობრ სითბოს მომნიჭებელი კერა. ეილკენის მოსწრებული თქმით, ეს მოვლენა დაკავშირებული იყო ჰაეის სხვაობასთან: კრეტულ შენობას სიგრძივ, ჰაერი და სინათლე უნდა მოეტანა, ბერძნულს კი სითბო (Griech. Gesch. გვ. 29).

კრეტას ხელოვნება, რასაკვირველია, სრულებით კარჩაკეტილი და თვისთავადი არ ყოფილა. ამ მხრით უწინარეს ყოვლისა უნდა აღინიშნოს ეგვიპტეძველი დროიდანვე კრეტასა და ეგვიპტეს პოლიტიკური და სავაჭრო ურთიერთობა ჰქონდათ; ეგვიპტური საქონელი, ალბასტრის თუ მაგარი ქვის ქურქლეულობა, აგრეთვე მძივი და სხვა მსგავსი სამკაული, თუტმოს III (1504-1450) და მის მოადგილეთა სკარაბეები, სპილოს ძეღის ნივთები, სიჩაქლემას კვერცი — აღმოჩენილ იქნა არა მარტო კრეტაში, არამედ საბერძნეთის სამარხებშიც. შეიძლება ამ დროიდან გაერცელდა კრეტაში პაპირუსი, და აგრეთვე კრეტას ხელოვნებაში ზამზამა ისეთივე ადგილი დაიკავა, როგორც მის თანამედროვე ეგვიპტურ მხატვრობაში. ჯერ კიდევ ძველი სამეფოს დროის (დაახ. 2780-2300) ეგვიპტიდან უნდა გადმოეღო კრეტას ის ჩვეულება, რომლის მიხედვითაც კრეტელებმა იწყეს ხარხებისა და სვეტების ფოთლებითა და ყვავილებით შემკობა რომლისაგანაც წარმოდგა ეგვიპტეში მცენარეებიანი სვეტები პაპირუსისა და პალმის თავებით. როგორც ირკვევა, ასეთი ფორმები წინა აზიაშიც ფართოდ გაერცელდა და შეიძლება ითქვას, რომ ყველგან, სადაც კი მცენარეებიანი სვე-

ტები გვხვდება, ისინი თავისი წარმოშობით ეგვიპტურ ნიმუშებთან იყო დაკავშირებული (ე. დ. მაჯერი, G. d. A. II 1, გვ. 176).

გაცილებით უფრო ძნელია კრეტასა და აზიის ხელოვნებათა ურთიერთობის დადგენა, თუმცა მათ სარწმუნოებასა და კულტის ფორმებში შეხვედრის წერტილები უქვეყლად მოიპოვება. შეიძლება აქედან — აზიიდან იყვნენ წარმოდგარი ის უცნაური, ფანტასტიური სახის არსებები, რომლებიც ძველ კრეტაში მრავლად გვხვდებიან. მართალია, ფასკუნჯი და ქალურ არსებად გადმოცემული, უმეტეს ნაწილად მფრინავი სფინქსი ეგვიპტესთან უნდა იყვნენ დაკავშირებული, მაგრამ კრეტაში მათ ისეთი სახით ვეცნობით, რომელიც სირიასა და მცირე აზიაზე მიგვიითითებს. კრეტაში აღმოჩნდა აგრეთვე ბაბილონური და ხეთური ბექლები — ცილინდრები.

ეგვიპტის გავლენა ჩვენთვის განსაკუთრებით თვალცხადია ჰავია ტრიადის ეგრეთწოდებულ „მომკელთა ეაზა“-ზე: პროცესიის შუაგულში მოდის სამი მგალობელი, რომელთაც, როგორც მობანე, წინმოუძღვის წინსათრიანი ბელატი ეგვიპტელი, რომელსაც თან მიაქვს მუსიკალური ინსტრუმენტი — ეგვიპტური სისტრუმი. საერთოდ ჩვენ სრული უფლება გვაქვს ვილაპარაკოთ კრეტასა და ეგვიპტის ხელოვნებათა ურთიერთობასა და გავლენაზე, მაგრამ შეუძლებელია დაფიქსუოთ მათ შორის არსებული ღრმა განსხვავება. ორსავე ხელოვნებაში სტილი სრულებით სხვადასხვაგვარია და იმას, რასაც ერთი მეორესაგან სესხულობს, თავის სტილს უფარდებს და თავისებურად გარდაქმნის. თუ ეგვიპტის ხელოვნება სასტიკად იყო შებოქვილი და ფესვები ღრმად ჰქონდა ჩაშვებული ათასწლოვან ტრადიციასა და ტექნიკაში, რომელთა წესები და ფორმები მას ერთგვარად მაინც უნდა დაეცვა, კრეტას ხელოვნება პირიქით ახალგაზღვრად გატაცებული და გამბედავი იყო: იგი თამამ ამოცანებს ისახავდა, ცდილობდა შეუძლებელი შესაძლებლად გაეხადა, მდიდარი იყო სტილის შეგრძობით, მაგრამ არ უყვარდა თვის შემოქმედების მიმართ არტახებისა და საზღვრის დადება. ამიტომ მას ზოგიერთ შემთხვევაში, თითქოს, აკლდა სათანადო დისციპლინა და თავშეკავება. მაგრამ სამაგიეროდ იგი იყო ლალი, ნათელი და ხშიარული და ისეთი კულტურის პროდუქტი, რომელსაც უყვარს თვალხილული უქქიროს ბუნების მრავალფეროვან საწყაროს და სიამოვნებით განიცადოს ცხოვრების სიმდიდრე (ე. დ. მაჯერი, ib. გვ. 179). კრეტას ხელოვნების დამახასიათებელ მომენტად უნდა ჩაითვალოს ისიც, რომ ხელოვნების ძეგლებზე ქალები მამაკაცებთან თანასწორუფლებიანებად მოჩანან; მათ წრეში თავი თამამად უქირავთ, მათთან თავისუფლად საუბრობენ, დროს ატარებენ და სხვადასხვა სანახაობათ უქქირიან.

ასეთ ზოგად ხაზებში შეგვიძლია წარმოვიდგინოთ ამ დროის კრეტას კულტურის საერთო სურათი.

**ნ. კრეტას მეურნეობა ამ პერიოდში. თქმულება მინოსზე და კრეტას ხოციალურ-პოლიტიკური ორგანიზაცია.**

ნათქვამი იყო, რომ ჰომეროსი კრეტას „ასქალაქოვანს“ უწოდებს. და, მართლაც, ეს კუნძული დაქუცმაცებული ყოფილა მრავალ პატარა სამოქალაქო



ოლქად; ეს მოვლენა დამახასიათებელი უნდა ყოფილიყო კრეტისათვის და არსებითად მისი ზედაპირის აგებულებასთან დაკავშირებული: მთელ კუნძულზე მიემართება მაღალი მთების ზურგი, რომელიც ერთი-მეორისაგან ჰყოფს საცხოვრებლად ხელსაყრელ ველებს. მეორის მხრით ის ფაქტი, რომ კრეტას დიდი ქალაქები მკიდროდ ყოფილა დასახლებული, გვაფიქრებებს, რომ მათი მცხოვრებლების განსაზღვრული ნაწილი გარკვეულად მისდევდა ვაჭრობასა და ხელოსნობას, არქეოლოგიური ძეგლები, მართლაც, გვიჩვენებს, რომ ამ დროის კრეტას სხვადასხვა ნაწილებში ნაჭოსნობა და საზღვაო ვაჭრობა განვითარებული უნდა ყოფილიყო. ასეთი ადგილები იყო უმთავრესად კლდოვანი კონცხი მოხლოსი და პსეირა მირაბელოს ყურეში, აგრეთვე გურნია (Fimmen, Kultur, გვ. 17) და სხვ. ეს მოვლენა, რომელიც ნაწილობრივ მეკობრეობას და ნაწილობრივ სავაჭრო ურთიერთობას ემყარებოდა, უძველესი დროიდან აკავშირებდა კრეტას ეგვიპტესთან და კუნძულებთან ჩრდილოეთში. კაფტების ნაეები რომლებიც ეგვიპტის ფარაონმა თუტმოს III (1504-1450) ფინიკიაში ნახა, და თვით ფინიკიაში აღმოჩენილი მრავალი კრეტული ფირფიტა ცხადად ამოწმებს ამ ურთიერთობის ხმელთაშუა ზღვის აღმოსავლეთ ნაწილში გავრცელების ფაქტს.

საერთოდ დღეს უკვე საეჭვო აღარ არის, რომ ხმელთაშუა ზღვის მიდამოებში კრეტელები, როგორც ვაჭრობის, ისე მეზღვაურობის დარგში სახელგანთქმული წინამორბედნი იყვნენ ფინიკიელებისა. განსაკუთრებით აღრე იწყება მათი სავაჭრო ურთიერთობა ეგვიპტესთან. იმ დროს მეორე ცენტრი ვაჭრობისა და ნავოსნობისა არსებობდა ესპანიის ლითონებით მდიდარ სამხრეთ ნაწილში, სადაც უკვე ქრ. წ. 2500 წლებში, ჩანს, სწარმოებდა ბრინჯაოს დამუშავება (Adolf Schulten, Tartessos, Hamburg, 1922. S. 9). და აღსანიშნავია, რომ ბრინჯაო მხოლოდ კრეტას დახმარებით შეიძლებოდა მოხვედრილიყო ეგვიპტეში, აქ იგი საშუალო პერიოდის დასაწყისიდან ხდება კელევისათვის ხელშესახები (Weber, Die Staatenwelt des Mittelmeers in der Frühzeit des Griechentums, Stuttgart 1925, S. 12). თვით კრეტა ღარიბი იყო საკუთარი ვერცხლის წარმოებით და, საფიქრებელია, რომ უმეტეს ნაწილად ვერცხლი მას შემოჰქონდა იმავე ესპანიიდან, სახელდობრ დღემდე ვერცხლით მდიდარი სიერა-მორენას მაღაროებიდან.

კუმასის სამარხებში, რომლებიც აღრე-მინოსურ პერიოდს უნდა მიეკუთვნოთ, აღმოაჩინეს არა მარტო ქარვას სამკაულები, რაც თავისთავად ჩრდილოეთთან ურთიერთობაზე მიგვიბრუნებს, არამედ იბერული ხანჯალი მოვერცხლილი პირით (Fimmen, Kultur, გვ. 121, K. Schuchhardt, Alt—Europa, 58). კრეტასა და ესპანიის ურთიერთობის გამოსარკვევად უდიდესი მნიშვნელობა ექნება ტარტესის ნაშთებს, თუ ოდესმე შესაძლებელი გახდა მათი აღმოჩენა. ყოველ შემთხვევაში ტარტესის სახელწოდება, რომელსაც დაბოლოება აქვს—ssos, დამახასიათებელია ძველ-კრეტული კულტურული წრისათვის (Knossos, Amnissos, Herbessos, Telmessos და სხვ.) ამას გარდა არტურ ევანსის დაკვირვებით, ძველ-იბერულ ანბანში გვხვდება რამდენიმე კრეტული ნიშანი. იბერული ცხოველთა კულტიც, თითქოს, კრეტულ წარმოშობას ააშკარავებს. მაგრამ ყველა ეს მოსაზრება საკმარისი არ არის, რომ მათზე დამყარებით

რაიმე გარკვეული დასკვნა გამოვიტანოთ. ერთი რამ ცხადია: ესპანიასა და კრეტას შორის უკვე ამ უძველეს ხანაში არსებობდა სავაჭრო ურთიერთობა. მეორის მხრით ძველ ესპანიას ასეთივე ურთიერთობა ჰქონდა ბრიტანეთის კუნძულებთან, განსაკუთრებით ირლანდიასთან. და, შესაძლებელია საკითხი იმას შესახებ, თუ საიდან შემოქონდათ კრეტელებს იმ დროს ბრინჯაოსათვის საჭირო კალა, ამ მოვლენასთან დაკავშირებით გადაწყვედეს

ცნობილია, თუ რა ადგილი უჭირავს ჰომეროსის ეპოსშიაც კი კალას, რომელიც ოქროს გვერდით არის მოხსენებული, როგორც მისი თანაბარი ღირებულების ლითონი (Ilias XVIII, 475). დასაშვებია, რომ კალა ქრ. წ. მესამე და მეორე ათასწლეულში ბრიტანეთის კუნძულებიდან შემოჰქონდათ<sup>1)</sup>, ალბათ, ხმელთაშუა ზღვის მხარეებში და მაშასადამე კრეტაშიც.

ძველი კრეტელები საერთოდ, იმ დროის მიხედვით, დიდი მოვაჭრე და მეზღვაური ხალხი ყოფილა და ამ ასპარეზზე განვითარების თვალსაჩინო საფეხურისთვის მიულწევიათ.

აღრე დაუწყიათ მათ უცხო ქვეყნებიდან შემოტანილი მასალისა, ტექნიკისა, ხელოვნებისა და ხელოსნობის გამოყენება; შემოაქვეთ დასამუშაებლად სპილოს ძვალი, ალბასტრი, შუშა, ძვირფასი ცისფერი ქვა, ქარვა, სპილენძი, ვერცხლი და ოქრო. მათგან შემზადებული სავანები კრეტას გაჰქონდა, როგორც ეგვიპტეში, ისე სხვა ქვეყნებში. კრეტა ოქროს იღებდა უმთავრესად ეგვიპტედან, რომელიც იმ დროს „ოქროს ქვეყნად“ იწოდებოდა. დიდძალი სპილენძი შემოჰქონდა კრეტას კიპრიდან, მაგრამ უკანასკნელმა დაკვირვებებმა ცხადჰყო, რომ კრეტაში მოიპოვება ძველი დროის არა მარტო ლითონების ზენჯე და სადნობები, არამედ აგრეთვე რკინისა და სპილენძის ბუდობების გამოკვლევის კვალიც (ედ. მაჯერი, II 1, გვ. 210).

როგორც ეგვიპტეში, ისე კრეტაში სავაჭრო ურთიერთობაში ღირებულების შეფასების როლს სპილენძი და ოქრო ასრულებდა. ამ მიზნით კრეტელებს ჩამოსხმული ჰქონიათ სპილენძისა და ოქროს სწორკუთხოვანი ყურსები მოხრილად გადაწეული გვერდებით. ასეთი ყურსები მრავლად იქნა აღმოჩენილი კნოსის სასახლეში, აგრეთვე ამორგოსში, ეგბაში, სარდინიაში და ეგვიპტეში იმ ძღვენთა შორის, რომლებიც კატეტებს მოაქვთ; მათი სურათები გვხვდება აგრეთვე დამწერლობით დაფარულ ფირფიტებზე. სპილენძის ასეთი 19 ყურსი ელაგა ჰავია ტრიალის ერთ ოთახში. დღეს დამტკიცებულად ითვლება, რომ კრეტელებს ჰქონდათ საკუთარი სისტემა წონისა და ფულის, მაგრამ მისი გარკვევა ჯერ-ჯერობით მაინც შეუძლებელია

ძეგლების წყალობით შეგვიძლია გავითვალისწინოთ აგრეთვე კრეტული გემების სახე და აგებულება; ნიჩბებიანი ნაევბის გვერდით, რომელთა მოდლები ხშირად არის დაცული თიხაზე, უძველესი ბექდების პიქტოგრაფიულ დამწერლობის ნიშნებში გვხვდება იალქნიანი გემებიც მაღალი საკითხა და მოკაზმულობით. მათგან ერთგვარად განსხვავებულია კრეტელების სამხედრო გემები.

კრეტას საზღვაო ძლიერების შესახებ გვიამბობს თქმულება კნოსის მეფე

<sup>1)</sup> იხ. R. Hennig-ის დასახელებული წერილი, გვ. 3-6.

მინოსზე. იგი მოგვითხრობს მინოსის გალაშქრებას საბერძნეთზე, ათენის წინააღმდეგ, რომლისათვისაც გამარჯვების შემდეგ, როგორც იყო ნათქვამი, საშინელი ხარკი დაუდგია. გაულაშქრებია მინოსს მეგარას წინააღმდეგაც, სადაც მისი სახელით წოდებულ გორაკ მინოაზე ნათესადგურის მახლობლად საფუძველი ჩაუყრია ნისეასთვის. მინოსი, ვადმოცემის მიხედვით, მკიდრო ურთიერთობაში იყო ზევესთან და თითქოს, მისგან მიიღო ის უფლება-წყობილება, რომელიც მის დროს კრეტაში სუფევდა. მისი გვერდით დგას დედალოსი, რომელიც ხელოვანთა წარმომადგენლად და მამამთავრად ითვლებოდა. ჰომეროსი იხსენიებს მის ერთ ფერხულს, რომელიც მან, თითქოს, არიადნესთვის მოიგონა. მასვე მიაწერენ ლაბირინთის აგებას. შემდეგში კი სიკანელბთან მიფრინავს სიცილიაში თავის მიერვე გაკეთებული ფრთებით, სადაც მას დიდი პატივისცემით ხვდება მეფე კოკალოსი. მინოსი კი, რომელიც მას თავისი ლაშქრით უკან დაედევნა, მოკლულ იქნა ბრძოლაში. ასეთია ამ თქმულების მთავარი ხაზი.

ვინ არის მინოსი, ისტორიული თუ მითური პიროვნება? ეგებ ამ შემთხვევაში საქმე გვაქვს ისეთსავე ფაქტთან, როგორიცაა ლიკურგოსის სახელთან დაკავშირება სპარტას წყობილების წარმოშობისა? ვილკენის აზრით მინოსი მეფე კი არა ღვთაება იყო (Griech. Gesch. გვ. 27). პოელმანის სიტყვითაც, მინოსი არის გმირად დაქვეითებული თავდაპირველი კრეტული ღმერთი ზეცისა, რომელსაც, ენოსის სასახლის მინოტავრისა და ხარების სურათების მიხედვით, თაყვანს, ალბათ, ხარის სახით სცემდნენ (R. Pöhlmann, Griechische Geschichte, გვ. 28). ამ შემთხვევაში უფრო სამართლიანად უნდა ჩაითვალოს ედ. მაჯერის მოსაზრება, რომ ხშირად გამოთქმული მტკიცება, თითქოს მინოსი თავდაპირველად ღმერთი იყო, სრულებით უსაფუძვლოა; ვადმოცემა მას იცნობს როგორც კრეტას მეფესა და კუნძულის ძველი ძლიერების წარმომადგენელს და არაერთარი საბაბი და უფლება არა გვაქვს მასში სხვა ვინმე ვეძიოთ (II I, გვ. 213, შენ. 1). ხალხური თქმულების მთავარი მიზანი, როგორც ჩანს, იმაში მდგომარეობს, რომ კრეტას ძლიერების წარმომადგენლად ხაზგასმით მინოსი დაგვისურათოს. ეპოსი აქაელთა მთავრებს, რომელთა შესახებაც იგი მოგვითხრობს, მის ჩამომავლობად აცხადებს და თხზავს გენეალოგიას მრავალრიცხოვანი, ნაწილობრივ მითური ნაწილობრივ კი ეთნოგრაფიული სახეების ჩართვით. ეს შემთხვევა კვლავ მოიგონეს, როდესაც დორიელები ამ კუნძულზე დამკვიდრდნენ; მათ ვადმოიღეს მინოსის სახე და მას თელიდენ თავისი სახელმწიფოებრივი წყობილების დამაარსებლად. უკვე აღვნიშნეთ, რომ ძველი ისტორიკოსები ჰეროდოტე და თუკიდიდე მინოსს თელიდენ ძლიერ მეფედ, რომელიც ბატონობდა ზღვაზე და კუნძულებზე და იყო კრეტას სახელმწიფოებრივი ცხოვრების მომწესრიგებელი. კერძოდ ჰეროდოტე. მინოს ენოსელს ზღვის უძლიერეს მეფედ იხსენიებს (III, 122; I, 173). ამასთან ერთად იგი აღნიშნავს, რომ თავდაპირველად კარიელები მინოსის ქვეშევრდომები იყვნენ, ეწოდებოდათ ლელეგები და ეკავათ კუნძულები. როდესაც მინოსმა დაიპყრო მრავალი ქვეყანა და სახელი გაითქვა სამხედრო წარმატებით, კარიელებიც ყველა ხალხთა შორის განთქმული იყვნენ (I, 171). დიოდორე და სტრაბონი კი მინოსს მიაწერენ მრავალი ქა-

ლაქის დაარსებას, მათ შორის ფესტის — სამხრეთით და კილონიის — კრეტას ჩრდილოეთ-დასავლეთ ნაწილში.

ნათქვამიდან შეგვიძლია დაინახოთ, თუ რა დიდი ადგილი უჭირავს მინოსს ძველ ტრადიციაში; ამიტომ ხელალებით მისი მითურ, თუ ნახევრადმითურ პიროვნებად წარმოდგენა არ უნდა იყოს სიმართლესთან დაახლოვებული. რასაკვირველია, ამით იმის თქმა არ გვინდა, თითქოს კრეტას ძველი წყობილება და ძლიერება მარტო მინოსის საქმე იყოს.

ამას რომ თავი დავენებოთ, ხალხური თქმულების მიერ შენახული სურათი თავის ძირითად ხაზებში სარწმუნოა; გადმოცემამ იცის მინოსის გალაშქრება საბერძნეთის ხმელეთზე გაცარცვის მიზნით, მაგრამ არა იცის რა მასზე მისი ბატონობის შესახებ, ეს ამალგებს მის ღირსებასა და ამტკიცებს მის სინამდვილეს. რომ კრეტა შორს იყო გაბატონებული კუნძულებზე, ამის დამადასტურებელია ის ფაქტი, რომ უწინარეს ყოვლისა მელოსი და მისი მთავარი ქალაქი ფილაკოპი, აგრეთვე თერა აღმოჩენების მიხედვით კრეტას სრული გაელენის ქვეშ მდგომად მოჩანს. სრულებით სარწმუნოა ისიც რომ მოსახლეობა აქ ამ დროს „კარიული“ იყო, თუმცა მის შესახებ ჰეროდოტე და თუკიდიდე ერთგვარად გასხვავებულ ცნობებს გვაწვდიან: ჰეროდოტეს გადმოცემით, კუნძულების კარიელები მინოსის ქვეშევრდომები იყვნენ, რომლებიც მას ხარკს კი არ აძლევდნენ, არამედ გემებს უმზადებდნენ; უფრო გვიან ისინი აქედან გარეკეს ღორიელებმა და იონელებმა. თუკიდიდეს მიხედვით კი კარიელები ამ კუნძულებიდან თვით მინოსმა გარეკა, რომ ბოლო მოელო მეკობრეობისათვის და თავისი შემოსავალი გაემრავლებინა, და მმართველობა მათზე თავის შვილებს გადასცა. როგორც ვხედავთ, ორივე შემთხვევაში განსხვავება, მხოლოდ კუნძულების მოსახლეობის შემდეგი თავგადასავლის დასურათებაშია.

კრეტას ამ დროის სახელმწიფოებრივი წყობილების შესახებ ჩვენ არ მოგვეპოვება არავითარი გარკვეული ცნობა ან საბუთი და ამიტომაც ამ საკითხის ჯეროვანი გაშუქება შეუძლებელია. არ ვიცით ისიც, თუ რა დამოკიდებულებაში იყო კრეტას ორი მთავარი ქალაქი კნოსი და ფესტი და მათგან ცოტა მოშორებით მდებარე ქ. ჰაგია ტრიადა, მით უმეტეს არ არის ნათელი ის საკითხი, ეკუთვნოდა თუ არა კუნძულის დასავლეთი ნაწილი, სადაც კილონიელებს უნდა ეცხოვრათ, ცენტრში და აღმოსავლეთ ნაწილში მობინადრე ეტეოკრეტელებისა თუ კატფტების სახელმწიფოს, თუ იგი დამოუკიდებელ ერთეულს წარმოადგენდა. ყველა აქ საკითხზე გარკვეული პასუხის გაცემა ამჟამად შესაძლებელი არ არის და მხოლოდ წინასწარი ჰიპოთეზური მოსაზრებების გამოთქმით უნდა დაეკმაყოფილდეთ. იმ არქეოლოგიური აღმოჩენების მიხედვით, რომელთაც ადგილი ჰქონდათ მალემესა (კილონიის დასავლეთით) და ატსიპაში (იდას დასავლეთით, ზღვის ნაპირზე), შეგვიძლია ვიფიქროთ, რომ კუნძულის დასავლეთ ნაწილშიც ისეთივე კულტურა არსებობდა, როგორც მის აღმოსავლეთ ნაწილში.

როგორც უკვე იყო ნათქვამი, კრეტას, თითქმის, ყველა ქალაქი, საბერძნეთის მთავარი ქალაქებისა და მელოსის ფილაკოპისაგან განსხვავებით, გაუმაგრებელი იყო; ამის მიხედვით, თითქოს, უფლება გვაქვს ვიფიქროთ, რომ თვით

კუნძულზე მშვიდობიანი ურთიერთობა სუფევდა და მას, ალბათ, არც შინაური ომი და არც ზღვიდან თავდასხმა არ ემუქრებოდა.

აღმოჩენილი ძეგლების გათვალისწინება ერთგვარ საფუძველს გვანიჭებს, ვიგულისხმობთ რომ კრეტა ამ დროს მკიდროდ იყო დასახლებული. მეორის მხრით სასახლეების აგებულება, მათი სიდიდე და სიმდიდრე გვარწმუნებს, რომ სამეფოს სათავეში იდგა ძლიერი მეფე თავისი კარისკაცებითა და მოხელეებით. მაგრამ, თუ ეგვიპტის ძეგლებზე ხშირად ეხედავთ ფარაონების გამოსახულებათ, კრეტას კედლის მიატერობასა და სხვა ძეგლებზე მეფეები სრულებით არ გვხვდება. უცხოა კრეტას ხელოვნებისათვის აგრეთვე ეგვიპტუსა და ბაბილონში გავრცელებული ჩვეულება, რომლის მიხედვითაც მეფეებს ჩვეულებრივ მოკვდავთაგან განსხვავებულად განასახიერებდნენ. ეგებ ეს იმიტომ ხდებოდა, რომ კრეტაში მეფეებს ლეთაებრივი ღირსება არ ჰქონდათ მინიჭებული. მეფის გვერდით უნდა არსებულიყვნენ გავლენიანი მკვანტები დიდი მამულებით და მრავალრიცხოვანი ამაღა; მათ ეკუთვნოდათ, ალბათ, სასახლის მსგავსი დიდი სადგომები, რომლებიც ტილისოსში, გურნიაში, პალეკასტროში და თვით კნოზშიც სამეფო სასახლეების გვერდით აღმოჩნდა. საკმაოდ თელსაჩინო და მრავალრიცხოვანი ძეგლების მიხედვით კრეტას საზოგადოებაში დიდი როლი ჰქონდათ მიკუთვნილი აგრეთვე ქურუმებს და ქურუმქალებს. საკითხი იმის შესახებ, თუ როგორ ცხოვრებას ეწეოდნენ და რა პირობებში უხდებოდათ არსებობა საზოგადოების დაბალ ფენებს, ჩვენთვის დღემდე არ არის ნათელი და სათანადო ცნობებიც არ მოგვეპოვება. სასახლეების აღნაგობა და მათი არაჩვეულებრივი ბრწყინვალეობა და სიმდიდრე კი გვაფიქრებინებს, რომ ადგილი ჰქონდა ნივთიერი დოვლათის ერთგვარ დაგროვებას, რომელიც უმთავრესად ყმურ მდგომარეობაში მყოფ მოსახლეობის შრომაზე უნდა ყოფილიყო დამოკიდებული. მართალია, ამ დროის კრეტაში ხელოსნობა და ვაჭრობაც განვითარებული მოჩანს და ფულისა და წონის თავისებური სისტემის არსებობაც ხელშესახები, მაგრამ მთავარი ძეგლების მიხედვით კრეტას მეურნეობა ამ ეპოქაში უმთავრესად მაინც სოფლის მეურნეობასთან უნდა ყოფილიყო დაკავშირებული. საფიქრებელია ისიც, რომ კრეტას მბრძანებლებს მრავლად მოჰყავდათ დაპყრობილი ქვეყნებიდან მონები, რომელთაც აკისრებდნენ სხვადასხვა მძიმე სამუშაოს შესრულებას.

კრეტას საზოგადოებრივი დიფერენციაციის გათვალისწინების თვალსაზრისით საყურადღებოა ის ფაქტიც, რომ სანახაობანი, რომელთაც მბრძანებელთა კარზე მართავდნენ, არ უნდა ყოფილიყო დაბალი ხალხისათვის მისაწვდომი, რადგანაც მათ ადგილას შესაძლებელი იყო მხოლოდ მცირერიცხოვანი მაყურებლების დატევა, მაღალი წრეების წარმომადგენელთათვის კი იგი სრულიად საკმარისი იქნებოდა.

კრეტას კულტურული აყვავების ეს პერიოდიც დიდი კატასტროფით დამთავრდა დახ. 1400 წელში. ამ შემთხვევაში ეს კატასტროფა უკვე ვარკვევით შეიძლება დავლავშიროთ პელოპონესელი აქაელების კრეტაზე შემოსევას, რომელზედაც საუბარი თავის ადგილას გვექნება.

### 6. კრეტელების ძველი სარწმუნოება და კულტი.

კრეტაში აღმოჩენილი სხვადასხვა ძველი თვისი სურათებით საშუალებას გვაძლევს ნაწილობრივ მაინც შევიგნოთ იმ დროის კრეტელების სარწმუნოება. ამ მხრით დიდ დახმარებას გვიწევს: კრეტის სასახლის ფრესკები, ჰაგია ტრიადის სარკოფაგის მხატვრობა, სხვადასხვა ფიგურები, ქანდაკები და სხვ. მაგრამ ამთავითვე ვარკვეულად უნდა აღვნიშნოთ, რომ ყოველივე ეს, სანამ კრეტას დამწერლობა არ ამოუშიფრავთ, სისრულით ვერ გაგვირკვევს კრეტას მითოლოგიისა და კულტის მრავალ ბუნდოვან საკითხს.

აღმოჩენილი ძეგლების მიხედვით უნდა ვიფიქროთ, რომ კრეტაში ტაძრები საერთოდ არ არსებობდა. ხოლო კულტისათვის განკუთვნილ ჰატარა ოთახებს ხშირად ვხვდებით კნოსისა, ჰაგია ტრიადისა და ფესტის სამეფო სასახლეებში და ზოგიერთ მაგნატის სადგომებშიც. მაგრამ ეს ოთახები იმდენად ვიწრო და დაბალი არის, რომ მასში ადამიანს მობრუნებაც კი გაუჭირდებოდა, მით უმეტეს კულტის წესების შესრულება. ეს ოთახები ავისილი ყოფილა ყოველგვარი სახის საკრალური ნივთებითა და შესაწირავით. მათში მრავლად აღმოჩნდა: სასმისები, სამსხვერპლო ფიქალები, ხილი, ყვავილები, სპილენძის ორპირიანი ტულები და სხვ. კერძოდ ფესტის სასახლის „სამლოცველოში“ აღმოჩენილი თიხის სამსხვერპლო ფიქალი შუაში ამოღრმავებულია, ალბათ, სურნელებათა მოსათავსებლად; მისი გარეგანი მხარე შემკულია რელიეფებით, რომლებიც ასოების მსგავს ნიშნებს და ხარების ჯგუფებს გამოხატავს. ედ. შაჰერის აზრით (ibid. გვ. 185), ოჯახის მამასახლისები, რომლებიც ამავე დროს ქურუმების მოვალეობასაც ასრულებდნენ, ამ საგნებს მორწმუნეთა წრეში აგროვებდნენ; დროთა მსვლელობაში, ასეთი ჰატარა ოთახები, ცხადია, შეწირული ნივთებით აივსებოდა და საჭირო ვახდებოდა მათი „განტირთვა“ და შეგროვილი საგნების სარდაფებში გადატანა. ეს მოვლენა გვაგონებს იმ ჩვეულებას, რომელსაც ადგილი ჰქონდა ეგვიპტეში, კიპრისა და საბერძნეთის ტაძრებში და მრავალ სხვა კულტში.

ჩვენ ვსთქვით რომ კრეტამ ტაძრები არ იცოდა. ზოგიერთი მკვლევარი კი კნოსის ერთ ფრესკაში, რომელიც სამსხვერპლო რქებით შემკულ შენობას გვისახიერებს, ტაძრის მსგავს ნაშენს ხედავს. ეს მოსაზრება საფუძველს მოკლებულად ვერ ჩაითვლება, მაგრამ მაინც სარწმუნოდ უნდა მივიჩნიოთ, რომ კრეტაში საერთოდ ცალკეული ტაძრები არ აღმოჩენილა. ამიტომ უფრო საგულისხმებელია, რომ კულტის წესები და საერთოდ ლეთისმსახურება კრეტაში ღია ცის ქვეშ სრულდებოდა. კრეტელები თვის ღმერთებს თაყვანს სცემდნენ უმეტესად მთის მწვერვალებზე და გამოქვაბულებში, რომელთაგან განსაკუთრებით ცნობილია პეტსოფის მწვერვალი, იუკტა, ლაზითის მთები და სხვ., კამარესის და არკალოხორის გამოქვაბულები და სხვ. ამას გარდა ბევრგან არსებობდა ეგრეთწოდებული „სალვთო უბნები“. მათ შესახებ ერთგვარ წარმოდგენას გვაძლევს გემმებსა და ქვის „ვაზებზე“ მოთავსებული მათი სურათები. ჩვეულებრივად ასეთ უბნებს გარს ერტყა რიყის ქვის კედელი, მასში იდგა ოთხკუთხოვანი სამსხვერპლო ჩვენთვის გაუგებარი სიმბოლოთი; მის შუაგულში აღმართული იყო სწორკუთხოვანი ნაშენი შესავლით; მის განაპირა ნაწილში მოჩანდა რამდენიმე ხე, უმეტესად ლელვისა, რომელიც თითქმის ყველა უბანში

გვხვდება; შესავლის შიგნით კი განცალკევებულად იღვა რამდენიმე სვეტი. ამ „საღვთო უბნების“ სახე, თითქოს, იმაზე უნდა მიგვიითიებდეს, რომ კრეტელებს სწამდათ თვისი ღმერთების ხეებსა და მცენარეებში ბინადრობა, და ამიტომაც ამ უკანასკნელთ თაყვანისცემის ობიექტად თელიდენ. ამას გარდა კრეტას კულტის მთავარ სიმბოლოდ ორპირიანი ცული უნდა მივიჩნიოთ. კნოსის სასახლეში მას განსაკუთრებული დარბაზიც კი ჰქონდა მიკუთვნილი („ორპირიანი ცულის დარბაზი“). ჰავია ტრიადას სარკოფაგის მხატვრობაში თვალსაჩინო ადგილი უკავია ორპირიან ცულს. ხშირად იგი ხარის თავთან ერთად გვხვდება. ამიტომ ზოგს შესაძლებლად მიაჩნია იფიქროს, რომ იგი იყო ის იარაღი, რომლითაც კვლავდენ სამსხვერპლო ცხოველებს და რომ იგი იმ ღვთაების სიმბოლოდ გახდა, რომლის კულტში მსხვერპლის შეწირვისას მას ხმარობდნენ. ძნელია იმის თქმა, თუ რამდენად მართალია ეს აზრი, ის კი ცხადია, რომ ორპირიანი ცული კრეტას კულტის თვალსაჩინო ატრიბუტს წარმოადგენდა. ზოგიერთი მეცნიერი ცულის ბერძნულ სახელწოდებას-*ἀΐψα*; ლაბირინთს (*ἀΐψα-λαβίρι*) უკავშირებს და უკანასკნელს, როგორც ორპირიანი ცულის სადგომს განმარტავს, ხოლო ასეთი განმარტება საბოლოოდ მიღებულად ვერ ჩაითვლება. მეორის მხრით კრეტას სასახლეებში და კულტის ხაშენებში დიდი ადგილი უკავია ქვის სვეტებს, ამიტომ არტურ ევანსის აზრით მათაც საკრალური მნიშვნელობა უნდა ჰქონოდა. მაგრამ ედ. მაჯერი სწორი დაკვირვებით ეს სვეტები არსად არ ჩანს ღმერთებთან უშუალოდ დაკავშირებული და მათი კულტის სიმბოლოდ აღიარება ყოველ შემთხვევაში საეჭვოდ უნდა მივიჩნიოთ. როგორც ჩანს, კრეტელები თაყვანს სცემდნენ აგრეთვე ქვებს კონუსისა და ადამიანის სახით.

ღვთაებათა გამონახულებანი დიდი კერპების სახით კრეტაზე არ არსებობდა. სამაგიეროდ გვხვდება მრავალი პატარა ქანდაკი, უმეტესად შიშველი ღმერთქალისა. ამ კერპების უმრავლესობას უწოდებენ ან გულზე აქვსთ დაკრეფილი ან მალლა აწეული და ჩვეულებრივ გველი უქირავთ; ზოგჯერ თავზე მათ მტრედი უზის. შესაძლებელია, ეს ფიგურები პირველად კუნძულზე შემოკრიბი ბერძნების ზეგვიდნით გავრცელდა. მათში უნდა დავინახოთ პირველი ცდა, რომ ის სახეები, რომლებშიაც ფანტაზია ღმერთებს წარმოიდგენდა და მათ ხელოვნურ ქმნილებებში გამოხატავდა, თვით კულტშიაც ყოფილიყო დაწესებული (ედ. მაჯერი, *ibid.*, გვ. 190). ამ კერპების გასაოცარი სიმრავლე და აგრეთვე ისიც, რომ მათზე მუდამ ქალია გამოსახული. გვაფიქრებებს, რომ საქმე გვაქვს ისეთ ღვთაებასთან, რომლის მიმართ ხაზგასმითაა აღნიშნული დედობის იდეა. პირველ უდიდეს საიდუმლოებად, პირველ რთულ ამოცანად, რომელიც გაუნათლებელი ადამიანის გონებას იტაცებდა, მის ბალღურ აზროვნებას მხიბლავდა და ამოძრავებდა, იყო ბუნებას მოვლენათა შეუწყვეტელი ცვალებადობა, მათი წარმოშობა და მოსპობა, გაჩენა და გაქრობა. წარმოშობისა და მოსპობის ეს პროცესი ადამიანის თვალწინ შეუჩერებელი მიმდინარეობდა; ამ პროცესს ამჩნევდა იგი თვის მსგავს არსებათა, ცხოველთა და მცენარეთა შორის, ამასვე ხედავდა იგი დღისა, ღამის და წელიწადის დროთა ერთი-მეორის მიერ შეცვლაში და სრულიად ბუნებრივად ვბადებოდა კითხვა: ვინ განაგებს ამ პრო-

ცეს, ვინ არის ამ დაუქარულებელი მოძრაობის ხელმძღვანელი. და საკეთმპყრობელი? თავისთავად სწარმოებს ყოველივე ეს, თუ რომელიღაც უმაღლესი არსების ნებისყოფითა და ბრძანებით? და მისმა გონებამ ირწმუნა, რომ ყოველივე ამას ხელმძღვანელ-ებს უხილავი ძალა, რომელიც ჰქმნის და სპობს, წარმოშობს და ჰკლავს; იგი აზიარებს ყოველივეს სიცოცხლეს და იგივე აძიულებს განვიდეს. სიცოცხლისაგან, მიიცვალოს. ამ ძალას იმ დროის მარტივი ახროვნება ყველაზე უკეთესად ღმერთქალის სახით წარმოიდგენდა. კრეტას ერთი პატარა ქანდაკი, რომელსაც არც თავი და არც ხელები არ აქვს, გამოხატავს არა თვით ღმერთქალს, არამედ მისდამი შეწირულ ტანთსაცმელს. მასზე აღნიშნულია ღმერთქალის სიცოცხლის მომნიკებელი თვისება. ტანსაცმელი შედგება მკლე სახელოებიანი კოფტისაგან; მის ქვეშ მოთავსებულია ორგეხილად შემოვლებული ქმარი; ხოლო ქვედატანს გავლებული აქვს მარაოს მგავსად დაწყობილი ჰორიზონტული ზოლები; ქვედა ტანის ნაოკები ბოლომდე არ აღწევს და წინა პირის უმეტესი ნაწილი თავისუფლად არის დატოვებული; მასზე კი ორფად გატარებულია ტალღის-მგავსი ხაზი; ქვედატანის თავისუფალ ნაწილში დასურათებულია ვაზა, რომლისაგანაც ამოსულა დიდღეროიანი ყვავილები. ეს სურათი ღმერთქალის ნაყოფიერებისა და წარმოშობას თვისებას უნდა გვისახიერებდეს. ვილკენის დაკვირვებით ეს ტანსაცმელი მოგვაგონებს ილიადაში ხსენებულსა და პანათენეა დღესასწაულების peplos-ს. მეორის მხრით გვხვდება ღმერთქალის ისეთი ქანდაკი, რომელსაც მარჯვენა ხელში უკავია გველის თავი, ხოლო მისი კუდი მარცხენაში. ვინაიღ ნ გველი ძველად ქვესკნელის სიმბოლოდ ითვლებოდა, შეგვიძლია ვიგულისხმოთ, რომ ამ ღმერთქალის სახით საქმე გვაქვს ქვესკნელის რომელიღაც ღეთაებასთან, თუმცა შეიძლება იგი უფრო გველების შემლოცვის გამოხატავს, რომელსაც კულტში დიდი მნიშვნელობა ჰქონდა მიკუთვნილი. სხვა ძველ ხალხებსაც ახასიათებდა მაზადიული ცვალებადობის ღმერთქალის მსგავსი იდეა. მკირე აზიაში ასეთი „დიდი დედა“ იყო კიბელა, სემიტებს ჰყავდათ იშტარი, ეგვიპტელებს ხატორი და სხვ.



სურათი № 4—კნოსის ღმერთქალის

იმ ძალის ფრიად გავრცელებულ სიმბოლოდ, რომელიც დაბ დებას განასახიერებდა, ძველების მიხედვით ხეუნდა ვიგულისხმოთ. კრეტაში აღმოჩენილ ბეჭდებსა და გემებზე ხშირად გვხვდება ხის კულტის სტენები (დენდროლატრია). იმ ხის მთავარ ღეროს, რომელიც თავიანთსენების სავნად ხდებოდა, ხშირად ჰქონდა შემოვლებული საკურთხეველის მსგავსი შენობა. კრეტელების ქალები, რომელთა ხელშიაც იყო უმთავრესად კულტის შესრულება, ხშირად ამკობდენ სამსხვერპლოებს ხის ტოტებით; ხოლო საუწმუნოებრივი პროცესიების დროს ზოგჯერ მათ თვით ეკავათ ხელში ისინი. როგორც ვთქვით, კულტის მსახურებაში უახლოეს მონაწილეობას იღებდენ ქალები. ეგებ ამ მოვლენასთან კავშირი ჰქონდეს იმას, რომ კრეტას სარწმუნოებაში საერთოდ ქალური ღეთაებები სჭარბობდა. ის მედიდური გარეგნობა, რომელშიაც ვეცნობით ძველებზე გამოსახულ კრეტელებს,



დაცული აქვს მათ თავისი ღმერთების წინაშეც. თვის ღვთაებათ კრეტელი ახ მალა აწიული მარჯვენა ხელით ესალმება, ან, როგორც მსახურს შეშვენის, ხელები გულზე აქვს დაკრეფილი; სამაგიეროდ ძლიერ იშვითად გვხვდება იგი მათ წინ მუხლმოყრილი. კრეტის სარწმუნოებაში მსხვირპლის შეწირვის უძველესად უნდა ჰქონოდა ადგილი, მაგრამ მხოლოდ მიცვალებულთა კულტში. სადღესასწაულო ღვთისმსახურება უმეტეს ნაწილად პროცესიებსა, ფერხულსა და კულტის ცეკვაში გამოიხატებოდა. ჰავია ტრიადას ერთი სტეატიტის ვაზა („მომკელთა ვაზა“) გლეხების სადღესასწაულო პროცესიას უნდა წარმოადგენდეს. პროცესიას წინ მიუძღვის გრძელთმიანი ღვთაეობა, შეიძლება ქურუმი ქალი; ბეჭებზე მას გადადებული აქვს წინამძღოლის ღირსების ნიშანი—მწყემსის ჯოხი—თავისებური კვერთხი; მის უკან წყვილ-წყვილად მოდიან პროცესიაში მონაწილე თავმოპარსული მამაკაცები წინსაფრტობით და ფალოსს პარკებით; თავზე მათ ქუდები ახურავენ, მარცხენა ხელში ცული და ნამგლის სახის მახვილი უჭირავენ. პროცესიის შუაგულში მოდის სამი მგალობელი; მათ თმა მოკლედ აქვს შეჭრილი და უქუდონი არიან; მათ წინ მოემართება გალობის დამწყები მამაკაცი ეგვიპტური მუსიკალური ინსტრუმენტით—სისტრუმით. მიუხედავად იმისა, რომ ზოგიერთი მკვლევარი აღესაყ ფიქრობს, თითქოს ეს სურათი სამხედრო პროცესიას უნდა გადმოგვცემდეს, ჩვენ უფრო სარწმუნოდ მიგვაჩნია იგი მიწის დამუშავებასთან დაკავშირებულ სადღესასწაულო მსვლელობად ჩავთვალოთ.



სურათი № 5 — მომკელთა ვაზა.

დიდი ადგილი ეჭირა კრეტას კულტში მაგიურ ცეკვას, რომლის მეოხებით ცდილობდნენ ღვთაების გამოცხადებას, მის ებიფანიას. ამ ცეკვის გამომსახველ სურათების საშუალებით ჩვენ ვსტერეტ იმ სულიერ სამყაროს, რომელშიაც ცხოვრობდა კრეტა და მიმდინარეობდა მისი კულტურა. ამ სახის ძეგლებზე


ჩვენ ვხედავთ ქალს, რომელიც დგას მარჯვენა ხელაპყრობილი ბუჩქებით. გარ-  
შემორტყმული „სალეთო უბნის“ შუაგულში კულტის ნაშენის წინ და გაშტერე-  
ბით უმზერს მის თავზე ჰაერში მონაჯარდე ლეთაებას; მეორე ადგილას იგი იმ-  
ყოფება საკურთხეველის წინ და მას ევლინება ღმერთქალი, რომელსაც ორივე



სურათი № 6—კნოსის ბეკედი  
ღმერთქალით.

გვერდით ლომები უდგანან, და სხვ. ამ მხრით ჩვენთვის განსაკუთრებით საყურადღებოა ისოპატის ბეკედის სურათი: საუსხოვო ბუჩქებით და ყვავილე-  
ბით დაფარულ მინდორზე გრძნეული თვალის მფარ-  
ველობის ქვეშ ექსტატიურ ცეკვას ასრულებს ოთხი ქალი, რომელთაც ოქროს სამკაულებიანი ფართო ქვედატანი აცვიათ. ქალები თავდავიწყებით იწვევენ ლეთაებას; სხეულის ზედა ნაწილი მათ შიშველი

აქვსთ და მკერდი განსაკუთრებული სიცხადით გა-  
დმოცემული. მათ შორის თანსხეავებულია ერთი: იგი იწყებს ცეკვას, დანარჩენები მას მისდევენ და ასრულებენ ცეკვის სხვადასხვა მოქმედებას, რომელთაც მიზნად ლეთაების ეპი-  
ფანია აქვს. ამ ქალების გულმკერდი ისევე ივსება, თითქოს, გარემოცული მცენარეთა ნაყოფიერი ძალით, როგორც ჯეჯილი იღებს და ივსება დედამიწის




სურათი № 7—ისოპატის ბეკედის სურათი.

შაცოცხლებელი წვენიუ. (იხ. ჩემი ევროპ. პირ. ცეკ. გვ. 48-54.) მრავალ  
შემთხვევაში კრეტას ლეთაებები განსახიერებულია ცხოველებთან დაკავშირებით;  
უკანასკნელთა რსინი იმსახურებენ და მათშივე ააქარავენ თათის მრავალსახეობას.

ჩვენ აღვნიშნეთ, რომ კრეტელების „რეა“. რომელიც მთებზე ბინადრობს და რომილსაც ტყის ცხოველები და უწინარეს ყოვლისა ლომები ემსახურებიან (ედ. მაჯერი, G. d. A. I', S. 485),

ემსგავსება მცირე აზიის „დიდ დედას“ — ლმერთქალს კიბელას. მეორის მხრით როგორც საბერძნეთში, ისე კრეტაში გვხვდება გემები, რომლებზედაც ვხედავთ, რომ ლმერთქალს ხელი წაუვლია ვერძისათვის, ან კიდევ ზღვის ტალღებზე მდგომ ლმერთქალს ორივე ხელით დაუჭერია გედი. ლმერთქალის ასეთ



სურათი № 8 - ლეთების გამოცხადება.

განსახიერებაში უნდა გამოვიცნოთ ნადირობის ლეთაება - არტემიდა, რომელსაც ძველი ბერძნული კულტი და მითი ენერგიულ და უძლიერეს ლმერთქალად წარმოგვიდგენს. ფრიად საყურადღებოა, რომ მის გვერდით ვამჩნევთ ლმერთქაცს, რომელსაც ხელი ორი ლომისათვის წაუვლია. ენოსის ერთ ბეჭედზე იგი წარმოდგენილია მოსიარულედ, ცილინდრული ფარით, შუბითა და საომარი ქუდით. ერთი სიტყვით, ჩვენ თვალწინა ნამდვილი ომის ლმერთი. ფარის მსგავსი კერპები ლმერთქალისა (სიმბოლიურად, როგორც ფარი ქალური თავით, ხელებითა და ფეხებით), რომლებიც კრეტაში იქნა აღმოჩენილი, ბერძნული ათინას წინამორბედ სახედ უნდა მივიჩნიოთ. ვილა მოვიცემა დამარწმუნებლად დაგვიტყვიტა, რომ თვით ათინას სახელი არაბერძნულია (Wilamowitz. Athena, Sitzungsber. d. Preuss. Akad. d. Wissen. 1921, LIV).

აგრეთვე კრეტას ძევისი, რამდენადაც ბერძნული გადმოცემით შეგვიძლია წარმოვიდგინოთ, პირველ რიგში დიდი ლმერთქალის ვაჟია, რომელიც მუდამ კი არ მოქმედობს, არამედ ყოველწლიურად გაზაფხულზე იბადება და ზამთარში კვდება, როგორც მცირე აზიის შესატყვისი ლმერთები.

კრეტას ძეგლებზე ლმერთების გვერდით ხშირად გვევლინებიან დემონები. ამ დარგში ნათლად ჩანს მცირე აზიისა და მისი შუამავლობით თვით ბაბილონის გავლენა. დემონები დიდ როლს თამაშობენ თქმულებებსა და მითებში. ისინი უმეტეს ნაწილად ადამიანთა და ცხოველების ფიგურების უცნაურ შერთებას წარმოადგენენ.

დასასრულ, გაკვრით მაინც უნდა შეეჩერდეთ მიცვალებულთა კულტზე-მიცვალებულებს ამ დროს მიწაში მარხავდენ მოხრილ მდგომარეობაში და ზევიდან ზოგჯერ თიხის თალოვან სახურავს აფარებდენ. ხშირი იყო თიხის ვანები და სწორკუთხოვანი კუბოები (ლარნაკები). წარჩინებულ პირთათვის კი, როგორც ჩანს, კლდის გამოქრილ კამერებში ამზადებდენ საფლავებს, მაგრამ ამ დროიდან თითქმის არ დარჩენილა დიდი სტილის სამარხები. ყველაზე უფრო საყურადღებო ენოსის ჩრდილოეთით ისოპატის გორაკზე აღმოჩენილი საფლავია, რომელიც

უცნობი მეფისა უნდა იყოს; იგი წარმოადგენს დიდ სწორკუთხოვან კამერას, რომელშიაც გრძელ შესავალს შეეყავართ. ეს საფლავი კრეტას კულტურის უკანასკნელ დროს უნდა ეკუთვნოდეს და ცხადად ააშკარავენს საკუთრივ საბერძნეთის გუმბათოვანი სამარხების გავლენას.

კრეტას მიცვალებულთა კულტის სცენები კარგად არის აღბეჭდილი ჰაგია ტრიადას სარკოფაგზე. მისი ერთი გვერდის მხატვრობაში გადმოცემულია შემდეგი სცენები: სამსხვერპლო მაგიდაზე დევს ფეხებშეკრული და ყელგამოქრილი ხარი, რომლის სისხლი ჩადის კასრში; მაგიდის ქვეშ მოთავსებულია ორი შეკრული გარეული თხა, რომლებიც აგრეთვე სამსხვერპლოდ უნდა იყენენ გამზადებული. მსხვერპლის შეწირვას თან სდევს ერთი ქალის მიერ ფლეიტაზე სხედასხვა საგალობლის შესრულება; ამ ქალს უკან მოსდევს კიდევ ხუთი მანდილოსანი, რომელთაგანაც პირველი მოწინებით აპყრობს ხელებს მსხვერპლისაკენ. მარჯვნივ მოჩანს რქებით მორთული კულტის შენობა, რომლის შუა-აღვილას დგას ხე; მის წინ მალალ სარზე ჩამოკიდებულია ორპირიანი ცული, რომელზედაც ზის ჩიტი, და დასასრულ საკურთხეველი. სარკოფაგის მეორე გვერდზე ქურუმი ქალი მსხვერპლის სისხლს ასხამს დოქში, რომელიც დასადგმელზეა მოთავსებული; ამ დედაკაცს უკან უდგას ორი ქალი, ერთ მათგანს მოაქვს კასრი, ხოლო მეორე ლირაზე უკრავს. მათგან მარჯვნივ შესავლის წინ დგას მიცვალებული, ხოლო ამ უკანასკნელის წინ—ხე და სამსხვერპლო, რომლისაკენაც სამ მამაკაცს მოაქვს შესაწირავი. ყოველივე ეს ჩვენთვის ძვირფასია, რადგან კარგად გვაცნობს მიცვალებულთა კულტთან დაკავშირებული მსხვერპლის შეწირვას. მაგრამ ამ სარკოფაგის მხატვრობას სხვა მნიშვნელობაც აქვს: მას გადაეყავართ იმ ქვეყნის ფანტასტიურ სამყაროში; სხვათაშორის ორი ღმერთქალი ზის ეტლში, რომელშიაც პირველ წყებად ცხენებია შებმული, მეორედ კი — გრიფები.



სურათი № 9—ჰაგია ტრიადას სარკოფაგი.

ერთი სიტყვით, ვისაც აინტერესებს კრეტას მიცვალებულთა კულტი. იგი გვერდს ვერ აუხვევს პირველ რიგში ჰავია ტრიადას სარკოფაგის მხატვრობას. მაგრამ, როგორც დასაწყისში აღვნიშნეთ, არსებული ძეგლები საკმარისი არ არის კრეტას სარწმუნოების სრული გარკვევისათვის.

7. კრეტას ძველი მოხაზულობის საკითხი; კაფტი და ეტიოკრეტილები. ფესტის დიხკო და ფილისტიმელები.

ჩვენ გავეცანით კრეტას ყოვა-ცხოვრებასა და კულტურულ მდგომარეობას მეორე ათასეული წლების პირველ ნახევარში და თავისთავად გვებადება კითხვა: რომელ ხალხს ეკუთვნოდა ეს კულტურა, ცნობილია იგი რომელიმე სახელწოდებით, თუ სრულებით უცნობი.

ამ შემთხვევაშიც მთავარ დახმარებას არქეოლოგიული ძეგლები გვიწევს. პეტროფისა და სიტიას ძეგლებზე მამაკაცის ფიგურებს თმა თავზე მოკლედ ან სავესებით მოპარსული აქვთ, ხოლო ეგვიპტისა და სხვა ადგილობრივ ძეგლებზე კრეტელების დამახასიათებელია ბეკებზე გრძლად დაშვებული თმა, თუმცა შემდეგ ხანაშიც გვხვდებიან თავმოპარსული კრეტელები, მაგ. ჰავია ტრიადას ვაზაზე და ზოგიერთ ბექედზე. ედ. მაჯერიის სამართლიანი შენიშვნით (G. d. A. III, გვ. 182), ამ ფაქტში წოდებრივი და არა წარმოშობითი განსჯავება უნდა ვეძიოთ. კრეტელებს წვერის მოპარსვა ყოველ დროში ჩვეულებად ჰქონიათ. მამაკაცების ამ დროის ტანსაცმელში შენარჩუნებულია პატარა წინსაფარი ფალოსის პარკითა და ქაშრით; უფრო იშვიათად ვხვდავთ გრძელ მოსასხამს სასი-რცხელიო ადგილების დასაფარავად. ძველი კრეტელების გარეგნობის გამორკვე-ერს საქმეში დიდ დახმარებას გვიწევს ეგვიპტის ძეგლები. როგორც ვიცით, ჯერ კიდევ ძველად, მაგრამ განსაკუთრებით მე-XVIII დინასტიის დროიდან ეგვიპტესა და კრეტას შორის შვიდრო ურთიერთობა არსებობდა. ეგვიპტის ფარაონი თუტმოს I (ქრ. წ. 16 ს-ში) იქადის, ჩემი ბატონობა ვრცელდებოდა ხაუნეზუსა და დიდი ზღვის კუნძულებზეო.

მისი მოადგილე ხატშეპსუტი კი ერთ წარწერაში თავს ასე იხსენიებს: მე ვარ „მეფე (ati) ხაუნებუსიო“ (ედ. მაჯერი, *ibid.* გვ. 105). ხაუნებუსი, როგორც დღეს გარკვეულად არის დადგენილი, კრეტის უძველეს სახელწოდებას წარმოადგენს. ხატშეპსუტის მინისტრმა სენმუტმა და ვაზირმა უზერმა თავის საფლავებზე მოათავსებინეს კრეტელების მოციქულების სურათები, რომლებიც თვალწინ გვიყენებენ მამაკაცებს სწორი ცხვირით. ბეკებზე დაშვებული გრძელი თმით, შუბლზე დახვეული კულულებითა და მოპარსული წვერით; ფეხებზე მათ სანდლები აცვიანთ, მუცელზე მოჭერილი აქვთ ქაშრები, თეძოებზე—წინსაფრები, ხოლო წინ დიდი პარკი. ეს ფიგურები თვისი ტანსაცმლითა და გარეგნობით კარგად უდგება იმ დროის კრეტას ძეგლების გამოხატულებათ. დიდი პარკი სხვა არა უნდა იყოს რა, თუ არა კრეტული ფალოსის პარკი. სენმუტის საფლავზე კრეტელების სახელწოდება აღნიშნული არ არის, ხოლო უზერისა და თუტმოს III ხანის (1504 - 1450) სხვა საფლავებზე მათ კაფტი ეწოდება. თუტმოს III-ის დროის ამონის ერთ ჰიმნში ნათქვამია: „მე მოვედი და მოვეცე შენ დასაველეთი ქვეყნის დამარცხება, კაფტი და კიპრი შეძრწუნებულია...“ განსაკუთრებით

საყურადღებოა უზერის შადგილის რეზმერეს საფლავი, რომლის სურათები გვი-  
სახიერებს ფარაონის კარზე მისულ მოციქულებს ძლევით სხვადასხვა ქვეყნები-  
დან და მათ შორის „კაფტისა და დიდი ზღვის კუნძულების მავნატებს“, რომ-  
ლებიც ზურგიით მოეზიდებიან თუტმოს III განკუთვნილ ძღვენს.



სურათი № 10—კაფტის წარმომადგენელი

კაფტის მოციქულები იმგვარივე  
სახითა და იმავე ტანსაცმელში არ-  
იან აქ წარმოდგენილი, როგორ-  
შიაც მათ ვხედავთ სენმუტისა და  
უზერის საფლავებზე და თვით კრე-  
ტას ძეგლებზე. მათ შორის ორ მა-  
მაკაცს კრელი წინააფრების მაგიერ  
წინ აფარებული აქვს საქონლის  
წინწყლებიანი ტყავი გრძელი. კუ-  
ლით.

ამის ცალად უნდა ჩაითვალოს  
კნოსის სასახლის ეგრეთწოდებული  
„პროცესიების ფრესკა“,  
რომლის ფიგურებს მსგავსი ტანსა-  
ცელი აცვიათ; ისინი ისეთსავე  
ქურქლებს მოეზიდებიან, როგორც  
რეზმერეს საფლავზეა გამოსახული.  
ამ გარემოებამ გამოიწვია ის მოსა-  
ზრება, რომ ამ ფრესკის ფიგურები  
გვისურათებენ არა ადგილობრივ  
მცხოვრებლებს, არამედ სხვა ხალ-  
ხის მოციქულებს; შეიძლება ესენი  
იყვნენ კრეტას დასავლეთ ნაწილში  
მობინადრე კიდონიელების, ან მე-  
ზობლად მდებარე რომელიმე კუნ-  
ძულის თუ სანაპიროს წარმომად-  
გენლები. არ შეიძლება ითქვას,  
რომ ასეთ მოსაზრებას ყოველგვარი  
საფუძველი აკლდეს, მაგრამ ისეთი  
დიდი მკვლევარი, როგორც ედ-  
მაჰერია, მას დამარწმუნებლად  
ერ თელის მით უმეტეს, რომ, მისი  
აზრით, ტანსაცმელის ოდნავი სხვა-  
ობა ადვილად გასაგებია, განსაკუ-  
თრებით ფარაონის კარზე მივლი-  
ნებული მოციქულებისათვის; ამის  
გარდა თვით კრეტელების ძველი  
ტანსაცმელიც, ცხადია, ცვლილებას

განაღვიძდა (ibid. გვ. 108). ყოველ შემთხვევაში ჩვენ სახეებით ვიზიარებთ იმ აზრს, რომ კათოლიკე ნამდვილი კრეტელები იყვნენ და მათი სახელი შეგვიძლია დაეუქავშიროთ კათორს, თუ ლავთორიშს. რომელიც ისრაელებისა და ასირიელების გადმოცემით დიდი კუნძული იყო დასავლეთ ზღვაზე.

ეს კათოლიკე დროს ეტეოკრეტელები (ნამდვილი კრეტელები) უნდა ყოფილიყვნენ. ოდისეა აღნიშნავს რა კრეტაში ენათა და ხალხთა შერევის სურათს, პელასგებისა, კიდონიელებისა, აქაელებისა და დორიელების გვერდით ისპენებ<sup>1)</sup> აგრეთვე „მაჰაც ეტეოკრეტელებს“ (Πηλασγῶν; Ἀχαιῶν; XIX, 175 შმდ.). მკვლევარებმა შესძღეს აღმოჩინათ ეტეოკრეტული ენის ნხოლოდ უმნიშვნელო ნაშთები. სპეციალისტების აზრით, რადენადაც ეს ნაშთები მსჯელობის უფლებას გვაძლევს, ეტეოკრეტული ენა მცირეაზიური ტიპისაგან ერთგვარად განსხვავებულია. ამიტომ შესაძლებლად მიაჩნიათ, ეტეოკრეტელები მოსულ ხალხად ჩათვალონ. მაგრამ ეტეოკრეტელების სარწმუნოებაში ნათლად ჩანს ისეთი ელემენტები, რომლებიც ადკილობრივი კარიული მოსახლეობის სარწმუნოებასთან მის სრულ ნათესაობას ააშკარავენ. რასაკვირველია, ასეთი ფაქტი შეიძლება იმ ნიადაგზე იყოს წარმოშობილი, რომ მოსულმა ხალხმა — ეტეოკრეტელებმა შეითვისეს ძველი მკვიდრთა სარწმუნოება, მაგრამ მცირე ნაშთების მიხედვით თვით ეტეოკრეტული ენის ბუნების მცირეაზიური ტიპისაგან განსხვავების დადგენა საფუძვლიანად და გადაწყვეტილად ვერ ჩაითვლება. ამიტომ ძნელია იმის გამოჩვენება, ეტეოკრეტელები კრეტაში მოსული, თუ მკვიდრი მცხოვრებლები იყვნენ, სანამ სხვა უფრო დამარწმუნებელი საბუთები არ იქნება წარმოდგენილი.

კრეტას ძველი მოსახლეობის საკითხის გათვალისწინების დროს გვერდს ვერ აუხვევთ ევროპოდებულ ფესტის დისკოსა და მასთან დაკავშირებულ ფილისტიმელებს. ფესტის სასახლეში აღმოჩენილ იქნა გამომწვარი თიხისაგან გაკეთებული დისკო<sup>1)</sup>, რომელიც ორივე მხრით წარწერებითაა მოცული. იგი ხელით არის გაკეთებული და აშიტომაც მისი ფორმა გეომეტრიულად სწორი არ არის. ნიშნები დისკოზე იმ დროს უნდა იყოს ამოჭრილი, როდესაც თიხა ჯერ კიდევ რბილი იყო. დამწერლობა სპირალის ფორმით მარჯვნიდან მარცხნისაკენ და კიდურებიდან ცენტრისაკენ მიემართება: სიტყვები ერთმეორესაგან გაყოფილია ვერტიკალური ხაზებით, რომლებიც ისე, როგორც პწკრების განმსაზღვრელი ხაზები გრიფელით უნდა იყოს გატარებული. დისკოს შრიფტი აკადურის მსგავსი მარცვლოვანი დამწერლობაა. იდეოგრაფიულ ნიშნებთან შეერაებული; იგი წმინდა ჰიეროგლიფურია, ხოლო სრულებით განსხვავებული ძველკრეტულ (პიკტოგრაფიულ). ეგვიპტურ და ხეთურ დამწერლობათაგან. ის ფაქტი კი, რომ რომ მისი ცალკეული ნიშნები, როგორც ხე და როზეტი. ერთი მეორეს ხედება, ბუნებრივია და არაფერს არ ამტკიცებს. წინა გვერ-

<sup>1)</sup> იხ. Ed. Meyer, G. d. A. II I, გვ. 217, იგივე, Der Diskus von Phestos und die Philister auf Kreta; ევანსი, Scripta Minna I, გვ. 22—28; 273—293; ბეკსტრეში. Βασιλειῶν καὶ δισκ (Jk. M. H. II. 1911 წ. დეკემბერი); ალ. წერეთელი, პირ. ცივილ. 66—72.

დის ნიშანთა პირველი ჯგუფი იწყება ადამიანის თავითა და მრგვალი ფარით, ასევე თერთმეტი შემდეგი. მეორე გვერდზე კი ისინი გვხვდება მხოლოდ პირველი სიტყვის დასაწყისში. დისკოს დამწერლობა დღემდე ამოკითხული არ არის და ამიტომაც მისი შინაარსის შესახებ მხოლოდ ჰიპოთეზები მოგვეპოვება. უფრო გაერკვლებულია ის შეხედულება, რომ მასზე აღნიშნულია იმ მხედართა სია, რომლებიც, შეიძლება, ელჩებად იყვნენ წარმოგზავნილი კრეტას მბრძანებლის კარზე. ამასთან დაკავშირებით არც ის არის, რასაკვირველია, გამოკვეული, ეს დისკო ადგილობრივი ნაწარმოებია, თუ სხვა მხრიდან შემოტანილი. ბ ე კ ტ-



სურათი № 11, 12—ფესტის დისკო

რემი სამართლიანად შენიშნავს: „ის, რომ დისკო ფესტის სასახლეში ნახეს, კიდევ ვერ გვარწმუნებს იმაში, რომ იგი მინოსური ცივილიზაციის ნაწარმოებია; დამწერლობისა თუ ხელშეკრულების სახით იგი შესაძლებელია შემოეტანათ ხმელთაშუაზღვის ერთ-ერთი ქვეყნიდან, რომელთანაც მინოსის კულტურას კავშირი ჰქონდა“. იგი უფრო გარკვევით აღნიშნავს ამ მხარეს—ანატოლიას და განავრძობს: „ყოველ შემთხვევაში დისკოს ანატოლიური წარმოშობა ჩემთვის უდავოა, თუმცა მისი წარწერების ენა არ შეიძლება დაახლოვებით მაინც იქნას გარკვეული“. — გაურკვეველია მისთვის აგრეთვე ის საკითხიც, თუ როგორ მოხვედა კრეტაში ეს ანატოლიური ძეგლი. ერთი შეკვლევაში კი გადაჭრით გვიმტკიცებს: როგორც თვით დისკო, ისე ის თიხაც კი, რომლისაგანაც იგი გაკეთებულია, კრეტას ნიადაგისა არ არის და მაშასადამე, იგი სხვაგან და სხვაგვარი თიხისაგან არის შემზადებული. სამაგიეროდ არტურ ევანსი დისკოს უფრო კრეტულ ნაწარმოებად თვლის: იგი დარწმუნებულია, რომ კრეტას ღვთისმსახურებაში გაბატონებული იყო განსაკუთრებული ენა, რომელიც ადგილობრივი ენის უძველეს საფეხურს წარმოადგენდა და რომელზედაც სრულდებოდა სხვადასხვა წესი ისე, როგორც ჩვენ დროშიც მართლმადიდებელ ბერძნული და რომაულ-კათოლიკური ეკლესიების ღვთისმსახურებაშია დაცული ძველი ენებიო. რაც შეეხება ელ. მაჯერს, მას ეს დისკო ერთის მხრით კრეტაში გაკეთებულად არ მიაჩნია, ხოლო მეორის მხრით შესაძლებლად თვლის იგი კიდონიას მიაკუთ-



ენოს. როგორც ვხედავთ. დისკოს სადაფრობის შესახებ მეცნიერებაში აზრთა დიდი სხვადასხვაობა არსებობს და შეიძლება ითქვას, რომ სანამ მისი დამწერლობა არ არის ამოკითხული ან ახალი აღმოჩენები მოპოვებული, სათანადოდ ვერც ეს საკითხი გადაწყდება. ამავე დროს კი დისკოს წყალობით ვეცნობით სავსებით თავისებური სახის კულტურას, რომელიც კრეტასაგან დამოუკიდებელი, მაგრამ მასთან ურთიერთობაში უნდა განვითარებულყო ეგეოსის ზღვის ერთ-ერთ მხარეში. ამ კულტურას გასაოცარი ხერხით შეუქმნია წინაგნის ბეჭედის წინამორბედი ხელოვნება, რომელსაც სამწუხაროდ სათანადო გავლენა არ მოუხდენია და არც შემდეგი განვითარება განუტლია. ეინ იცის, ეგებ ის ადგილები, სადაც ეს კულტურა სუფევდა, ღრმად ინახავს თვის წიაღში მრავალ საყურადღებო ძეგლს! და, თუ არქეოლოგის ნიჰაბმა აქაც გვიჩვენა თავისი „გრძნეული“ საქნე, ალბათ, მრავალი ძვირფასი საუნჯე წარსდგება კაცობრიობის წინაშე. ამას გარდა გარკვევით უნდა აღინიშნოს, რომ ფესტის დისკოს დამწერლობის ნიშნების სურათები ზოგიერთ მასალას მაინც ვკაძლევს. აქედან ჩვენ შეგვიძლია განვსაზღვროთ, რომ დისკოს შემქნელი ხალხის იარაღი იყო მრგვალი ფარი, ცული, ოპაგად მოხრილი მშვილდი წვეტიანი ისრით. დისკოზე გამოსახული ქალები, კრეტელი დედაკაცების მსგავსად, ატარებენ გრძელ თმას, ხოლო მამაკაცები მულოტები და უწვერონი არიან; ის თავის ნიშანი კი, რომლის შესახებ ზევით ვეჭონდა საუბარი, მორთულია ფრთებით. ცნობილია რომ ეგვიპტის ძეგლებზე ფრთებიანი ჩაჩქანი ფილისტიმელების დამახასიათებელ სამკაულს წარმოადგენს. ამ გარემოების მიხედვით, ფესტის დისკოს ფილისტიმელების ნაწარმოებად აღიარებენ.

ფილისტიმელების ჩამომავლობის შესახებ სხვა ადგილას ვეუქნება ლპ. რაკი, აქ კი აღვნიშნავთ, რომ დიდი ხანია არსებობს რსეთი მოსაზრება, რომლის მიხედვითაც ფილისტიმელები იგივე ბერძნების პელასგებია. ასე ფიქრობენ: Hitziგნი, ბრუგში, ლიხტენბერგი და სხვ. რენანი კი ფილისტიმელების ენას ბერძნულსა და ლათინურის საშუალო პელასგურ დიალექტად აღიარებს (იხ. Захаров, Филистимляне). ფილისტიმელებს პელასგებთან აიგივებს აკად. ნ. მარიცი (Филистимляне, палестинские пеласги и расены или этруски). ასეთ მოსაზრებას უეუქველად აქვს საფუძველი, მაგრამ ერთი რამ იწვევს დაბრკოლებას, სახელდობრ: ეინც ამ კომბინაციას იზიარებს, მან უნდა იგულისხმოს, რომ დისკოს ფილისტიმელები-პელასგები ფესტის მახლობლად ბინადრობდენ, ხოლო ამის დამამტკიცებელი საბუთები ჯერ კიდევ არ მოგვეპოება.

### 8. კრეტას დაპყრობა აქაელების მიერ.

საბერძნეთი და მის მახლობლად მდებარე კუნძულები კრეტას კულტურის ძლიერ გავლენას განიცდიდა. როდესაც ამ გავლენამ საბერძნეთში თვის უმაღლეს წერტილს მიაღწია, თვით კრეტაზე დაიწყო პერიოდი მისი კულტურული დაქვეითებისა. გარეგნულად თითქოს ყველაფერი უცვლელად მოჩანდა, ცხოვრების ფორმები იგივე დარჩა, კნოსის სასახლე მრავალჯერ იქნა ნაწილობრივ გადაკეთებული, მაგრამ პროცესი დაქვეითებისა უწინარეს ყოვლისა ცხადი ხელოვნებაში გახდა; მისი საღი და ცოცხალი განვითარება შეფერხდა, თამაყად

ნატურალიზმი ისეთ მანერად გადაგვარდა, რომელიც ერთხელ შემუშავებული ფორმების დაცვასა და განმტკიცებას უფრო ცდილობდა, ვიდრე წინსვლას — ახალი სახეებისა, ამოცანებისა და სარბიელის მოპოვებას, ხოლო თვის ნაწარმოებთა შესრულებაში იგი სრულ გადაგვარებას განიცდიდა.

ამის დამახასიათებელი მაგალითია ძველ მხატვრულ ნიმუშებთან შედარებით ჰავია ტრიადას სარკოფაგის მხატვრობა, რომელზედაც საუბარი უკვე გქონდა. ეგზეთწოდებული „სასახლის სტილის“ ამფორების მოხატულობაში უკვე უარყოფილია ბუნების მოვლენათა ნატურალისტური გადმოცემა და მცენარეები, ყვავილები, კლდეები, წარჯნები სტემატიურად სტილიზირებულია და ქურქლების არქიტექტონური დანაწილების მიმართ დაქვემდებარებული ისე, როგორც სპირალები, ტალღისებური ხაზები და ნახევარ-როზეტები. ძველი დროის საღებავთა წარმატებული მრავალფეროვნება სავსებით ქრება და ადგილს უთმობს უმეტესად შავ საღებავს: ჩნდება ახალი ფორმის ქურქლეულობა, მაგ., ხელებიანი სასმისები, რომლებიც შემდეგი დროისთვის დამახასიათებელია. მართალია, სასახლეები ამ ხანაშიც ძველებური ბრწყინვალეებითა და მედიდურობით გამოიყურება და საერთოდ ამ ეპოქის ცხოვრება თვალსა სკრის თავისი გარეგნული ეფექტებითა და მზინვარებით, მაგრამ დაკვირვების შემდეგ კარგად ვგრძნობთ ყოველივე ამის ზერელობასა და შინაგან სიცარიელეს, ვგრძნობთ, რომ კრეტელების შემოქმედებაში უკვე გამოჩნდა დიდი დაქვეითების ნიშნები და მას სათანადო ძალა და აღმაფრენა გამოეცლია.

ასეთი მდგომარეობა დიდი კატასტროფით დამთავრდა, რომელმაც ერთბაშად ბოლო მოუღო კრეტას კულტურის საციკოცხოო ძალებს. ვინ და ან რამ გამოიწვია ეს მეორე დიდი კატასტროფა? იგი დაკავშირებული უნდა ყოფილიყო ერთ-ერთი ბერძენი ტომის კრეტაზე შემოსევასთან: კრეტას საზღვაო ძლიერებას ისეთი ხასიათი არ ჰქონდა, რომ შესძლებოდა თავდამსხვლთა შემოსევის ყოველთვის უკუგდება. ამას უნდა მივუმატოთ ისიც, რომ კრეტას ქალაქები, როგორც ეციით, გამაგრებული არ იყო, და ეს გარემოებაც ხელსაყრელი იქნებოდა ძლიერი შემოსეული მტრისათვის. შესაძლებელია და ადვილად წარმოსადგენიც, რომ თვით კრეტას მცხოვრებლებში სუფევდა ამ ხანად სოციალური ხასიათის დიდი უთანხმოება, რომელიც აგრეთვე სასარგებლო იქნებოდა დამპყრობელთათვის.

მოულოდნელი შემოსევის შედეგები მეტად საშინელი აღმოჩნდა: განადგურდა კრეტას ყველა ქალაქი, კნოსისა, ფესტისა და ჰავია ტრიადას ძვირფასი სასახლეები, ალბათ, გაცარცვის შემდეგ, დიდმა ხანძარმა შთანთქა და ამ დროიდან მათ ადგილას მხოლოდ ნანგრევები და რჩა. მხოლოდ აღმოსავლეთით, პრესოსა და პოლიხნეში შესძლო ძველმა მოსახლეობამ თვისი დამოუკიდებლობის შენარჩუნება; ესევე უნდა ითქვას კიდონიელებზე.

რომელი ბერძენი ტომი გახდა ამ უდიდესი კატასტროფის მიზეზი? თქმულების მიხედვით, რომელიც სარწმუნო ტრადიციას უნდა ემყარებოდეს, კრეტას მთავარ ნაწილში და უწინარეს ყოვლისა კნოსში გაბატონდნენ აქაელთა მთავრები, მამასაღამე, უნდა ვიფიქროთ, რომ კრეტაზე თავდაზსხმელები აქაელები იყვნენ.

როგორც ცნობილია, ისტორიკოსი ბელოხი<sup>1</sup> უარყოფს დორიელთა გადასახლებას და თვით აქაელებს დორიელებად წარმოიდგენს (Beloch, Griechische Geschichte<sup>2</sup>, I 2, S. 76-96). ამის მიხედვით ეპოსის კრეტელი აქაელებიც დორიელებად უნდა მიგვეჩნია, მაგრამ ედ. მაჯერის (II 1, S. 237, შენ.) სამართლიანი შენიშვნის თანახმად, ეს არის ჰიპერკრიტიკის შეცდომა, რომელიც პრინციპულად უარჰყოფს ყოველგვარ ცდას, რომ თქმულებათა განვითარება კრიტიკულად იქნას განხილული და მათში ისტორიული ფაქტები დადგინილი. შეუძლებელია გაზიარებულ იქნას ამ შემთხვევაში ბელოხის ჰიპერკრიტიკული შეხედულება და კრეტაზე შემოსეული აქაელების დორიელებად წარმოიდგენა.

კრეტას ახალი მბრძანებლები მათ მიერ დანგრეულ სასახლეებსაც დაეპატრონენ და განადგურებული შენობათა ნაწილი აღადგინეს. ძველი მოსახლეობა მათ თავიანთ ადგილას დატოვეს. იგი, ალბათ, ყმების სახით დაემორჩილა ახალ ბატონებს. მართალია, დამპყრობელებმა ნაწილობრივ მაინც შეითვისეს კრეტელების კულტურა, მაგრამ არსებითად ხელი შეუწყვეს მის შემდეგ დაცემას: კრეტას, ორიგინალური კერამიკა ქრება, მის ადგილს იკაგებს მიკენის კერამიკა, საზოგადოდ ერცელდება მიკენის გავლენა, რომელიც განსაკუთრებით ბრინჯაოს იარაღებს ემჩნევა. ასე გადაგვარდა და შესწყდა კრეტას ბრწყინვალე კულტურა, რომლის ცხოველმყოფელი გავლენის ქვეშ მოუხდათ პირველ ხანებში საბერძნეთის მიწაწყალზე შემოსულ ბერძნებს ცხოვრება. შემდეგი ეპოქის საფლავები კნოსში უკვე თავისთავად გეიჩვენებს იმ ღრმა ცვლილებათ, რომლებიც კრეტას მცხოვრებლებმა რწმენასა და ზნეჩვეულებაში განიცადეს:

კრეტას მიერ განცდილი დიდი კატასტროფის გათვალისწინების თვალსაზრისით დიდი მნიშვნელობა აქვს იმ გარემოებას, რომ თუტმოს III შემდეგ ეგვიპტის ძეგლებზე უცხო ქვეყანათა მოციქულებს შორის კაფტი უკვე აღარ გვხვდება, თუმცა ეგვიპტის ურთიერთობა ეგეოსის სამყაროსთან კვლავ გრძელდება. ამ უსანასკნელის ქურქლების მრავალი ნატეხი, რომლებიც ამენოფის IV (1370-1352) ტელ-ელ-ამარნას სასახლეში აღმოაჩინეს, ააშკარავენ სრულებით გადაგვარებულ სტილს. ცხადია, ყოველივე ამას კავშირი აქვს კრეტას კატასტროფასთან, რომელიც შეგვიძლია დაახლოვებით ქრ. წ. 1400 წლებით დავათარილოთ.

<sup>1</sup>) აგრეთვე Kahrstedt's (Neue Jahrb. XXII 1919),



## ბერძნები მიკენის კარიკლში.

### 1. არგოსი. მიკენი და ტრინთი. არგოსის ხამფო.

როგორც იყო ნათქვამი, მეორე ათასეული წლების პირველი მეოთხედის განმავლობაში ახალ სამშობლოში გადმოსახლებულ ბერძნებს ხანგრძლივი ბრძოლა მოუხდათ ადგილობრივ უძველეს მოსახლეობასთან და შემდეგ ამისა კი თვით ურთიერთშორის. საბერძნეთის ნიადაგზე მოპოვებული ამ დროის არქეოლოგიურა ნაშთები, უმეტესად კერამიკული ძეგლები, შედარებით კრეტასთან, რომელიც ამ ხანაში „კამარესის“ კულტურის პერიოდს განიცდიდა, ააშკარავებს კულტურის ფრიად დაბალ საფეხურს, მიუხედავად იმისა, რომ ბერძნებს მათზე უფრო კულტურისანი ძველი მოსახლეობისაგან „კარიელებისაგან“ ზოგი რამ მაინც უნდა გადმოეღოთ და შეეთვისებიათ. უკვე აღენიშნეთ, რომ ამ ორ ელემენტს შორის ადგილი უნდა ჰქონოდა არა მარტო ბრძოლას, არამედ ერთგვარ მშვიდობიან უთიერთობასაც. კერძოდ კრეტასთან ურთიერთობა ბერძნებისა მხოლოდ მე-XVI ს-ში უნდა დამყარებულიყო. საფიქრებელია, რომ ამ ხანიდან იწყებს გავრცელებას კრეტას კურტურის ძლიერი გავლენა, როგორც საკუთრივ საბერძნეთში, ისე მის მახლობლად მდებარე კუნძულებზე. ამ დროის ბერძენთა სამყაროს გათვალისწინება შეგვიძლია მხოლოდ დაახლოვებით. საბერძნეთის ზედაპირის დასერილობას შეესაბამება ის, რომ ბერძნები პატარა სამთავროებად იყვნენ დამკვიდრებული სხვადასხვა ადგილას.

საცხოვრებელ ადგილებად გვარების წინამძღოლები ირჩევენ არა ყოველი მხრით განმარტოვებული მთის მწვერვალებს, როგორც, მაგ. არგოსის ლარისას, მესენიის ითომას და აკროკორინთს, რომლებზედაც შემდეგში მათ ძირში მდებარე ქალაქების აკროპოლისები ააგეს, არამედ შეძლებისდაგვარად ყოველი მხრით დაშვებულ დაბალ სიმაღლეებს, რომელთაც გარს ავლებდენ ზღუდეებს უზარმაზარი ტლანქად გათლილი ქვებისაგან. ასეთ ციხეში ჩვეულებრივ აღმართული იყო მთავრის სადგომი—მეგარონი, რომლისაგანაც თავისებური სასახლე უნდა წარმომდგარიყო. აქ, თავისი მხარის შუაგულში, ცხოვრობდენ მთავრები, რომლებიც მკადროდ იყვნენ დაკავშირებული მოლაშქრე აზნაურობასთან, რომელთა სადგომები გარს ერტყა მათ სასახლეებს. ციხეების ძირში იმყოფებოდა მათი ხელქვეითი მცხოვრებლების სოფლის მსგავსი, მოსახლეობა, რომელსაც, სხვათა შორის, ვალად ედვა ბევარა ზღუდეებისა და სასახლეების აგებისა.

აქვე უნდა აღინიშნოს, რომ საკუთრივ საბერძნეთის არქიტექტონური ფორმები კრეტის სააღმშენებლო ხელოვნებისაგან სრულებით დამოუკიდებელი და თავისებური იყო. უძველეს დროს ფრიად გაერცელებული ლერწამისა და თიხის ქობებისაგან წარმომდგარი მრგვალი სახლებისა და ოვალური სადგომების ადგილი დაიკავა შუა ევროპაში ჯერ კიდევ ნეოლითურ ეპოქაში გაბატონებულმა და ბერძნების მიერ გადმოსახლების დროს თან მოტანილმა სწორკუთხოვანმა სახლებმა, რომლებსაც თიხისა და ხისაგან აგებდნენ ჩაყრილ საძირკველზე. ასეთი სახლის ტიპს ვხედავთ შლიმანის მიერ ჰისარლიკზე აღმოჩენილ ეგრეთწოდებულ მეორე ქალაქში: სწორკუთხოვანი დარბაზი, რომლის სახურავის კოკები ქვის კუნძებზე დაშვებული ორი ხის სექტზე იყო დამყარებული. დარბაზის კედლებთან მოთავსებული ყოფილა მთავრისა და მისი მახლობლების საჯდომები, ხოლო შუა ადგილას მრგვალი კერა საღეთო ცეცხლით (ἀραια), რომელიც სახლის მშვიდობიანობას იცავდა და უცხო ქვეყნიდან ლტოლვილთ თავშესაფარისა და ხელშეუხებელი სტუმრის უფლებას ანიჭებდა; ასეთი სტუმრების მონაწილეობა საერთო პურის ქამაში, რომელშიაც თავისი ნაწილი ღმერთებსაც ენიჭებოდათ, წინასწარი ხელის დაბანასთან (Χέρυς) ერთად ჰქმნიდა ამგვარად შემქნილი დაკავშირების დაურღვევლობას. მეგარონის წინ დატოვებული ყოფილა დიდი ეზო ზეკის ღმერთის სამსხვერპლთი, რომელიც ზღუდეთი იყო დაცული (ედ. მაჯერი, III, გვ. 223). შეიძლება ეს საკურთხეველი კერას დამცველ ძეგეს პერკეიოსს ეკუთვნოდა. აღწერილი სწორკუთხოვანი სახლის ტიპი საერთოდ არ შეესაბამება კრეტას სასახლეების აგებულობას და უფრო ჩრდილოეთის ცივი ჰავის პირობებს შეეფერებოდა. ამიტომაც ვადმოიტანეს იგი ბერძნებმა თავის ახალ სამშობლოში, თუმცა ამასთან კრეტელები უმეტეს ნაწილად მხოლოდ უბრალო წინსაფრებს ატარებდნენ, ბერძნებმა კი შეინარჩუნეს თვისი ტფილი ტანსაცმელი. შემდეგში ბერძნის ქალებმა თანდათანობით გადმოიღეს კრეტელი მანდილოსნების ლამაზი ტანსაცმელი.

იმ პერიოდში, რომელსაც ჩვენ ვახასიათებთ, საბერძნეთის განსაკუთრებით საყურადღებო ნაწილს წარმოადგენდა პელოპონესის ერთი კუთხე — არგოსი. იგი გარშემორტყმულია მთებით და მხოლოდ სამხრეთით გვერის მას ზღვა; სამხრეთ-დასავლეთით გადაშლილი ზღვის ყურე ჰქმნიდა მისთვის მოსახერხებელ დაკავშირებას კრეტასა და ციკლადებთან. ბერძნული ეპოსის მიხედვით არგოსში მობინადრე ხალხი, რომელიც აქაელებს ეკუთვნოდა, ატარებდა დანაელების სახელწოდებას. ედ. მაჯერის აზრით დანაელებს უნდა გვაგონებდნენ აგრეთვე ეგვიპტის წყაროებში მოხსენებული დანუნა. მართლაც, როგორც ტელ-ელ-ამარნას საბუთებიდან ჩანს, ეგვიპტის ფარაონი ამენოფის III (ქრ. წ. 14-ს-ის დასაწყისში) სწერს ერთ თავის ვასალს სირიაში, სახელდობრ ტვიროსის მთავარს აბიმელეს: „შემატებინე ყოველივე, რაც კანაანიდან (კინახნიდან) გესმისო“. აბიმელესი ატყობინებს: დანუნას მფევე გარდაიცვალა და მისი ძმა ავიდა ტახტზე ისე, რომ მისი ქვეყანა მშვიდათ არისო“. აქედან ბევრს ისეთი დასკვნა გამოჰქონდა, თითქოს დანუნა სირიაში უნდა ყოფილიყვნენ დაბინაებული, მაგრამ აბიმელესის მოხსენებაში დასახელებული არის შემთხვევები სხვადასხვა მხარეებში და მათ სრულებით ბუნებრივად წინ უნდა ჰქონდეს წამძღვარებული ცნობა.

ეგოსის ზღვის მიდამოებში მომხდარი ამბების შესახებ. გვხვდება დანუნას სახელწოდება აგრეთვე იმ „ზღვის ხალხთა“ შორის, რომლებიც სირიას შემოესიენ „კუნძულებიდან“ რამსეს III დროს (XII საუკ. დასაწყისში). არგოსის დასახლებული ადგილები, რომლებიც მთის მწვერვალებსა და ზოგიერთ სხვა ნაწილებში იქნა აღმოჩენილი, თვისი ნაშთებით უფრო 18-17 საუკუნეთ უნდა ეკუთნოდეს. დაახლოებით 16 საუკუნის დასაწყისიდან კი ყველა მათ წინუსწრებს და პირველ ადგილს იკერს მიკენი. მიკენი ზღვიდან 18 კილომეტრით იყო დაშორებული და მდებარეობდა ორი მაღალი მთის შუა ორივე მხრით ღრმა ხევით მოცულ კლდის ზურგზე, ხოლო მის ქვევით ველზე ბინადრობდა მიკენის მბრძანებელთა ხელქვეითი მოსახლეობა. მიკენის ადგილმდებარეობა, თითქოს, იმაზე მიგვითითებს, რომ მისი წარმოშობა არ უნდა იყოს თავისუფალი განვითარების შედეგი, არამედ თვით მბრძანებელთ უნდა ამოერჩიათ იგი, როგორც მათი ბატონობისათვის ხელსაყრელი ადგილი, რადგან იგი დასცქეროდა მთელ ეელს და ამავე დროს გარკვევით ბატონობდა ჩრდილოეთისა და ისთმისაკენ მიმავალ გზებზე.

არგოსის ველი, სადაც მიკენი მდებარეობდა, ოდესღაც ზღვის უბეს წარმოადგენდა, რომელიც თანდათან დაიფარა მთის მდინარეების მიერ ჩამოტანილი მიწით. ეს ველი ცივილიზაციის ერთი უძველესი ადგილთაგანი იყო საბერძნეთში. აქ მდებარეობდა სამი გამაგრებული ციხე-ქალაქი: მიკენი, არგოსი და ტირინთი. ტრადიციის მიხედვით, მდინარე ინახის და ნიმფა მელიის შვილმა ფორონეოსმა გააერთიანა მცხოვრებლები და დაარსა ქალაქი (ἄνω Ἰσθμίου). მისმა შვილის-შვილმა არგოსმა კი მისცა მას თვისი სახელი. შემდეგში ამ ქალაქზე გაბატონდა მცირეაზიელი გეარი პელოპიდებისა, რომლის დროსაც ეს მხარე ორ სახელმწიფოდ გაიყო: ჩრდილოეთით წარმოიშვა მიკენის და სამხრეთით არგოსის სამეფო. ილიადას მიხედვით, პირველში აგამემნონი მეფობდა, მეორეში - დიომედი. გადმოცემით მიკენი ძველის შვილმა პერსეოსმა დაარსა და მის აშენებაზე ციკლოპები მუშაობდნენ. საერთოდ მიკენი ცნობილია თქმულებებში როგორც სახელოვანი, ძლიერი და მდიდარი ქალაქი; ჰომეროსი მას „ოქროთი ალესილს“ უწოდებს. მიკენი ჰერაკლეს წინაპართა სამშობლოა. მის მეფეთა შორის თქმულება ასახელებს იმ ეგრისთეოსს, რომლის სამსახურში ყოფნის დროს ჰერაკლემ ჩაიდინა თვისი 12 გმირობა, და ბერძნების წინამძღოლს ტროიას წინაღმდეგ ომში აგამემნონს. ბერძენი პოეტების აღწერით მიკენი საშინელი ღრამის ადგილი იყო. ომში წასულ აგამემნონს ღალატობს ცოლი კლიტემნესტრა, ხოლო როდესაც იგი ომიდან სახლში ბრუნდება, მას და მის მხლებლებს ქურდულად ჰკლავენ კლიტემნესტრა და მისი საყვარელი ეგისთი. ბერძენი ტრაგიკოსები დიდი ოსტატობით გადმოგვცემენ აგამემნონის ქალიშვილის ელექტრას მწუხარებასა და შურისძიების გრძნობას, რომლის დაქაყოფილება შესძლო აგამემნონის უცხოეთში აღზრდილმა შვილმა ორესტმა. საერთოდ ბერძნულ თქმულებებში მიკენს თვალსაჩინო ადგილი უჭირავს, როგორც ძლიერი და მდიდარი სამეფოს ბრწყინვალე სატახტო ქალაქს. საყურადღებოა, რომ ქრ. შ. II საუკუნის მოგზაურმა პავსანიასმა თვის ნაშრომში „Περὶ Ἑλλάδος“ მოგვცა აგრეთვე ძველი მიკენის ადგილის ასეთი აღწერილობა: „არგოსის მცხოვრებლებმა მიკენი შურით დაანგრიეს... მაგრამ ქალაქის კედლის ნაწილი დღემდე არსებობს; დაცულია

ლომებით შემკული ქიშკარიც. როგორც ამბობენ, ეს ციკლოპების ნამუშევარია... მიკენის ნანგრევთა შორის მდებარეობს ატრეოსისა და მისი შვილების მიწის ქვეშეთი შენობები; იქ იყო დაწყობილი მათი საუნჯენი. არის ატრეოსის საფლავიც და ყველა იმათი სამარხი, ვინც აგამემნონთან ერთად იქნა მოკლული ეგისთის მიერ ნადიმის დროს მათი ილიონიდან დაბრუნების შემდეგ...“ როგორც ჩანს, პავსანიასის დროს მიკენის ზოგიერთი ძეგლი ჯერ კიდევ ცნობილი ყოფილა.

არქეოლოგიამ ნაწილობრივად მაინც დაამტკიცა გადმოცემაში აღნიშნული მიკენის ძლიერება და სიმდიდრე.

მიკენი, ცხადია, ერთი მთავარი ზუნქტი იყო საბერძნეთში კრეტას კულტურის გავრცელებისა და შეთვისების მხრით. ამ მიმართულებით უწინარეს ყოვლისა უნდა აღენიშნოთ ის ექვსი მალაროვანი საფლავი, რომლებიც შლიმანმა მიკენის ძველი კედლის წინ აღმოაჩინა. ეს საფლავები პირდაპირ დაფარული ყოფილა ოქროსა და ვერცხლის მრავალი ნივთით. აქ გვხვდება: დიადემები, ძეწკვები, ფოთლებისა და ყვავილების სახის ოქროს სამკაულები, პეპლები, სფინქსები, ზღვის ცხენები, აგრეთვე ოქროს თასები, ხარის თავეები, და სხვ. მარტო შესამე საფლავში, რომელშიც სამი ქალისა და ორი ბავშვის ჩონჩხები იპოვეს, შლიმანმა ნახა 870 ოქროს ნივთი. არა ნაკლებ მდიდარი მოჩანს დანარჩენი საფლავებიც. ჩამოთვლილ საგნებს უნდა მიეუმატოთ ხმლები და ხანჯლები, ოქროსა და ძვირფასი ქვების მშვენიერი ბეჭდები, სპილოს ძვლის ნივთები, ქარვის მარგალიტები, ალაბასტრის ლამაზი ვაზები და სხვ. განსაკუთრებით საყურადღებოა ის გარემოება, რომ მამაკაცებს პირისახეზე დადებული ჰქონიათ ოქროს ნიღაბები, რომლებიც მიცვალებულთა სახის ხაზებს თვალცხადლივ გვისურათებს.



სურათი № 19 - მიკენის ოქროს ნიღაბი

ამ საფლავებში სულ 19 გვამის ჩონჩხი აღმოჩნდა, მათ შორის: 9 - მამაკაცის, 8 დედაკაცისა და 2 - ბავშვის. აქვე იპოვეს საფლავის ქვებიც, ქალების საფლავებზე ქვის უბრალო ფიტრები. ხოლო მამაკაცთა საფლავის ქვებზე გამოქანდაკებული ყოფილა მიცვალებულთა სახეები. ასეთი 9 ქვა, რომლებიც მამაკაცების 9 გვამს უნდა შეესაბამებოდეს, დაცულია ან სრულად ან ცალკეულ ნაწილებად. მიცვალებულნი მათზე საომარ ეტლებში არიან გამოსახულნი.

უნდა ვიფიქროთ, რომ ეს საფლავები თავის დროს ადამიანთა მოსახლეობისაგან მოშორებით არსებობდა, მაგრამ, ალბათ, როდესაც ციხის რაიონი გაფართოვდა და აუცილებელი შეიქნა მასში

მოეთავსებიათ ძველი ადგილი საფლავებით, ამ უკანასკნელზე ბლომად დაუყრიათ მიწა. ხოლო, შემდეგში რომ განსაკუთრებით აღენიშნათ ეს ადგილი, მის



ზემოთ აუცილებლად მრგვალი ზღუდე ქვის ფიქალებისაგან; ასეთი წრის შუა-ადგილას კი მოუწყვიათ ქვებით შემოწყობილი სამსხვერპლო ორმო. მეოთხე საფლავის ზემოთ გაკეთებულია ქვის მსგავსი მრგვალი მაღარო, რომლის საშუალებითაც სამსხვერპლო სისხლი, ქალბათ, სამარხში ჩადიოდა. სპეციალისტების აზრით, ყველა ეს საფლავი მეფეებსა და მათი ოჯახის წევრებს უნდა ეკუთვნოდეს. ამ საფლავების ზემოთ მიწადაფენილში აღმოჩნდა მსხვერპლად შეწირული მსახურებისა და ცხოველების გვამები და მრავალრიცხოვანი ქურქლების ნატეხები.


მიკენის თაღოვან სამარხებში აღმოჩენილი ძეგლები საშუალებას გვაძლევს ზოგად ხაზებში მაინც წარმოვიდგინოთ „მიკენელების“ მიცვალებულთა კულტი, რომლის წესების შესრულება გაცილებით მეტ ნივთიერ საშუალებათ მოითხოვდა, ვიდრე კრეტაში. ეს კულტი ისეთივე სახისაა, როგორსაც ყველა იმ ხალხის ისტორიაში ვხვდებით, რომელთაც თავის განვითარებაში მაღალ ნივთიერ კულტურას მიაღწიეს და რომელთა გაბატონებული წრეების ხელში დიდი საშუალება იყო თავმოყრილი. ამას ვამჩნევთ ევროპაში, მაგ., სკვითებისა, სლავებისა და სკანდინავიელების ცხოვრებაში; ეგვიპტის მიცვალებულთა კულტსაც პირველად ასეთივე სახე ჰქონდა, და ჰომეროსის ეპოსშიაც კი ვგრძობთ მის არსებობას (ე. დ. მაჯერი, II 1, გვ. 227). ის ფაქტი, რომ მიცვალებულთ თანატანდენ საფლავში მრავალ ძვირფას ნივთს, უკვე თავისთავად ამტკიცებს, რომ მათი აზრით იმქვეყნიური ცხოვრება ამქვეყნიურის გაგრძელებაა და ამიტომ იქაც ადამიანს ესაქიროება ყოველივე ის, რაც მისთვის დედამიწაზე აუცილებელია.

მიცვალებული მეფისა და მისი ოჯახის წევრებისათვის მიჰქონდათ არა მარტო სასმელ-საკმეღი და ტანსაცმელი, არამედ ყოველივე ის, რაც მათ ცხოვრებას ამშვენებდა და მათ გულს ახარებდა; თანატანდენ მათ მსახურებსაც და შეიძლება მხვეალ ქალებსაც.

მეორის მხრით ამ კულტის შესრულების არაჩვეულებრივი მდიდრული სახე იმაზედ უნდა მიგვითითებდეს, რომ მიკენის მეფეები ფრიად შეძლებული და ძლიერებით აღჭურვილი მბრძანებლები იყვნენ. სხვადასხვა მოსაზრების მიხედვით შეგვიძლიან ვიფიქროთ, რომ ეს საფლავები თანამედროვე იყო ეგვიპტის ახალი სამეფოს დასაწყისისა, უფრო გარკვეულად რომ ეთქვას, ისინი 16 საუკუნის პირველ ნახევარს უნდა ეკუთვნოდეს, ხოლო მათი უფრო ახალი ფენები შეიკავს საგნებს ამენოფის III (1405-1370) და მისი მეუღლის ტეიეს სახელებით. საფლავებში აღმოჩენილი ძეგლები კრეტას ცხად გავლენას ააშკარავენ, მაგრამ მათ ემჩნევა აგრეთვე თვით ადგილობრივი განვითარების ბეჭედიც: კრეტას სტილის ქურქლეულობასთან ერთად გვხვდება თავისებური მონოქრომული მხატვრობა ხაზოვანი ორნამენტით, სამკუთხითა, წრით და სპირალებით. აქვე უნდა დაეახებოდნენ ქალის თიხის პრიმიტიული პატარა ქანდაკები, რომლებიც აგრეთვე ხაზოვანი მხატვრობით არის დასურათებული. ისინი უმეტეს ნაწილად შიშველ ღმერთქალს უნდა გვისახიერებდეს. შეიძლება მიცვალებულთ აქაც, როგორც კრეტაში, თანატანდენ წარმოშობის ღმერთქალის გამოხატულებას.

ის ფაქტი, რომ მიკენის სამარხებში მრავლად აღმოჩნდა ქარა, „მიკენელების“ ჩრდილოეთთან ხანგრძლივ კავშირზე და აქედან მოტანილ ტრადიციებზე უნდა მიგვითითებდეს.

კრეტას ხელოვნებასთან კონტრასტი განსაკუთრებით თვალცხადი საფლავების ქვების რელიეფებზე ხდება. საომარი ეტლი მასზე მდგომი მეომრით, გაქვნიებული ცხენი, მსახური ხმლით ხელში—ყოველივე ეს ისე პრიმიტიულადაა შესრულებული, რომ შეუძლებელია მათსა და, თუგინდ, უძველეს სუმერულ რელი-



სურათი № 14—მიენის კერძები.

ეფებს შორის რაიმე პარალელი გავატაროთ. ყველა ეს ძეგლი ადგილობრივი ქვის მთლელების ნამუშევარი უნდა იყოს, რომელთათვისაც მიუწვდომელი იყო პრობლემა, რომ ცოცხალი არსებანი ნაკვთებით მაინც გადმოეცათ. კრეტას გაფლენის წარმატებას ააშკარავენ ერთი საფლავის ქვა, რომელიც უფრო ახალი უნდა იყოს და რომელიც ორი უძველესი ქვის გვერდით იდგა მეზობე საფლავზე; მასზე მეომარი უფრო სწორედაა აღბეჭდილი, ცხენს, რომელიც თავს ახტება ფარზე მდებარე კაცს, აქვს ოთხი ფეხი და არა ორი, როგორც სხვებზე, მის ქვემოთ გამოხატულია ლომი, რომელიც გამალებით მისივეს გარეულ მხეცს. საერთოდ საფლავის ქვებზე გამოსახულ მამაკაცებს წვერი მოპარსული აქვსთ, ხოლო თმა თავზედ მოკლედ შეჭრილი. შემდეგი დროის რელიეფები და ქანდაკებიც გვისურათებს მამაკაცებს, რომლებსაც, როგორც კრეტელებს, წვერი აგრეთვე მოპარსული აქვსთ, ყოველ შემთხვევაში ულვაშები სულ შეპარსული,—ჩვეულება, რომელიც შემდეგში საბერძნეთის მთელ „საშუალო საუკუნეებში“ იყო გავრცელებული, ხოლო სპარტაში ყოველ დროს დაცული; ულვაშის მოშვება მათ ისევე ჰქონდათ აკრძალული, როგორც სემიტელ ნომადებს. ამავე დროს საფლავ-

ვებში აღმოჩენილ ნილაბებზე მამაკაცებს ულვაშები მალა დახვეული ბოლოებით დიდათ მოვლილი უჩანთ და მხოლოდ საკუთრივ ნიკაპი აქვსთ მოპარსული. აქედან შეგვიძლია ის დასკვნა გამოვიტანოთ, რომ ხსენებული საფლაგების ქეები უფრო ახალი დროისაა, ვიდრე თვით საფლაგები. მაგრამ ამ შემთხვევაში მოსახლეობაში მომხდარი რამე ცვლილება კი არ უნდა ვიგულისხმოთ, არამედ ზნე-ჩვეულების გადასხვაფერება.

აღვიღად წარმოსადგენია, რომ კრეტას ნაწარმოებების ნაწილი მიკენში ვაქრობისა და მეკობრეობის საშუალებითაც გაჩნდა, მაგრამ ბევრი რამ იმაზე მიგვითითებს, რომ მიკენის მეფეებს თვის სამსახურში უნდა ჰყოლოდათ მრავალი კრეტელი ოქრომქედელი და ქვის მთლელი, საერთოდ ხელოსნები. ეს განსაკუთრებით უნდა ითქვას იმ ორ ოქროს ბეჭედზე, რომელიც მეოთხე თალოვან საფლაგში აღმოჩნდა; ორივე კრეტული სტილის საუცხოო ნამუშევარია; ერთზე ვხედავთ ირემზე მონადირე მთავარს, ხოლო მეორეზე იგი ორი მტრის წინააღმდეგ იბრძვის. ესენი უნდა იყოს პირადი ბეჭედები ამ საფლაგში დამარხული მთავრებისა, რომლებსაც მათი „საქმენი საგმირონი“ უნდა უკვდავ ეყოს. კრეტაზე კი საომარი ეტლი არავითარ როლს არ თამაშობდა და მეომარი მშვილდ-ისრით ხელში — ძეგლებზე არ გვხვდება. საერთოდ სკენები ომისა და ნადირობის მრავალად გვხვდება მიკენის ძეგლებზე და ეს გარემოება გვაფიქრებობს, რომ ამ დროის ბერძენთა შორის საომარი განწყობილება გაცილებით უფრო დიდი იყო, ვიდრე კრეტაში. მეოთხე საფლაგის ერთი ვერცხლის თასის ნატეხზე ვხედავთ გორაკზე მოთავსებულ სიმბაგრეს, რომელსაც მოულოდნელად თავს დასახშია მტერი. გორაკის გვერდობზე თავი მოუყრიათ ციხის დასაცავად მეომრებს, მესურდულეებსა და დამცველ ჯარს, ყველა ესენი შიშველნი არიან. მთის ციხის გალაგანზე შეგროვილი ქალები შეშინებული სახით უცქერიან ბრძოლას. უფრო ქვემოთ მოჩანს სხეულის ზედა ნაწილი ერთი მამაკაცისა მოკლესახელოებიან ტანსაცმელში, რომელსაც დიდი ჯოხი უკავია და, როგორც ჩანს, ნავს უშვებს წასასვლელად. ყოველ შემთხვევაში ის თავდამსხმელთა ჯგუფს უნდა ეკუთვნოდეს და მისი ტანსაცმელი და გარეგნობა გვარწმუნებს, რომ იგი არა კრეტელია, არამედ „მიკენელი“. პირიქით, თვით ეს ციხე არ უნდა მდებარეობდეს არც კრეტაში, სადაც დიდი ქალაქები გაუმარგებელი იყო, და არც საბერძენეთში, რადგან როგორც ციხე, ისე მისი კედლები და შენობები არსებითად არ შეესაბამება საბერძენეთის იმ დროის პირობებს. მაშ, რას წარმოადგენს ეს ციხე? იგი მცირე აზიის რომელიღაც სიმბაგრე უნდა იყოს და განხილული სურათიც „მიკენელების“ მცირე აზიის ნაპირებზე შესევას უნდა გვისახიერებდეს.

მეხუთე საფლაგის ერთი მშვენიერი ხანჯლის ორივე გვერდზე გამოსახულია ნილოსის მცენარეები და ცხოველები: წყალში სტურავენ თევზები, ნაპირებზე კი დგას ეგვიპტური ნიმუშის მიხედვით შესრულებული პაპირუსის ბუჩქები, რომლებშიაც გარეული კატები იხევენ მისდევენ. ეს ხანჯალი კრეტადან კი არ უნდა იყოს მოტანილი, არამედ თვით მიკენში უნდა იყოს გაკეთებული კრეტელი ოსტატის მიერ.

საერთოდ ამ დროის მიკენის ძეგლების შესწავლა გვარწმუნებს, რომ 16-ე საუკუნეში მიკენი კრეტას ახალი კულტურის დიდი გავლენის ქვეშ იმყოფებოდა.

ხოლო აქვე უნდა აღინიშნოს ისიც, რომ ეს კულტურა აქ, მიკენში, განსახიერებელი სცენების ამორჩევასა და აგრეთვე ტანსაცმელსა და შეიარაღებაში ადგილობრივ მოთხოვნილებებთან იყო შეფარდებული. აქედან, რასაკვირველია, იმის თქმა არ შეგვიძლია, რომ კრეტელების ბატონობა საბერძნეთის ხმელეთზედაც ვრცელდებოდა.



სურათი № 15—ბრძოლა ქალაქის კედლებთან

მათ შორის უნდა დავასახელოთ სამკაულებისათვის ზომარჯვებული მრავალრიცხოვანი ფიგურები ცხოველებისა: სფინქსები, გრიფები, პოლიპები, პეპლები, ირმები, კატები, თხები და შიშველი ღმერთქალის, რომლის გარშემო მტრედი დაფრინავს; მრავალი პატარა ფიგურა და აგრეთვე მისი კრეტული კულტის შენობების პირები. ეს ღმერთქალი ბერძნების აფროდიტე უნდა იყოს (ე.დ. მაჟერი, II 1, გვ. 232-235). შემდეგში ბერძენთა ხელოვნებამ კრეტულ ხელოვნებასთან ურთიერთობაში თანდათანობით დიდი განვითარება და გაფართოება განიცადა; იზრდება თვით მთავრების შეკვეთები სხვადასხვა ხელოვნურ ნაწარმოებზე. საერთოდ არქეოლოგიური აღმოჩენები გვიჩვენებს, რომ XVI საუკუნის კულტურის პრიმიტიული საფეხურიდან ბერძნები მალე მიიწვედნენ, ვიდრე XV-XIV საუკუნეებში კულტურის დიდ განვითარებას არ მიაღწიეს. ბერძნების ასეთი წინსვლა დიამეტრულად განსხვავდება იმ თანდათანობითი დაქვეითებისაგან, რომელსაც კრეტა ამ საუკუნეებში განიცდიდა. მაგრამ რაკი ჩვენ ხელთ არ არის ამ დროის ისტორიული ცნობები, შეუძლებელია სისწოროთ განსაზღვრულ იქნას ამ განვითარების მიმდინარეობაში დრო ბერძნების მიერ კრეტას დაპყრობისა და უმთავრესად მათი ეგეოსის ზღვის მიდამოებში გავრცელებისა. ამიტომ ამ განვითარების მხოლოდ ზოგადი სურათის გათვალისწინება არის ამჟამად შესაძლებელი.

კრეტასაგან ერთგვარად დამოუკიდებელ შემოქმედებასა და ენერგიას ბერძნები იჩენენ თვისი უზარმაზარი სასახლეების აშენებაში. მიკენის ციხის კედლები

თვით მეომარი მიკენელები ახდენდნენ ზღვით კრეტაზე, ციკლადებზე და მცირე აზიის ნაპირებზე თავდასხმას გაცარცვის მიზნით, ხოლო რაც შეეხება კრეტულ ხელოსნებსა და მხატვრებს, აგრეთვე კრეტადან მოტანილ მრავალრიცხოვან საგნებს, ყოველივე ეს კრეტასთან წესიერი ურთიერთობის ნაყოფი უნდა იყოს.

ამას გარდა არ უნდა დავივიწყოთ, რომ აქ არსებობდა ადგილობრივი ოქროს ნაწარმოებები, რომლებიც უცხო სტილის მიბაძვის ცდას წარმოადგენდა, მაგრამ მათი გამკეთებლები ამ სტილის შინაგან მხარეს ღრმად ვერ სწვდებოდნენ.

ისეთი დიდი ქვებისაგან იყო აგებული, რომ შემდეგი დროის ბერძნებმა იგი ციკლოპების ნაწარმოებად აღიარეს.

საერთოდ ამ დროის ბერძნების უდიდეს ციხე-სასახლებს კრეტაზე ანალოგია არ მოეპოვება, და ვილკენის თქმით, ისინი სრულიად სხვა სულს ააშქარავენ, ვიდრე მათი თანამედროვე კრეტული შენობები; ან ორი ქვეყნის ნაწარმოებებში „ცხადლივ გვიდგება თვალწინ ორი სავსებით განსხვავებული ხალხი: ბერძნები უფრო ძლიერად და მძიმედ, კრეტელები კი უფრო ნაზად და წარმოტაცად“.

მიკენის ციხის კედელი ბერძნებს თანდათან გაუმშენიერებიათ და ახალი კოშკებით გაუმარებიათ. მის მთავარ კიშკართან გარეგანი კედელი პოლიგონალური კი არ არის, არამედ ერთი მეორეზე წესიერად დალაგებული ქვებითაა ამოყვანილი. ამ კიშკრის კარის ნალზე იდვა ქვის უზარმაზარი ძელი, რომლის ზემოთ სიმძიმის შესამსუბუქებლად დატოვებულ იყო სამკუთხოვანი ადგილი, რომელშიაც ჩატანებული ყოფილა თხელი ფილაქანი რელიეფით; მასზე ვხედავთ კრეტულ სვეტს. ორი ღოზით, რომელთაც აწეული წინა ფეხები დასაყრდნობზე აქვს დალაგებული. ეს რელიეფი კრეტის კულტის შენობების ბეჭდებზე გამოსახული სურათების მანერით უნდა გადმოგვეცემდეს სამეფო სასახლისა და მასში ტახტზე მჯდომი მბრძანებლების შემოკლებული გერბის მსგავს განსახიერებას. გარდა ამ კიშკრისა, რომლის საშუალებით შეიძლებოდა სასახლეში შესვლა და რომლისაგანაც გამოდიოდა ყველა გზა მხარის შუაგულისაკენ, მიკენის ციხეს ჰქონდა კიდევ ერთი გამოსასვლელი, რომლითაც მისაწვდომი იყო წყარო პერსია; უფრო გვიან კედლის აღმოსავლეთით არსებობდა კიდევ ერთი წყლის რეზერვუარი, რომლისაკენაც მიდიოდა საიდუმლო კიბეებიანი ბილიკი (მიკენის ციხისა, მისი კედლებისა და სასახლის შესახებ იხ. Fimmen, Die kret. myk. Kult. 34; 48; 143).

მიკენის სასახლისაგან დაცულია მხოლოდ მთავარი კედლის ნაწილი. ამას გარდა შესაძლებელი გახდა აქ ნანგრევთა შორის აღმოჩენილი ფრესკების აღდკენა. ამ ფრესკებით შემკობილი უნდა ყოფილიყო მეგარონის კედლები. ეს მხატვრობა განასახიერებს უმეტეს ნაწილად ომის სცენებს, სამხედრო ბანაკს და სხვ. როგორც მალაროვანი სამარხების ვერცხლის ვაზებზე, ისე აქაც ტანსაცმელი და იარაღი მიკენური სახისაა

აქვე უნდა მოვიხსენიოთ ერთი ვოტიუური ფიქალის მხატვრობა, რომელშიაც ორი ქალი თაყვანსა სცემს ომის ღმერთქალის კრეტული სტილის ფარის მსგავს კერპს. ციხის ქვემოთ, მალლობის დაბალ სწორკუთხოვან ზურგზე მდებარეობდა ქალაქი, რომელიც არ იყო განაგრებული. იგი თვისი ქუჩებით გვაგონებს ჰომეროსის ეპითეტს—„განიერქუჩებიანი“ და უნდა ვიფიქროთ, რომ იგი სოფლის მსგავსად იყო გაშენებული. გორაკი, ალბათ, სასაფლაოს როლსაც ასრულებდა: მის ფერდობზე აღმოჩნდა დანგრეული დიდი გუმბათოვანი სამარხები (ე დ. მ ა ე რ ი, II 1, გვ. 241—242).

მიკენის სამხრეთით ქობიან ველზე ამაღლებულია გორაკი, რომელზედაც არსებობს ნანგრევები. ეს არის ნაშთი მეგარეკედლებიანი ტირინთისა. პავსანიასის დროს ამ ქალაქისაგან აღარაფერი იყო დარჩენილი გარდა იმ კედლებისა,

რომლებიც, გადმოცემით, ლიკიიდან მოსული ციკლოპების მიერ იყო აგებული ისეთი დიდი ქვებისაგან, რომ მათგან ყველაზე უფრო მცირეს ორი ჯორი ვერ დასძრავდა (Paus. III, 25. 8; Strabo VIII, 6). პავსანიასის სიტყვით ტირინთის კედლები არა ნაკლები ვაკვირების ღირსია, ვიდრე ეგვიპტის პირამიდები.



მთელ გორაკს, ქვედა სიმაგრის ჩათვლით, შემოვლებული ჰქონდა უზარმაზარი კედელი, რომლის კაზემატები მიკენური ხუროთმოძღვრების ერთი თვალსაჩინო ქმნილებათაგანია. ტირინთის სასახლე კრეტას შენობათაგან სრულიად განსხვავებულ ტიპს წარმოადგენდა: სასახლის დიდ გახსნილ ეზოს სამხრეთით საზღვრავდა ორი მაგარი კიშკარი. პატარა კიშკრის საშუალებით შეიძლებოდა შესვლა სწორკუთხოვან ეზოში, რომელიც გარშემორტყმული ყოფილა სვეტებიანი გალერებით; მის შუა ადგილას მდგარა ძვეს ჰერკულიოსის (სახლის კერის დამცველის) სამხევერპლო; ამ ეზოდან შედიოდნენ შეხობის მთავარ ნაწილში—მეგარონში, სადაც იმყოფებოდა კერა და სამეფო ტახტი. კრეტის სასახლესთან განსხვავებით, ეს ცენტრალური სადგომი ბატონობდა მთელ შენობაზე და მის გარშემო გავლებულ კედელთან ორგანიულ კავშირში ჰქმნიდა მთლიან საერთო შთაბეჭდილებას. მაგრამ აქაც, როგორც მიკენში, ზოგიერთი რამ კრეტული ნიმუშის მიხედვით იყო შესრულებული, მაგ., ხის სვეტები, ალაბასტრის ფრიზები ნახევარ-როზეტებით და სხვ. მეგარონის გარშემო, როგორც კრეტაში, უგეგმოდ მოთავსებული იყო მრავალრიცხოვანი ოთახები და ტალანები, რომელთა შორის ყურადღებას იპყრობს ვანის ოთახი. არა ნაკლებ საყურადღებოა ის გარემოება, რომ აქვე დიდი მზრუნველობით არის მოწყობილი წყალსადენი და კანალიზაცია სასახლის მთავარი ნაწილის მარჯვნივ იმყოფებოდა მეორე, ალბათ, ქალების ნახევარი, რომელსაც პირდაპირი და დამოუკიდებელი კავშირი არ უნდა ჰქონოდა დიდ დარბაზთან და მისგან მთელი რიგი კარებითა და გასავლით იყო განცალკევებული. ამ ნახევარში უფრო მოშორებით იყო საწოლი ოთახი, სალარო და ზარდაფხანი. ტირინთის კედლის მხატვრობა განსახიერებს უმეტესად ქალების პროცესიათ და ნადირობათ. შესრულების მხრივ ეს მხატვრობა გვიჩვენებს ძლიერ ზურგშებრუნებას ძველი ფორმებისადმი. ტირინთის ქვედა სიმაგრე, ალბათ, თავშესაფარი იყო აღამიანებისა და ცხოველებისათვის ომიანობის დროს; მის ქვემოთ არსებობდა გაშლილი ადგილი, რომლისაკენაც დასავლეთის მხრით მიემართებოდა მაგარი ზღუდით გამაგრებული ვიწრო კიბეებიანი გზა.

აღსანიშნავია ის გარემოება, რომ ტირინთსა და მიკენს შორის სულ 15 კილომეტრის მანძილი არსებოდა ამან გამოიწვია ის მოსაზრება, თითქოს ერთი მთლიანი სამეფო დროთა ვითარებაში ორ დამოუკიდებელ სამთავროდ დანაწილდა. მაგრამ, როგორც დავინახავთ, ეს ასე არ უნდა იყოს. ასეთი გამოყოფა სანაპიროებისა შიდა-მხარისაგან გეოგრაფიულადაც და ისტორიულადაც შეუძლებელი რამ არის; თვით მიკენი გარეშე ზღვასთან კავშირისა წარმოუდგენელია: ამის დამამტკიცებელია გზების დიდი ბადე, რომელიც მიკენის სიმაგრის ლომის კიშკრიდან იწყებოდა. მთების ფერდობებზე შენახულია ამ გზების მრავალი ნაშთი: ყველა ეს გზა „ციკლოპური“ სტილით არის აგებული. ამასთან ყველა ნაკადზე და წყლის გასასვლელზე აგრეთვე ციკლოპური სტილით იყო გადებული ხიდები. ეს გზები მოწარმებულნი უნდა ყოფილიყოს, ალბათ, მჩატე

ორბორბლიანი სამხარი ეტლებისათვის, რომელთაც ადვილად შეეძლოთ მთელ მხარეში მოძრაობა და საჭიროებისამებრ ყველგან გამოჩენა. სამი ამ გზებისაგან მიემართებოდა ჩრდილოეთით და აღმოსავლეთით ისთამდე, მეოთხე პროსიმნასკენ. გზების ასეთი მოვლილობა იმას უნდა გვიმტკიცებდეს, რომ ამ დროს მიკენი გაბატონებულ მდგომარეობას განიცდიდა და რომ მისი სახელმწიფო მეტად ძლიერი იყო. ეს ფაქტი უარყოფს აგრეთვე იმ ფრიალ გავრცელებულ მოსაზრებას, თითქოს, მიკენის ეპოქაშიაც ბერძნების პოლიტიკური მდგომარეობა ისევე პრიმიტიული და დაქუცმაცებული იყო, როგორც ჰომეროსის საბერძნეთში. საბუთი არა გვაქვს ტირინთი დამოუკიდებელ სამეფოდ წარმოვიდგინოთ; პირიქით საფიქრებელია, რომ იგი მეორე სამეფო ქალაქი იყო, რომელიც საზღვაო ვაჭრობის ინტერესების მიხედვით, რაც შეიძლება, ზღვასთან ახლოს იყო დაარსებული (ე. დ. მაგერი, გვ. 244—246). არგოლიდას სხვა ადგილები, სადაც კი აღმოჩნდა ნაშთები მიკენის დროისა, როგორც, მაგ., პროსიმნა, მიდეია, ნავპლია და სხვ., იყო, ალბათ, აზნაურთა გვარების სამკვიდრებელი ადგილები, მაგრამ ეს უკანასკნელი არა დამოუკიდებელი დინასტიები, არამედ მიკენის მეფის მოლაშქრეები უნდა ყოფილიყვნენ. ამას გვიმტკიცებს საფლავების შესწავლა. ამ მხარეში ყველგან აღმოჩენილ იქნა საფლავები კლდეში მიკენური ნივთებით, და მხოლოდ სამი გუმბათოვანი: ერთი პროსიმნასთან, მეორე მიდეიასთან და მესამე ტირინთან. მათთან შედარებით კი სულ სხვაა მიკენის ახალი გუმბათოვანი საფლავები. მაშინ, როდესაც მეფეები მიკენში ძვირფას საფლავებს იშენებდნენ, სხვა ადგილებში მსგავსი რისამე აგებას მხოლოდ შემთხვევით უფრო შეძლებული და გავლენიანი მაგნატები თუ ახერხებდნენ.

გუმბათოვანი საფლავების შემოღების ხანა არის მიკენის კულტურის სრული აყვავების დრო. წარჩინებული მაგნატები თვის საგვარეულო საფლავებს აწყობდნენ კლდის ფოსოებში. აქ სწორკუთხოვანად აგებულ ოთახში შევყავართ განსაკუთრებულ შესავალს, რომელსაც, როდესაც საფლავი უკვე საჭირო აღარ იყო. მიწით ავსებდნენ და ქვის ლოდით ხურავდნენ მეფის საფლავებისათვის კი კლდეში ჯერ დიდ ხელოვნურ გამოქვაბულს აშადებდნენ, შემდეგ კი მაგარ მრგვალ შენობას, რომელსაც ჰქმნიდნენ ქვის კონცენტრული წრის საშუალებით თანდათან დაეწროვებული დიამეტრისაგან ისე, რომ ეს შენობა თავში სკის მსგავსად თალით მთავრდებოდა, რომლის დახურვაც ერთი ქვით შეიძლებოდა. შემდეგ მას მიწას აყრიდნენ; მისი შესავალი წარმოადგენდა კლდეში გამოქრილ გასასვლელს (დრომოსი). ამ საფლავების აგებულობის ტექნიკა და მხატვრობა დიდად გაუმჯობესებულია მალაროვან სამარხებთან შედარებით, განსაკუთრებით ძვირფასია ეგრეთწოდებული ატრეოსის საუნჯე. გუმბათოვანი ნაშენობის კედლები შემკულია ბრინჯაოს როზეტებით; გვამებისათვის მიშენებულია მრავალკუთხიანი კამერა და ამგვარად მთავარი შენობა მიცვალებულთა ლეთისმსახურებისათვის განკუთვნილად მოჩანს; შესავლის კარები დეკორაციითაა შემკული. ეს საფლავი და ლომების ქიშკარი ერთ დროს და ერთისა და იმავე მბრძანებლის მიერ უნდა იყოს აგებული. უფრო ახალი დროის უნდა იყოს ლომების ქიშკრის მახლობლად აღმოჩენილი სამარხი, რომელსაც დღეს „კლიტემნესტრას საფლავს“ უწოდებენ.

ამ დიდი გუმბათოვანი საფლავების ამგებელ შეფეებს დაახ. 15 საუკუნის დასასრულიდან 13 საუკუნის მეორე ნახევრამდე უნდა ემეფნათ. ეს ძეგლები საშუალებას გვაძლევს გავითვალისწინოთ ის დიდი მნიშვნელობა, რომელიც აქ მიცვალებულთა კულტს ჰქონია. როგორც ვევიპტეში, ისე მიკენში მბრძანებელ-



სურათი № 16 და 17—ატრეოსის საუნჯე.

თა და მაგნატების შეძლების უდიდესი ნაწილი იმას ხმარდებოდა, რომ შეეკმნათ მიცვალებულთათვის განსვენების მყუდრო ადგილები. რ.თა მიცვალებულთა სამყაროში მათ არა დაკლებოდათ რა, თან ატანდენ ყველაზე უფრო ძვირფას საგნებს და ამას გარდა მათ საფლავებზე ჰკლავდენ მათ მსახურთ, როგორც მამაკაცთ, ისე დედაკაცთ და აგრეთვე რაშებს. როგორც ჩანს, იმ დროის ბერძნებს სწამდათ, რომ მიცვალებულთა სულს სჭირდება სისხლი, რათა ცოცხლად შეინარჩუნოს მოჩვენების მსგავსი არსებობა. საფლავებში მრავლად აღმოჩენილი უფრო ახალი სახის ჭურჭლეულობის ნატეხები გვიჩვენებს, რომ განსაზღვრულ დროს მიცვალებულთა ნათესავები იკრიბებოდნენ მათ საფლავებზე და ასრულებდნენ მათ მოსახსენებელ ღვთისმსახურებათ.

დასასრულ უნდა შევიჩრდეთ ა რ გ ო ს ი ს სა მ ე ფ ო ს ' დახასიათებაზე. უნდა ვიფიქროთ, რომ არგოლიდაში ერთი მთლიანი სამეფო არსებობდა, რომლის მბრძანებლები საბერძნეთის ზოგიერთ სხვა ნაწილზედაც ბატონობდნენ. არგოსის მთლიანი სამეფოს არსებობას ამტკიცებს ამ მხარის მთლიანობა სარწმუნოებაში. მას ჰყავდა მხოლოდ ერთი მფარველი ღვთაება და ერთი სარწმუნოება.



ნომბრივი ცენტრი, სახელდობრ ამ მხარის დიდი ღმერთქალის ჰერას (Ἡρα Ἀργεία) საკურთხეველი, რომელსც პროსიონასთან მთის ძირში მიკენიდან ტირინთისაკენ მიმავალ გზაზე მდებარეობდა.

მიკენის მეფეები უაღრესად მდიდარი და ძლიერი უნდა ყოფილიყვნენ და თავის სრულ მორჩილებასა და ნახევრად — ყმურ მდგომარეობაში უნდა აყოლოდათ მოსახლეობის უდიდესი ნაწილი: ასეთი უზარმაზარი შენობების აგება ისე, როგორც პირამიდებისა ეგვიპტეში, არსებითად მხოლოდ ისეთ მბრძანებელთ შეეძლოთ, რომელთა სრულ განკარგულებაში იქნებოდა ქვეშევრდომთა მთელი სამუშაო ძალა. მეფის გვერდით ვხედავთ შეძლებულ და ძლიერ მაგნატებს, რომლებიც უმთავრესად მეფის მოლაშქრეებს წარმოადგენდნენ.

რომ მიკენის სამეფო ნამდვილად სცილდებოდა არგოსის საზღვრებს, ამ ფაქტის ერთგვარ გამოძახილს ვამჩნევთ სხვადასხვა ძველ თქმულებაში. ამ მხრით განსაკუთრებით საყურადღებოა ეპოსი ტროიას ომის შესახებ. მართალია მასში არსებითად მხოლოდ წვრილ დამოუკიდებელ სამეფოებს ვხედავთ, მაგრამ საფიქრებელია, რომ ის ძველი და სარწმუნო ტრადიცია, რომელსაც იგი უნდა ემყარებოდეს, შემდეგში დაჩრდილულ იქნა უფრო ახალი ფენებით. მასში მიკენის მეფე აგამემნონი უძლიერეს მეფედ არის დასურათებული, რომელსაც დანარჩენი მეფეები თვის წინამძღოლად და ზემდგომად აღიარებენ. ამასთან აგამემნონის გვარი დაკავშირებულია პელოპსთან, რომლის სახელს ატარებს თვით ის ნახევარკუნძული — „პელოპისის კუნძული“, სადაც არგოსი მდებარეობდა. შეიძლება აქედან აიხსნება ის ფაქტი, რომ, თითქოს, მისგან წარმოშობილ გვარს გაბატონებული მდგომარეობა ჰქონდა მინიკებელი. საერთოდ ტროიას ომის ეპოსში ჩვენ შეგვიძლია გარკვეულად გავარჩიოთ ისტორიული სინამდვილის მარცვალი. ჩვენ უკვე ვიცით, რომ მიკენის მეოთხე მალაროვანი საფლავის ერთი ვერცხლის ვაზა გვისახიერებს „მიკენელების“ თავდასხმას მცირე აზიაზე. მართალია აქედან ძნელია იმ დასკვნის გამოტანა, თითქოს, ეს სურათი ტროიას ომს განასახიერებს, მაგრამ მცირის მხრით აღსანიშნავია ის ფაქტი, რომ ტროიაში ადგილობრივ კერამიკასთან ერთად აღმოჩენილ იქნა მიკენური ქურქლეულობის მრავალი ნატეხი. ამის მიხედვით შეგვიძლია ვიფიქროთ, რომ XIV-XIII საუკუნეებში მიკენსა და ტროიას შორის არსებობდა ვაცხოველებული სავაჭრო ურთიერთობა. მიკენის საქონლის სწორი ექსპორტი ვასაგებად ხდის იმ მოსაზრებას, რომ აქ სავაჭრო ინტერესები აგრეთვე პოლიტიკისათვისაც სახელმძღვანელო მნიშვნელობას აღწევდა. ვინაიდან გაფართოებისა და ნადავლის მოპოვების მისწრაფებამ სწორედ ტროიაზე გალაშქრება გამოიწვია, ამავე მისწრაფებიდან უნდა გამომდინარეობდეს ის, რომ „მიკენელები“ ცდილობდნენ შავი ზღვისაკენ მიმავალ დიდ საზღვაო გზებზე ბატონობა ხელში ჰქონოდათ. ყოველ შემთხვევაში ქალაქი ტროია თქმულებასთან შეთანხმებით, დანგრეულ და გადამწვარ იქნა და ამის შემდეგ დიდხანს წარმოადგენდა ნანგრევების ადგილს (ე. დ. მ. ა. ი, ibid. 300).


თქმულება ჰერაკლეს შესახებ ვადმოგვიცემს, რომ რეზინდენცია ევრითეოსისა, რომელსაც ძველმა აღუთქვა გარშემომდებარე მხარეთა მოსახლეობაზე ბატონობა და რომლის სამსახურში იმყოფებოდა თვით ჰერაკლე, მიკენში არსებობდა: აქ მოაქვს ჰერაკლეს მისთვის თვისი ნადავლი.

მესამე დიდი თქმულება არგოსის თებას წინააღმდეგ ძლევამოსილი ბრძოლის შესახებ, ვილკენის აზრით (Gr. Gesch. გვ. 33) ნებას გვაძლევს ვიფიქროთ, რომ აქაელთა სამეფო შუა-საბერძნეთზედაც ვრცელდებოდა. ეს ბერძნული ეპოსი გვიამბობს არგოსის მეფის მეთაურობით თებაზე გალაშქრებას და, როგორც ჩანს, განსაკუთრებით ჰეზიოდეს მიხედვით, ეს ამბავი ტროიას წინააღმდეგ ბრძოლის თანაბარი წარმოშობისა უნდა იყოს. ამ თქმულების დახასიათება თავის ადგილას გვექნება, აქ კი აღვნიშნავთ, რომ სიკიონის მეფის ადრასტის საომარი გალაშქრება თებას წინააღმდეგ, მაშასადამე, ცდა თვისი საბრძანებლის შუა-საბერძნეთშიც გავრცელებისა, სავსებით გასაგებია იმ პირობებში, რომელსაც იმ დროს მიკენი განიცდიდა. მართალია, გადმოცემის მიხედვით თაედასმა, თითქოს, უკუგდებულ იქნა და თვით მეთაურები დაეცენ ბრძოლის ველზე თებას კიშკართან, მაგრამ საერთო შთაბეჭდილება ისეთია, რომ არგოსის სამეფოს გავლენა ერთგვარად მაინც იყო გავრცელებული შუა-საბერძნეთში. რა თქმა უნდა, ასეთი მოსაზრება ჯერ კიდევ საჭიროებს უფრო მეტ დასაბუთებას, ხოლო იგი სიმართლესთან დაახლოებულად მაინც უნდა ჩაითვალოს.

**2. პელოპონესის სხვა კუთხეები. შუა-საბერძნეთი — ბეოტია; ორქოშენი. ვებეა. ატოკა. ეგეოსის კუნძულები. ჩრდილოეთ-საბერძნეთი.**

მიკენური კულტურის ნაშთებს ვხვდებით არა მარტო არგოლიდაში, არამედ სხვა მხარეებშიც, და ეს ფაქტი ცხადად გვარწმუნებს, რომ საბერძნეთის მიდამოებში ეს კულტურა ფართოდ გავრცელებული ყოფილა.

ეგროტასის ველზე ვაფიოს მახლობლად მდებარე გორაკზე აღმოჩენილ იქნა გუმბათოვანი საფლავი, რომელშიაც იპოვეს ახალ-კრეტული ხელოვნების ორი ძვირფასი ნაწარმოები — ოქროს თასები მშვენიერი რელიეფებით; ერთზე



სურათი № 18 და 19—ვაფიოს ოქროს თასები

გადმოცემულია ხარების დაქერა, მეორეზე კი — საბალახოზე გამოვებული საქონელი. ამ ადგილის მახლობლად მდებარეობდა ძველი ამიკლო, რომელიც ოდესღაც ლაკონიელი აქაელების მთავართა სატახტო ქალაქი უნდა ყოფილიყო. იგი ცნობილია აგრეთვე აპოლონ ამიკლოელის კულტით, რომლის გავრცელების კვალს ვამჩნევთ კიპრში და კრეტაშიც. ამ კულტის ჩანასახს წარმოადგენს „მშვენიერი უმაწვილის“ იაკინთეს სამგლოვიარო დღესასწაული „Παξιμένης“. ეს დღესასწაული ძველი წინა — ბერძნული მოსახლეობის მიერ უნდა იყოს შექმნილი, და სპეციალისტების აზრით თვით სახელწოდება მისი მკირეაზიული წარმოშობისაა. ამიკლოს ტაძრის მიკენის დროის ფენები და მათში აღმოჩენილი საგნები გვიჩვენებს, რომ სამსხვერპლო სისხლი აქაც მიწაზე იღვრებოდა.

პელოპონესის დასავლეთ ნაპირზე ერთი პატარა სიმაგრის ქვეშ მდებარეობდა კაკოვატოსი, რომელიც პომპროსის პილოსი, ნელეესისა და ნესტორის ქალაქი უნდა იყოს. აქ აღმოჩნდა სამი გუმბათოვანი საფლავი, რომელშიაც მრავლად იპოვეს ძვირფასი კერამიკა, ამფორები, ქარვა და ცალკეული სამკაულები.

გადავიდეთ პელოპონესიდან შუა-საბერძნეთში. აქ ჩვენ განსაკუთრებულ ყურადღებას იპყრობს ბეოტია, რომლის განთქმულ მთას ჰელიკონს — მუზების ადგილსამყოფს — დიდი მნიშვნელობა მიენიჭა მთელსაბერძნეთში. საბუთი გვაქვს ვიფიქროთ, რომ მიკენის ეპოქაში იგი ორ ნაწილად იყო გაყოფილი და მხოლოდ შემდეგში გააერთიანეს ბეოტიელებმა. მის სამხრეთ ნაწილში ძველად იმყოფებოდა კადმელთა სამეფო მთავარი ქალაქით — თებათი. მისი სიმაგრე, რომელსაც ჩვეულებრივ კადმეას უწოდებდნენ, ყველა სხვა მიკენური ციხისაგან განსხვავდებოდა იმით, რომ შეიდი კიშკარი ჰქონდა. დღეს იგი წარმოადგენს სასახლის ნანგრევებს ფრესკების ნაშთით, რომელიც სტილის მხრით მიკენისა და ტირინთის კედლის მხატვრობას მოგვაგონებს, და საფიქრებელია, რომ იგი 14 საუკუნის დასაწყისში უნდა იყოს შესრულებული.

ბეოტიის ჩრდილოეთი ნაწილი წარმოადგენდა ნაყოფიერ ველს, რომელზედაც მიმდინარეობდა კეფისი თვისი მრავალრიცხოვანი შენაკადებით. აღმოსავლეთის მხრივ ამ მდინარეს ზღვისკენ გზას უღობავდა მთა, მაგრამ მიწის ქვეშ გაყვანილი მრავალი ხერელი (კატაბოთრები) უქმნიდა მას ხელოვნურ გასავალს. ქრ. წ. მეორე ათასეული წლების დასასრულს კატაბოთრები ამოვსებულა და ეს ოდესღაც კულტურული ქვეყანა კოპაიდის ტბად გადაქცეულა, რომელიც მხოლოდ 1892 წელს ამოაშვრეს. დღეს აქ გვხვდება ციკლოპური ქვებისაგან გაკეთებული თავისებური ყორეები, რომლებითაც წყალს აგუბებდნენ და შემდეგ კი ყანების მოსარწყავად ანაწილებდნენ; ბოლოს წყალი კატაბოთრებისაკენ მიემართებოდა და მათი საშუალებით ზღვას უერთდებოდა. აღმოსავლეთით დაბალ კლდოვან პლატოზე მდებარეობდა ტირინთის მსგავსი, ხოლო უფრო ვრცელი სიმაგრე, რომელსაც ვარს ერტყა უზარმაზარი ციკლოპური კედელი. მის მარცხენა მხარესთან არსებობდა სასახლის საძირკველი, ხოლო კუნძულის შუაში დიდი ეზო, რომელიც მეომრების შესაკრები პუნქტი უნდა ყოფილიყო. სხვა შენობათა ნანგრევები არ აღმოჩენილა, ამიტომ უნდა ვიგულისხმოთ, რომ ეს ქალაქი-ციხე, რომელიც შეიძლება პომპროსის არნეს შეესაბამება, ადრე იქნა მცხოვრებლების

მიერ მიტოვებული და შემდეგშიც აღარ გაუახლებიათ. მისი კავშირი ზღვასთან უზრუნველყოფილი უნდა ყოფილიყო მთის მწვერვალებზე აგებული სიმაგრეებით.

ბეოტიის ველის დასავლეთ ნაპირთან მდებარეობდა ქალ. ორქომენი. ეს ადგილი უწინარეს ყოვლისა შესანიშნავია იმით, რომ აქ გვხვდება უძველესი მოსახლეობის ფენები, რომლებსაც მესამე ათასეული წლების ნეოლითურ ეპოქაში გადაყავართ; ეს არის წინა — ბერძნული მოსახლეობის პრეავალი და ოვალური ქოხები და შემოსეული ბერძნების მიერ მათზე დაშენებული სწორკუთხოვანი სახლები თვისი დამახასიათებელი ნაშთებით. აქვეა აღმართული მიკენური ქალაქის შენობები სასახლის ფრესკების მცირე ნაშთით. თვისი სტილით ორქომენის ეს კედლის მხატვრობა ტირინთის ახალი სასახლის ფრესკებს შეესაბამება. (ორქომენის შესახებ უფრო დაწვ. Bulle, Orchomenos 1907).

ორქომენში აღმოაჩინეს აგრეთვე დიდი გუმბათოვანი საფლავი, რომელიც თავისი ნაგებობის სახითა და სიდიდით ატროოსის საუნჯის თანასწორი წარმოშობისაა, მაგრამ აღემატება მას თვისი სამარხი კამერის საუცხოოვ ქანდაკებით შემკული კერით, რომლის ორნამენტუალურ წარმოდგენს სპირალური ლენტები ყვავილებით და ჩარჩოები როზეტებისაგან. (ედ. შაჰერი, II 1, გვ. 260. ფიქსის დას. წიგ. გვ. 70, 71, 72 და სხვ.) დღეს ეს საფლავი „მინიასის საუნჯის“ სახელწოდებით არის ცნობილი.

ორქომენის სამეფო დიდხანს ყოფილა განთქმული თავისი ძლიერებით. გადმოცემის მიხედვით, ორქომენის მეფემ ერგინოსმა დაამარცხა თებელები და თვის მოხარკეებად გაიხადა. ეს გადმოცემა სარწმუნო ტრადიციას უნდა ემყარებოდეს. ნართალია, იგი გვიამბობს იმასაც, რომ შემდეგში ჰერაკლემ დაამარცხა ერგინოსი და ორქომენი თებელებს დაუბრუნებია, მაგრამ ედ. შაჰერის სამართლიანი თქმით, „ეს არის რეფლექსი თებას სუპრემატიის დაწესებისა ამასობაში აგრეთვე ბეოტიურად გამხდარ ორქომენზე.“ ჩვენ სრული საბუთი გვაქვს ასე ვითქვით, რადკან მაგ., თუკიდიდეც აღნიშნავს (IV 76), რომ „წინათ ორქომენს „მინიურ ორქომენს“ უწოდებდნენ, ახლა კი ბეოტიურსო“ (Ὁρχομένους τὴν Μινυαίων ἄρχαίων καλοῦμεν, οὐκ ἔτι Βοιωτῶν). რას უნდა გამოეწვია ამ ერთ დროს ძლიერი ქალაქის დაქვეითება? ალბათ იმას, რომ დროთა მსვლელობაში კატაბოთრები უყურადღებობის გამო ამოიყვანა და მის ადგილას წარმოიშვა დიდი ტბა, რომელმაც შეუძლებელი გახადა სახნაგ-სათესი ადგილების დამუშავება.

როგორც დავინახეთ, ამ ქალაქს ძველად „მინიურ ორქომენს“ (Ὁρχομένους Μινυαίων) უწოდებდნენ. ამ სახელწოდებაში დაცულია ადგილობრივი უძველესი მცხოვრებლების სახელი — მინიელები. ჰომეროსის შემდეგ ეს სახელი არგონავტებზე გადაიტანეს, რომლებიც თესალიის ნავთსადგურ იოლკოდან გაემართნენ თვის შორეულ მოგზაურობაში, როგორც ამას თესალიური და ბეოტიური თქმულებები გადმოგვცემს. ამას გარდა ყველგან, სადაც გვარებასა და ტომებს თვისი თავი არგონავტების ჩამომავლობად მიაჩნდათ, მათ მინიელებად აღნიშნავდნენ. ამის მეოხებით ის აზრი წარმოიშვა, რომ მინიელები ოდესღაც საბერძნეთის სამყაროში ვრცლად განსახლებული ხალხი ყოფილა, რომელიც, თუმცა სხვა სახელწოდების ქვეშ, მაგრამ ისტორიულ ხანშიც შენარჩუნებული მოჩანს. ამასთან ერთად, თესალია და ბეოტია თავდაპირველად დილაქტიურად ორ

მთლიან მხარეს წარმოადგენდა. აქედან შემდეგში კოლონიტები ლესბოსსა და მის პირდაპირ მდებარე სანაპიროებზე გადასულან და თან წაუღიათ თვისი ძველი კულტი და თქმულებები, რომელთაც ახალ ადგილებში შემდეგი განვითარება განუცდიათ. ხალხთა დიდი ჯგუფი, რომელიც აქ შეცნობისათვის ხელისაწყოში გახდა, უნდა შევავერთოთ ეოლელების სახელწოდების ქვეშ, რომელთაც ეს კოლონიტები თავის თავს აღნიშნავენ. ეს მთლიანობა სრული სიცხადით გვევლინება სოციალურ დარგშიც. ამას ედ. მაჯერი ფრიად საყურადღებო მოსაზრებით ასაბუთებს: თუ ყველა სხვა ბერძენი ტომი მამისაგან შეიღის უფლებრივ დამოკიდებულებას, რომელზედაც დამყარებული იყო თემის წევრობა, მამის სახელის გენეტიკში მიმატებით აღნიშნავდა, თესალიურსა, ბეოტიურსა და ლესბურში იგი ყოველთვის მამის სახელის პოსესივ ადიექტივის ფორმით გამოიხატებოდა. საბერძნეთში რომ ეოლელების სახელწოდება ფართოდ იყო გავრცელებული, ამის კვალს ვამჩნევთ იმაშიც, რომ ეტოლიის ნაპირებთან მდებარე მხარეები კალიდონი და პლეერონი, რომლებიც თქმულებებში დიდ როლს თამაშობდნენ და აგრეთვე თებას წინაღმდეგ ომთანაც იყვნენ დაკავშირებული, მეხუთე საუკუნეშიც ეოლის სახელს ატარებდნენ. შემდეგში ეოლის ეპონიმი თესალიაშიც იქნა გადატანილი, სადაც მიკენის კულტურამ აგრეთვე დაგვიტოვა თვისი კვალი (ედ. მაჯერი, II 1, გვ. 261-264). ბეოტიის შეზობლად მდებარე კუნძულ ევბეაშიც აღმოჩენილ იქნა მიკენური კულტურის ნაშთები (იხ. Fimmen, O. C. გვ. 6); მაგ. ქ. ქალკისთან იპოვეს რამდენიმე გუმბათოვანი და კამერიანი სამარხი მიკენური ქურქლებით. თვით კუნძულის გეოგრაფიული მდებარეობა და ზოგიერთი სხვა ფაქტი სარწმუნოდ ხდის იმ მოსაზრებას, რომ მას ძველადვე ჰქონდა სავაჭრო ურთიერთობა მახლობელ მხარეებთან. ევბეას მოსახლეობას ჰომეროსი აბანტების სახელწოდებით იხსენიებს. ედ. მაჯერის გამოკვლევით ოროპში V ს-ში და შესაძლებელია ამაზე ადრეც იმავე დიალექტზე ლაპარაკობდნენ, როგორზედაც მის პირდაპირ მდებარე ერეტრიაში, და აქ დამკვიდრებული ტომი-გრეელები, რომელთა სახელისაგან უნდა იყოს წარმომდგარი ქ. ტანაგრას სახელწოდება, ბერძენთა კოლონიზაციის დროს მკიდრო კავშირში მოჩანან ქალკისთან და მონაწილეობას იღებენ კამპანიაში კუმის დაარსებაში. გრეელების სახელწოდებიდან უნდა შეექნათ რომაელებს ბერძენების საერთო სახელი Graeci<sup>1</sup>.

აბანტების გარდა ძველ მწერლებს სხვა ტომებიცა ჰყავთ დასახლებული, მაგრამ მათზე აღარ შეეჩერდებით<sup>2</sup>. საერთოდ აღსანიშნავია, რომ ყველა ეს ჯგუფი არა განსხვავებულ ხალხებად უნდა მივიჩნიოთ, არამედ ცალკეულ პატარა ტომებად.

ჩვენი მიზნისათვის შუა-საბერძნეთში გარდა ბეოტიისა, ცხადია, დიდი მნიშვნელობა აქვს ატიკას, სადაც მიკენური გუმბათოვანი სამარხები აღმოაჩინეს ელევსისთან, აქარნესთან (მენიდისთან), თორიკოსთან და სხვ.

<sup>1</sup>) გრეელების შესახებ იხ. Wilamowitz, Hermes XXI.

<sup>2</sup>) მათ შესახებ იხ. Fimmen, Besiedlung Boeotiens bis in Frühgriech. Zeit (Neue Jahrb. 29, 1912).

თვით ათენის აკროპოლში, სახელდობრ იმ ადგილას, სადაც შემდეგში ბერძნებმა აღმართეს თვისი განთქმული პართენონი, მეორე ათასეულ წლებში იღვა „მიკენური“ სამეფო სასახლე (Πελοποννησιακόν βασιλειον). გადმოცემა უფლებს გვაძლევს ვიფიქროთ, რომ ატიკის ზოგიერთი ნაწილი უძველეს დროს დამოუკიდებელ არსებობას ატარებდა, მათ შორის - ელევსისი, მარათონის ტეტრაპოლისი და სხვ. მაგრამ საბერძნეთის სხვა მხარეებისაგან განსხვავებით ატიკის ამ დამოუკიდებელი ნაწილების მოსახლეობა საკუთარი სახელწოდებით თითქმის არ არის ცნობილი; პირიქით მთელი ატიკის მოსახლეობა ყველა დროში იწოდებოდა მთავარი ქალაქის მიხედვით — ათენელებად (Ἀθηναῖοι). ტრადიცია შესაძლებელად ხდის დაეუშვათ, რომ უკვე მიკენის ეპოქაში ათენის<sup>1)</sup> სიმეგრის ამშენებელი მთავრები იწყებენ ატიკის გაერთიანებას და საფუძველს უყრიან მთლიანი სახელმწიფოს დაარსებას. ასეთი შორეული წარსულიდან უნდა მომდინარეობდეს ატიკის მთლიანობა, რომელიც შემდეგში არასოდეს არ დარღვეულა.

არსებობს კრეტა-მიკენის კულტურის კვალი დელფოშიც. ეგებ, უსაფუძველოდ არ იყოს დაკავშირებული ლეგენდებში კრეტა და დელფოს აპოლონი.

რაც შეეხება ეგეოსის ზღვის კუნძულებს, აქ ძველი კრეტული კულტურის ადგილი შემდეგში მიკენის კულტურას დაუკავებია. თვით ბერძნების ნაწილობრივი განსახლება ამ კუნძულებზე ამ ხანებში უნდა დაწყებულიყო. ციკლადებზე გვხვდება მიკენური ქურქლების ნატეხები იმავე სტილისა, როგორისაც არგოლიდაში. ნაკოსში იპოვეს გუმბათოვანი საფლავი, რომელიც მიკენის მსგავს სამარხებს მოგვაგონებს. მელოსში ფილაკოპის მეორე ახალკრეტული ქალაქი ცეცხლის მიერ ყოფილა განადგურებული და მასზე მესამე აუშენებიათ, რომელშიაც დაცული აღმოჩნდა დიდი სახლი შუაში კერით და მიკენური კედლის მხატვრობის ნაშთებით. თერაში ამოთხარეს მიკენური მოსახლეობის შენობები. კუნძულ როდოსის ჩრდილოეთ ნაწილში მდებარე ქ. იალისი შეიცავს დიდ მიკენურ ნეკროპოლისს, და სხვ.

ნათქვამიდან ცხადია, თუ რა ფართოდ ყოფილა გავრცელებული მიკენელების გავლენა და მოსახლეობა სამხრეთ და შუა-საბერძნეთში და ეგეოსის კუნძულებზე.

რაც შეეხება ჩრდილოეთ საბერძნეთს, აქ თესალიაში, მართალია, აღმოჩენილ იქნა მიკენის კულტურის ნაშთები, მაგ., ვოლოში-გუმბათოვანი სამარხი, მაგრამ უფრო საყურადღებოა მიკენური ფენის ქვეშ არსებული კვალი გაცილებით უფრო ძველი ნეოლითური კულტურისა, რომელიც აქ დიდი ხნის განმავლობაში უნდა არსებულიყო და რომლის დასაწყისი მკვლევარის ცუნდას (Tsountas) მოსაზრებით ქრ. წ. 3000 წლებს უნდა მიეკუთნოთ. ზოგიერთი მკვლევარის, მაგ. Wace's, Thompson's-ისა და Dussaud's-ის აზრით პრეისტორიულ ხანაში თესალიაში გავრცელებული იყო სხვა წარმოშობის კულტურა, ვიდრე ის, რომელიც კრეტადან გამომდინარეობდა; თესალია საბერძნეთში წარმომადგენელი იყო იმ

<sup>1)</sup> საბერძნეთში გარდა ატიკის მთავარი ქალაქის ათენისა ცნობილია კიდევ ორი ქალაქი ამ სახელწოდებით: 1) Ἀθήναι Ἀχάειε ეგებას ჩრდილოეთ-დასავლეთ ნაპირთან, და 2) ბეოტიაში კოპიდის ტბის მიერ უკვე ძველადვე დაფარული ქალაქი.

მიმდინარეობისა, რომელიც ჩრდილოეთიდან, შუა-ევროპიდან მოდიოდა; აქ ორივე მიმდინარეობა ერთიმეორეს ხედებოდა და ამიტომაც თესალია იყო თავისებური ბარიერი ეგეოსის სამყაროსა და ბალკანეთის ხალხებს შორის. მიკენის გავლენა აქ გვიან გავრცელდა და არც ღრმად დაუტოვებია თავისი კვალი (იხ. В. П. Бузескул. Открытия XIX и начала XX века... II, გვ. 169). საერთოდ აუ ახლო წარსულში თითქმის ყველა ისტორიკოსის მიერ განიარსებული იყო თქმა: „Ex Oriente lux“ და გარკვეულად ითვლებოდა, რომ ბერძნულმა კულტურამ თვისი განაყოფიერება მხოლოდ აღმოსავლეთიდან მიიღო, დღეს უკვე ამ მხრით სრულებით საწინააღმდეგო მოსაზრებებს გამოთქვამს ზოგიერთი ისტორიკოსი. ასე, მაგ., პრეისტორიული ხანის ცნობილი მკვლევარი კარლო შუხჰარდტი სამი წლის წინათ გამოცემულ შრომაში სწერს: „არა აღმოსავლეთიდან, როგორც შეუქლია ბერს ჯერ კიდევ ირწმუნოს, არამედ დასავლეთიდან, საფრანგეთისა და ესპანიის პალეოლითის კულტურიდან იღებდა ხმელთაშუა ზღვა თვის მთავარ აღმძვრელ ძალას“-ო (Karl Schuchhardt, Alt-Europa, München 1926, გვ. 146, იხ. აგრეთვე გვ. 225).

დღეს ამ საკითხის გარშემო ორი განსხვავებული პანაკია წარმოშობილი. მაგრამ აქ ადგილი არ არის შევიჩრდეთ იმ მოსაზრებებზე, რომელთაც თითოეული მათგანი თვისი დებულებების დასამტკიცებლად გვიდგაწას. როგორც არ უნდა გადაწყდეს საბოლოოდ ეს ფრიად საყურადღებო საკითხი, ყოველ შემთხვევაში ცხადია, რომ თესალიის<sup>1</sup> ნეოლითურ კულტურას ერთგვარი შეხვედრის წერტილები აქვს ტროიას და საერთოდ ეგეოსის კულტურასთან. ამას გარდა თვით თესალიაშიც ხომ გარკვეულად ჩანს მიკენის კულტურის ნაშთები, რომელთა ქვემოთ იქნა აღმოჩენილი ნეოლითური კულტურის ძეგლები.

#### 4. ვაქრობა მიკენის პერიოდში. სოციალურ-პოლიტიკური მდგომარეობა. უძველესი თქმულებები. ხარწმუნოება.

მიკენის პერიოდში ბერძნებს განვითარებული და შორს გავრცელებული. სავაქრო ურთიერთობა ჰქონდათ დაწესებული, რასაც არქეოლოგიური აღმოჩენები ამტკიცებს. დავიწყით ხმელეთზე ვაქრობის მიმოხილვიდან. ერთი აუცილებელი პირობა მისი წესიერი განვითარებისათვის არის გზები. როგორც ვიცით, მიკენში სამი გზა მიემართებოდა ჩრდილოეთით კორინთსაკენ, ხოლო ერთი დიდი გზა სახმრეთისაკენ. ეს გზები კარგად იყო მოწყობილი და თავისებურად გამაგრებულიც

როგორც დღეს, ისე იმ დროის საბერძნეთშიც ტვირთი უმეტეს ნაწილად საქონლის საშუალებით გადაჰქონდათ. ამის კარგი მაგალითია ფესტში აღმოჩენილი ერთი ცხენის ტერაკოტა, რომელიც ზურგით მიკენური სტილით შემკული ორ დიდ კურს მიეზიდება. საფიქრებელია, რომ თავდაპირველად ასეთი მიზნისთვის გამოყენებული ჰყავდათ ვირები, ცხენი კი კრეტა-მიკენის კულტურ-

<sup>1</sup>) სხვათა შორის, სახელწოდებას-„თესალია“ კარსტი (Urgeschichte, გვ. 4) უკავშირებს. ქართულ სიტყვებს „თესლას“ და „ნათესას“ და ფიქრობს, რომ „Thessali“-ში დაკულია. ძველი იბერო-ქართული აქელატივი პრეზასისა (Ur-Rasse), ნაიისა, ტოპისა“.

რის მხარეებში მხოლოდ XVI ს-დან ხდება ცნობილი. მიკენური ეპოქის რელიეფების, ფრესკების, ეაზების, გემების, ბექდებისა და პოლელეების ყველაზე უფრო გავრცელებული დასურათებანი თვალწინ გვიყენებს მსუბუქ ეტლებში შებმულ ცხენებს. ამ პატარა მსუბუქი ეტლებით, რომელშიაც მოთავსება შეეძლო ორს თუ სამ პირს, მოსახერხებელი იყო მხოლოდ ომში, ნადირობაზე და დღესაც წაულებზე გამგზავრება; ტრანსპორტისათვის კი ისინი გამოსადეგი არ იყო. მხოლოდ მიკენის კულტურის მხარეებიდან ემიგრაციის დროს გვხვდება დატვირთული ურმები. როდესაც ფილისტიმელები პალესტინისაკენ მიემართებოდნენ, ხმელეთით მიმავალ მათ ნაწილს თან მიჰქონდა თვისი ქონება და მიჰყავდა ცოლ-შვილი და მოხუცებულები დიდ ურმებში, რომელთაც ოთხი ხარი მიეზიდებოდა. რაკი თითოეული დიდი ტრანსპორტი ხმელეთით დიდ სიძნელეს წარმოადგენდა და ამავე დროს კი საბერძნეთის გეოგრაფიული პირობები, მისი მრავალი ყურე და კუნძული, უფრო ხელსაყრელი იყო მეზღვაურობისათვის, ამიტომ ამ უკანასკნელს იმთავითვე განსაკუთრებული ყურადღება ჰქონდა მიქცეული. სწავით გადატანა საქონლისა გაცილებით უფრო დიდ როლს თამაშობდა, ვიდრე ტრანსპორტი ხმელეთით. ამის დამამტკიცებელ საბუთებს ვხედავთ მიკენის ძეგლებზე. გემი, რომელსაც ჩვენ გენემებისა, ბექდებისა და ეაზების სურათებში ვეცნობით, უმეტეს ნაწილად ერთანძიანია, თუმცა ზოგჯერ ვხვდებით ორ და სამანძიანსაც. საერთოდ მიკენური გემის გამოსახვა დიდად განსხვავდება ფინიკიელების სავაქრო გემებისაგან, რომელთა სურათებს ვამჩნევთ ეგვიპტის XVIII დინასტიის საფლავზე თებას ნეკროპოლისში. ოციოდე წლის წინათ ამ საფლავიდან გადმოღებული სურათები გვიჩვენებს მაღალ ბორტიან გემს, რომელსაც სახურავის გარშემო მოაჯირი აქვს შემოვლებული, ხოლო ანძთან დამაგრებული ორი დიდი ხის სვეტი, რომელთა შორის მოთავსებულია მთელი გემისართავი (ტაკელავი) და იალქნები

მიკენური გემი კი, ფილისტიმელების ხომალდების ჩათვლით, პირიქით დაბალი აგებულობისაა და საერთოდ დამოუკიდებელ სახეს ააშკარავებს. ეს ფაქტი სხვათა შორის იმაზე უნდა მიგვითითებდეს, რომ ვაჭრობა ამ დროს არ იყო დაკავშირებული ფინიკიელებთან, როგორც წინათ ფიქრობდნენ. რაც შეეხება ვაჭრობის საგნებს, საჟიჰრებელია, რომ ვაჭრობაში ძველსაჩინო როლს თამაშობდა მიწის პროდუქტები, უფრო ზეთი და ღვინო, განსაკუთრებით მთიან მხარეებთან. ღვინის გადაზიდვის გათვალისწინების მხრით საყურადღებოა სპარტას მახლობლად მენელაიონის გორაკზე გადაწვეარი ქალაქის ნანგრევთა შორის აღმოჩენილი ქურები, რომლებიც თავდახურული და ნიშანდამული უნდა ყოფილიყო. ქურის ჩასახსნელ ყელზე სდებდნენ მრგვალ სარკველს (ბალიშს), ზევიდან აფარებდნენ ვაზის ფოთლებსა და შემდეგ რბილ თიხას; თიხის ეს სახურავი დამაგრებული იყო გადაჯვარადინებული წყვილი თოკით; მასზე ხშირად აღბეჭდავდნენ ხოლმე სადაურობისა და კუთვნილების შარკას. მაშასადამე, ამ ბეჭდის შემუშავებად ქურების გახსნა არ შეიძლებოდა. ასეთი თიხის ნატეხები შტემპელითა და დანაბეჭდვით, ვაზის ფოთლები და თოკები, რომლებიც ცეცხლში გამომწვარა, ნაწილობრივ არის დაცული (ფიშენი, Kultur, 118). ვაჭრობისათვის ფრიად ძვირფას საგანს წარმოადგენდა მშვენიერად დასურათებული საუცხოო



ქურქელი. საფიქრებელია, რომ ეგვიპტეში აღმოჩენილი ვაზები და კიპრის მრავალრიცხოვანი ქურქელი სცენებით გასასყიდად განკუთვნილ ფორმასა და დეკორაციას განასახიერებდა. საზოგადოდ სრული უფლება გვაქვს ვიფიქროთ, რომ მიკენის ვაზებით ვაქრობა დიდ სიერცეზე იყო გავრცელებული.

ნეოლითური და ადრე-ბრინჯაოს დროის მოსახლეობის ვაქრობის უძველეს საგანს ობსიდიანი წარმოადგენდა. როგორც უკვე აღენიშნეთ, ობსიდიანით მდიდარი იყო შელოსი, რომელიც მას სხვადასხვა მხარეს აწოდებდა. ობსიდიანის მრავალი დანა და ისრის წვერი იქნა ნახული მიკენურ საფლავებსა და საცხოვრებელ ადგილებში.

მიკენის კულტურის მიდამოებში აღმოჩენილი ქარვა, როგორც ეს ანალიზმა დაამტკიცა, მოტანილია აღმოსავლეთ ზღვის ნაპირებიდან, რადგან ბალტიის ქარვა ცხადად განსხვავდება რუმინული და სიცილიური ქარვისაგან (ფიშენი, *ibid.* 120). ქარვის სამკაულები, განსაკუთრებით მარგალიტები, მრავლად იპოვეს მიკენის მალაროვან სამარხებში და პილოს-კაკოვატოსის გუმბათოვან საფლავებში. შესაძლებელია, ეს შედეგი იყოს არა პირდაპირი სავაჭრო ურთიერთობისა, არამედ რომელიმე შუამავალი ხალხის მიერ იყოს იგი შემოტანილი ამ მხარეში. სპილოს ძვალი ნედლი მასალის სახით შემოქონდათ აფრიკიდან და აქ დიდი ხელოვნებით ჰქმნიდნენ მისგან სხვადასხვა ძვირფას სამკაულსა და ნივთს; რაც შეეხება სპილენძსა და ოქროს, ისინი, ალბათ, კიპრიდან და ეგვიპტიდან უნდა შემოეტანათ.

ვაქრობის განვითარების შედეგი იყო, სხვათა შორის, ის, რომ ხმარებაში შემოვიდა გაცვლა-გამოცვლის განსაზღვრული საშუალება, რომელიც ფულს შეესაბამებოდა. სხვადასხვა ფორმის მიკენური „ფული“ აგრეთვე აღმოჩენილ იქნა რამოდენიმე ადგილას. მაგრამ ამ მხრით ერთგვარი სიფრთხილეა საჭირო, რომ სულ სხვა დანიშნულების საგანს შეცთომით სწორეთ ეს თვისება არ მივაწეროთ. ყველაზე უფრო ცნობილი საშუალება გაცვლა-გამოცვლისა იყო ოქროსა და სპილენძის ურსები; ოქროს პატარა ურსები ცნობილია მიკენიდან და ენკ-შიდან; მათი შესატყვისი გამოსახვანი გვხვდება დამწერლობის ფიქალებზე; სპილენძის ურსებს აქვს ცხოველის ტყავის ფორმა, რაც იმ საგულისხმიერო ფაქტზე უნდა მიგვიითივებდეს, რომ თავდაპირველად აქაც ნივთების ღირებულება საქონლის მიხედვით განისაზღვრებოდა; მათ არაერთგვარი ნათესაობა არ ემჩნევათ ორპირიან ცულთან; ცული მუდამ გამობერილია, ურსის ნაპირები კი მოხრილი. მიკენის აკროპოლში ნახულ იქმნა მრავალი ცალი ასეთი ურსებისა და 17 პატარა ურსის ფრაგმენტები ზღვის ძირში ევბეას კიშმესთან, სადაც, როგორც ჩანს, მიკენურ ეპოქაში ამ ურსებით დატვირთული ხომალდი უნდა დაღუპულიყო. სპილენძის ურსები ღია ფორმებში იყო ჩამოსხმული, და ზოგჯერ რბილ ჩამონახსამზე გამოყვანილია მარკა; ხშირად კი უკვე გამაგრებულ სპილენძზე გარკვეული ნიშნებია ამოქრილი. ამ მხრით ურადღებ-ს ღირსია ის გარემოება, რომ ასეთივე ნიშნები გვხვდება კიპრისა, მიკენისა და სარდინიის ურსებზე; ამით ირკვევა მათი წარმოშობის ადგილი—სახელდობრ, კრეტა, სადაც დამწერლობის ეს ნიშნები ჩვეულებრივი იყო. მაგრამ, რომ სისწორით გამორკვეულ იქნეს ამ

განმსაზღვრელი ყურსების მნიშვნელობა და ტრიალი, ამისთვის საჭიროა ჯერ კიდევ დაკვირვება და საკითხის უფრო ღრმა გამოკვლევა:

არა ნაკლებ ძნელია გარკვევა წონის მიკენური სისტემისა, რომლისაგანაც დამოკიდებული უნდა ყოფილიყო მიკენის თავისებური ფულის სისტემა. ამ მხრით უდიდესი მნიშვნელობისაა ის ფაქტი, რომ მიკენის ერთ-ერთ მაღაროვან სამარხში აღმოჩენილ იქნა ოქროს სასწორი. ხოლო გარკვევით აღნიშვნა, თუ როგორი იყო წონის სისტემა მიკენის მხარეებში, ამჟამად შეუძლებელია. მომავალი მუშაობა მიკენის ძეგლებზე, ალბათ, მეტ ნათელს მოფენს ამ საკითხსაც.

ყოველ შემთხვევაში ჩვენ სრული უფლება გვაქვს დავასკვნათ, რომ მიკენის პერიოდში ვაჭრობას უმნიშვნელო როლი არ ჰქონდა მიკუთვნილი, პირიქით — იგი თვალსაჩინოდ განვითარებული და გავრცელებული მოჩანს და საკუთარი „ფულისა“ და წონის სისტემებიც კი ყოფილა იმ დროს შემოღებული.

ამ პერიოდის სოციალურ-პოლიტიკური მდგომარეობის შესახებ ჩვენ პირდაპირი ცნობები არ მოგვეპოვება<sup>1</sup>. ამიტომ ამ საკითხის გათვალისწინება შეიძლება მხოლოდ ზოგადად და ისიც დაახლოვებით, უმთავრესად არგოსის სამეფოზე დამყარებით. როგორც იყო აღნიშნული, გადმოსახლებულ ბერძნებს პირველ ხანებში შეტაკება მოუხდათ ადგილობრივ მოსახლეობასთან, რომელიც, რასაკვირველია, ადვილად არ დათმობდა თვის მიწა-წყალს; ამას გარდა მიწა-წყლის დაკარგვა მისთვის თავისუფლების დაკარგვასაც ნიშნავდა. ეს პროცესი იმით დამთავრდა, რომ ბერძნებმა საესებით დაიმორჩილეს ძველი მოსახლეობა, რომელიც ამ ბრძოლის პერიოდში თვალსაჩინოდ უნდა შემციირებულიყო, და იგი ყმურ მდგომარეობაში ჩააყენეს. შემდეგ ბერძენ ტომებს ურთიერთშორის ჰქონდათ შეხლა-შემოხლა და ბრძოლა საცხოვრებელი ადგილებისათვის. ამ პროცესში უნდა ამაღლებულიყო გვარის მეთაურთა ეკონომიური და პოლიტიკური მნიშვნელობა და მის გვერდით წარმოშობილიყო თავისებური სამხედრო აზნაურობა, მოლაშქრე არისტოკრატია. მაგნატების სასახლეებსა და ძვირფას საფლავებს ხშირად ვხვდებით საბერძნეთის ხველეთზე. მეფეების საცხოვრებელი ადგილები მუდამ განსაკუთრებული სიმაგრით იყო გარშემორტყმული, ხოლო მათ ძირში ჩვეულებრივ ბინადრობდა ქვეშევრდომი მოსახლეობა, რომელსაც, ალბათ, დაკისრებული ჰქონდა, გარდა მიწის დამუშავებისა, მრავალი სხვა სახის ბეგარაც. თვისი ბატონობის უზრუნველსაყოფად მეფეები მთის მწვერვალებზე აგებდნენ ციხე-კოშკებს, რომ ერთის მხრით სრულ მორჩილებაში ყოლოდათ ადგილობრივი მოსახლეობა. და

<sup>1</sup>) ამას წინათ მ. ველგარბა ფრანც ტრიტში (Franz Tritzsch, Stadtbildungen des Altertums und die griechische Polis. Klio, XXI, 1928, 1/2, S. 1-83) სახელმწიფოს ფორმის დახასიათებაში გადამწვევტი მნიშვნელობა მიანიჭა ქალაქის ტიპს. მისი აზრით, ყოველი გარკვეული ტიპის სახელმწიფოს შეიძლება შეესაბამებოდეს მხოლოდ განსაზღვრული სახის ქალაქი და პირიქით — თითოეული გარკვეული ტიპის ქალაქი მოასწავებს განსაზღვრული სახელმწიფოს არსებობას. ამასთან ერთად იგი აწევებს საფუძვლიან განსხვავებას ალბოსავლურ და კრეტურ-მიკენურ ქალაქებს შორის; ამ უკანასკნელთაგან უნდა განვითარებულიყო ბერძნული პოლისი; აგორთვე მათი გეგმა, თითქოს, უფლებას გვაძლევს ვიგუროსიმოთ მათში თავისუფალ მოქალაქეთა მოსახლეობა. ჩემი აზრით ტრიტშის მოსახლეობანი საკამათოა და მათი მთლიანად გახიარება ადვილი არ არის. მისი შრომის ღირსებას კი უმთავრესად ის წარმოადგენს, რომ მასში თავმოყრილია მდიდარი ახალი მასალა და გადმოცემულია საყურადღებო დაკვირვებები.

მეორის მხრით გზები, რომლებიც მხარის შუაგულსაკენ მიემართებოდა, დაცული ყოფილიყო ყოველგვარი მოულოდნელი თავდასხმისაგან. დიდი ყურადღებით ეპყრობოდნენ აგრეთვე იმ გზებს, რომლებიც ზღვისაკენ მიდიოდა, რადგან მხოლოდ მათი საშუალებით შეიძლებოდა მახლობლად მდებარე კუნძულებთან და მხარეებთან სათანადო ურთიერთობის დამყარება და აგრეთვე მეკობრეობისა და საეპრო დამოკიდებულების მოწესრიგება. უზარმაზარი სამეფო სასახლეები და საფლავები თვისი მხატვრობით და მდიდარი მორთულობით გვარწმუნებს, რომ მათი აგება შეეძლოა მხოლოდ ისეთ ძლიერ მხრძანებელთ, რომელთა განკარგულებაში უნდა ყოფილიყო მთელი დაბალი ხალხის სამუშაო ძალა.

როგორც ვთქვით. მეფეებს გარს ერტყა მოლაშქრე არისტოკრატია, რომელიც ცდილობდა ყოველი ნადავლიდან უდიდესი ნაწილი მიეთვისებია და დაბალ ხალხზე თვისი ბატონობაც გაემტკიცებია. ომიანობისა, მეკობრეობისა და ვაქრობის მეოხებით ბერძენთა შორის მრავლად გაჩნდნენ მონები, რომელთაც აკისრებდნენ, როგორც საოჯახო მეურნეობაში, ისე დიდი შენობების აგებაზე უმძიმეს სამუშაოთ. ამასთან მონებს მსხვერპლად სწირავდნენ მიცვალებულ მეფეებისა და მაგნატების საფლავებზე და მათი სისხლით რწყავდნენ მათ ძვლებს.

ამ დროს ბერძენ ტომებს ძლიერ ყვარებათ მეკობრეობა, მაგრამ ვაქრობისათვისაც მალე მოუკიდებიათ ხელი და, როგორც აღვნიშნეთ, თვისი ნაწარმოებები ფართოდ გაუერცყლებიათ სხვადასხვა მხარეებში. მიკენური იმპორტის საგნები გვხვდება არა მარტო ეგეოსის ზღვის კუნძულებზე, არამედ სიცილიასა და სარდინიაში და ზედა ნილოსის მახლობლად მდებარე ქ. ანიბემიცი (Fimmen, 107, 108, 113), და იბერულ ალგარვესშიც კი აღმოაჩინეს მიკენური ოქროს ტალენტები (Wilke, Südwesteuropäische Megalithkultur, 161). ძნელია იმის თქმა, თუ რამდენად სისტემატიური ხასიათი ჰქონდა ამ ვაქრობას, მაგრამ იმის თქმა კი შეიძლება, რომ ამ დარგში მიკენელები ფინიკიელებთან ერთად კრეტელების ღირსეული მოადგილეები იყვნენ. ბნელით მოცულია აგრეთვე ისიც, თუ ეინ აწარმოებდა ამ ვაქრობას, იგივე მოლაშქრე არისტოკრატია, თუ წარმოიშვა ვაქართა განსაკუთრებული წრე. ყველა ასეთი საკითხი ჯერ კიდევ დიდ დაკვირვებასა და შესწავლას მოითხოვს.

თუ რამდენად ძლიერი იყო აქაელთა სამეფო პელოპონესში, ეს იქიდანაც ჩანს, რომ მათ შესძლეს კრეტას დაპყრობა, მასზე გაბატონება და ჰამფილიასა და კიპრშიაც კი მოახერხეს დამკვიდრება და აქიავას ძლიერი სამეფოს დაარსება. იმედი უნდა ვიქონიოთ, რომ ბოლახკოის ტექსტების ჯეროვანი ამოკითხვა ერთგვარ ნათელს მანაც მოფენს ბერძენების ამ პერიოდის სხვადასხვა მხარეს.

ბერძენებს საერთოდ კიპრის გამოკლებით, არ უცდიათ გადმოეღოთ თვის ენაში კრეტული შრიფტი. მართალია, საბერძნეთში გვხვდება რამდენიმე ვაზა კრეტული წარწერებით, მაგრამ ისინი ან კრეტადან შემოტანილი, ან ადგილობრივ კრეტელი ხელოსნების მიერ უნდა იყოს გაკეთებული.<sup>1</sup> ყოველ შემთხვევაში მეორე ათასეულ წლებში ბერძნებმა წერა არ იცოდნენ.

<sup>1</sup>) საბერძნეთში აღმოჩენილი უძველესი დამწერლობის შესახებ იხ. სხვათა შორის J o h a n n e s S u n d w a l t, Zur vorgriechischen Festlandsschrift, Klion. XXII (1928) 3. S. 228-231.

პლუტარქი გვიამბობს (De Genlo Socratis VII), რომ ბეოტიაში არსებობდა ძველი სამარხი, რომელიც ჰერაკლეს დედას, ალკმენას საფლავად ითვლებოდა. VI ს-ში იგი გახსნა სპარტის მეფემ აგესილაოსმა, რომ ლაკედომონში გადაეტანა ჰერაკლიდების დინასტიის წინაპრის ნაშთი, მაგრამ გვამი იქ აღარ ამოჩენილა; უნახავთ მხოლოდ სპილენძის პატარა სამაჯური, თიხის ორი ქურქელი და სპილენძის პატარა დაფა, რომელიც დაფარული ყოფილა უძველესი საოცარი დამწერლობით, რომელიც თურმე გარეგნულად ეგვიპტურს წააგავდა: აგესილაოს მისი პირი გადაუგზავნია ფარაონისათვის, რომ მას იგი ქურუმებისთვის ეჩვენებინა; ქურუმ ხონფისს იგი მეფე პროტეოსის დროისთვის ე. ი. ტროიას ომის ეპოქისათვის მიუკუთვნებია. ცხადია, ამ მოთხრობიდან შეუძლებელია იმის დადასტურება, რომ ამ დროს ბერძნებმა წერა იცოდნენ. ამავე დროს ბერძენ ტომებს არ შეეძლოთ ყურადღება არ მიექციათ ახალ სამშობლოში თვისი თავგადასავალისათვის: მათ აინტერესებდა ცალკეული ტომების გამარჯვება და დამარცხება, ბედი, თუ უბედურობა, და ამ ნიადაგზე ჰქმნიდნენ ლეგენდებსა და საგებს, რომელთა პოეტური გადამუშავების შემდეგ თანდათან შეიქმნა გმირული სიმღერა, რომელიც თავის მხრით საგმირო ეპოსის ჩანასახად უნდა ჩაითვლოს. ჰომეროსის პოემების ანალიზმა ცხადყო, რომ ჰომეროსის ეპოსს წინ უსწრებდა პატარა სიმღერები, ხოლო მათი შინაარსი კი გვარწმუნებს, რომ ეს სიმღერები იმ დროს იყო გავრცელებული, როდესაც მიკენის კულტურა აყვავების პერიოდში იმყოფებოდა (ვილკენი, 34-35). ამ სიმღერამ დასაწყისი და განვითარება თესალიაში მიიღო, შემდეგ იგი გადადიოდა ერთი თაობიდან მეორემდე და ბერძნული კულტურის უმთავრეს დარგად გადაიქცა. ჰომეროსის პოემების წყალობით ეგებულობთ, რომ ჰომეროსამდე არსებობდა მთელი რიგი პოეტურად გადამუშავებული თქმულებებისა; ისინი დანაწილებული იყვნენ ადგილებისა და ტომების მიხედვით, რომლებსაც თავისი ისტორია ჰქონდათ და თავისი გმირებიც ჰყავდათ. ამ უკანასკნელთა საგმირო საქმეებზე მოგვითხრობდნენ საგები თესალიისა, თებესა, არგოსისა, ეტოლიისა, კრეტასა და სხვა თქმულებებად დაყოფილნი (გრ. წყრეთელი, ბერ. ლიტ. 21).

ბერძნების საგმირო თქმულებათა მასალას თებას გარშემო ბრძოლისა და ტროიას წინააღმდეგ ომის საგები წარმოადგენდა. როგორც იყო ნათქვამი, ერთი ბერძნული საგა მოგვითხრობს არგოსის მეფის წინამძღოლობით თებაზე გალაშქრების ამბავს, რასაც ჩვენ უკვე შევხებთ თავის ადგილას. ელ. მადერიის აზრით (გვ. 256-257), თებას ამ საგას, რომლის შორეული შინაარსის საფუძვლად ერთგვარი ისტორიული სინამდვილე უნდა ყოფილიყო, დროთა ვითარებაში შეუერთეს უწინარეს ყოვლისა თქმულება ედიპზე, ხოლო შემდეგში მასვე დაუკავშირეს ამფიარაოსი; ეს იყო ოროპის ღმერთი, რომელიც, თითქოს, მიწის ქვეშ გამოქვაბულში ცხოვრობდა: თებასთან ბრძოლაში ძველმა ელვით დელა-მიწა გააპო და იგი ცოცხლივ ჩაისროლა ქვესკნელში. იონიის ეპიურ პოემებში საგამ განიცადა შემდეგი გადასხვაფერება და ახალი სახეებით შეეცაბა, მაგრამ მას საფუძვლად ედვა მაინც ნამდვილი ბეოტიური კულტი და მითები. ამგვარად, თავდაპირველად ერთიმეორისაგან დამოუკიდებელი მოთხრობები, რომელთაც ცალკეული კულტების წარმოშობა და განსაკუთრებული სახე უნდა განე-

მარტათ, შემდეგში თებას წინააღმდეგ ომის ტრადიციას დაუკავშირეს. ეს ტრადიცია წარმომდგარი იყო ორი ძმის შორის ხელისუფლებისათვის ბრძოლის გარშემო. შექმნილი უთანხმოებით, რომელიც იწვევს მათ მიერ თვისი მოკავშირეების მოგროვებას და ორ ბრძოლაში ორივე მხრით ძმების მოკვლას. ეს არის ფართოდ გადამუშავებული მოტივი სახალხო მოთხრობებისა, რომლებშიაც ამაოდ მოეძებნით რაიმე მითურ ელემენტს. ამას შემდეგ მოჰყვა ის, რომ ისინი ედიპის სისხლისშემრევი ქორწინებისაგან წარმოშობილ შეილებაღ წარმოიდგინეს. მაგრამ, მიუხედავად ყოველივე ამისა, ამ საგაში ისტორიული მარცვალი მაინც ნათლად გვევლინება: არგოსის მეფის გალაშქრება თებაზე და მაშასადამე, ცდა თვისი ხელისუფლების შუა-საბერძნეთზედაც გავრცელებისა სრულებით გასაგები და შესაძლებელია.

მეორის მხრით თქმულებას ტროიას ომზე უწინარეს ყოვლისა ჩაურთეს მითები ჰელენესა და აქილევისა. ამ თქმულებაში არის მოთხრობა იმის შესახებ, რომ დიდი ღმერთქალი ჰელენა, რომლის კულტი არსებობდა სპარტას მახლობლად თერაპნეში, გაიტაცა ერთმა ყაჩაღმა და შემდეგ იგი გაათავისუფლა და უკან დააბრუნა ორმა ძმამ. ეს საგა გადმოცემულია ორ პარალელურ მოთხრობაში. პირველად ყაჩაღად გვევლინება-თეზეოსი, მხსნელებად — ძმები ტინდარიდები (დიოსკურები), რომლებიც სპარტაში მთავარ ღმერთებად ითვლებოდნენ: მეორე მოთხრობაში გამტაცებელია ალექსანდრე, მხსნელები კი-ძმები აგამემნონი და მენელაოსი; ორივე ამათ სპარტაში უძველესი დროიდან თაყვანს სცემდნენ, როგორც ღმერთებს. ჰელენას მეუღლეს მენელაოსს, რომელიც შემდეგში გმირი გახდა, ძველისაგან ჰელენასთან ერთად მიენიჭა, თითქოს, უკვდავება და ელიზიონში იქნა გადაყვანილი.

ამ ლაკონიურ საგას დაუკავშირეს მოთხრობა მიკენის მეფის ტროიას წინააღმდეგ გალაშქრების შესახებ; ჰელენას იტაცებს ტროიელი პარისი, იგივე ალექსანდრე, ხოლო მის გასათავისუფლებლად ილაშქრებს მისი მავლი აგამემნონი.

ამავე თქმულებაში ვამჩნევთ მეორე მითს ახალგაზდა გმირის აქილევის შესახებ. ეს საგა თესალიიდან არის წარმომდგარი და ეოლელების მიერ დაკავშირებულია ტროიას თქმულებასთან, როდესაც მათ წრეში საგმირო სიმღერამ სრულ განვითარებას მიაღწია. შემდეგში მათ აქილეუსს მიაწერეს ყველა ის მხარე, სადაც ისინი განსახლებულ იყვნენ, თუ ცდილობდნენ დამკვიდრებას. ამ საგის ასეთმა გაფართოებამ გამოიწვია ის, რომ აელისის ნავთსადგური, რომელსაც ეოლელები თვისი კოლონიზაციის გამოსავალ პუნქტად სთვლიდნენ, სრული შეუსაბამობით გახდა აგამემნონის ფლოტის შესაკრებ ადგილად. თუ გვერდს აუხვავთ ყველა ამ მითურ ელემენტს, ტროიას შესახებ თქმულებაში დავგრძეობ, როგორც ერთგვარი ისტორიული მარცვალი, მიკენის ძლიერი მეფის საომარი გალაშქრება ჰელესპონტის მახლობლად სკამანდრის ველზე მდებარე ქალაქის წინააღმდეგ. ეს ქალაქი, როგორც ამას გვიჩვენებს თქმულებასთან სრული შეთანხმებით მისი ნანგრევები, განადგურებული და გადამწვარი დარჩენილა ამ თავდასხმის შემდეგ (ე. დ. მაკერი, 288-290). ამგვარად, რომელიმე ისტორიული შემთხვევა ბერძენი ტომების ზეპირ-თქმულებებში თანდათან იჩრდილება სხვა-

დასხვა გვირი მითისა და საერთოდ სარწმუნოებრივი ელემენტის ჩართვით და კარგავს თვის პირვანდელ სახეს.

როგორი იყო ამ პერიოდში ბერძნების სარწმუნოება და რა დასკვნების გამოტანა შეგვიძლია მისი განხილვიდან? ბერძენთა ამ დროის სარწმუნოების შესახებ მსჯელობა ადვილი არ არის, რადგან საბერძნეთში აღმოჩენილი ამ დარგის ძეგლები წარმოადგენს უმეტეს ნაწილად კრეტას იმპორტს, თუ კრეტას ნაწარმოებთა მიბაძვას. მაშასადამე, ეს ძეგლები უფრო კრეტულ სარწმუნოებას გვისახიერებს, ვიდრე საბერძნეთისას. ცხადად ჩანს ამ მხრით აგრეთვე მცირე აზიის გავლენაც. აქედან უნდა წარმომდგარიყო ბერძნული ღმერთებისა და მითოლოგიის აქრელებული სხვადასხვაობა. ამასთან ერთად უნდა აღინიშნოს ის ფაქტიც, რომ საბერძნეთში მრავლად იქნა აღმოჩენილი მისი პირვანდელი მოსახლეობის კულტის ადგილები, რომელთა ფორმები გადმოსახლებისას გადმოიღეს და განაეითარეს ბერძნებმა. ამ ფაქტთან უნდა ყოფილიყო დაკავშირებული საბერძნეთში ფართოდ გავრცელებული თაყვანისცემა ცხოველებისა, რომელიც, რამდენადაც ამის შესახებ მსჯელობა შეგვიძლია, უცხო იყო, როგორც ინდოევროპული, ისე კრეტული სარწმუნოებისათვის. ამას გარდა ახალ ქვეყანაში მოსვლის შემდეგ ბერძნებს ახალ გეოგრაფიულ პირობებთან დაკავშირებით უნდა შეეცვალათ თვისი ღმერთების ძველი ფორმები. ასე ძვესი და დედამიწის ღმერთქალი, რომლებიც ინდოევროპულ დროს ეკუთვნიან, შემდეგში იცვლიან თავის სახეს. თუმცა ძვესი რჩება ზეცის ღმერთად, „ღმერთებისა და ადამიანების მამად“, რომელსაც თითოეული გვარი თაყვანსა სცემს, როგორც წინაპარს (πατριάρχης), და მხოლოდ იონელთა წრეში დაიკავა მისი ადგილი აპოლონმა, მაგრამ კულტში იგი ყველგან ითვლება ადგილობრივ ღმერთებად, რომელიც მთების ყველა მწვერვალზე ზის ტახტზე და უბსკრულებშიც აქვს თვისი ადგილი. ამიტომ მსხვერპლის შეწირვის დროს მას მოუწოდებდნენ არა როგორც უნივერსალურ ღმერთებს, არამედ როგორც ცალკეულ თემებთან დაკავშირებულ განსაკუთრებულ ღმერთს.

აღნიშვნის ღირსია ის გარემოება, რომ მიკენშიც იქნა აღმოჩენილი კულტის (კეკის ძეგლები. მიკენის ერთ ოქროს ბუქედზე აღნიშნულია მოკირწყლული ზედაპირი, რომელიც „საღვთო უბნის“ ეზოს უნდა წარმოადგენდეს, მარჯვნივ მოჩანს დაბალი გალავანი, რომლის იქითაც თავი ამოუყვია ხეს; მარცხნივ დგას მაგიდის მსგავსი სამსხვერპლო, რომლის ფეხებს შუა ჩამოკიდებულია ძეწკვები. წრის შუაგულში ცოცხალ პოზაში დგას ქალი, რომელსაც წინგადაუდგამს ნაბიჯი, მხრები აუწევია და ხელები ქვემოთ დაუშვია; იგი ძლიერ მოძრაობაშია: თმები ყოველი მხრით გაშლია, ერთი ნაწნავი ზურგზე ჩამოკიდებია, ორიც მხრებზე. მის წინ ვხედავთ მამაკაცს, აგრეთვე ძლიერი მოძრაობის პოზაში, შესაძლებელია იგი ბუქნით გარს ჯვლის ქალს. მოცეკვავეთაგან მარცხნივ სამსხვერპლოზე გადახრილა ქალი, რომლის ზემოთ მოჩანს ხის ტოტი და ორი ტალღისებური ხაზი. ეს ქალიც, ალბათ, დიდხანს ცეკვავდა, მოიქანცა და ღმერთ-

ების ეპიფანიის გამო აღფრთოვანებით დახრილა საკურთხეველისაკენ. მართალია, ზოგს ამ სურათის შინაარსი სხვაგვარად ესმის, მაგ., ლ ა გ რ ა ნ ე ი ფიქრობს, რომ იგი გადმოგვცემს სამელოვიარო მოძრაობის სცენას, რომელიც სიციოცხლის ხის ამოთხრასთან იყო დაკავშირებული, მაგრამ იგი მაინც იმ ცეკვის მსგავსად უნდა მივიჩნიოთ, რომელსაც უკვე გავეცანით კრეტაში. აქ აღსანიშნავია ერთი განსხვავება: კრეტაში ამ ცეკვას ასრულებენ მარტო ქალები, აქ კი მათ წრეში



სურ. № 20—მიკენის ოქროს ბეჭედი კულტის სცენით.

მამაკაცსაც ეხედაეთ მაგრამ ეს გარემოება ვერ გააბათილებს იმ მოსაზრებას, რომ შესაძლებელია ასეთი ძეგლები კრეტადან იქნა გადმოტანილი მიკენში. როგორც ჩანს, დიდი გულმოდგინეობით ასრულებდნენ ბერძნები ამ დროს მიცვალებულთა კულტს. უკვე გავეცანით მიკენის მდიდარ თალოვანსა და გუმბათოვან საფლავებს, რომლებიც დაფარული ყოფილა მრავალი ძვირფასი ნივთით და შესაწირავით. ცხადია, ამ საფლავებზე სწარმოებდა მსხვერ-

პლის შეწირვა და მონების სისხლით მიცვალებულთა განსასვენებელი ადგილების მორწყვა.

ფრიად საინტერესოა ის ოქროს ნიღაბები, რომლებიც მიკენის სამარხებში იქნა მოპოვებული და აგრეთვე ის გარემოება, რომ მიკენის ზოგიერთ მალაროვან სამარხში აღმოჩენილი გვამები ხელოვნური დაბალზამირების ნიშნებს ააშკარავენს. თვით სიტყვა *μαρτυρία* (დასაფლავება) თავდაპირველად დაბალზამირებას ნიშნავდა (ეილკენი, Gr. Gesch. გვ. 35). ამიტომ უნდა ვიფიქროთ, რომ, როგორც ეგვიპტეში, ისე საბერძნეთში უძველეს პერიოდში გავრცელებული ყოფილა მიცვალებულთა გვამების ხელოვნური დაცვის ჩვეულება.





**მიამენის პერიოდის დასასრული.**

1. აქიავას სამეფო მცირე აზიაში და ბერძნები. „ლუკის ხალხები“. ლიკიელთა გადასახლება და მათი ვინაობა.

ბოლახკოის ახლად აღმოჩენილი ლურსმული ტექსტები ერთგვარ საფუძველს გვაძლევს ვიფიქროთ, რომ კრეტას დაპყრობის შემდეგ აქაელების ნაწილი ზღვით გადავიდა მცირე აზიაში და აქ აქიავას სახელწოდებით ძლიერი სახელმწიფო დააარსა. ეს მხარე ხეთურ ტექსტებში მოხსენებულია ჯერ კიდევ მურსილ II დროს (ქრ. წ. დაახ. 1345—1320) და, როგორც ჩანს, მასთან მურსილს ხშირი ურთიერთობა ჰქონია. ამ მხარის შესახებ არსებული ცნობები იმაზე უნდა მიგვითითებდეს, რომ იგი ლუგასა და მილაგანდას მეზობლად, ზღვისთან მდებარეობდა: მურსილისაგან ზღვისაკენ, ალბათ, კიპრში გამოქცეული არწივას მეფის შვილი აქედან აქიავას მეფესთან მიდის (ედ. მაჯერი, II 1, გვ. 546). ცნობილი მკვლევარი ფორერი (Forrer) აქიავას ადგილმდებარეობას პამფილიაში აწესებს, რაც საფუძველს იმოკლებული არ უნდა იყოს. აქიავას სამეფო არ ყოფილა ვასალური სამთავრო, არამედ ძლიერი და დამოუკიდებელი სახელმწიფო. ამას ადასტურებს, სხვათაშორის, ხეთელების მეფის დუდხალია IV (1260—1230) მიერ ამორიტების მეფესთან დადებული ერთი ხელშეკრულება, რომელშიაც ნათქვამია: „ხოლო ჩემი თანასწორი მეფეები—მეფე მისრისა (ეგვიპტე), მეფე კარდუნიაშისა (ბაბილონი), მეფე ასირიისა და მეფე აქიავას მხარისა...“ თუ კი აქიავას მეფე თავისი ძლიერებითა და საერთაშორისო მნიშვნელობით გერდში უდგა ხეთელებისა, ეგვიპტისა და ბაბილონის მეფეებს, ცხადია, იგი წერილი და უმნიშვნელო დინასტი არ ყოფილა. ფორერი Achchijava-სა და აქიას შორის სრულ იგივეობას აწესებს<sup>1</sup>. და, მიუხედავად იმისა, რომ ასეთმა მოსაზრებამ წინააღმდეგობა და სკეპტიციზმი გამოიწვია, იგი სავესებით გაიზიარეს ისეთმა დიდმა მეცნიერებმა, როგორც არიან ედ. მაჯერი, ვილკენი და სხვ. ვილკენი განსაკუთრებით იმ მომენტს უსვამს ხაზს, რომ ამ ფაქტის მეოხებით ნათელი ეფინება საბერძნეთის შორეული წარსულის დღემდე ბნელით მოცულ ისტორიას. როგორც ვთქვით, პამფილიის დასახლება აქაელების მიერ ჯერ კიდევ მიკენის პერიოდში უნდა მომხდარიყო. ვილკენი ამ მხრივ განსაზღვრულ ხანასაც კი ასახელებს: მისი აზრით პელოპონესელი აქაელების მიერ კრეტას

<sup>1</sup>) იხ. მისი Vorhomerische Griechen in den Keilschrifttexten von Boghazkoï (Mitteil. d. Deutsch. Orient-Gesellschaft. März, 1924, Nr. 63).

დაპყრობის შემდეგ მათი ჯგუფები ნაწყვეტ-ნაწყვეტად გადავიდნენ მცირე აზიის სამხრეთ სანაპიროში და დაბინადდნენ პამფალიაში. მცირერიცხოვან წარწერებში დაკული ბერძნული დიალექტი, რომელზედაც ლაპარაკობდნენ პამფილიის ქალაქების მცხოვრებნი, სპეციალისტების დასკვნით, თვის ლექსიურ შემადგენლობასა და ბგერების ფორმებში ემსგავსება არკადულსა და კიპრულს, მაგრამ შეიცავს ცხად აქაიურ ელემენტებს; ვამჩნევთ მასში აგრეთვე ცალკეულ „დორიულ“ ფორმებს. ამიტომ საფიქრებელია, რომ პამფილიაში ადგილი ჰქონდა რამდენიმე ბერძენი ტომის ურთიერთშორის შერევას; თვით სიტყვა *παμ-φωλια*; ყველა ტომისაგან შემდგარს, შერეულსა, ნიშნავს. ფორერი უფრო შორს მიდის და ხეთურ ტექსტებში მოხსენებულ ტავაგალავას (Tavagalavas) ეტეოკლეს (Eteovokleves) უთანაბრებს და მას ეოლელად თვლის. ამ მხრით ეილკენი სამართლიანად იკავებს თავს და გარკვეულად აღნიშნავს: „ხოლო ამ ლურსმული ტექსტების ცნობები ჯერ კიდევ იმდენად არა სარწმუნო და საკამათო არიან, რომ ყველაზე უმჯობესი ის იქნება, თუ ჯერჯერობით იმ დროში აქაელების ასეთი დიდი სამეფოს არსებობის ფაქტით დაეკმაყოფილდებით“-ო (გვ. 37). ედ. მაჯერს პირიქით სრულიად მისაღებად მიიჩნია ასეთი გაიგივება, მაგრამ, არ ეთანხმება ფორერს იმაში, თითქოს ტავაგალავა ორქომენის უძველესი მეფე და ქარიტების კულტის დამაარსებელი ეტეოკლე (Eteokles) თუ ეტეოკლი (Eteoklos) იყო; არ იზიარებს იგი აგრეთვე მის იმ აზრსაც, რომ Altarassijas-ში „ატრიდების“ აგამემნონისა და მენელაოსის მამის ატრეოსის სახელის პირვანდელი ფორმა უნდა დაეინახოთ. ამგვარად, ბოლახკოის ტექსტები დღემდე არ არის სათანადოდ გარკვეული და ამიტომ ფორერის ჰიპოთეზურ მოსაზრებათ ვერ გავიზიარებთ, მაგრამ ფაქტი ბერძნების მიერ ძლიერი სახელმწიფოს დაარსებებისა პამფილიაში, როგორც დაეინახეთ, სიმართლესთან ახლოს უნდა იყოს. ამ ფაქტის ცნობას კი უდიდესი მნიშვნელობა აქვს საბერძნეთის ისტორიის უძველესი პერიოდის გაშუქებისათვის. იმედი უნდა გვქონდეს, რომ ბოლახკოის ტექსტების შესწავლა უფრო მეტ ნათელს მოფენს ამ საკითხს და, შესაძლებელია, აქაიავას სამეფო უფრო მეტი გარკვეულობით წარმოგვიდგეს თვალწინ.

პამფილიიდან ბერძნების ნაწილი კიპრში გადასულა და დაუკავებია მისი ჩრდილოეთი სანაპირო. ცნობილია, რომ ჯერ კიდევ ძველად კიპრს „აქაელთა კუნძულს“ უწოდებდნენ. ამ კუნძულზე უკვე 1400 წლებიდან (ქრ. წ.) თანდათან ვრცელდება მისი ნეკროპოლისების მალაროვან საფლავებსა და სამარხ კამერებში ეგვიპტურისა და ადგილობრივი ნაწარმოებების გვერდით მიკენური ნივთები. მოკლე დროის შემდეგ ისინი აქ იმდენად გავრცელებული მოიჩანს, რომ, წინააღმდეგ ფიქმენის აზრისა, სარწმუნოდ ხდის ფაქტს კუნძულის ზოგიერთ ადგილში ბერძნების დამკვიდრებისას. ბერძნებს თან უნდა მიჰყოლოდნენ სხვა ევრეთ-წოდებული „ზღვის ხალხები“. ამაზე უნდა მიგვიფიქრობდეს ტელ-ამარნას, ერთი ფირფიტა, რომელიც წარმოადგენს ალაშიის (კიპრის) მეფის ჩივილს ეგვიპტის ფარაონის წინაშე, რომ მის მხარეს ყოველწლიურად ავიწროებენ „ლუკი-ს ხალხები“. ედ. მაჯერის სამართლიანი განმარტებით „ლუკის ხალხებში“ ამ შემთხვევაში უნდა ვიგულისხმოთ არა მარტო ლიკიელები, არამედ საერთოდ ზღვის ხალხები და მათ შორის აქაელებიც. მიკენური ტრადიცია დიდხანს

ახდენდა გავლენას კიპრის კულტურაზე, რომელიც ძველი დროიდანვე განიცდიდა აგრეთვე ბაბილონისა და ეგვიპტის კულტურული ელემენტების შეთვისებას.

ბერძნების შექრამ კიპრში ბოლო მოუღო ალაშისის სამეფოს, რომელიც ეგვიპტის XVIII დინასტიის დროს, მთელ კუნძულზე ვრცელდებოდა. ადგილობრივმა მოსახლეობამ, როგორც ამას წარწერები გვიჩვენებს, შეინარჩუნა თავისი ენა ამათუსში მეოთხე საუკუნემდე, თინიკიელები კი, რომელთაც კუნძულზე დაარსეს ქ. კიტონი თუ ქარტხადაშტი, ბერძნების შემდეგ უნდა გადმოსულიყვნენ. კრეტადან იქნა გადმოტანილი კიპრზე დამწერლობა, რომელიც შემდეგში აქ წმინდა მარცვლოვან შრიფტად გარდაიქმნა: ეს დამწერლობა მოიმარჯვეს ამათუსის ადგილობრივი ენისათვის, და იგი კიპრელმა ბერძნებმაც შეითვისეს.

როდესაც პელოპონესელმა აქაელებმა კრეტა დაიპყრეს და აქ თავისი ბატონობა დაამყარეს, ზოგიერთი ტომი იძულებული გახდა მიეტოვებია თავისი ძველი საცხოვრებელი ადგილები და სხვა მხარეში გადასახლებულიყო. ამ მხრით უწინარეს ყოვლისა ლიკიელები უნდა დავასახელოთ. ვინ იყვნენ ლიკიელები? ხეთელების, მეფის ლაშქრის შემადგენლობაში ეგვიპტის ფარაონს რამზეს II (1298-1232) მოხსენებული ჰყავს, სხვათაშორის, ლუკა ანუ ლუკი, ხოლო ერთ ხეთურ ხელშეკრულებაში ეს ხალხი ლუგას სახელითაც არის ცნობილი. ამას გარდა უნდა ვიგულისხმობთ, რომ ლიკაონია და ლიკაონიელები ლუკასაგან ნაწარმოები სახელებია. საერთოდ სიმართლესთან ახლოს უნდა იყოს ის მოსაზრება, რომ ლუკა ბერძნების ლიკიელებია. მაგრამ ერთგვარ შეფერხებას ბადებს ის გარემოება, რომ ხალხი, რომელსაც ბერძნები ლიკიელებად იხსენიებენ, თვითონ თავის თავს, როგორც წარწერებიდან ჩანს, ტრამილებს უწოდებს, ხოლო პეროდოტე ტრამილებს (I 173; VII 92). ერთი სარწმუნო გადმოცემის მიხედვით ეს ხალხი კრეტადან გადავიდა მილიასის (იგივე მილაენდას) ნაპირებზე; მილიასში კი ამ დროს სოლიმები ბინადრობდნენ. რომ ეს ცნობა სიმართლეს შეიცავს, ეს იქიდანაც ჩანს, რომ მისი განსახლება ვრცელდებოდა მხოლოდ ტელმესის ნაპირიდან ხელიდონის კუნძულსა და აგრეთვე ქსანთოსის ველამდე, შიდა მილიასის მაღალი მთებით შემორტყმული დიდი ველი კი მართლაც სოლიმებს ეკავათ. ამ ორ ხალხს შორის ხანგრძლივი და ცხარე ბრძოლის გამომხიბლს წარმოადგენს ილიადაში ბელეროფონტის ეპიზოდი. ტრამილები ზღვით უნდა გადმოსულიყვნენ ამ მხარეში მას შემდეგ, რაც კრეტას მთავარი ნაწილი ბერძნებმა დაიპყრეს და პარალელურად მიმდინარეობდა, ალბათ, ბერძნების დამკვიდრებაც როდოსზე. მაგრამ რა კავშირი არსებობს ლიკიელებსა და ტრამილებს შორის? შესაძლებელია, სახელწოდება—ლიკიელები ამ მხარისა და ხალხის უძველესი სახელი იყო და შემდეგში იგი კრეტადან გადმოსახლებულ ტრამილებზედაც გადაიტანეს, და მათვე შეითვისეს ადგილობრივი უძველესი მოსახლეობის ენა, რომელიც სპეციალისტების აზრით მცირეაზიულ ელემენტებსა და ხასიათს ააშკარავენ. მაგრამ სიმართლესთან უფრო ახლოს ის აზრი უნდა იყოს, რომ ტრამილები ლიკიელების მხოლოდ ერთერთი ტომი იყო. (ე.დ. მაჯერი, II 1, გვ. 546). ამაზე მოგვითხრობს, სხვათაშორის, ტროიას თქმულებაში მათი კავშირი ტროიელებსა და დარდანელებთან. ცხადია, ტრამილებისა და ლიკიელების

ურთიერთობის შესახებ საკითხი გადაწყვეტილად მაინც ვერ ჩაითვლება და იძულებული ვართ, ნათქვამით დავეკმაყოფილდეთ. დღეს მეცნიერება ლიკიელებს ეგრეთწოდებულ მცირეაზიელთა მოდგმას მიაკუთვნებს.

2. „ზღვის ხალხთა“ გადასახლებანი. მათი ეთნოგრაფიული ვინაობის საკითხი.

ყველაზე უფრო დიდ მღელვარებას განიცდიდა ხმელთაშუა ზღვის მიდამოები XIII საუკუნის მეორე ნახევრიდან. ამ ფაქტმა და მასთან დაკავშირებულმა მოვლენებმა არსებითად შესცვალა ხმელთაშუა ზღვის ქვეყნების ისტორიული პროცესი. ცნობებს „ზღვის ხალხთა“ მოძრაობის შესახებ გვაწვდის ეგვიპტური წყაროები.

ფარაონ მერნეპტახის დროს ეგვიპტის საზღვრებს შეესია „ზღვის მხარეთა“ ხალხების თუ „ყველა მხრიდან მოსული ჩრდილოეთის ხალხთა“ კოალიცია ლიბიურ ტომებთან შეკავშირებით. ეგვიპტეს ამ დროს კიდევ შესწევდა იმდენი ძალღონე, რომ თავიდან აეშორებია ეს საშინელი განსაცდელი. თავდამსხმელ „ზღვის ხალთა“ შორის მოხსენებული არიან: აქაიეაშა, ტურშა, ლუქა, შერდანა, შაკალშა (შაკარუშა).

„ზღვის ხალხთა“ თავდასხმა ეგვიპტეზე განმეორდა ფარაონ რამზეს III (1200-1168) დროს. ამ ამბის შესახებ ფარაონი შემდეგს გვიამბობს ცნობილი პარისის პაპირუსში<sup>1</sup>: თავისი კუნძულებიდან დაიძრა ყველა ხალხი, და ვერც ერთმა მხარემ ვერ შესძლო მათი გამკლავება. მათ დაარბიეს ხეთელების ქვეყანა, ქედი, კარხემიში, არეადი, ალაშია; ისინი დაბანაკდნ ამურუს ქვეყანაში, გაცარცვეს მთელი მხარე და ამოხოცეს მისი მოსახლეობა; მოემართებოდნ ისინი წინ ცეცხლის ალით, ეგვიპტის წინააღმდეგ. მათი ძლიერების საფუძველს შეადგენდნ: პურსტა და ჯაკარი, შაკალშა, დანაუნა და უაშეში. ეს ხალხები შეკავშირებული იყვნენ, რომ თვისი ხელი ეგვიპტეზედაც გაეგრცელებიათ; გული მათი მტკიცე იყო და გეგმებით სავსეო. როგორც რამზეს III ცნობიდან ჩანს, გარდა ხმელეთისა ეს ტომები ზღვიდანაც აწარმოებდნ შეტევას. „ჩრდილოეთის ხალხები“, გვიამბობს რამზეს III, პურსტა და ჯაკარი საერთო მღელვარებამ მოიკცა. მათი ერთი ნაწილი-მეომრები (Luhir) ხმელეთით მოიწევდა წინ, მეორე კი-დიდი ზღვით. ისინი, ვინც ხმელეთით მიდიოდნ, ამოხოცილ იქმნენ, ხოლო ვინც ნილოსის შესართავთან შემოიჭრენ, ჩიტებივით გაებენ მახეშიო (ეღ. მააჟერი, II 1, გვ. 586-587). ეს ცნობები და აგრეთვე მედინეტ-ხაბუს ტაძარში დაცული რამზეს III რელიეფები გვიჩვენებს, რომ საქმე გვაქვს ხალხთა ნამდვილ გადასახლებასთან, რომლის მიზანი ახალი საცხოვრებელი ადგილების მოპოვება უნდა ყოფილიყო. შემონახული ცნობებისა და სურათების მიხედვით მოდიოდნ არა მარტო მამაკაცი-მეომრები, რაც შეიძლება სამხედრო გაღამქრებად წარმოგვედგინა, არამედ მათ თან მოსდევდნ ოჯახები თავიანთი სარჩო-საბადებლით. მართალია, ეგვიპტე ეხლაც გადაურჩა ამ წამლექავ ტალღას და შემოსეული საშიშარი მტერი ზღვაზედაც და ხმელეთზედაც სასტიკად დაა-

<sup>1</sup>) იხ. ჩემი ძველი აღმოსავლეთი I, გვ. 17, 80.

მარცხა, მაგრამ ეს ფაქტი მისი ძლიერების დასუსტების მხრით მაინც საბედისწერო აღმოჩნდა. სხვათაშორის, „ზღვის ხალხთა“ მოძრაობასთან უნდა იყოს დაკავშირებული ხეთელების ძლიერი სახელმწიფოს დაკემა (იხ. ჩემი, ძველი აღმოსავლეთი I გვ. 162). საკიროდ მიგვაჩნია შევჩერდეთ „ზღვის ხალხთა“ ეთნოგრაფიული ვინაობის საკითხის გამორკვევაზე.

მერნეტატისა და რამზეს III ცნობები რომ ერთმანეთს შევადაროთ, დავინახავთ, რომ ზღვის ხალხებად მოხსენებული არიან: აქაიეაშა, ტურშა, ლუკა, შერდანა, შაკალშა (შაკარუშა), პურსტა და ჯაკარი, დანაუნა და უაშეში. დღეს მეცნიერებაში ექვს აღარ იწვევს ის მოსაზრება, რომ ყველა ამ ტომის სამშობლო ეგეოსის ზღვის მიდამოებში უნდა ვეძიოთ. ლუკას ჩვენ უკვე გავეცანით (იხ. ზემოთ, გვ. 77-78). ტურშა იგივე ტვირსენელები, ან ეტრუსკები უნდა იყვნენ, რის შესახებაც ჩვენ უკვე გვქონდა საშუალება გამოგვეთქვა ჩვენი აზრი (წერილში — „ეტრუსკების საკითხისათვის“). შაკალშაში ცდილობენ სიკელების სახელწოდება გამოიყენონ, ხოლო შერდანა სარდინიელებს დაუკავშირონ, მაგრამ სრულებით დამარწმუნებელი საბუთები ასეთი დასკვნისათვის ჯერჯერობით მაინც არ მოგვეპოვება. ამ მხრით ხშირად მიუთითებენ იმ ფაქტს, რომ სიცილიასა, ქვედა-იტალიასა და სარდინიაში აღმოჩნდა ზოგიერთი საგანი კრეტა-მიკენის კულტურისა. ამ საკითხების შესახებ საყურადღებო განმარტებას იძლევა ტრადიციულად დაღუპული მკვლევარი ფიშენი; სიცილიაში ნაწარმოები აღმოჩენების მოკლე მიმოხილვისა და დახასიათების შემდეგ, იგი სვამს ასეთ კითხვას: სიცილიაში მიკენური საგნების აღმოჩენა ემყარება კოლონიზაციაზე, თუ სავაჭრო ურთიერთობაზე? კოლონიზაციაზე მიუთითებენ უმთავრესად თქმულებათა, კულტურისა და საკუთარი სახელების გარკვევის ნიადაგზე. მაგრამ ფიშენის სამართლიანი თქმით, ვერც ტრადიციას მინოსის სიცილიაში გარდაცვალებაზე და ვერც თქმულებას ერიქსის აფროდიტეს კრეტული წარმოშობის შესახებ ვერ ძალუძს დამტკიცოს ეს მოსაზრება, რომელსაც არ მოეპოვება საკანარისი დამადასტურებელი საბუთები არქეოლოგიურ აღმოჩენებში. ამ მხრივ უწინარეს ყოვლისა ფიშენი გარკვეულად აღნიშნავს, რომ სიცილიის საფლავების აგებულება არ გამომდინარეობს კრეტა-მიკენის კულტურის გავლენისაგან, და ამ აზრს სათანადო საბუთებითაც ამტკიცებს (იხ. მისი Die kret. myk. Kultur, გვ. 112-113).

ამას გარდა ყველაზე უფრო მდიდარი აღმოჩენების ადგილზე თაქსოსში ნაპოვნი მიკენური ვაზების რიცხვი სიკელების კერამიკასთან შედარებით იმდენად მცირეა, რომ იძულებული ვართ ისინი ვაქრობით შემოტანის შედეგად ჩავთვალოთ.

მიკენური მოსახლეობის კვალი, როგორც ამას ვამჩნევთ აღმოსავლეთით როდოსსა და მილეტში, სიცილიაში აღმოეჩინა არ იქნა. ესევე უნდა ითქვას ქვედა-იტალიასა და სარდინიაზე. ხოლო საკითხი იმის შესახებ, არსებობდა თუ არა მიკენურ სამყაროსა და სიცილია-იტალიას შორის პოლიტიკური და ეთნოგრაფიული ურთიერთობა, რომლის გამოწვევა შეეძლო ხალხთა დიდ მოძრაობას, დამოკიდებულია იმისაგან, თუ რამდენად სწორია ვაიგივეობა შერდანასი სარდინიელებთან და შაკალშასი სიკელებთან. ამ უკანასკნელის საბოლოო გამორკვევა კი ჩვენ ზელთ არსებული მასალის მიხედვით ძნელია. გარკვევით მხოლოდ იმის

თქმა შეიძლება, რომ ეს ხალხები ეგეოსის სამყაროს ეკუთვნოდნენ. მერნეპტახის ცნობებიდან ჩანს, რომ შაკარუშა, ტურშა, შარდანა დი აქაივაშა წინადაცვეთილი ყოფილან. ეგვიპტელებს ძველი დროიდანვე ჰქონიათ ჩვეულება, ბრძოლის ველზე დახოცილებისთვის ხელები მოეკრათ, რომ ამით მათი რიცხვი გამოერკვიათ და საჩუქარი გაენიჭილებიათ. მერნეპტახის დროს კი მათ ლიბიელები-სათვის ფალები მოუქრიათ, რადგან ისინი წინადაცვეთილნი არ ყოფილან. ეს ჩვეულება გვხვდება ისრაელების ისტორიაშიც ფილისტიმელების წინააღმდეგ დავითის ბრძოლის შესახებ. ეგვიპტეში წინადაუცვეთელობა სირცხვილად ითვლებოდა და წინადაუცვეთელი გვამებისადმი სრულ უპატივემლობას იჩენდენ. ისტორიკოსი ჰეროდოტე გვიამბობს (II, 104): ყველა ხალხთა შორის მხოლოდ კოლხიდელები, ეგვიპტელები და ეთიოპელები დასაბამიდან ასრულებენ წინადაცვეთას. რაც შეეხება ფინიკიელებსა და პალესტინის სირიელებს<sup>1</sup> (Φινίκιας και Πάλαισσι ἐν τῇ Παλαιστίνῃ), ისინი თვითონ ამბობენ, რომ ეს ჩვეულება ეგვიპტელებისაგან გადმოიღეს. ერთი სიტყვით, ჰეროდოტესათვის უდავოა ის, რომ წინადაცვეთა სხვა ხალხებმა ეგვიპტესთან ურთიერთობის შედეგად შეითვისეს. ამას გარდა, თუ ეგვიპტელები ბრძოლის ველზე დახოცილთა რაოდენობის გამოსარკვევად მათ ხელებს სჭრიდენ, ხშირი უნდა ყოფილიყო, რასაკვირველია, შემთხვევა, როდესაც მოკრილი ხელების რიცხვი სჭარბობდა დახოცილთა რაოდენობას, ასე მაგ. მერნეპტახის სიაში აღნიშნულია: შაკარუშას 222 მოკლული მეომარი-250 ხელი, ტურშას 746 მეომარი-790 ხელი და სხვ.

ეგვიპტური ცნობების მიხედვით, ბრძოლის ველზე დაღუპული ზღვის ხალხების უმრავლესობისათვის ფალები კი არ მოუქრიათ ეგვიპტელებს, არამედ ხელები, რადგან მათ არ აღმოჩენიათ ხორცი წინადაცვეთილობისა (ჩუჩა-Vorhaut).

ეგვიპტელებისაგან წინადაცვეთის ჩვეულება გადმოუღიათ შარდანასა და მასთან ურთიერთობაში მყოფ ტომებს. შემდეგში კი მას აღარ ვხვდებით ამ მხარეებში და არც ეტრუსკების ცხოვრებაში.

ეგვიპტის წყაროებში მოხსენებული აქაივაშა, როგორც სამართლიანად ფიქრობენ, აქაელები უნდა იყვნენ, რომლებიც ძველადვე გავრცელდნენ ხმელთაშუა ზღვის მიდამოებში და სრულებით ადვილად საფიქრებელია, რომ მათაც მონაწილეობა მიიღეს ხალხთა ამ დიდ მოძრაობაში. ძნელია უაშაშას ვინაობის გამორკვევა, რადგან მის შესახებ რაიმე სხვა ცნობა არ მოგვეპოვება. დანაუნას შესახებ უკვე გვქონდა საუბარი (იხ. გვ. 48), და მიუხედავად ბელოხის მტკიცებისა, თითქოს ბერძნული ეპოსის, დანაელები მითურ ხალხად უნდა ჩაითვალოს (Griech. Geschichte<sup>1</sup> 2, გვ. 63-64.), დანაუნა მაინც ან უკანასკნელთ უნდა დაუუკავშიროთ, თუმცა ასეთი გაიგივებისათვის მაინც და მაინც საცსებით დამარწმუნებელი საბუთი არ მოგვეპოვება. როგორც დავინახეთ, რამზეს III დროს ეგვიპტეზე შესეულ ზღვის ხალხების მთავარ ნაწილს პურსტა (პულასატი) და ჯაკარი წარმოადგენდენ. პურსტასა (პულასატისა) და ფილისტიმელებს შორის უკანასკნელ დროს მეცნიერები სრულ იგივეობას აწესებენ (იხ., მაგ.,

<sup>1</sup>) იუდეელები იგულისხმებთან.

W. M. Müller, *Asien und Europa*, 387 შმდ.). ამ მხკით, უწინარეს ყოვლისა აღსანიშნავია, რომ ფესტის დისკოზე<sup>1</sup> გამოსახული ადამიანის თავი ფრთებიანი ჩაჩქანით სრულებით შეესაბამება პულასატის განსახიერებას (ეღ. მაჲერი, *Der Diskus von Phästos und die Philister*). ხოლო ენაითგან გამორკვეული არ არის თვით ამ დისკოს სადაურობის საკითხი, ეს ფაქტი ფილისტიმელების წარმოშობის პრობლემას ვერ გავვირკვევს. მაგრამ არსებობს სხვაგვარი საბუთებიც. დაბადება ფილისტიმელების სამშობლოდ ლეთორიშს ასახელებს. წინასწარმეტყველი იერემია ამბობს: „უფალი გაანადგურებს ფილისტიმელებს, კუნძულ ლეთორიშის ნაშთს“-ო, და სხვ. ლეთორიში კუნძულ კრეტად უნდა ჩეთეალოთ და ვიგულისხმობთ, რომ ფილისტიმელები, როგორც ამას ისრაელების ტრადიციაც ადასტურებს, კუნძულ ლეთორიშიდან, ე. ი. კრეტადან გადასახლდენ მათი სახელით წოდებულ პალესტინაში და რამზეს III მიერ დამარცხების შემდეგ დამკვიდრდენ ძველ ქალაქებში - გაძასა და ასკალონში და თვალსაჩინოდ გასემიტდენ. ჯაკარის კი, ერთი ეგვიპტური ცნობის თანახმად<sup>2</sup>, დაუკავებიათ უფრო ჩრდილოეთით მდებარე დორი. ხოლო რაკი ფილისტიმელებს კრეტას ეუკავშირებთ, ცხადია უნდა მოვიგონოთ კათრიც, რომლის შესახებ უკვე გვქონდა ლაპარაკი (გვ. 36—41) და რომელიც აგრეთვე კრეტადან წარმომდგარად მივიჩნიეთ. ჩვენ მოგვეპოვება გარკვეული საბუთი ფილისტიმელებისა და კათრის მახლობელი კავშირის შესახებ: ლონდონის მუზეუმში დაცულია ერთი ხის ვიციარი ეგვიპტური წარწერით, რომელიც უცნობი მოწათის სავარჯიშო დაფა უნდა ყოფილიყო. ამ წარწერაში კათრის სახელთან ერთად გვხვდება სიტყვა-„აკაშან“ („ეკაშ“), რომელიც მიულერის აზრით ყველა ფილისტიმური სახელწოდებისთვის დამახასიათებელი უნდა იყოს (*Fimmen, Kultur*, გვ. 195). უფრო გარკვევით ამ სახელს უკავშირებენ დავითის დროის გატის ფილისტიმელების მეფეს აკიშს და ასარხადონისა და ასურბანიპალის (VII ს.) დროის აქარონის მეფეს იკაუსუს (ეღ. მაჲერი, II 1, გვ. 560).

ნათქვამის მიხედვით ვერ გავიზიარებთ იმ მოსაზრებათ, რომლებიც არტურ ევანსმა გამოთქვა თავის ახალ შრომაში (*The Palace of Minos*). ევანსი ცდილობს დაამტკიცოს, რომ ფილისტიმელებს საერთო არა აქვთ რა კრეტას მოსახლეობასთან, რომ პულასატი და ჯაკარი არ არიან ეგეოსელები. ფესტის დისკოს ფრთებიანი ჩაჩქანი შეესაბამება მიკენურ ჩაჩქანებს, და ფილისტიმელები პალესტინაში დაბინავდენ არა „ზღვის ხალხთა“ მოძრაობის დროს, არამედ უფრო გვიან<sup>3</sup>.

1) იხ. ზემოთ. გვ. 41—43  
 2) „ევანსონის მოგზაურობა“. იხ. *Breasted, Ancient Records of Egypt, IV* 565.  
 3) წინათ ევანსი პირიქით იმ აზრს იცავდა, რომ ფილისტიმელები კრეტადან გამოვიდენ და სხვათა შორის ფიქრობდა, რომ კულტი ჯერისა პალესტინაში გაავრცელეს კრეტადან გადასახლებულმა ფილისტიმელებმაო. აქ ლაპარაკია კრეტაში აღმოჩენილ ძველეს კვის სწორმხარაან ჯვარზე, რომელიც თვის ფორმით გვაგონებს „ბერძნულ ჯვარს“ და რომელიც, ზოგიერთი არქეოლოგის განმარტებით, ბუნების მარადიულ ცხოვრებას, მის მუდმივ აღორძინებას აღნიშნავს.

ვერ გაეიზიარებთ ამ მოსაზრებას მით უფრო, რომ სახელწოდება კრეტელები ფილისტიმელებს მუდამ ცოცხლად ჰქონდათ შემონახული და ისინი ხშირად იხსენიებოდნენ, როგორც „ზღვის ნაპირების მცხოვრებლები, კრეტელების ხალხი“. ებრაელების მეფის დავითისა და მისი მოადგილეების დაქირავებული ლაშქრის შემადგენლობის სახელწოდებაში ერთი მეორის გვერდი მოხსენებულია ორივე სახელი—კრეტელები და პლეტელები, ე. ი. ფილისტიმელები. ჩვენ მოგვეპოვება აგრეთვე გარკვეული საბუთი, რომ ფილისტიმელებს უახლოესი კავშირი ჰქონდათ კრეტა-მიკენის კულტურასთან. ეს საბუთი არქეოლოგიურ აღმოჩენებზეა დამყარებული და ცხადად გვიჩვენებს, რომ ფილისტიმელებმა ახალ სამშობლოში თან წაიღეს მიკენური სტილის ქურქლეულობა, რომელმაც აქ შემდეგი განვითარება და ერთგვარი ცვლილება განიცადა. რომ ფილისტიმელების კერამიკასა და ზოგიერთ სხვა ძეგლს სრული ნათესაობა ემჩნევა მიკენურთან, ეს გარკვეულად დაამტკიცა ფიშენმა ჩვენ მიერ არა ერთხელ დასახელებულ შრომაში (გვ. 195—197). გადავიდეთ სხვა ფაქტებზე. ჯაკარის წარმოშობის შესახებ ჩვენ არავითარი ცნობა არ მოგვეპოვება; ჰელენური Petrie ცდილობს მათი სამშობლო კრეტას აღმოსავლეთ ნაპირზე მდებარე ზაკროს დაუკავშიროს, მაგრამ ასეთი მოსაზრება არ არის დამყარებული რაიმე სარწმუნო საბუთზე, და მის გაზიარება არ შეგვიძლია. ამიტომ იძულებული ვართ, მხოლოდ ის აღვნიშნოთ, რომ ჯაკარი, როგორც ფილისტიმელები, ზღვის ხალხი იყვნენ. ეგვიპტის ძეგლებზე ორივე ეს ხალხი და აგრეთვე მათთან ერთად გამოსახული დანაუნა ერთი და იმავე სახითა და ტანსაცმელში არიან გადმოცემული. მათ გარეგნობაში უწინარეს ყოვლისა ჩვენ ყურადღებას იპყრობს ის ფრთებიანი ჩაჩქანი, რომელიც, როგორც აღვნიშნეთ, სრულებით წაავაეს ფესტ-ს დისკოზე მრავალრიცხოვანი სიტყვების დასაწყისში დამწერლობის ნიშნის სახით მოთავსებულ ფრთებიან ჩაჩქანს.

აქედან ჩვენ ეს დასკვნა შეგვიძლია გამოვიტანოთ, რომ ფილისტიმელები და ჯაკარი იმ ხალხებს ეკუთვნოდნენ, რომელთაც გამოიგონეს ეს შტემპელოვანი დამწერლობა და რომელთა ადგილებიდან უნდა იყოს წარმომდგარი ფესტის დისკო. ეგვიპტის ძეგლებზე მათ თმა ან მოკლე აქვსთ შეკრეპილი ან მოპარსული. ასეთსავე მოვლენას ვხედავთ დისკოს ფიგურებზე. ფილისტიმელების მეომრები უწვერონი არიან, როგორც შერდანა, და მხოლოდ მოხუც წინამძღოლებს აქვსთ უმეტეს ნაწილად წვერები. მათი სახის ნაკეთები სრულებით განსხვავდება სემიტური და ხეთური ტიპისაგან. თავისებურია აგრეთვე მათი იარაღი: გრძელი შუბი და მოკლე ხიშტი, მოკლე მახელი ხმალი და მრგვალი ფარი; ზოგიერთ შემთხვევაში ტანზე მათ აცვიათ აბჯარი, რომელიც ბეჭებსაც ფარავს, ყელი და ხელები კი შიშვლად აქვსთ დატოვებული. მის ქვეშ მუხლებამდე დაშვებულია წინსაფარი, ფეხები კი აგრეთვე შიშველია.

მიკენის ერთ-ერთ ციკლოპურ სახლში აღმოაჩინეს ვაზა (Furtwängler u. Luschke, Myk. Vasen, Taf. 42. 43; ედ. მაჯერი, II 1, 563), რომელზედაც გამოსახულია მეომართა გამგზავრება ბრძოლის ველზე; მათ უკან მოჩანს მწუხარებით მოცული ქალი, რომელიც ნაღვლიანი თვალებით აცილებს მათ; მეორე მხარეზე ვხედავთ მამაკაცს, რომლებიც ბრძოლისაკენ მიიწევენ. საბრძოლველად



მიმავალ მეომართ უკავიათ გრძელი შუბები, რომლებზედაც ჩამოკიდებულია პურის ტომრები; მეორე ჯგუფს კი მალა აუწევია ხაშტები ბრძოლის დასაწყებად; ორსავე ჯგუფს უკირავს მრავალი ფარები, მეომრებს ტანზე აცვიათ ორნამენტიანი ქურთუკი, რომელიც ბეჭებსაც სწვდება, მაგრამ ყლი კი შიშველი აქვს; სასირცხვილო ადგილები თავისებური ქვედატანით არის დაფარული. ზოგადად ეს ტანსაცმელი კარგად შეესაბამება იმას, რაც ჩვენ ზემოთ უკვე აღვწერეთ. არის მკირეოდენი განსხვავება იმაში, რომ უკანასკნელ შემთხვევაში მეომრებს სახელოები აქვს და ამას გარდა გამაშებსა და ფეხსაცმელებს ატარებენ, მაშასადამე მათი ფეხები და ხელები დაფარულია; მათ აგრეთვე წვერი აქვს დატოვებული ლოყასა და ნიკაპზე, ხოლო ულვაშები მოპარსული. სამაგიეროდ უფრო ეთანხმება მეორე ჯგუფის თავმორთულობა ფილისტიმელებისა, ჯაკარისა და დანაუნას ფრთებიან ჩაჩქანს. აქედან მათ შორის სრული მსგავსების დამყარება მაინც ძნელია; ერთი რამ კი ცხადი უნდა იყოს, სახელდობრ ის, რომ ყველა ეს მეომარი ერთსა და იმავე კულტურულ წრეს ეკუთვნოდა, რომელშიაც ურთიერთზე გავლენა მრავალმხრივი იყო. მედინეტ-ხაბუს ტაძარში დაცულია ფრიალ დაზიანებული სურათი ტურშას ერთი წინამძღოლისა; შუბლზე მას განიერი ლენტით აქვს შეკრული თმა, რომელიც კულულების მსგავსად არის მოკლედ დაშვებული და ბეჭებამდე ვერ აღწევს. ასეთსავე სახეებს ვხვდებით რამზეს III გვარდიის შემადგენლობაში ეგვიპტელებისა, შარდანასა, ფილისტიმელებისა და ნეგრების გვერდით; მათში ტურშას წარმომადგენლები უნდა შევიცნოთ. იმავე რამზეს III მედინეტ-ხაბუს სასახლეში გამოსახულ ეგვიპტის მტერთა შორის, გარდა ლიკიელებისა, სირიელებისა, ხეთელებისა და ნეგრებისა, ვამჩნევთ აგრეთვე ისეთ სახეებს, რომლებიც ხსენებულ ფიგურებს მოგვაგონებს. ყველა ეს ფიგურა ატარებს არა სამხედრო აბჯარს, არამედ ნაქარგით შემკულ ძვირფას ტანსაცმელს. ერთ მათგანს აცვია ქრელი ტანსაცმელი და გრძელი ქვედატანი, ლოყასა და ნიკაპზე დატოვებული აქვს წვერი, თმა კი თანასწორად შეჭრილი და ნაწნავებად შეკრული. იგი ტურშას გამოსახვა უნდა იყოს. კიპრში ენკომის (სალამისის) საფლავში აღმოაჩინეს სპილოს ძვლის ყუთი, რომლის მიკენური სტილის ჩუქურთმას მკირე აზიის გავლენა ემჩნევა; მასზე დასურათებულია ნადირობა; ორ მონადირეს ისეთივე ფრთებიანი სამკაული აქვს თავზე, როგორსაც ფილისტიმელების წრეში ვხვდებით. ეს საფლავი დახ. 1200 წლებს უნდა ეკუთვნოდეს. ეს ფაქტი იმის მაჩვენებელი უნდა იყოს, რომ ამ დროს უკვე დაწყებულია კიპრში სხვადასხვა ხალხის ურთიერთშორის შერევა. კიპრის სხვა საფლავებში აღმოჩენილი სპილოს ძვლის ყუთების სურათები კი პირიქით მიკენური ჩაჩქანით შემკულ თმამოპარსულ თავებს გვისახავს (ე დ. მაჯერი, II 1, გვ. 563—566).

ზემონათქვამის მიხედვით შეგვიძლია დავასკვნათ შემდეგი: ეგრეთწოდებული ზღვის ხალხები ეგეოსის კულტურული წრიდან გამოსული ტომებია, რომელთაც ხანგრძლივი დროის განმავლობაში უხდებოდათ ერთი მეორის მახლობლად ცხოვრება და ურთი ერთის კულტურული გავლენის განცდა, რაც ნათლად ემჩნევა როგორც მათ ქურკლეულობასა და საოჯახო ნივთებს, ისე ტანსაცმელსა და იარაღს; პურსტა, თუ პულესატი გარკვეულად ფილისტიმელებად უნდა ჩავთვა-

ლოთ; ისინი ხალხთა დიდი მოძრაობის ტალღებმა მათი სახელით ცნობილ პალესტინაში მიიყვანა; ჯაკარი ფილისტიმელებთან მქიდრო კავშირში უნდა ყოფილიყვნენ, მაგრამ მათ შესახებ, გარდა იმისა, რომ ისინი ზღვის ხალხებს ეკუთვნოდნენ, სხვა არა ვიციტ რა. დანარჩენ ზღვის ხალხთა გაიგივება ამათუ-  
იმ ტომთან ცოტად თუ ბევრად გასაზიარებელია, თუმცა ამ მხრით ჯერ კიდევ ბევრი რამ საკამათო და გამოსარკვევია; სრულიად განსაკუთრებული ადგილი უკავიათ უაშაშას, რომელთა დაკავშირება რომელიმე ცნობალ ტომთან დღემდე ვერ მოხერხდა.

**მ. ხალხთა დიდი მოძრაობა. ილირიელები და ფრიგიელები; მისიელები; იტალიის ტომები. დორიელთა გადასახლება. ბერძნების მიერ მცირე აზიის სანაპიროების კოლონიზაცია. მიკენის კულტურის დასასრული.**

ჩვენ მიერ განხილულ „ზღვის ხალხთა“ მოძრაობას თან-მოჰყვა სხვადასხვა ხალხთა გადასახლება, რომელმაც საფუძვლიანად შეარყია ხმელთაშუა ზღვის ქვეყნები და არსებითად შესცვალა მათი ეთნოგრაფიული სახე.

ამ პროცესის მიმდინარეობა დაწერილებით არ არის ჩვენთვის ცნობილი, მაგრამ მისი მთავარი მომენტების გათვალისწინება კი შესაძლებელია. ამ მოვ-  
ლენის უშუალო მიზეზად უნდა ჩავთვალოთ ინდოევროპული ხალხის-ილირიელე-  
ბის შემოსევა ბალკანეთის ნახევარკუნძულის ჩრდილოეთ-დასავლეთ ნაწილში, თრაკიაში. ზოგიერთი მეცნიერი, მაგ. ვ. ი. კენი ფიქრობს, რომ ილირიელები უნგრეთის ველებიდან დაიძრნენ. ამ ფაქტმა ერთბაშად აამოძრავა თრაკიის ტო-  
მები და უწინარეს ყოვლისა დიდი ხალხი-ფრიგიელები, რომელსაც წინად უნდა  
კავებოდა მთელი მხარე სტრიმონიდან და მაკედონიიდან აღრიატიკის ზღვამდე.  
მათი ნაშთები აქ მრავალ ადგილს იყო დატული ბრიგების (Βριγες) სახელწოდებით.  
ჰეროდოტეს ბრიგები მოხსენებული ჰყავს მაკედონიაში სპარსელების შემო-  
სევის დროს (VI 45) და თვით ქსერქსის ჯარების შემადგენლობაშიაც (VII 185).  
იგივე გარკვევით აღნიშნავს, რომ „მაკედონელების სიტყვით, ფრიგიელები ევრო-  
პაში მაკედონელების მეზობლად ცხოვრების დროს თავს ბრიგებს უწოდებდნენ,  
ხოლო აზიაში გადასახლების შემდეგ თვისი სახელი ფრიგიელებად შესცვალეს  
(VII 73).

მთავარი ნაწილი ფრიგიელებისა ილირიელების შემოსევის შემდეგ გადა-  
ვიდა მცირე აზიაში და აქ დაიკავა ჰელესპონტისა და პროპონტის სანაპირო მხა-  
რეები და შეითვისა ადგილობრივი ძველი კულტი.

ცნობა, რომ ფრიგიელები ევროპიდან გადავიდნენ მცირე აზიაში, დიდხანს  
იყო შენახული და, როგორც დავინახეთ, ჰეროდოტესათვისაც იგი უცხო არ  
ყოფილა. ხოლო ჰეროდოტე მას უმატებს, რომ არმენიები (Ἀρμένιοι) ფრიგიე-  
ლების შთამომავალნი იყვნენო (VII 73).

ლიდიელების ისტორიკოსი ქსანთოსი გვიამბობს, რომ ფრიგიელები  
ევროპიდან დაიძრნენ სკამანდრიოსის წინამძღოლობით ἐκ Μεγαθύρας καὶ Ἀνα-  
κίρας ტროიას ომის დროს, და ამავე მოვლენას უკავშირებს იგი მისიელების შექ-  
რას კაიკოსის სათავის მხარეში (Strabo XII 8, 3; XIV 5, 29). ამ გადმოცე-  
მაში დატულია ისტორიული ცნობა. მართლაც საფიქრებელია, რომ მისიელები

შიდა თრაკიიდან გადმოვიდნენ მცირე აზიაში; ილიადაც იცნობს მათ, ხოლო რომაულ პერიოდში მათი სახელი კვლავ გვევლინება მოესიას სახით დუნაის მხარეში (ეღ. მაგერი II, 568). აზიაში გადასვლის შემდეგ მისიელები პირველად არგანთონიოსის მთებიან მხარეში ნიკომედიისა და კიოსის ზღვის უბეთა შორის და აგრეთვე მისიის ოლიმპთან დასახლდნენ და მათ გარშემო მდებარე ადგილების სოფლის მცხოვრებნი გაცარცვეს და უფრო ღრმად შეიჭრნენ მხარის შუაგულში.

როგორც აღვნიშნეთ, ცალკეული მხარეები ამ დიდი მოძრაობისა არ არის ჩვენთვის გარკვეული, მაგრამ ჩვენთვის ზოგადად მაინც მისაწვდომია ის ფაქტი, რომ მეორე ათასწლეული წლების დასასრულს მცირე აზიაში დიდი გადატრიალება განიცადა ახალი ტომების ფრიგიელებისა, მისიელებისა და ტეცკრების შემოსევათა მეოხებით. ამ მოვლენის დათარიღება დაახლოევით მაინც შეგვიძლია, რადგან ხელთა გვაქვს რამზეს III ცნობა ხალხთა დიდი გადასახლების შესახებ, რომელმაც მის მეფობაში გაანადგურა ხეთელების ძლიერი სამეფო და სირიაც წაღეკა. ხეთელების სამეფოს დაცემასთან უნდა იყოს დაკავშირებული ის ფაქტიც, რომ მუშაიამ ე. ი. მუსკებმა ანუ შესხებმა, რომლებიც წინათ კონტის მთებში იყვნენ დამკვიდრებული, ამის შემდეგ აღმოსავლეთ მცირე აზიაში იწყეს ფართო განსახლება; ამ მხრით ფრიად საყურადღებოა ის ცნობა, რომლის მიხედვითაც მათ დაახ. 1170 წელს ასირიელებს აღძი და პურუუჟუცი (ეფფრატის აღმოსავლეთით) წაართვეს.

თვისი გავლენა ხალხთა გადასახლებამ უფრო შორეულ ქვეყნებზედაც იქონია. უკანასკნელ დრომდე ფიქრობდნენ, რომ იტალიის ინდოევროპული ტომები ჩრდილოეთიდან გადავიდნენ პოს მხარეში, მაგრამ დღეს გარკვეულად აღვნიშნავენ, რომ კელტების შემოსევამდე მეოთხე საუკუნის დასაწყისში აქ არასოდეს არ ყოფილა განსახლებული ინდოევროპელები. ამიტომ ამ საკითხის შესახებ უფრო ის აზრი მტკიცდება, რომ ინდოევროპული ტომები იტალიაში აღმოსავლეთიდან ადრიატიკის ზღვით მოვიდნენ ორ მთავარ ჯგუფად (ეღ. მაგერი II, 573). ლათინები და მათი მონათესავენი, ავსონები (ავრუნეები) და ოპიკები კამპანიაში დასახლდნენ, ხოლო ოენოტრიულმა ტომებმა და სიკელებმა აავსეს ქვედა-იტალიაში ნახევარკუნძულის დასავლეთი და სამხრეთი ნაწილები. მათ უკან მოჰყვენ ჩრდილოეთში უმბრები, შუა-იტალიაში საბელური ტომები, რომლებიც შემდეგ V ს-ში უფრო სამხრეთით გაერცლდნენ და ოპიკები და ოენოტრები გააძევეს თუ შეიერთეს. შესაძლებელია ვიფიქროთ, რომ საბელები ილირიიდან იქნენ გამოძევებული და ზღვით შეიჭრნენ იტალიაში; მათ თან მოყვენ ილირიული ტომები, იაპიგები და მათი მონათესავენი — აპულიაში და უფრო სამხრეთით ტარენტის ზღვის უბესთან — ხონები.

ბერძნული თქმულების მიხედვით სიკელები თავდაპირველად ქვედა-იტალიაში დასახლდნენ, მაგრამ შემდეგში ისინი აქედან გააძევეს მეზობლებმა და გადავიდნენ კუნძულზე, რომელსაც ამ დრომდე სიკანა ეწოდებოდა და ახლა კი სიკელია დაარქვეს. მართალია, ოდისეაში ამ კუნძულს *Sykia* ეწოდება, მაგრამ ეს უნდა იყოს განზრახ აღნიშნული აქტიონში, რადგან ამ დროს იგი ფართოდ იყო ცნობილი *Sykia*-ს სახელით. ანტიოხ სირაკუზელი სიკე-

ლებს სამართლიანად თელის ოენოტრიულ ტომად (Dion. Hal. I 22), ვინაიდან სიკელების ის მრავალრიცხოვანი სიტყვები, რომლებიც კუნძულზე ბერძნებმა შეითვისეს, გვიჩვენებს, რომ მათი ენა ახლოს იდგა ლათინურთან. ანტიოხის სიტყვით, ისინი ოენოტრებმა და ოპიკებმა გამოაძევეს. თუკიდიდე ასახელებს მხოლოდ უკანასკნელთ (VI 2), ხოლო ჰელანიკე მათ მაგიერ იაპიგებს იხსენიებს (ეღ. მაგრი, II 1, 574), სიმართლე უნდა ითქვას, რომ დრო სიკელების კუნძულზე გადასახლებისა არ არის გაიმორკვეული; თუკიდიდეს სიტყვით, იგი ბერძენთა კოლონიზაციის დაწყებამდე სამასი წლის წინად უნდა მომხდარიყო, მაშასადამე, დაახ. XI ს-ში. რომ სარწმუნო საბუთი გვექონდეს იგი ხალხთა აღნიშნულ მოძრაობას დაუუკავშიროთ, მაშინ მეტი უფლება გვექნებოდა შეაკლამა და სიკელებს შორის იგივეობის ნიშანი დაგვეწესებია. მაგრამ, რადგან ასეთი რამ არ მოგვეპოვება, უმჯობესია ასეთი მოსაზრება მხოლოდ ჰიპოთეზად ჩავთვალოთ.

ხალხთა ასეთმა მოძრაობამ დიდი ზეგავლენა იქონია ბერძნებზე და მათ ქვეყანაზედაც. ილირიელების შემოსევამ აამოძრავა ჩრდილოეთში ბერძენი ტომები. პირველად ამოძრადენ ეპიროტები, რომლებიც ინდოევროპულ შტოს ეკუთვნოდნენ, მაგრამ ბერძნული ტომი კი არ იყვნენ. ეპიროტები სამხრეთით იქნენ გაძევებული და შეიქრენ შემდეგში მათი სახელით ცნობილ ეპირში. მათ თავისი მხრით გადაევეს ეპირიდან ბერძნული ტომები. ბერძენი ტომები რომ პირველად მართლაც ესახლენ ეპირში, ამას ერთგვარად მინც ადასტურებს ტრადიცია დოდონასა და ძევესის უძველეს კულტზე. ეპირიდან ლტოლვილი ბერძენი ტომი თესალიელებისა გადავიდა აღმოსავლეთით კნეიოსის ველზე, რომელიც მაშინ აქაელებს ეკავათ, დაიპყრო ეს უკანასკნელი და პენესტებად (ყმებად) გაიხადა, თუმცა დაპყრობილ მოსახლეობას თვისი ენა იძულებით თავს ვერ მოახვია და პირიქით მათი ენა შეითვისა. მეორის მხრით ეგეოსის ზღვისკენ იქნენ ნაწილობრივ განდევნილნი ლოკრები. ამას გარდა ბეოტიელების დილექტი ისეთ თვისებებს ააშკარავენ, რომლებიც გვიჩვენებს, რომ აქ ძველ აქაელებს დასავლეთ-ბერძნული ტომი შერეულია (ვილკენი, Gr. Gesch., გვ. 40—41).

მაგრამ უფრო დიდი შედეგი ჰქონდა დორიელთა გადასახლება. როგორ მიმდინარეობდა დორიელთა გადასახლება, დაწერილებით ჩვენ არ ვიცით; მის შესახებ მოგვეპოვება, მართალია, თქმულება, მაგრამ იგი მრავალ მითურ ელემენტს შეიცავს და რაიმე გარკვეული სურათის შექმნას შეუძლებლად ხდის. თქმულება „ჰერაკლიდების უკან დაბრუნების“ შესახებ გვიამბობს, თუ როგორ მოიყარეს თავი დორიდაში ოეტასთან ჰერაკლეს შვილმა ჰილოსმა და ჩრდილოეთ-დასავლეთ თესალიაში დორიელთა მეფის ეგიმიოსის ვაჟებმა პამფილოსმა და დიმანსმა და როგორ უშედეგოდ სცადეს მათ არა ერთხელ პელოპონესის დაპყრობა; მხოლოდ ჰილოსის შერიღვილებმა შესძლეს აქედან ნაეპაქტით პელოპონესში გადასვლა, არგოსისა და სპარტის მეფის ტისამენის ბოცლა და მისი აქაელების ჩრდილოეთ ნაპირისაკენ (აქაიაში) განდევნა; მთელი ნახევარკუნძული, არკადიისა და ელიდას გამოკლებით, რომელიც ეტოლიელს ოქსილოსს მიეცა, როგორც გასამრჯელო ხელშეღწეა: ლობისათვის, მთ დაიკავეს თვისი დორიელებით; შემდეგ წილისყრით გადაწყდა: არგოსი ტემენოსს გადასცემოდა, რესენია -- კრესტონტს, ლაკონია —

არისტოტელის ტყუპ-შვილებს — ევრისტენესა და პროკლეს. ამ თქულებში, სამ-  
წუხაროდ, არ მოიპოვება არავითარი ცოცხალი ისტორიული მოვონება გარდა  
იმ მთავარი მოსაზრებისა, რომ დორიელებმა პელოპონესი ერთ დროს აქაელებს  
ჩამოართვეს. მთელი დეტალი ამ თქმულებისა არის გენეალოგიურ მოსაზრებებზე  
დაფუძნებული მიმე კონსტრუქცია, რომლის მთავარი მიზანია პელოპონესის  
სხედასხვა სამეფო გვარეულობის წარმოშობის განმარტება. ასევე მოკლებულია  
მნიშვნელობას ცდა ისეთი ძნელი პრობლემების გაშუქებისა, როგორც სპარტის  
სამი ფილეს ჰილეებისა, პამფილებისა და დიმანების სახელებისა და ორმეფიანო-  
ბის წარმოშობაა. ისტორიისათვის უდავოა მხოლოდ ის, რომ დორიელები, რო-  
გორც ამას ჩრდილოეთ-დასავლეთის ბერძნული ჯგუფების დიალექტები გვიჩვენ-  
ებს, ერთ დროს ჩრდილოეთით ყოფილან დამკვიდრებული და სიმართლესთან  
ახლოს უნდა იყოს, რომ პატარა მხარე დორიდა მათი სამხრეთით მსეელობის  
დროს მხოლოდ ერთი ეტაპი იყო, სადაც გადასახლებულთა ნაწილი შეიძლება  
დარჩენილიყო. რომელი გზით მოვიდენ დორიელები პელოპონესში, ეს ჩვენ არ  
ვიციტ, და ამიტომ, რომ ამ საკითხის გარშემო მრავალი ჰიპოთეზი წარმოი-  
შვა. ცნობილია, რომ ბელოხი უარყოფს საერთოდ დორიელთა გადასახლებას  
(Die dorische Wanderung, Rhein. Mus. 45 (1890) S. 555 f. f. აგრეთვე — Grie-  
chische Geschichte<sup>2</sup> I 2, S. 76 f. f.). ამ მხრით მას ზოგიერთი მიმდევარიც გაუ-  
ჩნდა, მაგ., Kahrstedt<sup>3</sup> (Neue Jahrb. XXII, 1919, S. 71 f. f.). ბელოხია აზრით  
თქმულება ამ გადასახლებაზე უფრო გვიანი დროის ნაწარმოებია და არავითარი  
კავშირი მასთან არ აქვს; ეპოსმა არ იცის თესალიელები თესალიაში და დო-  
რიელები პელოპონესში, ამიტომ უნდა ვიფიქროთ, რომ ბერძნებმა ჰომეროსის  
შემდეგ მომხდარი ტომთა გადასახლების შესახებ შეთხზეს ეტიოლოგიური მითი.  
მაგრამ ბელოხის მოსაზრება არ არის საფუძვლიანი და არც იქნა იგი საერთოდ  
მეცნიერების მიერ გაზიარებული. დღეს მეცნიერებას მოეპოვება ძვირფაი ენო-  
ბრივი მასალა, რომელიც საფუძვლიანად ეწინააღმდეგება ბელოხის ჰიპოკრიტი-  
კულ მოსაზრებათ და ამტკიცებს ამ გადასახლების სინამდვილეს<sup>4</sup>.

დორიელების დამკვიდრება პელოპონესში ერთბაშად არ მომხდარა; უნდა  
ვიფიქროთ, რომ მათი ჯგუფები თანდათან ერთიმეორის მომდევნოდ გადმო-  
დიოდენ და ესახლებოდენ აქ. დორიელები კულტურის დაბალ საფეხურზე  
მდგომი მეომრები იყვნენ და მათ შემოსევას აქაელთა ქვეყანაში ამ უქანაქელთა  
ცივილიზაციისათვის საბედისწერო მნიშვნელობა ჰქონდა. მხოლოდ პელოპონესის  
გულში არკადიის მაღალ მხარეში დარჩა ძველი მოსახლეობა, რომელთაც შეი-  
ნარჩუნა თავისი ძველი ენა. პელოპონესში დორიელები რამდენიმე ჯგუფად დაი-  
ყვნენ: ერთმა ნაწილმა დაიპყრო არგოლიდა იონელებით დასახლებულ კინუ-  
რიასთან ერთად. მეორე ნაწილი კი შეიქრა ტაიგეტსა და პანონის შორის  
ეროტასის ქალაში. რომ ეს ნაწილი ჩრდილოეთიდან იყო მოსული, ამის სასარ-  
გებლოდ ლაპარაკობს სპარტის მღებარეობა აქაელთა გარეთუზნის ამიკლოს

<sup>1</sup>) v. S o l m s e n, Thessaliotis und Pelasgiotis (Rhein. Mus. 58) იგივე, Eigen-  
namen als Zeugen der Sprachmischung in Boeotien (იქვე, 59, 1904) და Vordorisches in Lo-  
konien (იქვე, 62, 1905, და სხვ.

ჩრდილოეთით: სიმართლეს უნდა შეესაბამებოდეს, რომ დორიელები თვისი წინსვლის დროს იძულებული გახდნენ აქ შეჩერებულიყვნენ, და სპარტაც სწორედ ასეთი სამხედრო სადგურ-ბანაკისაგან უნდა წარმომდგარიყო ამიკლოს წინააღმდეგ. ელიდა დორიელებს არ დაუპყრიათ, არამედ ეტოლიიდან გამოსული მონათესავე ტომების მიერ იქნა იგი დაკავებული, როგორც ამაზედ თქმულებაც სამართლიანად მიგვითითებს. რაც შეეხება მესენიას, იგიც არ ყოფილა ერთბაშად დაპყრობილი დორიელების მიერ, როგორც თქმულება აღნიშნავს, არამედ სპარტელებმა თანდათანობით შეადგეს თვისი უღელი ძველ წინა-დორიულ მოსახლეობას. უფრო ფართო ხასიათის დაპყრობითი პოლიტიკა სპარტელებისა დაკავშირებულია მესენიის პირველ ომთან (ვილკენი, Gr. Gesch., გვ. 41—42). მიუხედავად იმისა, რომ დორიელები კულტურის დაბალ სტადიაში იმყოფებოდნენ, როგორც დამპყრობელები ისინი იმდენად ძლიერი აღმოჩნდნენ, რომ დაპყრობილ მოსახლეობას ყველგან დორიული ენა მოახვიეს თავს. მხოლოდ აქა-იქ-ღა თუ არსებობდა აქაელთა დიალექტის კვალი. მოპყრობა დამორჩილებულ მოსახლეობისადმი მათ სხვადასხვაგვარი ჰქონდათ; სპარტის სახელმწიფოში ძველი გლეხკაცობა მათ კმებად-პილოტებად გახადეს, ხოლო ქალაქის ძველ მცხოვრებთ პერიეკებს პირადი თავისუფლება დაუტოვეს, მაგრამ სამხედრო ბეგარა დაადვეს და პოლიტიკური უფლებები წაართვეს. ზოგიერთ ქალაქში, როგორც არგოსში და სიკიონში, სამ დორიულ ფილეს გვერდით უფრო გვიან დროში გვხვდება მეოთხე ფილევადგილობრივი ძველი მოსახლეობისათვის, რომელსაც ამგვარად დროთა მსვლელობაში იარაღით ხელში მოუპოვებია დორიულ სახელმწიფო კავშირში მონაწილეობის უფლება.

პელოპონესში განსახლებაასთან ერთად დორიელების ნაწილები გავრცელდნენ ეგეოსის ზღვის კუნძულებზედაც: კითერაში და კრეტაში, თერაში და მელოსში და სხვ. განსაკუთრებით საყურადღებოა დორიელების დამკვიდრება კრეტაში, რომელიც მათ ისე გაადორიელეს, რომ აქ დავიწყებულ იქნა აქაელთა ეპოქა; თვით დორიელებმა გადმოილეს მინოსის თქმულების სახე და მასვე დაუკავშირეს თავიანთი სოციალურ-პოლიტიკური წყობილება. კრეტას სახელმწიფოებრივი ორგანიზაცია ახლოს ენათესავენოდა სპარტულ წყობილებას, ხოლო სპარტელებს თვისი სოციალურ-პოლიტიკური ორგანიზაცია მინოსიდან, ლიკურგოსის შუამავლობით, წარმომდგარად მიიჩნდათ.

ბერძენი ტომების, განსაკუთრებით დორიელებს, ამოძრავებამ დიდი ცვლილება გამოიწვია საბერძნეთში; მან საფუძვლიანად შეარყია ძველი ურთიერთობანი და სახელმწიფოებრივ-კულტურული ცხოვრება ბერძენებისა და განადგურებით დაემუქრა ძველ კულტურულ მონაპოვართ. ამ საერთო მღელვარებისა და ამოძრავების დროს შედარებით მშვიდობიან მდგომარეობაში დარჩა ატიკა. ათენელებს უფლება ჰქონდათ ეთქვათ, რომ, არკადიელების გამოკლებით, მხოლოდ ისინი შეადგენდნენ მკვიდრ მოსახლეობას თავის მიწა წყალზე; რომ მხოლოდ მათ შეინარჩუნეს მიკენის ეპოქაში შექმნილი მთლიანობა ათენის ციხე-ქალაქის ბატონობის ხანაშიც, მაშინ როდესაც საბერძნეთის სხვა ნაწილებში ადვილი ჰქონდა პატარ-პატარა ოლქებად დაქუცმაცებას. ალბათ, ამავე ნიადაგს

ემყარებოდა ის მოვლენა, რომ მთელი ატიკისა და მისი მცხოვრებლების სახელწოდება—ათენელები—მთავარი ქალაქის ათენიანებთან არის წარმომდგარი.

აღწერილ ფაქტებთან დაკავშირებით უნდა განვიხილოთ ბერძნების მიერ მცირე აზიის-დასავლეთ სანაპიროს კოლონიზაცია. როგორც თავის ადგილას იყო ნათქვამი, ზოგიერთი მოსაზრება უფლებას გვაძლევს ვიგულისხმოთ. რომ ხეთელების შეფუების ბატონობა ეგეოსის ზღვამდე ვრცელდებოდა. სანამ ხეთელების ძლიერი სახელმწიფო არსებობდა, ცხადია, ბერძნებისათვის ძნელი იქნებოდა მცირე აზიის სანაპიროებში ფართოდ განსახლება, თუმცა მათ ქვეყანაში შექმნილი პირობები, ალბათ, მათ ასეთი ნაბიჯის გადადგმას უკარნახებდა. თვისი სურვილისა და ერთგვარად აუცილებელი მოთხოვნილების განხორციელება ბერძნებმა მას შემდეგ შესძლეს, როდესაც ხალხთა დიდმა ნოქრამომ ბოლო მოუღო ხეთელთა ოდესლაც ძლიერსა და სახელოვან სახელმწიფოს. მათ მიერ მცირე აზიის ნაპირების დაკავება დაახ. 1190 წლებში უნდა დაწყებულიყო. კარგად შესაბამება ამ თარიღს მილეტში აღმოჩენილი ძველი მიკენური ძეგლები, რომლებიც XII საუკუნის გვიან-მიკენურ ხელოვნებას უნდა ეკუთვნოდეს (Wilcken, Gr. Gesch. გვ. 39); აგრეთვე მილეტის ტიპური მიკენური სამარხები ცხადყოფს, რომ აქ არსებობდა მიკენური მოსახლეობა. ასეთივე მოსახლეობის კვალი აღმოჩნდა კუნძულ როდოსში (Fimmen, Kultur, გვ. 16: 96). მაგრამ გარკვევით უნდა აღინიშნოს, რომ მიკენის პერიოდში ბერძნების განსახლება ეგეოსის ზღვის შიდაპირებში უმნიშვნელოდ შეეხო საკუთრივ საბერძნეთს. ხოლო XII საუკუნის ხალხთა დიდი ნოქრამომ შემდეგ საკუთრივ საბერძნეთიდანაც უფრო ვრცლად იწყეს ბერძნებმა მცირე აზიის დასავლეთ სანაპიროში გადასვლა. ამგვარად ძველი საკამათო საკითხი, დორიელთა გადასახლების წინ, თუ მას შემდეგ მოხდა ბერძნების დამკვიდრება მცირე აზიაში, გადაჭრილად უნდა ჩაითვალოს იმ მიმართულებით, რომ ორივე მოსაზრება სიმართლეს შეიცავს. დორიელთა გადასახლებამდე ბერძენ ტომთა ნაწილები, უმეტესად კუნძულებიდან, ახერხებდნენ ეგეოსის ზღვის კუნძულებსა და დასავლეთ მცირე აზიაში დასახლებას, მაგრამ დორიელთა გადასახლების შემდეგ ეს მოვლენა განსაკუთრებით საკუთრივ საბერძნეთის ხმელეთს შეეხო. მცირე აზიისაკენ მიმავალ ბერძნებს ჯერ ეგეოსის დიდი კუნძულები უნდა დაეკავებიათ. როგორც ჩანს, ჩრდილოეთ — აქაელები, განსაკუთრებით თესალიიდან პირველად ლესბოსს დაეპატრონენ, შემდეგ კი პატარა ტენედოსს და მხოლოდ უფრო გვიან შეიჭრნენ მცირე აზიის სანაპიროებში. ეს კოლონისტები, რომლებსაც შეუერთდნენ მათი დაცალკევებული ნაწილები საბერძნეთის სხვადასხვა მხრიდან, ჰქმნიან ადგილობრივ მოსახლეობასთან ხანგრძლივ ურთიერთობაში მთლიან ტომს, რომელსაც ეოლელების (Aiolis) სახელწოდებით ვიცნობთ. ამ სახელწოდების წარმოშობა ნათელი არ არის. ეილკენის სიტყვით, თუ იგი წინათ იყო წარმომდგარი, როგორც კერძო სახელწოდება, ნხოლოდ ახალშენებში მიიღო მან საერთო მნიშვნელობა. ეოლელების ახალშენები უმეტეს ნაწილად ლოფოს მესურნეობის კოლონიებს წარმოადგენდნენ.

მეორე ტალღა კოლონისტებისა უმთავრესად იონურ დიალექტზე მოლაპარაკე ჯგუფს ეკუთვნოდა, რომლებიც უმეტესად ატიკიდან, ეგეიდან და აგრეთვე საბერძნეთის სხვა ნაწილებიდანაც იყვნენ გამოსული. ის ძველი ტრადიცია,

თითქოს იონური კოლონიზაცია სპეციალურად ატიკიდან გამომდინარეობდა, წარმოიშვა V ს-ში ატიკის ძლიერი სახელმწიფოს არსებობის ფაქტის ზეგავლენით. ეს კოლონისტები პირველად დაემკვიდრენ ეგეოსის ზღვის კუნძულებზე, შემდეგ — ქიოსში, რომელიც ეოლელებს ჩამოართვეს, სამოსში, აქედან მიაღწიეს მცირე აზიის სანაპიროებს და დაიკავეს მათი სამხრეთი ნაწილი მილეტამდე. ხოლო ჩრდილოეთით მათ უფრო გვიან ეოლელებს ჩამოაცალეს მიმასის ნახევარკუნძული და სმირნა, აგრეთვე კიდევ უფრო ჩრდილოეთით მდებარე ფოკეა. კოლონისტების ამ ჯგუფებმაც მცირეაზიულ უძველეს მოსახლეობასთან განსახევევებლად შექმნეს გარკვეული ტიპის მთლიანი ტომი, რომელიც იონელები სახელწოდებით შეიქნა ცნობილი ("Ιωνεῖ; სემიტების — ივან). არც ამ სახელწოდების წარმოშობა არის ნათელი. წინააღმდეგ ეოლელების ახალშენებისა, იონელთა კოლონიები უმეტესად ვაჭრობას მისდევდნენ. ძველი სავაჭრო გზები რომლებიც შიდა აზიისაკენ მიემართებოდა, იონელებს საშუალებას აძლევდა მკვიდრო სავაჭრო ურთიერთობა დაემყარებიათ მცირე აზიის მხარეებთან და მისი ასპარეზი და მოცულობა თანდათან გაეფართოვებიათ. ამასთან ერთად იონელთა ახალშენები დიდ ხანს იყვნენ ბერძნული კულტურის ღირსეული წინამძღოლნი.

ღორიელთა გადასახლებამ და მასთან დაკავშირებულმა ბერძენ ტომთა მოძრაობამ გაანადგურა მიკენის ბრწყინვალე კულტურა და ბოლო მოუღო მიკენის ეპოქას. ამის შემდეგ მის შორიულ გამოძახილს ჰომეროსის ეპოსში-ლა ვხვდებით. ამით დასრულდა საბერძნეთის ისტორიის უძველესი პერიოდი და დასაბამი მიეცა ახალ ხანას ახალი სოციალურ-პოლიტიკური და კულტურული ურთიერთობით. დამყარდა თავისებური „ბერძნული საშუალო საუკუნეები“ („das griechische Mittelalter“) ახალი სახელმწიფოებით, საკუთარი რაინდობითა და გმირული სიმღერებით. მაგრამ ეგეოსის კულტურის ტრადიციები საესებით არ დაღუპულა და მას კაცობრიობის ისტორიისათვის უკვალოდ არ ჩაუვლია; ეს ტრადიციები გადავიდა ბერძნულ კულტურაში, ხოლო ამ უკანასკნელის წყალობით ჩვენი კულტურის საგანძურშიც. მართალია, ეგეოსის საუკუნეთა განმავლობაში მიწაწაყრილ კულტურულ სამყაროს დიდხანს „ეძინა ღრმა ძილით“ და დიდხანს იყო უცნობი კაცობრიობისათვის, მაგრამ დღეს იგი უკვე საერთოდ ხელშესახები გახდა.



## ბერძნული საშუალო საუკუნეები

### 1. ჰომეროსის საკითხი და მისი პოემების ისტორიული მნიშვნელობა.

მიკენის ეპოქის შემდეგ საბერძნეთში დაბრუნებული „საშუალო საუკუნეების“ (XII—IX ს. ს.) მთავარი წყარო არის ჰომეროსის პოემები — ილიადა და ოდისეა. დღეს, ალბათ, იშვიათად მოიპოვება ისეთი წერაკითხვის მცოდნე ადამიანი, რომელსაც ჰომეროსის სახელი არ გაეგონოს, მაგრამ ის კი შესაძლებელია ყველამ არ იცოდეს, რომ ამ სახელთან დაკავშირებულია მწერლობის ისტორიაში უძნელესი და ურთულესი პრობლემა. ძველად გარდა ილიადასა და ოდისეასი ჰომეროსს მიაწერდნენ მთელ რიგს პოემებისას და პატარა ლექსებისას. მართალია, მას შემდეგ რაც ძველმა ბერძნებმა მოხერხებულად მოიმარჯვეს მეცნიერული კრიტიკა, ჰომეროსის სახელს ჩამოაშორეს მრავალი ნაწარმოები და იმაშიც კი შეიტანეს ეჭვი, ეკუთვნოდა თუ არა მის შემოქმედებას ოდისეა, მაგრამ ის კი ღრმად სწამდა ყველა ბერძენს, რომ მოხუცი ზღოსანი ისტორიული პიროვნება იყო და შეიძინა ქალაქი ერთი მეორეს ეცილებოდა იმაში, თუ რომელს ხვდებოდა წილად დიდი პოეტის სამშობლოდ აღიარების პატივი<sup>1</sup>.

ჰომეროსის საკითხი დღესაც უდიდესი აქტუალური პრობლემაა ისტორიასა და ფილოლოგიაში. ჩვენ დაწვრილებით ვერ შევჩერდებით ამ საკითხის განხილვაზე და შევუბნობთ მხოლოდ მისი განვითარების მთავარ მომენტებს ახალ საუკუნეებში<sup>2</sup>. 1795 წელს გამოიცა ფრიდრიჰ ავგუსტ ვოლფის (F. A. Wolf) სახელგანთქმული ნაშრომი — *Prolegomena ad Homerum*“, რომელშიაც იგი მიუთითებს იმაზე, რომ პოემებში მრავალი შინაგანი წინააღმდეგობაა, რომ ჰომეროსის დროს ბერძნებს დამწერლობა არ ჰქონიათ, და დაასკვნის: ძველი სიმღერები ტროიას ომის შესახებ ერთი თაობიდან მეორე თაობას სიტყვიერად გადაეცემოდა, ინახებოდა, თუ შეიძლება ასე ვთქვათ, მომღერლების მეხსიერებაში და პირველად ჩაწერილ, შეკრებილ და წესრიგში მოყვანილ იქნა პიზისტრატეს დროის რედაქტორების მიერ. როგორც ვოლფის თეორიის შინაარსიდან ჩანს, მის მთავარ საფუძველს წარმოადგენს ის მოსაზრება, რომ ბერძნებს დამწერლობა ჰომეროსზე გაცილებით უფრო გვიან გაუჩნდა; მაგრამ, როგორც

<sup>1</sup> იხ. ალ. წერეთელი, ჰომეროსის საზოგადოება, I (ამონაბეჭდი „ჩვენი მეცნიერება“-დან).

<sup>2</sup> მსურველთ მიუთითებთ დამ. პაროფ. გრ. წერეთლის ნაშრომზე — ბერძნული ლიტერატურის ისტორია I, გვ. 49—73, სადაც იგი იპოვის ძვირფას დახასიათებას, ამ საკითხისას.

ქვემოთ დაინახათ, ბერძნებმა ანბანი შემოიღეს ქრ. წ. IX საუკუნეში და დღეს ჩვენ ხელთ არის უკვე რამდენიმე წარწერა VIII საუკუნის დასაწყისისა. არც ის შევფერება სინამდვილეს, თითქოს, ამ პოემების შეკრება და ჩაწერა პიზისტრატეს დროს მოხდა, რადგან ამის დამადასტურებელ ცნობას ძველი მწერლები არ იძლევიან, თუ ნხედველობაში არ მივიღებთ იოსებ ფლავიუსს (ქრ. შ. I საუკუნე). უფრო სერიოზული იყო ვოლფის მტკიცება, რომ არც „ილიადა“ და არც „ოდისეა“ ერთი პოეტის ნაწარმოებს არ წარმოადგენს და რომ მათ შედგენაში მონაწილეობას იღებდა მრავალი მგოსანი და ცალკეული სიმღერები მთლიან ერთეულად შეაკავშირეს მხოლოდ მრავალი საუკუნის შემდეგ. ვოლფის ხსენებულმა ნაშრომმა უდიდესი შთაბეჭდილება მოახდინა არა მარტო სპეციალისტების ვიწრო წრეზე, არამედ იმ დროის მთელ განათლებულ საზოგადოებაზეც. დაიწყო ცხარე ლიტერატურული კამათი, რომელშიაც უახლოესი მონაწილეობა მიიღეს პოეტებმა შილერმა და გოეთემ, რომლებიც ვოლფის საწინააღმდეგოდ იცავდნენ ჰომეროსის პიროვნებასა და ავტორობას.

ვოლფის მიმდევართა შორის პირველი ადგილი ეკუთვნის ცნობილ გოტფრიდ ჰერმანს (Herimann), რომელიც ჰომეროსის საკითხში ეგრეთწოდებული კრისტალიზაციის თეორიის ავტორია. მისი შეხედულებით, პირველმა დიდმა პოეტმა ისარგებლა უკვე არსებული სიმღერებით და საფუძველი ჩაუყარა ილიადას და ოდისეას; შემდეგ კი მათ სხვა პოეტების მიერ თანდათანობით სრული გადაკეთება განიცადეს და ამ ნიადაგზე მთავარი ნასკვის გარშემო წარმოიშვა მთელი რიგი ახალი ფენებისა. ამ მოვლენით უნდა აიხსნებოდეს ის წინააღმდეგობანი, რომელნიც პოემებში გვხვდება. ამ გვარად ჰერმანის თეორია მაინც აღიარებს მთავარი პოეტის არსებობას, რომელიც მთელი ეპოსის შემოქმედია და დიდ გაღვენას ახდენს თავის მიმდევრებზე. ხოლო ცალკეული სიმღერების თეორიის (Liedertheorie) უკიდურესი წარმომადგენელი იყო კარლ ლახმანი (K. Lachmann). იგი განსაკუთრებული სიცხადით ააშკარავებდა წინააღმდეგობათ და კავშირის სისუსტეს ილიადაში და ამიტომ ფიქრობდა, რომ ილიადა არის კონგლომერატი თავდაპირველად სრულებით დამოუკიდებელი სიმღერებისა.

ლახმანის თეორიამ ბუნებრივად გამოიწვია რეაქცია და წარმოიშვა ახალი თეორია „უნიტარებისა“, რომლის თანახმად ჰომეროსი არის არა პირვანდელი პოეტი, არამედ დიდი ხელოვანი, რომელმაც ისარგებლა არსებული სიმღერებით და შექმნა მათზე დამყარებით დიდი მხატვრული ეპოსი. ამ თეორიის მთავარი წარმომადგენელია ვილჰელმ ნიტცში (Nitzsch). მისი აზრით, ჰომეროსამდე არსებობდა მხოლოდ ცალკეული სიმღერები, რომელთაგანაც ჰომეროსმა შექმნა თავისი შესანიშნავი ნაწარმოები.

ერთგვარად საშუალო ადგილი დაიკავა „უნიტარებსა“ და „ვოლფიანელებს“ შორის ცნობილმა ინგლისელმა ისტორიკოსმა გროტმა (Grote). იგი ოდისეაში სრულ მთლიანობას აწესებს, ხოლო ილიადაში ხედავს ორ მთავარ ნაწილს — თავდაპირველ პოემა „აქილეიდა“-ს, რომელიც მოგვითხრობს აქილევსის რისხვას და ამ რისხვის შედეგებს, და შემდეგში ჩამატებულს საკუთრივ „ილიადას“. პოემა შექმნილი იყო ერთი პოეტის მიერ, მაგრამ შემდეგ სხვა პოეტებმა იგი

გაათართოვეს და აქილეუსის რისხვის პოემა გადაიქცა საზოგადოდ ტროიას ომის პოემად, ე. ი. ილიადად.

ლახმანის თეორიის გადამუშავებას წარმოადგენს ეგრეთწოდებული „კომპილაციის“ თეორია იმ სახით, რომ ჰომეროსის პოემები დანაწევრებულია არა პატარა ცალკეულ სიმღერებად, არამედ დიდ ეპიკურ კომპლექსებად.

შედარებით უფრო დამაკმაყოფილებელია კრისტიის თეორია, რომელსაც დამ. პრაფ. გრ. წერეთელი ეკლექტიკურს უწოდებს. მისი სიტყვით, ილიადა და ოდისეა ემყარება ხალხურ საგებს, რომლებიც დაკავშირებულია ეოლელი და აქაელი კოლონისტების მცირე აზიის სანაპიროების მცხოვრებთა წინააღმდეგ ბრძოლასთან. დიდმა პოეტმა ჰომეროსმა აიღო და გადაამუშავა ეს სიმღერები. მაგრამ ვინაიდან ეს სიმღერები ცალკეულ რეციტაციებისთვის იყო დანიშნული, ამიტომ მათ შეინარჩუნეს დამოუკიდებლობა, თუმცა ამავდროს შეერთებული იყვნენ მთლიანი გეგმით, რომელიც პოეტს კარგად ჰქონდა გათვალისწინებული. ჰომეროსმა სხვა პოეტებს უანდრძა მისი პოემების დაცვა, რეციტაცია და გავრცელება. ამ პოეტებს კრიტიკურად უწოდებს: „ოდისეა, კრისტის აზრით, სულ სხვა ავტორის ნაწარმოებია.

საერთოდ უკანასკნელ წლებში სპარბობს მთლიანობის თეორია, ილიადა ჰომეროსის ნაწარმოებად მიაჩნიათ და მას თვლიან არა ფიქციად, არამედ რეალურ პიროვნებად. ხოლო ოდისეასთვის ნაგულისხმევია სხვა დროში და სხვა პირობებში მცხოვრები და ჰომეროსზე არანაკლებ ნიჭიერი სხვა პოეტი:

რომ ერთგვარი დაჯავშნა მოვახდინოთ ჰომეროსის საკითხში დღემდე ნაწარმოები მუშაობისა, მივიღებთ ერთგვარად განსაზღვრულ სურათს:

ჰომეროსის ეპოსი საუკუნეთა განმავლობაში დაცული იყო მხოლოდ ზეპირ-თქმულებაში და პირველად დაახლოებით 700 წელს უნდა ყოფილიყო ჩაწერილი. მაშინ, როდესაც მიკენის პერიოდში პატარა საგმირო სიმღერებს საკუფრივ საბერძნეთში მღეროდნენ, ჰომეროსის ეპოსი, რომელიც მათთან იყო დაკავშირებული, მეორე მხარეზე — ახალშენებში იქნა შედგენილი. ეპოსის დიალექტი უმეტესს ნაწილად იონურია, მაგრამ გვხვდება აქა-იქ ეოლიზმებიც. ამიტომ უნდა ვიფიქროთ, რომ იგი იქ წარმოიშვა, სადაც ორივე ეს დიალექტი ერთი მეორეს ექსოვებოდა, სახელდობრ სმირნას მახლობლად ეოლურ-იონურ კიდეზე, საიდანაც იონელებმა ეოლელები გამოადევნეს. მართალია, არსებობს ისეთი შეხედულებაც, თითქოს ეპოსი პირველად ეოლურ დიალექტზე იყო შედგენილი და მხოლოდ შემდეგში გადაამუშავეს იგი თვის დიალექტზე იონელებმა, მაგრამ ამის საწინააღმდეგოდ ლაპარაკობს ბერძნული მწერლობის ის წესი, რომლის მიხედვითაც დიალექტი, რომელზედაც გამოდიოდა ახალი ლიტერატურული ნაწარმოები, ხანგრძლივად რჩებოდა ამ ნაწარმოების კუთვნილებად (ვილკენი, Griech. Gesch., გვ. 48).

ეპოსი იმ სახით, რომლითაც მან ჩვენ დრომდე მოაღწია, არის შედგილი საუკუნეთა განმავლობაში განვითარებისა. ჰომეროსის პოემების გავრცელების შესახებ შეგვიძლია ასეთი სურათი წარმოვიდგინოთ: მათ შექმნამდე, ცალკეული სიმღერების ხანაში, მოგზაური მგოსნები — აედები (*αἰδοί*) თხზავდნენ და მღეროდნენ ქნარის (*Phorminx*, *φάρμινξ*) აკომპანიმენტით იმ დროის დიდ-

ბულთა კარზე საგმირო სიმღერებს. შემდეგში, როდესაც სიმღერების ადგილი პოემებმა დაიკირა, სიმღერების შესრულების ასეთი წესიც დაირღვა: სიმღერა რეციტაციამ შესკვალა, ხოლო ამგვარ პირობებში ქნარი და სიმღერა უკვე შეუფერებელი გახდა; ამიტომაც მომღერლების ადგილას ახლა უკვე მოხრობლებს რაფსოდებს (*რაფსოზა*) ვხედავთ. რაფსოდები გვირგვინით თავზე და კვერთხით (*კაქჩა*) ხელში, პოლიტიკურ ცვლილებათა გამო, გამოდიოდნ და ამბობდნ ჰომეროსისა და სხვა ეპიკოსების ლექსებს უკვე არა დიდებულთა წინაშე, არამედ სახალხო დღესასწაულებზე. დროთა განმავლობაში მათთვის უკვე საჭირო აღარ იყო პირადი შემოქმედების ნიჭი, რადგან შეეძლოთ გადმოეცათ ზეპირად დასწავილი სხვისი ლექსები. რაფსოდები, რომლებიც უმეტეს ნაწილად ჰომეროსის პოემების რეციტაციას მისდევდნ, ჰომერიდების სახელწოდებით არიან ცნობილი.

ამ ჰომერიდებმა გააცნეს სწორედ მთელ ელადას VII—VI ს-ში ჰომეროსის პოემები. განსაკუთრებით საყურადღებო იყო ჰომეროსის რეციტაციები ათენში, სადაც მათ დიდ პანათენეთა დღესასწაულზე ასრულებდნ. ჰომეროსის ორი პოემიდან ოდისეა 100 წლით უფრო გვიან უნდა იყოს შედგენილი, ვიდრე ილიადა. ორსავე პოემაში საქმაოდ დაცულია ზოგიერთი უკვალოდ დაკარგული პოეტური თქმულების კვალი. როგორც ვიცით, ილიადაში თქმულება თესალიის გმირის აქილევის შესახებ, რომელიც ელელმა კოლონისტებმა სამშობლოდან თან წამოიღეს და ახალშენებში შემდეგი განვითარება მიანიჭეს, შეერთებულია ტროიას ომის გადმოცემასთან და ჰელენას მითთან. ამას გარდა მას ჩამატებული აქვს იონური საგები და დაახ. VII საუკუნეში, როდესაც ეპიკური ხელოვნება საკუთრივ საბერძნეთშიც გადავიდა, მას ჩაურთეს აქაც რამოდენიმე სხვა თქმულება. ასეთი რთული წარმოშობისაა ილიადა, რომელიც მოგვითხრობს ტროიას სიმაგრესთან ომის არა მთელ ათწლოვან ისტორიას, არამედ ბრძოლის მეთე წელს მომხდარ ზოგიერთ ამბავს, რომლებიც აქაელთა წინამძღოლს აგამემნონსა და უდიდეს გმირს აქილეეს შორის ჩამოვარდნილ უთანხმოებასთან არის დაკავშირებული. მიუხედავად იმისა, რომ ილიადა თვისი შინაარსით მეტად რთულ რასმე წარმოადგენს, რომ მასში მრავლად მოიპოვება წინააღმდეგობანი და ხარვეზები, იგი მაინც უუქველად სტოეებს მხატვრული მთლიანობის შთაბეჭდილებას.

ყოველივე ეს იმ დიდი პოეტის დაძახებებაა, რომელმაც სიმღერა აქილევის რისხვის შესახებ პოემის ცენტრში მოათავსა, სხვა ყოველივე კი მის გარშემო დააჯგუფა და ამგვარად შექმნა გვემაწეწონილი კომპოზიცია. საბუთი გეაქვს ვილაპარაკოთ პოეტის გარკვეულ პიროვნებაზე, რადგან ასეთი აზრი შეიძლებოდა მხოლოდ ერთხელ და ერთ თავში წარმოშობილიყო, და იგი ილიადას გენიალურ შემოქმედად უნდა ჩავთვალოთ (ვილკენი, 49). ილიადას დღევანდელი სახე გვიჩვენებს, რომ პოეტმა იგი შექმნა არა ერთბაშად, არამედ თანდათანობით. მართალია, მასალა რომლითაც ის სარგებლობდა, უკვე მზად იყო და მხოლოდ დამუშავებას საჭიროებდა, მაგრამ პოეტის ხელში მზა საფუძველმა ძლიერი სახეცვლილება განიცადა. მოხდა მეტიც: ილიადაში მოიპოვება მთელი რიგი ისეთი ადგილებისა, რომლებიც ჰომეროსის სრულ საკუთრებას, არაფრისაგან შექმნილს, წარმოადგენს.

უფრო დასრულებულ შთაბეჭდილებას სჯობებს ოდისეა, რომ კლშიაც პოეტს შეუერთებია ორა პოტივი — მოტივი ტელემახეს მოგზაურობისა და მოტივი საქმროებზე ოდისეს შურისძიების შესახებ, ხოლო თავისი პოემის მოქმედების ადგილად კი მისთვის კარვად ნაცნობი კუნძული ითაკა აურჯევია (პროფ. გრ. წერეთელი, 66, 69).

ჰომეროსის პოემების შესწავლის მთავარი ამოცანა ამეხად იმაში მდგომარეობს, რომ შესაძლებელი სისრულით იქნას შეცნობილი პოემების შემადგენელი ნაწილების სახეები და განსაკუთრებით კი უძველესი და უახლოესი ფენები მათში შეძლებისდაგვარად იქნას გამოყოფილი. ეს ჯუანასკნელი მით უფრო საჭიროა, რომ გარდა მიკენის პერიოდის შორეული ასახვისა, ილიადასა და ოდისეაში დატულია ძვირუხასი მასალა ბერძნული საშუალო საუკუნეების სამეურნეო, სოციალური და პოლიტიკური ცხოვრების გათვალისწინებისთვის. ამ მიზნისათვის კი ისევე აუცილებელია ჰომეროსის პოემების ფენების დანაწილება და გარკვევა, როგორც ძველი აღთქმის გამოყენება აღმოსავლეთის ისტორიისათვის. ჰომეროსის პოემებს უდიდესი მნიშვნელობა და გავლენა ჰქონდა ბერძნების კულტურულ ცხოვრებაზე, განსაკუთრებით მას შემდეგ, რაც V საუკუნეში ისინი სასწავლო წიგნებად შემოიღეს. როგორც რომაელების აღზრდაში მთავარი ადგილი 12 დათვის კანონებს ეკირა, ისე ბერძნებისათვის ამ წხრით პირველხარისხიანი ჰომეროსის პოემები იყო. საერთოდ ჰომეროსი ბერძნებისათვის ისეთი პოეტი იყო, რომლის არცოდნა დიდ სირცხვილად ითვლებოდა. ჰომეროსის პოემები ბერძნების ცხოვრებაში ისეთი ღირსშესანიშნავი წიგნები გახდა, რომლებშიაც პასუხს ეძებდნენ ყოველგვარ კითხვაზე. გრავნილებს ჰომეროსის პოემებით საფლავებშიაც კი ატანდნენ მიცვალებულთ

ამას გარდა, ვინაიდან ამ პოემებში შეერთებულია თქმულებები სხვადასხვა ბერძენი ტომების შესახებ, მათ დიდი მნიშვნელობა მიეცათ ბერძნების ეროვნული თვითშეგნების განვითარებაში: ილიადასა და ოდისეას გმირებში პოულობდნენ ბერძნები თვისი ხალხის საუკეთესო თვისებათა გამოხატულებას.

როგორც ვთქვით, ჰომეროსის პოემები მთავარ წყაროდ ითვლება ბერძნული საშუალო საუკუნეების ისტორიისათვის. მაგრამ ერთი რამ გარკვეულად უნდა გვახსოვდეს, სახელდობრ ის, რომ ჰომეროსის ეპოსში დასურათებულია არა ერთი რომელიმე ეპოქა, არამედ მასში მოცემულია შორეული წარსულის უეჭველი გამოძახილიც, როგორც ეს უკვე იყო აღნიშნული. პოემების უფრო გულდასმით შესწავლა ცხადად დაგვარწმუნებს იმაში, რომ ეპოსში ნათლად ჩანს ცხოვრების ფორმათა და კულტურის ევოლუცია, ზნე-ჩვეულებათა და ყოფაცხოვრების სხვაობა, ერთი სიტყვით უფრო ძველი ხანის დამახასიათებელი ხაზები და პოეტის შედარებით თანამედროვე საზოგადოებრივი ცხოვრების ნიშნები. ამიტომ, ვიდრე ამ პოემებით ვისარგებლებდეთ ბერძნული საშუალო საუკუნეების დასახასიათებლად, საჭიროა სწორედ იმ საკითხში გარკვევა, თუ მათი რომელი ნაწილი გამოგვადგება ამ მიზნისათვის. ამ მხრით საქმე ისე კუდად არ არის, როგორც ეს ზოგიერთს გონია, რომ ამ პოემებით სარგებლობა არ შეიძლებოდა. პირიქით დღეს უკვე მოგვეპოვება იმის საშუალება, რომ ჰომეროსის პოემებზე დამყარებით ზოგადად მაინც გაეითვალისწინოთ ბერძნული საშუალო საუკუნეები.

## 2. სამეურნეო და სოციალური მდგომარეობა ბერძენი ტომებისა ამ პერიოდში.

დორიელთა გადასახლებასთან დაკავშირებულმა დიდმა მოძრაობამ და მიკენის კულტურის განადგურებამ ღრმა გავლენა მოახდინა ბერძენი ტომების სამეურნეო და კულტურულ განვითარებაზე. მიკენის პერიოდში თვალსაჩინოდ განვითარებული საზღეო ვაჭრობა თითქმის სრულ დაცემას განიცდის და მხოლოდ მცირე აზიის ახალშენები თუ-ღა განაგრძობენ სავაჭრო ურთიერთობას აღმოსავლეთის მხარეებთან. აგრეთვე მხოლოდ 9/8 საუკუნეებში იწყებენ ფინიკიელები საბერძნეთში აღმოსავლური საქონლის შემოტანასა და გაცვლა-გამოცვლას. როგორც ტელ-ელ-ამარნას საბუთებშიდან ვიცით, 14 საუკუნეში ფინიკიის მთავრები ეგვიპტის ფარაონების ვასალები იყვნენ და მათი ქალაქები მაშინ სრულებით უმნიშვნელო როლს თამაშობდა. ზოგჯერ ფინიკიელები ჰომეროსის სიღონელების სახელით ჰყავს აღნიშნული, რაც შეიძლება იმით აიხსნება, რომ სიღონის ასტარტას კულტი ფინიკიელებისათვის საერთო მნიშვნელობისა იყო და ამიტომაც თვით სიღონი, ალბათ, სარწმუნოებრივ ცენტრად ითვლებოდა. ფინიკიის პოლიტიკურ ისტორიაში გაცილებით მეტი მნიშვნელობა ჰქონდა ტვიროსს, რომელიც ზოგჯერ თვით სიღონედაც კი ბატონობდა. ერთი მთლიანი სამეფო ფინიკიელებს არასოდეს აქ შეუქმნიათ და მაშინ, როდესაც ტვიროსისა და სიღონის ისტორია შედარებით მკიდრად არის დაკავშირებული ერთიმეორესთან, ჩრდილოეთ ქალაქებს—ბერუტს, ბიბლოსსა და არვადს ამ მხრით, თითქმის, არა აერთებდა რა. ფინიკიის ქალაქების კეთილდღეობა დამყარებული იყო უმთავრესად საზღეო ვაჭრობაზე, რომელიც თვის უდიდეს განვითარებას მეორე ათასწლეული წლების დასასრულიდან განიცდის. ამგვარად, თუ წინათ მიკენელები, ე. ი. ბერძნები დიდი მებღვაურები იყვნენ, ამ პერიოდში (დაახ. 1100-700 წლებში) ხმელთა-შუა ზღვის ვაჭრობაში პირველ ადგილს ფინიკიელები იკავებენ. „მთელი წელი დარჩენ ჩვენ კუნძულზე, ვაჭრობდნენ თვისი საქონლით და სამაგიეროდ თვის გემებს ბეჯითად ავსებდნენ“-ო, ნათქვამია მათ შესახებ ოდისეაში (XV, 414—416; და სხვ.). საზოგადოდ საქონლით დატვირთული ფინიკიელების გემები ადგებოდა საბერძნეთის ნაპირებს და რჩებოდა ამა თუ იმ ადგილას ხანგრძლივად, სანამ ფინიკიელები ადგილობრივ პროდუქტებზე სცვლიდნენ თავიანთ საქონელს. მოეზიდებოდნენ ფინიკიელები უმოავრესად ფუფუნების საგნებს, ხოლო მოსახლეობის ჩვეულებრივი მოთხოვნილებები კი უნდა დაეკმაყოფილებია იმ ნატურალურ, ან კარჩაკტილ, ოიკოსურ მეურნეობას, რომელიც ამ დროს საერთოდ გაბატონებული იყო საბერძნეთში. „ამ ეპოქაში, რომლის ნამდვილი განსახიერება დაუკლვია ჰომეროსის პოემებში, ამბობს ე. დ. მაჟერი<sup>1)</sup>, ცალკე სახლის ავტონომიური მეურნეობა მართლაც არის ძირითადი ეკონომიური ფორმა“. ამ საზოგადოებაში, სწერს პროფ. პეტრუშევიჩი, ერთადერთ ღირებულებას წარმოადგენს პროდუქტები უშუალო მოხმარებისათვის და შრომა უშუალო

<sup>1)</sup> Экономическое развитие древнего мира, გვ. 23.

გამოყენებისათვის. პომეროსის საზოგადოების მეურნეობა წმინდა ნატურალური მეურნეობაა<sup>1</sup>. მსხვილი ნატურალური მეურნეობის მშვენიერ სურათს იძლევა ალკინოზოსის სახლი, რომელშიაც ყველა საქირო საგანი საკუთარი ძალებით მზადდება: სასახლის უკან მდებარეობდა ხეხილით საესე დიდი ბაღი, მას თან მოსდევდა ვენახები, დასასრულ ბოსტნები, რომლებიც მთელი წლის განმავლობაში იძლეოდა „გემრიელ მწვანილს“. სახლში მუშაობდა 50 მონა ქალი, რომლებიც ქერს ფქავდენ და ართავდენ და ქსოვდენ (Oid. VII, 103 შმდ.). ამგვარად, სახლისათვის ყველივე აუცილებელი: პური, მწვანილი, ზეთი, ღვინო, ხილი, ტანსაცმელი და თითქმის ნოხებიც კი საკუთარ მეურნეობაში მზადდება თვით სახლის პატრონების უახლოესი მონაწილეობით.

ამ ხანის მეურნეობა დამყარებულია მიწის დამუშავებაზე, თუმცა მესაქონლეობასაც თვალსაჩინო ადგილი უჭირავს. პომეროსის პოემებში ჩვენ ძლიერ ხშირად ვხვდებით სხვადასხვა საქონლის ჯოგებს, რომლებიც იმ დროში დიდ სიმდიდრეს შეადგენდნენ. ტროიას ომის ერთი ცნობილი გმირი დიომიდე ამბობს: „მამა-ჩემს, რომელიც არგოსში დაემკვიდრა, ჰქონდა დიდი ნაქერი პოხიერი მიწისა და მრავალი საქონელი“-ო. გადაცმულ ოდისეს მისი ღორების მწყემსი, ერთგული მოხუცი ევმესი უამბობს: ჩემს ბატონს დარჩა მრულე რქიანი ხარების 12 ჯოგი, ამდენივე ცხვრებისა და ღორების, არა ნაკლები—თხებისა, აგრეთვე სხვადასხვა საძოვარზე დადის თხების თორმეტი ფარაო (Oid. XIV 100-105). რომ ამ დროის საბერძნეთში საქონელს დიდი მნიშვნელობა ჰქონდა, ეს იქიდანაც ჩანს, რომ საგნების შეფასება მისი მიხედვით სწარმოებდა. თუ მიკენის პერიოდში ბერძნებმა უკვე კეთილშობილი ლიონები მოიმარჯვეს ამ მიზნისათვის, ახლა უკვე დამკვიდრებულ ნატურალურ მეურნეობასთან შეფარდებით ფასეულობის გამოსარკვევად კვლავ საქონელს, თუ საქონლის ტყავს მიმართავენ. როდესაც დიომიდე გლავკოსს უცელის თვის საქურველს, პოეტი ამბობს: გლავკოსის საქურველი ოქროსი იყო და ას ხბოდ ფასობდა, დიომიდესი კი-სპილენძისა და ცხრა ხბო ღირდაო (Il. VI, 235-236). ოდისეს ოჯახის ერთგული მხევალი ევრიკლე, პოეტის სიტყვით, ლაერტს ოც ხარად უყიდია (Oid. I, 426-427). ზოგიერთ შენთხევეაში შეფასებისა თუ გაცელის საშუალებად ისევ ლიონი გვევლინება: აქაელები ლხინის დროს ღვინოს ჰყიდულობდნენ და აძლევენ მასში, ვინ რკინას, ვინ ბრწყინვალე სპილენძს, ვინ ხარის ტყავს, ვინ თვით ხარებსა და ვინ მონებს; (Il. VII, 470-475). მენტესის სახით მოვლინებული ათინა ტელემაქს ეუბნება: ტემესში მინჯა სპილენძი შევიძინო მასზე რკინის გაცელითო (Oid. I, 180-184). საბერძნეთის ზოგიერთ ნაწილში საქონელს ფულის შემოღების შემდეგაც კი დარჩა აღნიშნული ხასიათი, რაც დრაკონის კანონმდებლობაშიც კი მოჩანს.

<sup>1</sup>) Общество в государстве у Гомера, გვ. 31—32. ძველი საბერძნეთის მეურნეობის შესახებ გარდა ბენ ღობის, ვდ. მაჟერისა და პოვლმანის ზოგადი კვრებისა იხ. М а к е Н е с с е р, Архивная история древнего мира, Москва, 1925; Neurath, Antike Wirtschaftsgeschichte, Leipzig, 1918; Francotte, L'industrie dans la Grèce ancienne, Bruxelles, 1900; ი გ ი ე ე, Industrie und Handel bei d. Griechen (Pauly—Wissowa, Real Encyclop. B. IX) და სხვ.

თუ ილიადაში მიწის მეურნეობის გვერდით შესაქონლეობას დიდი ადგილი უჭირავს და პოეტი სიამოვნებით სარგებლობს მწყემსებისა და მონადირეების ცხოვრების სცენებით, ოდისეა უკვე იმაზე მიგვივითობს, რომ მიწის მეურნეობის კულტურამ თეალსაჩინო წარმატებას მიაღწია და მთავარ დარგად გადაიქცა. ფართო განვითარებას განიცდის აგრეთვე მეძაღვობა. მეფე ალკინოოსისა და ოდისეს მამის ლაერტის ბაღებში იზრდება და ყვავის ვაშლი, მსხალი, ბროწეული, ლეღვი, ზეთისხილი და სხვ. ამ დროს ადგილი აქვს უკვე მიწის ხელოვნურ განაყოფიერებასაც. როგორც ვიცით, იმ საკითხის გარშემო, არსებობდა თუ არა ამ დროის საბერძნეთში თემური მიწათმფლობელობა, მეცნიერთა შორის აზრთა სხვადასხვაობა წარმოიშვა, მაგრამ ჰომეროსის პოემების გულდასმით შესწავლა უდავოდ გვარწმუნებს იმაში, რომ ამ ხანის საბერძნეთმა სათემო მიწათმფლობელობა არ იცის და რომ მასში საკმაოდ განვითარებულია კერძო საკუთრება და კერძო ოჯახის მეურნეობა<sup>1</sup>.

ამ მხრით განსაკუთრებით საყურადღებოა ის, რომ ორსავე პოემაში მიწის განსაზღვრული ნქერი, რომელსაც საშუალო ქონების თითოეული ოჯახი ფლობდა, კლეროსად (*κλήρος*) არის წოდებული. ზოგიერთი მეცნიერის მოსაზრებით, ვინაიდან ეს სიტყვა „წილის ყრას“ ნიშნავს, ამიტომ უნდა ვიფიქროთ, რომ ჰომეროსის დროს სათემო მიწათმფლობელობა არსებობდა და სახნავი მიწების დანაწილება თემის წევრთა შორის წილის ყრით ხდებოდა. მაგრამ ამ გარემოების ახსნა ადვილად შეიძლება, თუ იმ აზრს გავიზიარებთ, რომ პირველად ეს ტერმინი მართლაც წილის ყრისაგან წარმოსდგა და რომ შემდეგში მასთან დაკავშირებული პროცესი მოისპო, ხოლო სახელწოდება კი ძველი დარჩა. მიწის აკეთრების განვითარების ნიადაგზე ამ დროს უკვე წარმოშობილია თეალსაჩინო ქონებრივი უთანასწორობა: მრავალკლეროსიანების (*πολύκληροι*) გვერდით გვხვდება უკვე უმიწაწყლო ხალხი (*ἀκλήροι*), რომელიც იძულებულია სხვაგან ეძებოს სამუშაო თავისი ოჯახის გამოსაკვებად.

როგორც ჩან<sup>2</sup>, მიწის მეურნეობის განვითარებამ თანდათან ისეთ წარმატებას მიაღწია, რომ შესაძლებელი გახდა, თითქმის, მსხვილი მეურნეობის წარმოშობაც. ასეთი მეურნეობის ჰაგალ თია აქილეუსის ფარზე გადმოცემული მამული და აგრეთვე ოდისეს მამის ლაერტის მეურნეობა. მაგრამ, რასაკვირველია, ასეთი მეურნეობა შოკს არის ისეთი ხასიათისა და თვისებებისაგან, რომელთაც პოემაში მიწაზე მას. ჰომეროსის საზოგადოების მეურნეობას წარმოების ხასიათი არ აქვს, იგი არ არის ისეთი სახის მოქმედება, რომელიც მიზნად მოგების მოპოვებას ისახავს. მას ასულდგამულებს ერთი მთავარი მიზან-დანინშულება, სახელდობრ, ოჯახის მოთხოვნილებათა უშუალოდ დაკმაყოფილება; ყოველი მიწის მუშა შრომობს იმისათვის, რომ თვისი შრომის ნაწარმოებით გამოიკვებოს თავი და თვისი ოჯახი. ასეთივე სახისაა დიდი მამულების მეურნეობაც:

<sup>1</sup>) იხ. ალ. წერეთელი, ჰომეროსის საზოგადოება II (ამონაბეჭდი ტული. უნივერ. მოამბიდან, № IV).

<sup>2</sup>) იხ. მისი Aus Alterthum und Gegenwart, გვ. 180.



„მაგნ. ტუბის“ ყანებიდან მოწყული ქირნახული ხმარდება მათი ოჯახისა და დიდ-  
ძალი მო! ამსახურეების დაპურებასა და მტერ-მოყერის გამასპინძლებას. მართალია,  
სრული კარჩაკეტილობა არც ამ საზოგადოებას ახასიათებს და ერთგვარ გაცე-  
ლა გამოცულას მაინც აქვს ადგილი, მაგრამ იგი ფრიად უმნიშვნელოა.

მიკენის პერიოდში საბერძნეთს მრავლად ჰყავდა ხელოსნები, რომლებიც  
სხვადასხვა სპეციალურ სამუშაოს ასრულებდნენ. კარჩაკეტილი მეურნეობის დამ-  
ყარებას კი თან მოჰყვა ხელოსნობის დაცემაც. ამ დროს (ხოლოდ შემდეგი ხე-  
ლოსნები-ღა არსებობდნენ: ლითონებზე მომუშავე, რომელსაც მიკენის  
დროიდან სპილენძსა თუ ბრინჯაოზე მომუშავეს (*χρυσός*) უწოდებდნენ, თუმცა  
დორიელთა გადასახლების შემდეგ საბერძნეთში უკვე რკინის ეპოქა იყო დამ-  
ყარებული; დურგალი (*αίμας*), რომელიც ადამიანთათვის და ღმერთებისათვის  
სახლებს აშენებდა და აგრეთვე გუთნებსა და გემებს აკეთებდა; მეთიხე  
(*μαθητής*), რომელიც კურკლებს ამზადებდა. ხელოსნებს შეიძლება მივაკუთვნოთ  
აგრეთვე მოცეკვე და მომღერალი, რომლებიც აუცილებელ მოთხოვნილებას  
წარმოადგენდნენ დღესასწაულების დროს, მისნები (*μύσες*) და სხვ. მოთხოვნილე-  
ბისამებრ იწვევდა ამ დროის ბერძენი ხელოსანს, აძლევდა მას საჭირო მასა-  
ლას, აკმევდა და ასმევდა და სამუშაოს დამთავრების შემდეგ ნატურით უსწორ-  
დებოდა. ეგვესი პენელოპას ერთ-ერთ საქმროს, ანტინოოსს, ეუბნება: ვინ მოი-  
წყევს უცხო კაცს თავის სახლში, თუ ამას საჭიროება არ მოითხოვს? მხოლოდ იმათ  
იწვევენ, ვინც საჭიისათვის არას საჭირო: მისნებს, ექიმებს, გამოცდილ დურგ-  
ლებსა და მომღერალთ, რომელნიც სულს ანუგეშებენ ღვთაებრივი სიტყვით; ამათ  
იწვევს სიამოვნებით ყველა მიწიერი ადამიანი, ხოლო მათხოვარს, ყველასათვის  
მოსაწყენს, ვინ მიიპატიუებს თვისი ნებით? (Od. XVI, 380—387). ამგვარად ამ  
ეპოქაშიც ხელოსნებს მაინც გარკვეული ადგილი უჭირავთ და ერთგვარ პატი-  
ვისცემითაც არიან აღქმული.

განხილულ მეურნეობასთან დაკავშირებით უნდა წარმოვიდგინოთ ბერძ-  
ნების სოციალური დანაწილება ამ პერიოდში. ხელოსნები, მცირე მიწის მესა-  
კუთრე გლეხები და უმამულო მიწის მუშები (*μίσες*) უბრალო თავისუფალ  
ადამიანთა წრეს ეკუთვნოდნენ

თუ დემიურგი (ხელოსანი) პროფესიური შრომის წარმომადგენელია და  
ამით მისი მდგომარეობაც გარკვეული ხდება, თეტი უბრალო შავი მუშაა, რო-  
მელმაც ჩვეულებრივ მიწის მუშაობაზე მეტი არა იცის რა და ამიტომაც უქირს  
თვისი ძალღონის გაქირავება. თეტების წრე შესაძლებელია იმ მესაკუთრე გლე-  
ხებისაგან წარმოდგა, რომელთაც რაიმე მიზეზის გამო დაჰკარგეს თვისი მამული;  
მათ წარმოშობას ხელს უწყობდა, ალბათ, ის მოვლენაც, რომ მცხოვრებთა გა-  
მრავლების გამო მიწა ყველას უკვე აღარ ყოფნიდა. სამუშაოზე მისვლის დროს  
თეტი თვის დამქირავებელთან სდებდა სიტყვიერ პირობას, რომელშიაც განსაზღვ-  
რული უნდა ყოფილიყო მისი გასამრჯელო ნატურით. ეს უკანასკნელი გამოიხა-  
ტებოდა მიწა რჩენაში და სხვადასხვა საგანში, რომელთაც თეტი სამუშაოს დამ-  
თავრების შემდეგ ღებულობდა, მაგ. ტანსაცმელს, ფეხსაცმელს და სხვ. პენელო-  
პას ერთ-ერთი საქმრო, ევრიმაქი მათხოვრის სახით მოსულ ოდისეს ეუბნება: შენ  
უეკველად თანახმა იქნები ჩემთან დღიურ მუშად დადგე, რომ კარგ ფასად

იმუშაო ყანაში, მოვლიჯო ღობისათვის ძეძენარი და დარგო ახალი ხეები; მთელი წლის განმავლობაში მიიღებ ჩემგან საქმელს, საქირო ტანისამოსსა და ფეხსაცმელსო (Od. XVIII, 357--361)

უბრალო თავისუფალ ადამიანთა წრეს უფლება აქვს ატაროს იარაღი, დაიჯაროს მტრისაგან სამშობლო, მონაწილეობა მიიღოს ომებში, დაიცვას სასამართლოს წინაშე თვისი საქმეები და დაესწროს სახალხო კრებას. ერთი სიტყვით, მართალია, ეს წრე ეკონომიურად დაქვეითებული ზოგანს, მაგრამ ფორმალურად იგი საზოგადოების სრულუფლებიან წევრს წარმოადგენს.

საზოგადოების ეკონომიურად და პოლიტიკურად პრივილეგიურ ნაწილს ეგრეთწოდებული წარჩინებულები ან კეთილშობილები (ἀγαθός, ἀγαθός) შეადგენდნენ, რომელთა ხელში შედარებით დიდი მამულები იყო თავმოყრილი (ἀγαθόκτητοι). პოეტის სიტყვით, წარჩინებულნი საუკეთესო ადამიანები არიან არა მარტო თვისი მდგომარეობით, არამედ ნიჭითა და ჩამოშავლობითაც, ამიტომ მათ მეტი პატივისცემა და ღირსება შეეძენისთ, ვიდრე უბრალო ადამიანებს. პენელოპა უცნობლად მოსულ ოდისეს შესახებ ევრიმაქს ეუბნება: ეს ყარიბი სმალლითაც დიდია და კუნთებითაც ძლიერი; ჩამომავლობითაც არ არის დაბალი, თვითონ ამბობს, ცნობილი მამისაგან ვარ დაბადებულიო (Od. XXI, 334 -- 335). ამგვარად, მარტო სიჭიდრე არა ჰქმნის კეთილშობილთ, მაგრამ შეიძლება კი გახდეს მომავალში საფუძველი ასეთი ღირსებისათვის. წარჩინებულები, თითქოს, ბუნებით არიან მოწოდებულნი, რომ შეადგინონ მეფის საბჭო და ილაპარაკონ სახალხო კრებაზე, რადგან იმ დროს გავრცელებული იყო შეხედულება, რომ სამოქალაქო და სამხედრო ღირსება მემკვიდრეობით გადადის და წარჩინებულთა კუთვნილებას შეადგენსო.

ბრძოლის ველზე „კეთილშობილები“ სხეებში იმით ირჩეოდნენ, რომ იბრძოდნენ არა ქვეითად, როგორც უბრალოები, არამედ, როგორც მხედრები (ἀναίρειοι) და მიძიმედ შეიარაღებულები, ეტლებში.

„კეთილშობილთა“ წრის შესახებ ის უნდა ითქვას, რომ იგი საკუთრივ საბერძნეთში ახლად წარმოიშვა იმ ქართველის შემდეგ, რომელიც ამ უკანასკნელმა დორიელთა გადასახლების დროს განიცადა. ამავე დროს კი ეს წრე ახალშენებში თავიდანვე არსებობდა, რადგან „კეთილშობილები“ ხშირად მეთაურობდნენ კოლონისტების გადასახლებას და სამხედრო წინამძღოლების როლშიც გამოდიოდნენ ახალი ქვეყნების დაპყრობისას.

იცის ამ დროის ბერძნულმა საზოგადოებამ მონებიც, თუმცა, რასაკვირველია, ამ დროის მიმართ მონობაზე, როგორც სისტემაზე, ლაპარაკი არ შეიძლება. თეტის ნივთიერი მდგომარეობა არსებითად არ განსხვავდება მონის მდგომარეობისაგან. ზოგიერთ შენთხვევაში მონის მდგომარეობა უკეთესიც კი იყო. მეურნეობაში მონის შრომას ისეთივე როლი ჰქონდა დაკისრებული, როგორიც თეტისას, მაგრამ მონის ნივთიერი პირობები უფრო კარგი იყო, ვიდრე თავისუფალი ბოვანოსი. მართალია, მონის პიროვნება ყოველგვარ თავისუფლებას იყო მოკლებული, მაგრამ ამ დროს დიდი განსხვავება და უფსკრული არ არსებობდა ბატონისა და მონის გონებრივსა და ზნეობრივ განვითარებას შორის. ბატონი სიკვდილამდე ინახავდა თვის მონას, ან თუ გაჰყიდა მას, ახალი ბატონიც ასევე

მოექცეოდა. ბატონსაც და მონასსაც ერთგვარი ცოდნა ჰქონდათ, ერთგვარი ინტერესები, მათ თავისუფლად შეეძლოთ გაეზიარებიათ ერთიმეორისათვის თვისი გულისნადები და ხშირად მტკიცე მეგობრული გრძნობით შეკავშირებულყვნენ. ჯერ კიდევ არ იყო გათხრილი მათ შორის ის დიდი უფსკრული, შემდეგში რომ საბოლოოდ დააშორა მონას ბატონი, რომელმაც ახალი სამეურნეო ურთიერთობის ნიადაგზე ახალი მსოფლმხედველობა და ახალი კულტურა შეიძინა. თუ აქამდე მონა ხშირად თვისი ბატონის მწუხარებისა და მხიარულების მონაწილე იყო, ამიერიდან იგი მისთვის უბრალო ინსტრუმენტი შეიქნა. „ღვთაებრივი“ ღორების მწყემსი ემეხის სიტყვითა და საქმით უდიდეს და უახლოეს მონაწილეობას იღებდა თვისი ბატონის ოდისეს ოჯახის საქმეებში. თვით ოდისე წას განსაკუთრებული პატივისცემითა და სიყვარულით ეპყრობოდა. ხშირად ერთგული სამსახურისათვის მონებს ბატონები აძლევდნენ მიწას, რომ მასზე ეცხოვრათ ოჯახობით და ეწარმოებიათ საკუთარი მეურნეობა, რასაკვირველია, განსაზღვრულ პირობებში. ჰომეროსის პოემების გულდასმით განხილვა საშუალებას გვაძლევს გაეთვალისწინოთ ის, თუ როგორ თანდათან იცვლებოდა ძველი „პატრიარქალური“ ურთიერთობა მონებსა და ბატონებს შორის და მათზე შეხედულებაც საწინააღმდეგო ხასიათს ღებულობდა. ოდისეაში, რომელიც, როგორც ვიცით, ილიადაზე ასი წლით „ახალგაზრდაა“; ვკითხულობთ: მონა ზარმაცია, თუ ბატონმა იგი სასტიკი ბრძანებით არ აიძულა იმეშაოს, თვისი ნებით ხელს არ მოჰკიდებს სამეშაო: ძველმა რომ ადამიანს მონობის სამეშაო მძიმე ხედრი მიანიჭა, ამით მასში საუკეთესო ნახევარი სიკეთისა ჩაახშო (Od. XVII, 315—320) ამგვარად, უკვე გარკვეული შეხედულებაა წარმოდგენილი მონასა და მის შრომაზე.

ბერძენთა შორის იყვნენ ამ დროს აგრეთვე უცხოეთიდან გადმოსახლებული პირები (μετάνστες), რომელთაც ამა თუ იმ მიზნის გამო გაწყვეტილი ჰქონდათ კავშირი თავიანთ ტომებთან და სხვა მხარეში ეძებდნენ თავშესაფარს. ამგვარად მეტანასტები საზოგადოების განსაკუთრებულ ფენას ქონდნენ წარმოადგენდნენ, არამედ შეიზიარებულ უცხო ელემენტს. რასაკვირველია, ასეთ ხალხს ბერძენების საზოგადოებრივ ორგანიზაციაში არაერთი უფლება არ ჰქონდა. მათ დამცველად კი, თითქოს, სარწმუნოება გამოდიოდა, რომელიც ავალბედა სრულუფლებიან მოქალაქეთ თვისი ზეარველობის ქვეშ მიეღოთ უსახლკარო ყარბებში.

დასასრულ, უნდა შევიგრძნოთ იმ საკითხზე, არსებობდა თუ არა ამ დროს ბერძენთა საზოგადოებაში ვაჭართა წრე. როგორც უკვე იყო აღნიშნული, ჰომეროსის ეპოქაში ვაჭრობა ძლიერ დაკუმას განიცდიდა, მეტად მჭრთალი იყო და შემთხვევით ხასიათს ატარებდა. მისი საგანი იყო უწინარეს ყოვლისა სამხედრო ნადავლი. ამ დროს პრაქტიკა იმდენად გავრცელებული იყო, რომ თითოეულ გემში, რომელიც ზღვიდან ადგებოდა ნაპირს, ხედავდნენ პირაქების შემოსევას. მეუბნები და მათი შვილები სრულებით არ ერიდებოდნენ ასეთ ხელობას და აწყობდნენ შორეულ მგზავრობას ზღვით „ნადავლის მოსაპოვებლად“. თვით ოდისე გვიამბობს, თუ როგორ დაეცა ქალაქ ისმარს და როგორ გაცარცვა მისი მცხოვრებლები (Od. IX, 39—41). ხოლო ამასთან ერთად უეჭველად არსებობდა მეტად მცირერიცხოვანი ხალხი, რომელიც საგრეო ვაჭრობას წისდევდა: მო-

ჰქონდათ უკბო ქვეყნებიდან ისეთი ნივთები, რომლებსაც ადგილობრივ არ ამზადებდნენ, განსაკუთრებით ფუფუნების საგნები, და მოჰყავდათ მონები, რომელთაც სკელიდენ ბერძნების ნაწარმოებებზე. ევრიალი ალკინოოსთან მყოფ ოდისეს დაკინებით ეუბნება: „ყარიბო, ვხედავ შენ არ ჰგავხარ თამაშობაში გამოცდილ ხალხს, რაც მხოლოდ ძლიერ ატლეტებს შეფერის; ცხადია შენ ვაქრების წრიდან ხარ, რომლებიც დასტურავენ ზღვაზე თვისი მრავალნიჭიანი გემებით ვაქრობისათვის და მხოლოდ იმაზე ფიქრობენ, რომ გაასაღონ თვისი საქონელი, კვლავ დატვირთონ თვისი გემები და, რაც შეიძლება, მეტი მოგება შეიძინონ; მაგრამ ატლეტს შენ სრულებით არ ჰგავხარო (Od. VIII, 159 — 165). ამ სიტყვებიდან ჩანს, რომ ზოგიერთი პირი ზღვით მიეზიდებოდა სხვადასხვა ქვეყნებში ფუფუნების საგნებს და მიზნად იახავდა დიდი მოგების შეძენას; ჩანს ისიც, რომ ასეთ ხალხს „კეთილშობილთა“ წრე ზიზღით უტყუროდა და მისი ხელობა თვისი წოდებისათვის შეუფერებლად და სამარცხვინოდაც კი მიაჩნდა. საერთოდ სრული კარჩაკეტილობა არც ამ დროის საბერძნეთმა იცოდა.

### მ. სახელმწიფოებრივ-პოლიტიკური ორგანიზაცია

ბერძენი ტომების ამ პერიოდის სახელმწიფოებრივი წყობილების განხილვის დროს უპირველესად ყოვლისა ის უნდა აღინიშნოს, რომ დორიელთა გადასახლებით გამოწვეულმა პირობებმა ბოლო მოუღეს მიკენის დროის ძლიერ მბრძანებელთა თვითმპყრობელობით ხელისუფლებას. ამ მბრძანებლების ადგილს კვლავ ტომების უბრალო სახალხო მეფეები იკავებენ, რომლებიც ძველებურად *primus inter pares* იყვნენ.<sup>1)</sup> ასეთი მეფის უფლება ცხადად შეზღუდულია უხუცესთა საბჭოს მიერ, რომლის წევრები მოხსენებული არიან, როგორც *ἄγρονες*; *ῥοισυβρίαι* *ἡγεμόνες*; *καὶ ἀσπίται*; შემდეგში კი მეფესთან ერთად ზოგიერთი მათგანი ბასილევსის სახელწოდებასაც კი ატარებდა. ჰერუსიის ან უხუცესთა საბჭოს სხდომები ჩვეულებრივად მეფის სასახლეში კი არ წარმოებდა, არამედ გარეთ, მოედანზე (*Ἰσθμός*; ან *Ἰσθμός*). ზღუდავდა მეფის უფლებას აგრეთვე სახალხო კრება ტომის იმ წევრებისაგან, რომლებსაც შეეძლოთ უკვე იარაღის ტარება. სახალხო კრებაზე, რომელსაც მეფის ბრძანებით გზირები იწვევდნენ, ხელმძღვანელი როლი მკვესა და უხუცესთა საბჭოს ეკუთვნოდა.

სამაგიეროდ ამ პერიოდის ყველაზე უფრო საყურადღებო ახალი პოლიტიკური მოვლენა იყო პოლისი (*πόλις*), ქალაქი-სახელმწიფო, რომელსაც ბერძნების მთელი შემდეგი პოლიტიკური ისტორიისათვის ძირითადი მნიშვნელობა ჰქონდა. ერთგვარ მკრთალ ნიშნებს ქალაქური ცხოვრებისას ვამჩნევთ, თითქოს, ჯერ კიდევ მიკენის ეპოქაში, მაგრამ ნამდვილი ქალაქები, ამ სიტყვის უფრო შემდეგი დროის მნიშვნელობით, წააშობიშვია მკირე აზიის ახალშენებში. ამ მოვლენის განვითარებაზე ორ ძირითად მომენტს უნდა ჰქონოდა თვისი გავლენა: ჯერ ერთი იმას, რომ მკირე აზიაში ახალშენების სახით გადადიოდნენ არა მთლიანი ტომები, არამედ სხვადასხვა ტომის ცალკეული გვარები, თუ ნაწილები, და

<sup>1)</sup> მ.თი და ბერძენთა გვაროვნული წყობილების შესახებ იხ. ზემოთ, გვ. 19.

<sup>2)</sup> იხ. Wilcken, o. c. გვ. 45—47.

ამგვარად აქ უკვე ადგილი აღარ რჩებოდა ძველი ტომური წყობილებისათვის; აგრეთვე იმასაც, რომ აქ მათ დაიპყრეს მქიდროდ დასახლებული ქალაქები, რომლებშიც დაბინადდნენ, როგორც ბატონები. ამ ქალაქებმა უმეტეს ნაწილად შეინარჩუნეს თვისი მცირეაზიური სახელწოდებები. ამ ქალაქებიდან ბერძენთა ახალშენებმა ბატონობა მოიპოვეს აგრეთვე მათ სანახებზედაც, რაც პოლისის ცნებისათვის დამახასიათებელი შეიქნა. შემდეგში იონურმა ქალაქებმა დაარსეს 12 ქალაქის კავშირი, რომლის სარწმუნოებრივ ცენტრს წარმოადგენდა მიკალეს პანიონიონი ჰელიკონის პოსეიდონის კულტით<sup>1</sup>. დორიელთა ექვსმა ქალაქმაც შექმნა თვისი კავშირი აპოლონის კულტით ტრიოპიონის კონცხთან.

სულ სხვაგვარია საკუთრივ საბერძნეთის ქალაქების გენეზისი. აქ ქალაქები უფრო გვიან წარმოიშვა და სხვა პირობების გავლენა განიცადა. ამ მხრით ერთგვარი გავლენა უნდა მოეხდინა უკვე განვლილ მიკენის ეპოქას, მაგრამ ტომთა გადასახლების დროს განადგურებულ იქნა არა მარტო ციხე-ქალაქები, არამედ ზოგიერთი სხვა ადგილებიც. ამიტომ უფრო სარწმუნოა ის, რომ ამ დროს თავი იჩინა საბერძნეთის ცალკეული ნაწილების, რომელთა მნიშვნელობა ძველი მ.ხელი ტომური გაერთიანებებთან განსხვავებით თანდათან იზრდებოდა, მიწრაფებამ დამოუკიდებელი არსებობისადმი, ხოლო ამასთან ერთად ძლიერი სახელმწიფოებრივი ხელისუფლების შექმნის მოთხოვნილებამ გააოწვია ის, რომ თითოეული მხარის შუაგულში წარმოიშვა ისეთი ცენტრალური ადგილი, საიდანაც განაგებდნენ მთელ მხარეს. თუ ასეთ ცენტრალურ ადგილს ძველებურად ამკობდა ციხე, მის ძირში, მისი მუარველობის ქვეშ, მდებარეობდა საქალაქო ცენტრი, რომელიც ალბათ შირად ციხის სახელწოდებას ითვისებდა. ხშირი იყო აგრეთვე ისეთი მოვლენაც, როდესაც მეზობლად მდებარე კვლავ შერეულეული სოფლები ერთიანდებოდნენ და ჰქმნიდნენ მთლიან ორგანიზაციას, ან პირიქით სხვადასხვა სოფლის მცხოვრებნი ამა თუ იმ მიზნისა და მოსახრების მიხედვით ირჩევდნენ ერთ ადგილს და მასზე ესახლებოდნენ. ორსავე შემთხვევაში, თუმცა მათ შორის არსებითი განსხვავებაა, საქმე გვაქვს ეგრეთწოდებულ სინოკიზმთან (συνωκισμός). ასეთ ადგილებს ც პოლისი ეწოდებოდა.

საფიქრებელია, რომ ბერძნების ახალი ქალაქები უმეტეს ნაწილად იმ ადგილებში შენდებოდა, სადაც ძველად მიკენური ციხე-ქალაქები მდებარეობდა. ამ მოვლენაში გასაკვირველი არა უნდა იყოს რა, რადგან სრულეზით ბუნებრივად ეს ძველი ნანგრევები თვისი ხელსაყრელი ადგილდებარეობით კვლავ იზიდავდა თავისკენ ახალ მცხოვრებლებს; ზოგიერთ შემთხვევაში მნიშვნელობა ჰქონდა იმასაც, რომ ესა თუ ის ძველი ადგილი რომელსმე ცნობილ კულტთან იყო დაკავშირებული.

ღრმა და არსებითი განსხვავებაა ძველ-აღმოსავლური და ბერძნული ქალაქების სტრუქტურასა და გარეგნობაში<sup>2</sup>. ძველი აღმოსავლეთის ქალაქში მისი საღეთო პერიფერიაებით, ცენტროფეგალური სტრუქტურით, ბრძანებელთა უზარმა-

<sup>1</sup>) იონელთა 12 ქალაქის კავშირის ისტორიის შესახებ იხ. Wilamowitz, Panionion (Sitzungsber. d. Preuss. Akad. d. Wissen. 1906, III).

<sup>2</sup>) Franz Titsch, Die Stadtbildungen des Altertums und die griechische Polis, Klio, 1928 B. XXII, H. 1/2

ზარი სასახლეებით, „კეთილშობილით“ შენობებით და მონათა სადგომებით, სრულებით არ არსებობდა უბრალო თავისუფალი მოქალაქეთა სახლები. საერთოდ ამ ქალაქებს, თითქმის, არ მოეპოვება ისეთი პუნქტი, რომელშიაც შეიძლებოდეს მათი შედარება ბერძნულ პოლისთან.

მეორის მხრით ჩვენ ვიცით, რომ ძველი კრეტას ქალაქები გაუმარებელი და გარეგან კედელს მოკლებული იყო და უმეტეს ნაწილად მდებარეობდა ან ზღვის ნაპირად ან ველზე. ბერძნული ქალაქი პირიქით უკვე უფრო ადრინდელ ხანაში ან გარკვეულ სიმაგრესთან იყო დაკავშირებული და ან მაღალ პლატოზე მდებარეობდა; ხოლო უფრო გვიან დროში, მცირე გამოწკისის გარდა, ბერძნულ ქალაქებს შემოვლებული ჰქონდათ ზღუდეები. მაგრამ მათ შორის უფრო ღრმა განსხვავებას ვამჩნევთ. მინოსურ კრეტას ქალაქის ცენტრში იმყოფებოდა: სასახლე, დიდი საჯარო მოედანი, „თეატრონი“ და კულტის შენობები. ბერძნულ პოლისში კი ჩვეულებრივ ცენტრალური ადგილი ეკავა აგორას ბულევტერიონით და პრიტანეიონით, თეატრისა და ტაძრის უზარმაზარ შენობათ. ამ შემთხვევაში მთავარი მნიშვნელობა იმას აქვს, რომ სასახლე ტაძრის მიერ არის გამოდევნილი. საფიქრებელია რომ მიკენურ საბერძნეთში და აგრეთვე მინოსურ კრეტაში მბრძანებლები უშალესი ქურუმებიც იყვნენ; ხოლო ბერძნული ჰიერონის -- ტაძრის იდეა მისი ქურუმებით ღრმად განსხვავდება მთაერესის მიკენური სასახლეებისაგან. „მინოსურ და მიკენურ ქალაქებისაგან წარმომდგარ ბერძნულ პოლისს სტრუქტურა და მთელი მისი შინაარსის შემადგენელი ელემენტები ორივე ამ წყაროსაგან ჰქონდა მიღებული. კულტს, ხელოვნებას, ყოფა-ცხოვრებას, სახლებისა და ქალაქების აკების ფორმებს თვისი დასაწყისი მიკენურ საბერძნეთში და მინოსურ კრეტაში ჰქონდა. მაგრამ აქედან განვითარდა ახალი რამ, ბერძნული სულისა და მისი ცხოვრების ფორმის სავსებით შესატყვისი კლასიკურ ბერძნული ქალაქი, პოლისი“ (Tritsch. o. c. გვ. 82).

ზღუდეშემოვლებული პოლისი ბატონობდა მთელ მხარეზე და იყო მისი სამეურნეო და პოლიტიკური ცხოვრების ერთადერთი ცენტრი. მის მცხოვრებთ უმეტესი თუ რაღაც ეწოდებოდა. ქალაქ-სახელმწიფოს მართვებობაში მონაწილეობის მიღება ფაქტიურად შეეძლოთ მხოლოდ ქალაქის მცხოვრებთ, თუმცა მამული შეიძლება მათ ქალაქ გარეთაც ჰქონოდათ. პოლისის მთავარი დამახასიათებელი თვისება მდგომარეობდა, როგორც ეს უფრო გვიან უკვე განვითარებული სახით გვეჩვენება, თავისთავადობასა თუ სუვერენიტეტში; პირველი სახიერებოდა გარეგან თავისუფლებაში (ἐλευθερία), მეორე კი ავტონომიაში (αὐτονομία), ე. ი. საკუთარი კანონების მიხედვით ცხოვრების უფლებაში. ეს არის პოლისის, ანუ ვთქვათ, პოლიტიკური საფუძველი. მისი სამეურნეო ცხოვრების იდეალს კი ავტარკია (αὐτάρκεια) წარმოადგენდა, ე. ი. მისწრაფება ისეთი ნივთიერი მდგომარეობის შექმნისათვის, რომელშიაც პოლისს ექსპორტის გარეშე შეუძლია თავის გამოკვება. ამგვარად ბერძნული პოლისის დამახასიათებელია ავტარკია, ელევთერია და ავტონომია. როგორც ვთქვით, ქალაქი თანდათან აურცვლებდა თვის ბატონობას მის გარშემო მდებარე მხარეზე და ჰქმნიდა დამოუკიდებელ სახელმწიფოს, რომელსაც დღეს ქალაქ-სახელმწიფოს ვუწოდებთ. თუ ძველად მსხვილ ტომურ სახელმწიფოში სასახლხო

კრებას ძლიერ იშვიათად და ისიც დიდი გაჭირვებით იწვევდენ, ქალაქ-სახელმწიფოში პირობით ადვილი საქმე იყო მოქალაქეების საერთო კრებაზე საქიროების-სამებრ გამოძახება, (ἐκκλησία აქედან წარმოდგა სიტყვა ეკლესია -- ἐκκλησία).

ასე თანდათანობით ძველი ტომის შეიარაღებული წევრების საერთო კრების ადგილს იქერს ქალაქის მცხოვრებთა კრება, რომლის დაჯგუფებაც სავალდებულოა ქალაქ-სახელმწიფოს მთელი მოსახლეობისათვის. ასეთი ფორმა სახელმწიფოებრივი განვითარებისა ახასიათებს საბერძნეთის აღმოაღვლეთ ნაწილს, მაშინ როდესაც დასავლეთ ნაწილში, მაგ., აკარნანელებსა და ეპოლიელებს შენარჩუნებული ჰქონდათ ძველი ტომური წყობილება და ცხოვრობდნენ ცხლებში და სოფლად. უმეტეს შემთხვევაში ძველი ტომური გაერთიანებანი ნაწილდებოდნენ მრავალ პატარა დამოუკიდებელ ქალაქ-სახელმწიფოებად. სრულებით გარკვეულ გამონაკლისს ამ მხრით წარმოადგენს ლაკონია და ატიკა, რომლებიც მთლიანად გაერთიანებულ იყვნენ მათი მთავარი ქალაქების — სპარტისა და ათენის გარშემო.

ქალაქი-სახელმწიფოს განვითარება განსაკუთრებით სავარგებლო აღმოჩნდა კეთილშობილთა წრისათვის. რა კი ქალაქში იქნა დაფუძნებული სახელმწიფოს გამგებლობის აპარატი, აქეთ გამოეშურენ კეთილშობილთა წრეებიც. ამავდროს საზოგადოებრივ-სახელმწიფოებრივი ცხოვრების მოთხოვნილება თანდათან იზრდებოდა და რთულდებოდა, და სხვათა შორის საქირო გახდა მეფეებისათვის მახლობელი თანამშრომლებისა და მოხელეების შტატის შექმნა. თავისთავად ცხადია, რომ ამ ადგილზე იწვევდენ კეთილშობილებს, რომლებიც ამიერიდან უფრო ინტენსიურად მონაწილეობენ მეფეებთან ერთად სახელმწიფოს გამგებლობაში.

ასეთი მოვლენის შტდეგი ის იყო, რომ კეთილშობილთა პოლიტიკური ხვედრითი წონა უდიდესად გაიზარდა, ხოლო მეფეების მნიშვნელობა კი თვალსაჩინოდ დაეცა და ბევრგან მალე მათ ხელისუფლებასაც მოელო ბოლო. პოპულარობის პოემები საყურადღებო მასალას იძლევა იმის გასათვალისწინებლად, თუ როგორ თანდათან ჰკარგავენ მეფეები თვის ავტორიტეტსა და „ღვთაებრივობის“ ნიღაბს. ილიადაში პოეტი ალაპარაკებს უბრალო ხალხის წარმომადგენელს თერსიტეს, რომელიც ყოველთვის ცდილობს შეუფერებელი სიტყვებით მოიხსენიოს მეფეები და მეტი ჩრდილი მიაყენოს მათ სახელს მართალია, პოეტის აღწერით, თერსიტე გარეგნობით მეტად მახინჯი იყო; მართალია, ისიც, თითქოს, ხალხი მას თანაგრძნობით არ უსმენდა და ოდისემაც გვარიანათ სცემა, მაგრამ რომ თერსიტეს გამოსვლერი ყოველგვარ მნიშვნელობას მოკლებული ყოფილიყო, ცხადია, პოეტი მათ აღნიშვნის ღირსად არ მიიჩნევდა. მეფეებმა დროთა ვითარებაში დაჰკარგეს თვისი გავლენა ხალხის ზოგიერთ წრეებში მაინც და ხშირად ხდებოდნენ მწარე დაცინვისა და გაკაცვის ობიექტად. თერსიტე ამ შეძახევაში ერთი იმთავანია, ვინც მეფეებს უკვე ჩამოგლიჯა ღვთაებრივობის საბურავი და ასამართლებდა მათ, როგორც ჩვეულებრივ მოკვდავთ. თუ რამდენად

დაეცა შეფეების ავტორიტეტი, ჩანს, თუგინდ, იმ უდიდესი თავხედობისა და წრესგადასული მოქცევისაგან, რომელსაც პენელოპას საქმროვე იჩენდენ ოდისეს სახლში და იმ სახალხო კრებაზე, რომელიც ტელემაკმა მოიწვია. თვის კუნძულზე დაბრუნებულ გადაცმულ ოდისეს თვით უხდება ამ მხრით დარწმუნდეს, თუ როგორი ღრმა ცვლილება მოხდა მეფის მიმართ დამოკიდებულებასა და მისი ხელისუფლების შესახებ შეხედულებაში.

აგრეთვე იმის კარგ სურათს, თუ როგორ განმტკიცდა კეთილშობილთა წრის ბატონობა, იძლევა ოდისეა ფეაკელების სახელმწიფოს დახასიათებაში: აქ მეფე ალკინოოსის გვერდით ვხედავთ კიდევ სხვა მრავალ ქაჯაქაჯა, რომლებიც, თითქოს, ბასილევების კოლეგიას ჰქმნიან სახელმწიფოს გამგებლობის საქმეში.

ყოველ შემთხვევაში მეფის ხელისუფლების ეკონომიური ძლიერების საბოლოო დაკემა ნათლად მოჩანს იმ ფაქტიდან, რომ მათ კარზე თვალსაჩინოდ ჰქრება აღმოსავლური ფუფუნება და ისპობა უდიდესი მშენებლობა. ამით ბოლო ედება აგრეთვე სამეფო კლიენტელის განვითარებასა და დიდი სახელმწიფოს შექმნის შესაძლებლობას. მეორის მხრით უნდა წარმოშობილიყო ისეთი სოციალური წრე, რომელიც თვისი ეკონომიური მდგომარეობით მეფეებს დიდ კონკურენციას უქმნიდა. ამ წრის შემადგენელი წევრები პირველ რიგში უნდა ყოფილიყვნენ მეფის თანამებრძოლი ამხანაგები, რომელთაც მით უფრო მალე უნდა შეეკმნათ მიწისმფლობელი, თვის ხარჯზე შეიარაღებული და მეფისაგან ემანსიპაციკმნილი სამხედრო ფენი, რაც მეტად ჰკარგავდა თვის მნიშვნელობასა და მიმზიდველობას მეფის უკვე ძირგამოთხრილი „სავანძური“. ლაშქრობაში გამგზავრებულ მეფე სარდალს (Heerkönig) უკვე დამოუკიდებლად აღარ უპყრია არც ჯარების სარდლობა და არც მათი ეკონომიური საფუძველი, ე. ი. მოლაშქრეთა შეიარაღება და სურსათით უზრუნველყოფა.

ამ მხრით მეფის გვერდით მალღლებიან სხვა წარჩინებული „გვარები“, რომელთაც, როგორც მეფეს, აქვსთ თვისი საკუთარი ციხე-კოშკები და რომლებიც იმავე „ქალაქში“ ცხოვრობენ, სადაც მეფე. ისინი აღიარებენ მეფის, როგორც თანასწორთა შორის პირველის, ხელისუფლებას, ხოლო ყოველივე დანარჩენში თანასწორობის საფუძველზე აწესრიგებენ სახელმწიფო საქმეებს. ისინი მხოლოდ სამეურნეო მიზნით მიემგზავრებიან სოფელში, რომ ინახულონ თვისი მწყემსები, რომელთაც მონებისა და კლიენტების ლენური მფლობელობის საფუძველზე ჰქონდათ მიცემული მიწები. ყველა ეს წარჩინებული „გვარები“ (Geschlechter) ახერხებენ სამხედრო ნადავლიდან თვისი ხვედრი ნაწილის შობოვებით და საზღვაო ვაჭრობაში მონაწილეობით შედარებით დიდი მამულებისა და ქონების შექმნას და საკუთარ ხარჯზე აიარაღებენ თვის კლიენტებს. სამეფო ხელისუფლება განსაკუთრებით ეცემა ზღვის ნაპირად მდებარე მხარეებში, სადაც შედარებით უფრო ძლიერი იყო საზღვაო ვაჭრობა, მაგრამ ასეთი მოვლენა ვითარდებოდა აგრეთვე კონტინენტზედაც. ასეთი გზით წარმოშობილი „ბეძნული საშუალო საჯკუნეების სახელმწიფო“, როგორც მას ედ. მაჯერი უწოდებს, სოციალური ურთიერთობის მხრით დიდ სხვადასხვაობას წარმოადგენს.

მთელ საბერძნეთში ჩნდება ის რაინდული საზოგადოება, რომელიც აწყობს სამხედრო სპორტს და ეროვნულ ტურნირებს, რომელიც აზხადებს ნიადაგს გმი-



რული და შემდეგში ს. სიყვარულო (Minnesota) სიმღერებისათვის და საშუალო საუკუნეების ყაიდაზე იწყებს რაინდთა უთანამოებების „Common“-ის მოწესრიგებას და ბრძოლაში მიმართავს კურტუაზიის ფორმებს. თითოეული სახელმწიფოს შიგნით ეს საზოგადოება დანაწილებულია ერთიმეორესთან მუდმივად მოქიშვე გეარებად, სანამ აქაც, როგორც საშუალო საუკუნეებში, ცალკეულ გეარებს არ დაებადა აზრი - „აღსემნეტებისა“ თუ „ტირანების“ სახით „ხალხთან“ დაკავშირების გზით სინიორიამდე ამაღლებისა<sup>1)</sup>.

როგორც უკვე იყო ნათქვამი, მეფის ხელისუფლების დაცემის ხელი შეუწყო პოლისის გავლენამ კეთილშობილთა წრის მნიშვნელობის აწილებათა და იმ პრაქტიკულ მოთხოვნილებათა წარმოშობამ, რომ მეფეებისათვის ამოერჩიათ სათანადო თანამშემწეებო და მოხელეები იმავე კეთილშობილთა წრიდან. აღბათ, ამით აიხსნება ის გარემოება, რომ მეფობა შენარჩუნებულ იქნა მხოლოდ იქ, სადაც პოლისი არ არსებობდა, მაგ., სპარტაში, მაკედონიაში, ეპირში. ბატონობის გადასვლა კეთილშობილთა ხელში, უეჭველია, აქა-იქ რეკოლუციონური გზით მოხდებოდა, მაგრამ უმეტეს ნაწილად იგი შედეგი იყო უფრო ეკოლუციონური განვითარებისა, რომელშიაც მეფე თანდათან წლიურ მოხელედ იქცა და განსაზღვრული ადგილი დაიკავა სხვა მოხელეთა შორის. ასე მოხდა, მაგ. ათენში, სადაც ბასილევსი არქონტების კოლეჯის მეორე წევრი შეიქნა, ან კორინთოში, სადაც 747 წლიდან ბაქიალებს სამეფო გეარეულობის წევრები სახელმწიფოს სათავეში დგებიან, როგორც წლიურად არჩეული „პრიტანები“. მაგრამ საერთოდ უნდა ითქვას, რომ მონარქიიდან არისტოკრატიულ წყობილებათა გადასვლა სხვადასხვა ადგილას სხვადასხვაგვარი იყო.

მონარქიული წყობილება პირველად ბერძენთა მცირე აზიის ახალშენებში დაეცა და ეს გასაგებიცაა, რადგან აქ უფრო ადრე უნდა განვითარებულიყო ის პირობები, რომლებიც ამ პროცესს ხელს შეუწყობდა, თუმცა აქაც ძველი სამეფო გეარეულობის წევრებს დიდხანს ექირათ განსაკუთრებული ადგილი, როგორც მაგ., ბასილიდებს ეფესში და ერითრეში.

კეთილშობილთა ბატონობის დამყარებამ ხალხის ქვედა ნაწილებისათვის მეტად მძიმე მდგომარეობა შექმნა. თუ წინათ მეფე გარეგნულად მაინც თავის თავს წარჩინებულთა და უბრალო ხალხს შორის შუამავლობას აკისრებდა და, თითქოს, ცდილობდა კიდევ ზოგიერთ შემთხვევაში დემოსისათვის მფარველობის აღმოჩენას, რადგან მხოლოდ ამ გზით შეეძლო წინააღმდეგობა გაეწია მოქიშვე არისტოკრატიისათვის, ახლა კეთილშობილთა ბატონობა ხალხისათვის მეტად მძიმე უღლად გადაიქცა, რომელიც ეკონომიურ ცხოვრებაში მომხდარი გადატრიალებით უფრო რთული და აუტანელი შეიქნა. ამ დროის სოფლის შრომარებლებს ბედშავი მდგომარეობა ჰქონდა და გვიხანიათა პოეტმა ჰეზიოდემ თავის პოემაში - „სამუშაონი და დღეები“. მაგრამ აქ მასზე უკვე აღარ შევჩერდებით, რადგან ამ ეპოქის განხილვა ამ ნაშრომის მეორე ნაწილში გვექნება.

<sup>1)</sup> იხ. Прф. Макс Вебер, *Аграрная История древнего мира*. Москва, 1923, стр. 140-153.

#### 4 ანბანის შემოღება. კულტურა და სარწმუნოება.

ამ პერიოდში ბერძნების კულტურული მდგომარეობის გათვალისწინების დროს პირველ რიგში უნდა დაეახებოთ ის უდიდესი მიღწევა, რომელიც ბერძნების მიერ IX საუკუნეში საკუთარი ანბანის შემოღებაში გამოიხატება. დღეს ჩვენ უკვე მოგვეპოვება ბერძნული დამწერლობის ნიმუშები ქრ. წ. VIII საუკუნის დასაწყისიდან. თვისი ანბანი ბერძნებმა ფინიკიელებისაგან გადმოიღეს. ფინიკური დამწერლობა, რომელიც დღეს ბიბლოსის ეთი წარწერის მიხედვით უკვე ქრ. წ. XIII საუკუნისთვის არის დამოწმებული, დამწერლობის ყველა ძველ სისტემას აღემატება იმიო, რომ იგი არის წმინდა ანბანური ბგერითი შრიფტი. უკანასკნელი დროის აღმოჩენამ სინაის ნახევარკუნძულზე საეკოდ გახადა ფინიკიელების პიონერობა ანბანური დამწერლობის გამოგონების დარგში; საქმე იმაშია, რომ ხსენებულ ნახევარკუნძულზე იპონეს ეგვიპტური პიროგლიფებისაგან წარმომდგარი ანბანური შრიფტი, რომელიც ფინიკურის წინასაფეხურად მოჩანს<sup>1</sup>.

რომ ბერძნებმა თვისი ანბანი ფინიკიელებისაგან გადმოიღეს, ამას სრული უეჭველობით ამტკიცებს: 1) ჰეროდოტეს ცნობა (V, 58), რომ იონელებმა ანბანი ფინიკიელებისაგან შეისწავლეს, და რომ ბერძნულ ასოებს *φαιναξία γράμματα* (ფინიკური ასოები) ეწოდებოდა; ამასვე ადასტურებს ტეოსის ერთი წარწერა (სადაც ნახსენებია *γράφια φαιναξία*); 2) ბერძნული დამწერლობის უძველეს ძეგლებში ბერძნული ასოები თვის ფორმით დიდად წააგავს ფინიკურ ანბანს, ზოგიერთ შემთხვევაში კი მათ შორის სრული მსგავსებაა; 3) ბერძნული ასოების სახელები არა ბერძნულია, არამედ ოდნავ გადასხვაფერებული ფინიკურ — სემიტური, მაგ., — ალფ, ბერძნულად — ალფა, ბ — ბეტ, ბერძნ. — ბეტა, დ — დალეტ, ბერძნ. — დელტა და სხვა. მაგრამ გარკვევით უნდა აღინიშნოს, რომ ბერძნებმა ფინიკიელებისაგან შეითვისეს უმთავრესად წერის ტექნიკა, რომელიც გენიალურად შეუფარდეს თვის მოთხოვნილებათ. ფინიკური ანბანის ბერძნულისათვის მომარჯვებისა და შეესების პროცესი სწარმოებდა თანდათანობით, საკმაოდ ხანგრძლივი დროის განმავლობაში. არა სხვისი საუნჯის უბრალო გადმომღებლად გვევლინებიან ამ შემთხვევაშიც ბერძნები, არამედ ამ ახალ მონაპოვარში უეჭველად შეაქვსთ თვისი საკუთარი შემოქმედებისა და დაკვირვების თვალსაჩინო ელემენტი. ამგვარად, უკვე IX საუკუნეში (ქრ. წ.) ბერძნები აღიქურვენ იმ დიდი იარაღით, რომელმაც ფასდაუდებელი სამსახური გაუწია მათ კულტურულ განვითარებას<sup>2</sup>.

<sup>1</sup>) ბიბლოსის წარწერის წესებზე იხ. Gressmann, Zeitschrift f. d. Alttest. Wissenschaft. 1924.

<sup>2</sup>) სინაის შრიფტის შესახებ — K. Sethe, Nachr. Gött. Ges. 1917.

<sup>3</sup>) თავის დრ.ზე ბერძნული ანბანის ისტორიისათვის ძირითად სახელმძღვანელოს წარმოადგენდა — Adolf Kirchhoff-ი „Studien zur Geschichte des griechischen Alphabets“. ახალ გამოკვეთათ კი ახალ აღმოჩენებზე დამყარებით ახალი პრობლე ები აქვს წარმოდგენალი. იხ. ავრ. Fr. Praetorius, Zur Geschichte des griechischen Alphabets (Zeit d. Deut.

როგორც აღნიშნულია, ანბანის შექოლება ბერძნების მიერ IX საუკუნეში უნდა მომხდარიყო, ხოლო ეს ფაქტი, რასაკვირველია, ვერ დაფარავს იმ დიდ კულტურულ დაქვეითებას, რომელსაც საბერძნეთი მასზე წინ და ნაწილობრივ მის შემდეგაც მოკლე დროში მაინც განიცდიდა. არსად ეს დაცემა ისე ნათლად არ გვეცხადება, როგორც სასხვითი ხელოვნების დარგში. მიკენის ეპოქასთან შედარებით აქ გვევლინება შემოქმედების სრული სილატაკე და უბადრუტობა. როდესაც აუცილებელი გახდა ქალაქებისათვის კედლების შემოვლება, აგებდნენ უკვე არა „ციკლოპურ“ კედლებს, არამედ უბრალო მიწის თხრილებს. მართალია, ამ პერიოდის დასასრულში სარწმუნოებრივმა განვითარებამ ბერძნულ ხელოვნებაში მოძღვრებასა და ქანდაკებას ახალი ამოცანა დაუსახა, სახელდობრ, ლეკრების სხლების აგება და მათი გამოხატულებების შემზადება, მაგრამ ყოველივე ამას იხეთი არავაძლევ მასალისაგან აკეთებდნენ, რომ მათგან თითქმის არა შენახულა რა. მიკენის დროის ოსტატრ ავებდა ციხეებს, სასახლეებს, ცოცხალთა და მიცვალეულთა დიდ სადგომებს; ახლა კი პირველად წარმოიშვა მოთხოვნილება ლეკრებისთვის ღირსეული სადგომების აშენებისა და ტაძრების აგებას მიაპყრეს თვისი მთავარი ყურადღება იმ დროის ხელოვნებმა და მხატვრებმა. საკმაო საბუთები მოგვეპოვება ვიფიქროთ, რომ ტაძრებს ძველი ნამდვილი ბერძნული მეგარონის სტილის მიხედვით უბრალო საშუალებით აგებდნენ თავდაპირველად ხისა და აგურებისაგან და მხოლოდ VII საუკუნეში გადავიდნენ ქვებზე იყო ამოკრილი აგრეთვე ამ დროის კულტის სხვადასხვა გამოხატულება (Zwarg). ამ ხანის ბერძნული მხატვრობის დამახასიათებელია სამეურნეო ჩამორჩენილობის შესატყვისი და წარსულთან შედარებით უბადრუკი პროტოგეომეტრიული ვახები (დახ. X საუკუნიდან), რომლებსაც, თითქოს, გადმოღებული აქვს მიკენური ტექნიკის ზოგიერთი ელემენტი, მაგრამ თვისა ტლანქად შეარულებული გარეგნობით უფრო პრიმიტიული დროის გეომეტრიულ ორნამენტულის მოგვაგონებს. სხვა სურათს ეხედავთ საბერძნეთის იმ მხარეებში, რომელთაც დორიელთა გადასახლებაასთან დაკავშირებული ტომების მოძრაობა და დაპყრობა ნაკლებად ან სავესებით არ შეხებია, ქერძოდატიკაში, სადაც გეომეტრიულმა სტილმა ეგრეთწოდებულ დიპილონის სტილში მალაღ განვითარებას მიაღწია. განსაკუთრებით საუკეთესო ნიმუშები გეომეტრიულად შექმნილი ვახებისა აღმოჩნდა ათენის სასაფლაოზე, ეგრეთწოდებული დიპილონის (ორმაგი კიშკრის) წინ, ამიტომ ყველა ასეთ ვახს დიპილონის ვახები ეწოდა. ამ ვახებზე გეხვდება ხაზოვანი სურათები წერტილებისა, წრეებისა და ჯვრების კონბინაციითაგან. ტექნიკის განვითარებასთან ერთად, თავდაპირველი ხაზოვანი ორნამენტების გვერდით ჩნდება თანდათანობით სურათები ორგანიულ სამყაროდანაც; ხელშესახებია აგრეთვე მცდელობა ადამიანთა ცხოვრების სცენების გადმოცემისა; ეხედავთ, მაგ.: დლეობებს, მეომართა პროცესიებს, ბრძოლას ხმელეთსა და ზღვაზე, მიცვალეულთა დამარხვის პროცესიებს და სხვ. ასეთი ვახების უშნო

Morgenländ. Ges. B. 52, 1902), W. L a r f e l d, Griechische Epigraphik, და სხვ. ძველი ტექნიკის სურათებს გაძღვას H. R o e h l-ის Imagines inscriptionum graecarum antiquissimarum in usum scholarum<sup>3</sup>, 1907, და სხვ.

სტილიზირებული ფაგურები მიკენის ეაზების მხატვრობის უკანასკნელი გან-  
შტოების სურათებს გვაგონებს. უფრო გვიან მხატვრობაში კვლავ იკრება მო-  
ტივები მცენარეთა წრიდან და სპირალები.

ვილკენის მოსწრებული თქმით (გვ. 53), საზოგადოდ ძნელია იმაზე უფრო  
მეტი კონტრასტის წარმოდგენა, ვიდრე „საშუალო საუკუნეების“ ეს მკვლევარი  
ეომეტრიული სტილია და მიკენის ბრწყინვალე ეპოქის ფანტაზიით სავსე  
ნატურალისტური მხატვრობა.

ეს ეომეტრიული სტილი, რომელიც საუკუნეთა განმავლობაში ვითარდებოდა,  
ბოლოს გადაეხვეა იქნა აღმოსავლური ხელოვნების ზეგავლენით. ეს ფაქტი  
ფინიკიელების შუამავლობით უნდა მომხდარიყო IX საუკუნეში. თანამედროვე  
მკვლევართა დაკვირვებით, ცალკეული აღმოსავლური მოტივები მოჩანს ჯერ კიდევ  
წმინდა ეომეტრიულ ნაწარმოებებში. შუა ადგილი უჭირავს იმ გამოსახულებათ,  
რომლებიც კვლავ შერეული არიან ეომეტრიული ხელოვნების ელემენტებთან.  
ბაზილის კი სრულებით ვითარდება და მტკიცდება ორიენტალიზირებული  
სტილი, რომლისათვისაც განსაკუთრებით დამახასიათებელი ის არის, რომ  
ადგილობრივი შინაური და სანადირო ცხოველების ადგილს იკებენ გარეული  
ცხოველები (მაგ. ლომები) და აგრეთვე აღმოსავლური ფანტაზიის შერეული  
სახისა და ზღაპრული ცხოველები (მაგ. სფინქსები, გრიფები). არა მარტო იონი-  
აშ, სადაც ურთიერთობა აღმოსავლეთთან არ შეწყვეტილა, არამედ საკუთრივ  
საბერძნეთშიც ამ დროს აღმოსავლეთის გავლენა ხელოვნებაზე დიდი იყო. მაგრამ  
აქ ერთხელ კიდევ ვამჩნევთ ძველი ბერძნების იმ გასაოცარ ნიქს, რომლის  
წყალობითაც მათ შეეძლოთ უცხო ქვეყნებიდან გადმოღებული და შეთვისებული  
მოტივები საკუთარი საშუალებით და საკუთარი მხატვრული ხერხითა და საშუა-  
ლებით შეეფარდებიათ თვისი კულტურული მოთხოვნილებათათვის. ამიტომ  
სამართლიანად უთქვამს პსევდოპლატონის ეპინომისის ავტორს, რომ ბერძნები  
აკეთილშობილებდნენ ყოველივეს, რაც კი მათ ბარბაროსებისაგან ჰქონდათ გად-  
მოღებული (ვილკენი, იხ. გვ. 54).

ამ დროის კულტურული მდგომარეობის გათვალისწინების საქმეში დიდ  
წახმარებას გაგიწევს სარწმუნოების გაცნობა. ამ მხრით ფრიად საყუ-  
რადლებო მოსაზრება აქვს გამოთქმული ისტორიკოს ჰეროდოტეს. იგი სწერს:  
საიდან გაჩნდნენ ღმერთები, მუდამ არსებობდნენ თუ არა, როგორია მათი ხატება,  
ამის შესახებ ბერძნებმა უკანასკნელ დრომდე არაფერი არ იცოდნენ. მე ვფიქრობ,  
რომ ჰენიოდე და ჰემეროსი ჩემზე ადრე ცხოვრობდნენ არა უმეტეს 400 წლისა;  
მათ შეკმენეს ბერძნებისათვის ღმერთების გენეალოგია, მიანიჭეს ღმერთების სახე-  
ლებს ეპითეტები, დაანაწილეს მათ შორის ღირსება და ხელობა და აღბეჭდეს  
მათი ხატებანი (II, 53). ამგვარად, ჰომეროსის პოემებს, როგორც ჰეროდოტეს  
სიტყვებიდან ჩანს, უდიდესი გავლენა მოუხდენია ბერძნულ სარწმუნოებაზე.  
საერთოდ უნდა ითქვას, რომ ჰეროდოტეს სიტყვები უქველად შეიცავს სინამ-  
დილეს იმ მხრით, რომ ოლიმპის ღმერთები, როგორც მათ პოეტები გვისურა-  
თებენ, არიან არა წინანდელი დროის ღმერთებთან წარმოდგენის ორგა-  
ნიული განვითარება, არამედ უმეტეს ნაწილად უფრო პოეტური ფანტაზიის  
შემოქმედება. ამასთან, ვინაიდან პოეტები თვის სიმღერებში ხეობდნენ შორეულ

გმირულ ეპოქას, რომეც შუა ლენიოები ჯერ კიდევ გმირებთან ერთად არსებობდენ, საკირო შეიქმნა ისეთი განკაცებული ღმერთების სამკაროს შექმნა, რომელიც შეეძლოთ მათ ადამიანთა ქვეყნისადმი დაეპირდაპირებიათ. მაშალია, ღმერთებზე ანთროპომორფული თვისებების გავრცელება ჯერ კიდევ მიკენის ეპოქაში იწყება, მაგრამ პოეტების საქმეა ის, რომ ახლა ღმერთები ნამდევლად ადამიანებად იქცენ და ამ უკანასკნელთაგან განსხვავდებიან მხოლოდ უკვდავებითა და ამბროზიით და ნექტარით დატკობით. მათივე საქმეა ისიც, რომ ხალხური რწმენის მრავალი ღმერთი გენეალოგიურად ღვთაებათა ერთ პატარა წრეში შეაერთეს და ეს უკანასკნელი იმ დროის წარჩინებულთა საზოგადოების მიბაძვით ერთი მეფის — ძეგის გარშემო დააჯგუფეს. მათეე მიუჩინეს ოლიმპის თითოეულ ღმერთს გარკვეულად შემოთარგლული ასპარეზი მოქმედებისა. ასეთი გზით წარმოდგა ოლიმპის ღმერთების სამყარო, რომლის მეთაურია ღმერთებისა და ადამიანების მამა, ძეგის მამა, იდაზე გამეფებული, უმაღლესი, უდიდებულესი. მას გარს ახვევია ღმერთების მთელი გუნდი, თითოეული მათგანი ძეგს ემორჩილება და მის ბრძანებას ასრულებს, თუმცა ზოგჯერ არ ერიდებიან პირში მწარე სიტყვაც უთხრან. ძეგს, რომელსაც თავის ერთი გაქნევი ი შეუძლია ძირიან-ფესვიანად შეანარჩოს ოლიმპი და მასთან მთელი ქვეყანა, უკირს განმარტება მისცეს თვის იქვიან მეუღლეს — ჰერას ამათეიმ საკითხის შესახებ. საერთოდ, ამ ღმერთებს ახასიათებს ყოველგვარი ადამიანური თვისება, როგორც კეთილი, ისე ბოროტი.

ეპოსის წყალობი ი ოლიმპის ღმერთები პირველად მთაერების კარზე და იმ დროის რაინდთა წრეში კვაულობენ ცნობას და თანდათანობით იხვეიქენ ოფიციალურ აღიარებას. მათ ჰყოფდა მთელი უუსკრული ღმერთებისა, რომლებიც ხალხური რწმენის ცოცხალ კულტში საზგებლობდენ თაყვანისცემით. ესენი იყენენ კუთხური ღვთაებები, რომლებსაც სხვადასხვა ადგილას სხვადასხვა სახით, უფრო ხშირად კი ძველი ფეტიშების ფორმით, სცემდენ თაყვანს, მაშინ როდესაც აქა იქ ფეტიშები უკვე სიმბოლოებად თუ სათანადო ადგილობრივი ღვთაების საღვთო ცხოველებად გადააქციეს, როგორც, მაგ., ძროხა არკოსის ჰერას კულტში ან ბუ — ათინას კულტში, რაზედაც გაკერით მიგვითითებს პოეტური ეპითეტები — *βροχίαι*<sup>1</sup> და *βουχίαι*<sup>2</sup>. ოლიმპის ღმერთებისაგან განსხვავებით, რომლებიც საერთო — ბერძნული ღვთაებები გახვეენ, ეს ღმერთები წმინდა კუთხურ ღვთაებად დარჩენ და, როგორც ასეთებს, მიკუთვნილი ჰქონდათ მოქმედების არა განსაზღვრული სარბიელი, არამედ მრავალმხრივი მნიშვნელობა და ცხოველების ყოველ გასაპირში თუ მწუხარებაში თითოეულ მათგანს მისი კუთხის მცხოვრებლები მიმართავდენ სრული დახმარების რწმენით, როგორც ღმერთს (*θεός*). ამ კუთხური ღმერთების შესახებ ჩვენ ძლიერ მცირე ცნობები მოგვეპოვება, რადგან ისინი ლიტერატურაში არ შეტკობილან, მხოლოდ ზოგიერთ წარწერაში თუ აღმოჩნდება ხოლმე ბედნიერი შემთხვევით მათი სახელები (ვილკენი, 50 — 51). დაახლოებით VIII საუკუნეში ანთროპომორფიზმა გზა გაიკვლია

1) *βροχίαι* = ძროხა, ხარი, და *βουχίαι* = სახე, გამოხედვა.  
2) *βουχίαι* = ბუ. ან *βουχίαι* = ბრწყინვალე, ნათელი და *βου* = გამოხედვა, სხე.

აგრეთვე ლოკალურ კულტებშიც, რაკი წარმოიშვა ადამიანის სახის კულტის გამოხატულებანი, დაიბადა ამასთან ერთად ზოთხოვნილება განკაცებული ღმერთებისათვის საცხოვრებელი ადგილების აშენებისა საკურთხეველების გვერდით და ამ ნიადაკზე წარმოდგა ბერძნული ტაძრები. ამ უკანასკნელთა მცველებად კი გვევლინება მსახურთა განსაკუთრებული ჯგუფი — ქურუმები (ἱερείς). აქვე გარკვევით უნდა აღინიშნოს, რომ ძველი აღმოსავლეთის ქურუმებსა და ბერძნების ქურუმთა შორის დიდი და ღრმა განსხვავებაა: ბერძენი ქურუმი, წინააღმდეგ აღმოსავლეთის ქურუმისა, იყო არა ჩვეულებრივ მოკვდავთა მალა მდგომი და ღვთაებასთან დაახლოვებული ან ნაკურთხი პიროვნება, არამედ აღმასრულებელი საზოგადოებრივი ღვთისმსახურებისა, რომელიც თითოეულ მოქალაქეს, რომელსაც ამის საშუალება ჰქონდა, შეეძლო შეესრულებინა (Isocrates ad. Nicocl. 6. ვილკენი, 51) საზოგადოდ საბერძნეთს არ შეუქმნია ქურუმთა განსაკუთრებული ძლიერი წოდება, როგორც ამას ადგილი ჰქონდა ძველ აღმოსავლეთში, რაც ხშირად ჰქმნიდა აქ სახელმწიფოს სახელმწიფოში, როგორც, მაგ., ეგვიპტეში, სადაც ქურუმთა ძლიერმა წოდებამ XI საუკუნეში ხრიხორის სახით შექმნა წმინდა თეოკრატიული სახელმწიფო<sup>1</sup>. ამას გარდა ბერძნულ სარწმუნოებრივ აზროვნებას საერთოდ არ წარმოუშვია თეოლოგიური დოგმები, პირიქით ყველას თავისუფლება ჰქონდა სარწმუნოებრივი ტრადიციის თვისი მსოფლმხედველობის მიხედვით წარმოედგინა. ამიტომაც სარწმუნოებრივ იდეათა გავრცობასა და განვითარებას აწარმოებდენ არა ქურუმები, არამედ პოეტები და ფილოსოფოსები. აქედან გამომდინარეობდა სრული პატივისცემა სხვაგვარად მოაზროვნე ადამიანის რწმენისადმი, რაც თვის საერთო გამოხატულებას პოულობდა „ძველ თქმაში“: დეე, შენ ეს ასე გეჩვენებოდეს, მე კი ასე მიჩვენება (Νῆς γὰρ ἀνὰ τὴν ἑσθῆν ἔφαθ, ἔγὼ δὲ ἄλλως, Athenaeus IX, 367). საზოგადოდ ის ძვირფასი ტოლერანტობა, რომელსაც ძველი ბერძნები იჩენდენ სხვა ხალხთა სარწმუნოებების მიმართ, მათი ცხოვრების ფრიად დამახასიათებელი მხარე იყო ყოველ დროში და თერს საუთუქველში იგი არსებითად სხვა არა არის რა, თუ არა „შეგნება, რომ სახელები და, ფორმები თავყვანისცემისა უბრალო რამ არის, ხოლო ღვთაება კ, რომელიც ამ სახით თუ იმ სახით იქნება მოწოდებულ, მორწმუნეთა გულში ერთი და იგივეა“ (ვილამოვიცი, Hellenistische Dichtung I, 1924, S. 69; იხ. ვილკენი, გვ. 52).

„უკვდავი ღმერთების“ გულის მოგება, ამ პერიოდის რწმენის მიხედვით, შეიძლება საჩუქრების მიართმევით, მსხვერპლის შეწირვით და განსაკუთრებით მდიდარი ჰეკატომბების (დიდი სახალხო მსხვერპლშეწირვის) მოწყობით. მსხვერპლის შეწირვა შეეძლოთ არა მარტო ქურუმებს, არამედ თვისი თემის სახე-

<sup>1</sup>) იხ. ალ. წერეთელი, ძვ. აღმ. I, გვ. 82; აგრეთვე ედ. მაჟარის ძვირფასი ახალი გამოკვლევა — Gottesstaat, Militärherrschaft und Ständewesen in Ägypten (Sitzungsber. Preuss. Akad. XXVIII. 1928, S. 495 შმდ.).

ლით მსხვირპლის შეწირვის უფლება ჰქონდათ აგრეთვე მეფეებსა და მალალი თანამდებობის პირთ, ისე როგორც მამასახლისებს თვისი და თავისი გვარის სახელით.

როგორც ჰომეროსის ეპოსიდან ნათლად ჩანს, ამ დროის ბერძენს გარკვევით სწამს, რომ მისი ღმერთების მალლა დგას ბედისწერა (*Μοῖρα, Λίξα*). რას წარმოადგენს მოირა? ადამიანის მოქმედება უბრალო რგოლია შემთხვევათა იმ ჯაჭვზე, რომელიც მხოლოდ მოირას ნებისყოფით იშლება და იკეცება. ადამიანის სულის ყოველგვარი იმანენტური ხასიათის გადაწყვეტილებაც კი ბედისწერას უნდა ემორჩილებოდეს და მის განგებას ეთანხმებოდეს. შეუძლებელია შესრულდეს ის, რაც ამ წესს ეწინააღმდეგება. მოირაა ღმერთებზედაც კი გაბატონებულია; მისი სურვილი და ბრძანება მათთვისაც სავალდებულოა. ამ წესსავესებით ემორჩილება თვით ღმერთების მამამთავარი ძევისი. დროთა ვითარებაში ამ მხრით მყარდება ერთგვარი კომპრომისი: ღმერთები ხდებიან მოირას განაჩენის ერთგული დამცველი და აღმასრულებელი. ძევისი თვით იცავს მოირას კანონს, მსოფლიო წესრიგს; იგი მისი უმაღლესი მიმდევარია; იგი არავის მისცემს ნებას ბედისწერის განაჩენის დარღვევისას. მაგრამ მოირას ნებისყოფის შესრულებაში ღმერთები სავსებით ხელმეკრული არ არიან, მათ ძალუძთ დააჩქარონ თუ შეასუსტონ მოქმედების ტემპი, მაგრამ ბედისწერის განაჩენის საბოლოოდ შეჩერება კი არ შეუძლიათ. ტროიას ომის პროცესში არის ერთი მომენტი, როდესაც შესაძლებლად მოჩანს მისი შერიგებით დამთავრება: მენელაოსისა და პარისის პაექრობა. თუ იგი ბუნებრივად დამთავრდა, მოკვდება რომელიმე გმირი, ომი შეწყდება და ტროიაც უვნებელი გადაჩრება. მაგრამ მისი დალუპვა ბედისწერის მიერ უკვე გადაწყვეტილია, ამიტომ ძევისი ბრძოლის ველზე გზავნის ათინას, რათა მან ტროიელები შეაცდინოს, ფიცი დაარღვევინოს და ამით ომის გაგრძელება გამოიწვიოს. საერთოდ ღმერთები თავისუფლად კითხულობენ ყოველივეს ბედისწერის წიგნში და მისი განგების თანახმად მიმართავენ მოვლენებისა და მოქმედების გზასა და ტემპს, რომ ამით სრული წესრიგი დაიცვან ადამიანთა შორის და ბუნებაში. ასეთი იყო ბერძნული საშუალო საუკუნეების შეხედულება მოირაზე, რომელიც თანდათან განიცდიდა შერბილებას და ევოლუციას. ამასთან დაკავშირებით ძველ ბერძენებს სწამდათ ისეთი ადამიანების არსებობა, რომელთაც ღმერთებისაგან ჰქონდათ მინიჭებული ნიჭი მომავლის შეცნობისა. ესენი იყვნენ მისნები (*μύσται*). უკვე ჰომეროსის ეპოქაში იყო ცნობილი რამოდენიმე მეთოდი სხვადასხვა ნიშნის, განსაკუთრებით ფრინველთა გაფრენის, მიხედვით ღმერთების ნება-სურვილის გამოცნობისა. რაც შეეხება შიგნეულობის მიხედვით „წინასწარმეტყველებას“, რომლის სამშობლოდ ძველი ბაბილონი უნდა ჩაითვალოს და რომელიც საბერძნეთში მცირე აზიიდან უნდა გავრცელებულიყო, ჰომეროსის დროისთვის ჯერ კიდევ უცნობი იყო. ხოლო რწმენა განსაზღვრული ღმერთებისა და ადგილების განსაკუთრებული მნიშვნელობისა მისნობის თვალსაზრისით ჰომეროსის ეპოქაშიც თვალსაჩინოა, ასე, მაგ., ამ დროს სახელგანთქმული იყო დოდონას მისანი, სადაც ძევისი თვის ნებისყოფას მუხის ფოთლების შრიალში აამჟარავებდა; აპოლონის მისანი დელფოში კი მხოლოდ VII საუკუნეში აღწევს განსაკუთრებულ მნიშვნელობას და სარწმუნოებრივ პატივისცემას.

თუ მიკენის ეპოქაში მიცვალებულთა კულტის ფრიად დიდი როლი ჰქონდა მიკუთვნილი, ახლა იგი უფრო ნაკლებ ყურადღებას იპყრობს. ამ ხანაში განსაკუთრებით მტკიცდება ის მოსაზრება, რომ სიცოცხლეს და ამქვეყნიურ არსებობას აქვს მრავალი სიტკბოება და ბედნიერების წუთი, რაიმლითაც ყველა ადამიანმა სავსებით უნდა ისარგებლოს, რაც უფრო ძველ იონელთა ცხოვრებას ახასიათებს. შეიქლება ამასთან დაკავშირებით მოხდა ერთის მხრით გარკვეული ცვლილება იმქვეყნიურ არსებობაზე შეხედულებაში, მეორის მხრით კი ეს, რომ იონიაში ძველი დროიდან შეთვისებული დამარხვის წესის მაგიერ შემოღებულ იქნა გვაშების დაწვის ჩვეულება. დამარხვის წესი შენარჩუნებულ იქნა საკუთრივ საბერძნეთში და აქ ადგილიც ჰქონდა მიცვალებულთა საფლავზე მსხვერპლის შეწირვას.

თავისებური რაინდობის აყვავების ხანაში, რომელსაც ბერძნული საშუალო საუკუნეები წარმოადგენდა, დიდი როლი ჰქონდა მიკუთვნილი ტანთვარჯიშულ შეჯიბრებებსა და სხვადასხვა სახის ბრძოლას. სხეულის გაწრთენა და თავისუფალ მამაკაცთა შეჯიბრება არის ისეთი კულტურული ელემენტი, რომელიც ბერძნებს აგრეთვე განასხვავებს ძველადმოსავლური ხალხებისაგან (ეილკენი, 52-53). მართალია, სხეულის ვარჯიშობათა სურათები გვხვდება კრეტას მეორე ათასეული წლების ძეგლებზე; აგრეთვე ეგვიპტეშიც ცნობილი უნდა ყოფილიყო ახალგაზრდობის ტანთვარჯიშობა; მაგრამ აღმოსავლეთისათვის სრულიად უცნობი იყო ის მიზანი და ამოცანა, რომელსაც ბერძნები სხეულის ვარჯიშობას აკისრებდნენ და აგრეთვე ის განსაკუთრებული პატივისცემა, რომლითაც შეჯიბრებებში გამარჯვებულები სარგებლობდნენ. ილიადაში შეჯიბრებები გვხვდება მხოლოდ მიცვალებულთა დამარხვის დროს. ამ ნიადაგზე შემდეგში ვითარდება განთქმული აგონისტიკა, რომელიც ღმერთების პატივისცემასთან იყო დაკავშირებული და მალე მიაღწია ბრწყინვალე განვითარებას. უგი უეჭველად განსაკუთრებულ ელფერს ანიჭებდა ბერძნების საზოგადოებრივ-კულტურულ ცხოვრებას.

აგონისტიკამ თავისი განვითარების უმაღლეს წერტილს მაშინ მიაღწია, როდესაც ოთხი აგონისტიკური დღესასწაული საერთო-ბერძნულ დღეობებად გახდა, სახელდობრ: დღესასწაულები ძველის საპატივცემოდ ოლიმპიაში და ნემეაში (არგოლიდაში), შემდეგ პითიელი აპოლონის საპატივცემოდ დელფოში და ისთმის დღეობები (კორინთოს ყელზე) პოსიდონის სახელზე. ოლიმპიისა და პითიის დღესასწაულები იყო „პენტეტერიული“ ე. ი. სრულდებოდა ყოველი ოთხი წლის შემდეგ, ხოლო ნემეას და ისთმის დღესასწაულები კი „ტრიეტერიული“, ე. ი. მეორდებოდა მესამე წელს. ამ დღესასწაულების საერთო დღეობებად გადაქცევა არა ერთბაშად, არამედ თანდათანობით და სხვადასხვა დროს მოხდა. ამ დღეობებს უეჭველად დიდი მნიშვნელობა ჰქონდა ბერძენი ტომების ეროვნული შემეცნების განვითარების საქმეში.

ასეთი იყო საერთო ხაზებში ევრეთწოდებული ბერძნული საშუალო საუკუნეების სოციალურ-კულტურული ვითარება. მათ ცვლის თავისებური გარდამავალი ხანა, რომელიც ახალ სამეურნეო პირობებში ახალ სოციალურ და პოლიტიკურ ურთიერთობას აწესებს, მაგრამ მასზე ლაპარაკი ამ წიგნის მეორე ნაწილში გვექნება.



## მეჩინეული კორექტურული შეტყობების გასწორება

გვ. და სტრ.	დაბეჭდილია	უნდა იყოს
1, 4 ქვ.	მსგზავსი	მსგავსი
2, 17 ქვ.	შეძლოთ	შეეძლოთ
3, 3	სახელით ვიცნობთ	სახელით ვიცნობთ
11, შენ. 2	Geschichte	Geschichte
12, 9	მცირეაზის	მცირე აზიის
33, 16	საბოლოდ	საბოლოოდ
34, 5 ქვ.	საუწმუნოებრივი	სარწმუნოებრივი
43, 1 ქვ.	თამბაი	თამამი
44, 18 ქვ.	თავდამსხმელთა	თავდამსხმელთა
48, 16	შემქნილი	შექმნილი
61, 17	მნიშვნელობა	მნიშვნელობა
62, 15	წარამოადგენს	წარმოადგენს
63, 15	იყენენ	იყენენ
64, შენ.	ეგებებს	ეგებებს
69, 21	სარდინიაში	სარდინიაში
70, 17	ჩაითვალოს	ჩაითვალოს
76, 20 ქვ.	დაარსებისა	დაარსებისა
78, 3	ეკრთვოდებული	ეკრთვოდებული
79, 7 ქვ.	აღმოეჩინა	აღმოჩენილ